

APPARATUS
ERUDITIONIS

PRÆSERTIM

AD



JURISPRUDENTIAM,



In quo

Præter Juris Universalis Principia

**JUS NATURÆ, GENTIUM, DIVINUM,
APOSTOLICUM, & PONTIFICIUM, JUS SYNODALE
OECUMENICUM, NATIONALE AC PROVINCIALE,**

Unacum

Provinciarum ac Regnorum Ecclesiastico & Politico Statu,
Disciplina Ecclesiæ, Hæresibus exortis &c. continua sæculorum serie
ad præsens usque tempus deductum, insertisque pro re nata multis
observationibus criticis, ac controversiis juridicis,

Publicis, ac Polemicis,

METHODO HISTORICO-DOGMATICA

colliguntur, & brevi ac clara idea delineantur,

In utilitatem eruditionis amantium, quibus vasta Conciliorum, Decretorum,
Historiarum &c. volumina perlegendi aut occasio aut tempus deficit,

AUTHORE

P. JOSEPHO BINER, S.J.

PARS IX,

Complectens

**STATUM REGNORUM ET RERUM PUBLICARUM
SÆCULI XVII.**

CUM APPROBATIONE.



Augusta Vindelicorum & Friburgi Brisgoje

Sumptibus Fratrum Ignatii, & Antonii Wagner, Bibliop. MDCCLXIV.





FACULTAS R. P. PRÆPOSITI PROVINCIALIS.

Cum librum, cui titulus: *Apparatus Eruditionis &c. Pars* IX, X, & XI, a P. Josepho Biner, Societatis JESU sacerdote, idiomate latino conscriptum, Patres ad id deputati recognoverint, probaverintque, ego Ignatius Rhomberg, ejusdem Societatis per Germaniam Superiorem Præpositus Provincialis, potestate ad hoc mihi facta ab A. R. P. N. Laurentio Ricci, universæ Societatis JESU Præposito Generali, Authori ejusdem facultatem impertio, eum typis vulgandi per D. Ignatium Wagner, Bibliopolam Augustanum ita cupientem. In cujus rei fidem has ei manu propria subscriptas, & consueto officii mei sigillo munitas dedi. Eustadii 22 Februarii 1764.

(L.S.)

Ignatius Rhomberg.



PRÆFATIO.

Tanta est rerum sæculo XVII per Europam gestarum ubertas atque varietas, ut earum relationem in duas partes dividere necesse sit. Et ea quidem, quæ ad Historiam Germaniæ ac Galliæ pertinent, Parte VIII pertractavimus: reliqua vero, quæ Italianam, Hispaniam, Lusitaniam, Belgium, Helvetiam, Angliam, ac Regna septentrionalia concernunt, hac parte obiter delibabimus.

Occurrent Revolutiones Regnorum, bella gravissima, Heroum victorias, Pacificationes Monasterienses, Pyreneæ, Aquisgranenses, Risvicensis, Olivenenses, Carolovicenses; magna fœdera, Tractatus commerciales, controversiæ. Obversabuntur oculis, Hispaniæ partitiones, Lusitanicæ mutationes, Londinenses secures, Regalibus cervicibus cruentæ, Cromwellianum novum systema, Regum exilia; coronæ translatio in Angliam, Polonia, Suecia, Russia, ex Turcarum unguibus vindicata Hungaria aliæque mutationes notabiles.

Statum Ecclesiasticum quod spectat, quoniam Concilium Generale nullum sæculo XVII fuit celebratum, Provincialia autem rarissima, Pontifices vero Moralem præsertim doctrinam, a quibusdam corruptam, in rectam semitam reducturi, propositiones varias, tum justo laxiores, tum in alterum rigoris extremum excurrentes, recto iudicio condemnare cœperunt, quas in tractatione rerum Italicarum cum observationibus Theologicis subijcio, ac demum in fine hujus partis Concilia Orientalia, contra Calvinistarum errores ac falsa asserta subnecto.

CAPUT



CAPUT I

ITALICA

SÆCULO XVII.

De rebus Italicis equidem crebro in hoc apparatu memoravimus, pluraque ex instituto Parte X & XI dicemus, ubi statum ejus Ecclesiasticum & Policum recensebimus. Nunc autem aliqua, quæ Sæculo XVII sunt propria, delibabimus. Incipiamus ab Ecclesiasticis, & doctrina morum, a quibusdam scriptoribus nimium laxata, aut nimium constricta, a summis autem Pontificibus ab utroque extremo, & laxitatis & rigoris, ad veritatis normam revocata.

ARTICULUS I.

*Disciplina Morum per Pontifices ab erroribus
vindicata*

SÆCULO XVII.

§. I.

*Propositiones 45 ab Alexandro VII damnatæ
anno 1665 & 1667.*

Alexander VII anno 1665 constitutionem edidit, qua 28 Propositiones, nimium laxas damnavit atque prohibuit, postquam non sine magno animi sui mœrore audivit, complures opiniones disciplinæ Christianæ relaxativas, & animarum perniciem inferentes, partim antiquas iterum suscitari, partim noviter prodire, & summam illam luxuriantium ingeniorum licentiam in dies magis excrefcere, per quam in rebus, ad conscientiam pertinentibus modus opinandi irrepsit alienus ab Evangelica simplicitate, sanctorumque Patrum Doctrina, & quem si pro recta regula fideles in praxi sequerentur, ingens eruptura esset Christianæ vitæ corruptela. Sunt autem propositiones ab eo damnatæ sequentes.

Propositio I.

Homo nullo unquam vitæ suæ tempore tenetur elicere actum fidei, spei, & charitatis ex vi præceptorum Divinorum, ad eas virtutes pertinentium.

De
virtut.
Theol.

Observatio. Propositio in terminis absurda, falsa, & scandalosa! est contra legem naturalem & Divinam. Quid enim evidentius, ac obligari nos ad colendum DEUM: per quid autem magis colitur, quam per virtutes istas theologicas, quæ nos cum DEO, auctore nostro, conjungunt, & ad finem, nobis præfixum, nos conducunt? & quot Divina effata hanc obligationem nobis iaculant? *Accedentem ad DEUM oportet credere.* Sine fide impossibile

bile est placere DEO. *Diliges Dominum DEUM tuum ex toto corde tuo &c. qui non diligit, manet in morte. Spera in DEO. Spe salvi facti sumus &c.* Et ad quid habitus harum virtutum, in baptismo nobis infusi? an otiosi relinquendi? an tantus thesaurus in sudario abscondendus? ad quid gratiæ actuales? an non sæpe necessariæ hæ virtutes ad vincendas tentationes? an ad SS. Sacramenta ascendendum sine fide, sine spe, sine charitate?

Prop. 2.

Vir equestris, ad duellum provocatus, potest illud acceptare, ne timiditatis notam apud alios incurvat.

Observ. Duellum est privata duorum pugna, ex condicō, Duellum. omni jure prohibita, sive offeratur, sive acceptetur; quia homo non est dominus suæ vitæ, ut de ea possit disponere. Aliud foret, si quis ad defendendam vitam suam, aut bona fortunæ maximi momenti, cum moderamine inculpatae tutelæ, injustum aggressorem, hominem privatum occideret: aut si auctoritate publica id fieret ex causa gravissima ac publica, e. g. ad finiendum bellum, prout David cum Goliath, & S. Wenceslaus cum Duce Curimensi fuit congressus; nam tunc habet rationem necessariæ defensionis, non autem duelli, proprie dicti, quod est privata duorum pugna, sponte & ex condicō suscepta, ac proin jure naturali, Divino, & humano gravissime prohibita.

Prop. 3.

Sententia asserens, Bullam Cœna solum prohibere absolutionem hæresis & aliorum criminum, quando publica sunt, & id non de- Absolutio ab hæres. rogare facultati Tridentini, in qua de occultis criminibus sermo est, anno 1619 die 18 Julii in consistorio S. Congregationis Emin. Cardinalium visa & tolerata est.

Observ. Trid. Episcopis tribuit potestatem absolvendi subditos suos in sua Diocesi, per se ipsos, aut per Vicarium, ad id specialiter deputandum in foro conscientiæ, ab omnibus casibus occultis, etiam sedi Apost. reservatis: ab hæresi etiam occulta, per se ipsos tamen, non per Vicarium; in Bulla autem Cœnæ prohibetur, ne quis absolvat a casibus in ea contentis, nisi in mortis articulo.

Putarunt aliqui, per Bullam Cœnæ non esse derogatum Episcoporum facultati, eo quod Tridentini in ea non fiat expressa mentio; & aliquis, vel aliqui, ut hanc opinionem firmarent, asseruerunt, opinionem, quæ dicit, quod Bulla Cœnæ tantum prohibeat Episcopis absolutionem ab hæresi & aliis criminibus publicis, non autem ab occultis, adeoque Tridentino nihil derogari, a S. Congregatione visam & toleratam esse.

Negat, hoc factum a S. Congregatione Pontifex, ne per assertum opinioni illi auctoritas addatur: quæstionem autem Juris de potestate absolvendi ab occulta hæresi, Episcopis a Trid. concessa, videtur in medio relinquere. Quæ sit praxis circa hoc in Germania notum est. Episcopi vel utuntur facultate, sibi a Trid. concessa, vel privilegio, Ultramontanis singulis quinquenniis innovari solito.

Prop. 4.

Abfol.
Regul. *Pralati Regulares possunt in foro conscientie absolvere quoscunque saculares ab hæresi occulta, & ab excommunicatione, propter ipsam incurfa.*

Observ. Regulares olim, cum deficeret Clerus sæcularis, propter merita sua in Ecclesiam magna acceperunt privilegia, quæ postea a Pontificibus vel sunt revocata (præsertim ea, quæ vivæ vocis oraculo fuerunt concessa) vel limitata.

Prop. 5.

Quamvis evidenter tibi constet, Petrum esse hæreticum, non teneris denuntiare, si probare non possis.

Denuntiatio.

Observ. Ratio damnandi hanc propositionem est, quia hæresis est malum maximum contra bonum publicum, quod facile inficiat alios: unde si constet tibi, teneris denuntiare, licet probare non possis, ut accedentibus indiciis inquisitio institui possit. Nec obstat, quod talis diffametur; nam bonum publicum privato præferri debet. Correctio vero fraterna privata non est tunc necessaria, nisi certum sit, delinquentem emendatum iri. Exemplum habemus in obligatione denunciandi confessarium sollicitantem.

Prop.

Prop. 6.

Confessarius, qui in Sacramentali confessione tribuit pœnitenti char- *Sollicitatio.*
tum, postea legendam, in qua ad venerem incitat, non censetur
sollicitasse in confessione, ac proinde non est denunciandus.

Observ. Ratio damnandi est, quia per traditionem talis vene-
reæ chartæ gravissima irrogatur irreverentia & injuria Sacra-
mento pœnitentiæ, & forte plus scandali parit personæ sollicitatæ,
quam si in ipso tribunali sacro, ubi erat contrita, fuisset sollicitata,
quamvis etiam in ipso confessionali sollicitatio facta censi possit,
ubi scheda sollicitans est tradita.

Prop. 7.

Modus evadendi obligationem denuncianda sollicitationis est, si sol- *Idem.*
licitatus consenteatur cum sollicitante; hic potest ipsum absolvere
absque onere denunciandi.

Observ. Hoc esset aperire portam gravissimo huic sceleri :
ut sapius sollicitare possit pœnitens : (si tamen pœnitens) & in
fraudem præcepti, de sollicitante denunciando, licentius in rui-
nam consentientis agi posset. Varii alii excogitati sunt modi, ab
onere hoc denuntiationis se liberandi, sed non sunt convenientes.
Habemus in Jure Cæsareo Aphorismum : *lex dura quidem est : sed*
tamen lex.

Prop. 8.

Duplicatum stipendium potest Sacerdos pro eadem Missa licite acci- *Duplex*
Stipendium.
pere, applicando petenti partem etiam specialissimam fructus,
ipsimet celebranti correspondentem, idque post Decretum Urba-
ni VIII.

Observ. Merito prohibita est Ecclesiastica hæc nundinatio &
usura. Cur non dicis, quod triplex stipendium pro una Missa pe-
ti possit, præter fructum *specialem*, qui obvenit illi, pro quo
sacrificium offertur, & specialissimum, sacrificanti proprium, ap-
plicando etiam *generalem*, omnibus Christi fidelibus vivis atque
defunctis, assistentibus præsertim pro rata suæ devotionis & dispo-
sitionis communem ? cur non dicis, quinque vel sex integra sti-
pendia aut sustentationes pro una Missa accipi posse a diversis per-
sonis

lonis, uni applicando fructum generalem, alteri specialem, tertie specialissimum, quartæ meritorium, quintæ satisfactorium, sextæ impetratorium, cum sacrificium in se ipso, & in actu primo infinitæ sit efficaciz & valoris?

Abſint tales abusus. Stipendium datur ſacrificanti pro ſuſtentione diurna. Pro uno die peti non poteſt duplex ſuſtentatio diurna. Qui laborat una tantum die, non poteſt duplicatam mercedem poſcere. Intentio præbentis ſtipendium eſt, ut ſibi applicetur, quiddid applicari poteſt: fructus generalis omnibus fidelibus, ſpecialis ſacrificanti eſt proprius: alteri quæ applicari vel non poteſt, vel ſaltem hoc dubium eſt, prout etiam dubium eſt, an fructus ſpecialiſſimus æquivalet ſpeciali, vel tantum mediæ, vel tertie, ut quidam volunt, illius parti. Non poteſt autem ſtipendium certum exigi pro fructu incerto.

Prop. 9.

*Mimus
Scip.*

Post Decretum Urbani poteſt ſacerdos, cui Miſſa celebranda traduntur, per alium ſatisfacere, collato illi minori ſtipendio, alia parte ſtipendii ſibi reſervata.

Obſerv. Sordidam ejusmodi negotiationem & avarum quæſum circa SS. Miſſæ ſacrificium merito reprobat Papa. Et quo titulo ſibi reſervaret partem ſtipendii? non donationis, ut ſupponitur, non operæ, quia nihil præſtitit, non mercedis, quia nihil meruit. Sed quicquid ſit, an ejusmodi lucrum jure naturali ſit injuſtum, de quo aliqui dubitant, certum tamen eſt, illicitum illud eſſe jure Eccleſiaſtico, ex prohibitione Urbani VIII & Alexandri VII hanc propoſitionem damnantis. Non eſt autem penes ſubditum, an velit legem acceptare; ſed obediendum eſt.

Prop. 10.

*Unum pro
pluribus.*

Non eſt contra juſtitiam, pro pluribus ſacrificiis ſtipendium accipere, & ſacrificium unum offerre. neque etiam eſt contra fidelitatem, etiamſi promittam, promiſſione etiam juramento ſignata danti ſtipendium, quod pro nullo alio offeram.

Obſerv. Urbanus VIII dicit, talem peccare graviter, & teneri ad reſtitutionem. Ergo peccat contra juſtitiam. Dein propoſitio iſta eſt generalis, includens etiam eum, qui pro ſingulis Miſ-

66

As plenum & adequatum stipendium accipit, & unam tantum offert. Hoc autem plane est injustissimum, & in detrimentum asferentis plura stipendia. Neque obstat, quod dicunt, sacrificium Missæ esse valoris & efficaciz infinitæ, unumque tantum valere, quantum plura; nam hoc probaret, unam tantum toto orbe Missam esse celebrandam. Verum licet ipse principalis offerens, Christus JEsus, ejusque merita infiniti sint valoris, participatio tamen nostra, & applicatio nobis facta, non est infinita, plusque per plures oblationes participamus, quam per unam.

Prop. II.

Peccata in confessione omissa, seu oblita ob instans periculum vite, Confessio aut ob aliam causam, non tenemur in sequenti confessione expromere. peccati omitti.

Observ. Assertio est contra unanimem Theologorum sententiam, persuasionem & praxin fidelium, imo contra institutionem Christi, qui exigit confessionem non tantum formaliter, sed quantum fieri potest, etiam materialiter integram, ita, ut omnia, etiam directe, subjiciantur clavibus; quapropter, licet quis ab iis peccatis, quæ post diligentem discussionem conscientiz memoriz non occurrunt, aut quæ ob justam causam omisit, indirecte sit absolutus, si tamen postea in memoriam redeunt, tenetur adhuc ea explicite confiteri; imo etiam ea, quæ prius ut dubia confessus fuit, si postea ut certa agnoverit. Neque obstat Trid. dum ait, confessionem non esse carnificinam, cum nihil aliud a poenitentibus exigatur, quam ut post diligens examen omnia confiteantur peccata, quæ memoriz occurrant, reliqua vero eadem confessione inclusa esse intelligi; nam intelliguntur inclusa in ordine ad absolutionem indirectam, non autem directam; nemoque aliud exigit, quam ut ea, quæ memoriz occurrunt, exponantur. Atqui, si postea in memoriam redeant, utique memoriz occurrunt.

Neque obstat 2, quod generaliter absolutus ab omnibus censuris non indigeat amplius absolutione, etiam si absolvens non omnes censuras cognoverit; nam absolutio a peccatis exigit discussionem & cognitionem causæ, ut congrua pœna & medicina adhiberi possit; non autem per se exigit talem absolutionem a censuris, cum possit, etiam conferri sine confessione. Certe, si remissio peccatorum

eatorum semper sufficeret, nemo teneretur confiteri, qui perfecta contritione ea delevit.

Prop. 12.

Casus
reservati
Episcopo.

Mendicantes possunt absolvere a casibus Episcopo reservatis, non obtemperando ad id Episcoporum facultate.

Observ. Mendicantes olim varia a summis Pontificibus obtinuerant privilegia, absolvendi ab omnibus casibus reservatis Papæ & Episcopis, exceptis iis, qui sunt in Bulla Cœnæ, & 6 aliis, a Clem. VIII specialiter reservatis, videlicet, violatione immunitatis Eccles. aut clausuræ Monialium, duello, percussione Clerici, simonia reali, & confidentiali. Urb. VIII prohibuit, ne Regulares a casibus, Episcopo reservatis, absolvant.

Varie inde ortæ disputationes, alii dicebant, ejusmodi constitutiones tantum Romæ fuisse promulgatas, aut communitatibus, Regularibus non intimatas debito modo: alii, eas non esse debite munitas clausulis derogatorias: alii alia effugia quærebant, donec Alex. VII præfixam propositionem damnavit. Possunt tamen Mendicantes probabiliter adhuc absolvere e casibus occultis reservatis Papæ, exceptis semper casibus Bullæ Cœnæ: imo etiam a reservatis Episcopo, qui non existant in tabella seu catalogo reservatorum ab Episcopo. Videatur Viva in hanc propositionem.

Prop. 13.

De Confessario
non appro-
bato.

Satisfacit præcepto annuæ confessionis, qui confitetur Regulari, Episcopo præsentato, sed ab eo injuste reprobato.

Observ. Ratio est, quia Trid. præter jurisdictionem, ordinariam vel delegatam, requirit in sacerdote approbationem, ab Episcopo factam ad audiendas confessiones, tanquam requisitum essentiale; ubi ergo hæc deest, invalida est absolutio, sive iuste sive injuste ab Episcopo negetur.

Injuste autem approbatio Regulari negatur, si sit idoneus; quia a Pontificibus Mendicantes acceperunt jurisdictionem universalem, velut quidam parochi delegati, consequenter jus habent ad approbationem. Si tamen Episcopus eam neget, absolutio, quam impertit sæcularibus, etiam sacerdotibus, omnino irrita;

irritā;

rita; per confessionem autem invalidam non satisfit præcepto confessionis annuæ.

Neque verum est, quod approbatio, injuste negata, haberi possit pro concessa. Sic, licet Episcopus Petro injuste neget Beneficium parochiale, non tamen potest se gerere pro parochio. Matrimonium invalidum est sine præsentia parochi, licet hic injuste illam neget. Licet etiam Ecclesia suppleat aliquando defectum jurisdictionis, ut, cum sacerdos absolvit cum jurisdictione vere probabili, aut in casu erroris communis; non tamen supplet, cum ab Episcopo negatur approbatio; alias quilibet posset, judex in propria causa, se censere idoneum, & approbationem sibi injuste negari, & cur non etiam sacerdotes secularis posset ita judicare?

Prop. 14.

Qui facit confessionem voluntarie nullam, satisfact præcepto Ecclesiæ.

Observ. Ratio damnandi est, quia Ecclesia præcipit Sacramentum poenitentiae ad remissionem peccatorum. qui autem facit ^{Confessio} confessionem voluntarie nullam, hoc præceptum nullatenus impleat, sed abutitur confessione ad multiplicanda peccata. Per hoc tamen non nego, satisfactorium, qui susciperet Sacramentum validum sed informe, e. g. si de peccato furti doletet ex motivo particulari, non autem de delectatione morosa, cujus tunc non recordatur.

Quidam hanc propositionem docuerunt ex ea persuasionem, quod Ecclesia non præcipiat actum internum. Si ergo quis omittat actum internum doloris de peccatis, talem facere quidem confessionem voluntarie nullam, nihil tamen omittet, quod sub præceptum Ecclesiæ cadat. Verum probabilius Ecclesia directe etiam actus merè internos potest præcipere ac prohibere; dein certum est, quod saltem indirecte id possit, præcipiendo directe actum externum, & sic etiam indirecte internum, sine quo externus rite fieri non posset. non posset autem rite fieri peccatorum confessio externa, sine dolore & proposito interno.

Prop. 15.

Pœnitens propria auctoritate potest sibi substituere alium, qui loco ipsius poenitentiam impleat.

Observ. Cur non dicis, quod etiam per alium possit confiteri, contritionem elicere, Missam audire, jejunare, recitare ^{Pœnitentia a quo implenda.}

Part IX.

B

Bre-

Breviarium? sicut igitur hic exigitur actio personalis, sic etiam in præstanda satisfactione. Igitur regula illa: *potest quis per alium, quod facere potest per se ipsum*; hic non procedit, ubi requiritur personale obsequium. Et ratio ulterior est, quia satisfactio imponitur a Confessario in vindictam scelerum, & poenam medicinalem præservativam, ut rigor saltem poenitentiae a peccatis absterreat, unde poenitens neque potest hanc satisfactionem in opus melius commutare. Neque paritas est cum voto; nam per illud vovens sibi ipsi obligationem imponit.

Prop. 16.

De non approbato. *Qui Beneficium curatum habent, possunt sibi eligere in confessarium simplicem sacerdotem, non approbatum ab ordinario.*

Observ. Ergo vera est contradictoria: *non possunt*. Jam Trid. S. 23. c. 15. exegit in confessario, etiam sæcularium sacerdotem, vel Beneficium parochiale, vel specialem approbationem Episcopi, hoc est, iudicium de idoneitate.

Prop. 17.

De homicidio. *Est licitum Religioso & Clerico, calumniatorem, gravia crimina de se, vel de sua religione spargere minitantem, occidere, quando alius modus defendendi non suppetit; uti suppetere non videtur, si calumniator sit paratus, vel ipsi Religioso, vel ejus Religioni, publice & coram gravissimis viris prædicta impingere, nisi occidatur.*

Prop. 18.

Licet interficere falsum accusatorem, falsos testes, ac etiam iudicem, a quo iniqua certo imminet sententia, si alia via non potest innocens damnum vitare.

Observ. Scandalosa doctrina, in utraque hac propositione contenta, si vigeret, mundum impleret homicidiis, cum magna Reipublicæ perturbatione. Ut possit invasor interfici, duo requiruntur. 1 quod evidenter gravissimum damnum inferat. 2 quod certo & evidenter non possit damnum illud alia via impediri. Quæ duæ conditiones raro concurrunt. Propositiones autem istæ duæ sunt nimis generales, quia limitationes istas non apponunt. Neque etiam excipiunt Principem, cujus vita sacrosancta haberi debet.

Prop.

Prop. 19.

Non peccat maritus occidendo propria auctoritate uxorem, in adulterio deprehensam.

Observ. Thesis est scandalosa; quia non licet homini privato interficere hominem & mittere ad infernum, qui neque vitam, neque bona fortunæ invadit. Dicitur equidem in Jure civili, ad leg. Juliam de adult. *Patri datur jus occidendi adulterum cum filia, quam in potestate habet.* Sed hoc intelligendum est de foro externo, quod leges civiles non puniant eam occisionem, non autem, quod eam positive licitam faciant. Et, si facerent, Jus civile in hac parte a Canonico esset correctum. Non vindicta privata, sed per judicia publica plectenda sunt scelera.

Prop. 20.

Restitutio, a Pio V imposta Beneficiatis, non recitantibus, non debetur in conscientia, ante sententiam declaratoriam judicis, eo quod sit pœna. Restitutio.

Observ. Ratio proscribendi hanc thesin est; quia juxta Concilium Lateran. V sub Leone X, & Constit. Pii V Beneficiatus, non recitans horas Canonicas, *fructus non facit suos*; sed debent restitui fabricæ Ecclesiæ, vel pauperibus. Ergo hoc fieri debet ante omnem sententiam: quia res aliena, quæ nullo jure detinetur, restitui debet ipso jure naturali absque ulla interpellatione.

Pœna equidem, quæ requirit actionem positivam hominis, ordinarie non incurritur ante omnem sententiam judicis; aliud tamen est circa restitutionem rei alienæ, quæ injuste detinetur; nam Ecclesia Beneficiato non confert fructus, nisi sub conditione recitationis, quæ conditio, si non impleatur, nullum jus ad eos acquirit. Et sane, nisi daretur obligatio restituendi ante sententiam, Constitutio Lateranensis & Piana vix unquam obtinerent finem; quia vix est, qui clericum accuset de omiſſa recitatione Breviarii, aut probare possit, non fuisse privatim recitatum. Cæterum, si Beneficiatus vere esset pauper, non viderem, cur fructus non posset sibi tribuere tanquam elemosynam; non enim deterius est conditionis, ac aliis pauperes.

Prop. 21.

Habens capellaniam collativam, aut quodvis aliud Beneficium Ecclesiasticum, si studio litterarum vacet, satisfacit sua obligationi, si officium per alium recitet. Recitatio officii.

Obſerv. Dubitabatur olim, an Præſtimonia, quæ juvenibus conferuntur ad peragenda ſtudia, ſint Beneficia Eccleſiaſtica, quibus annexa ſit obligatio recitandi Horas, an vero meræ penſiones, quibus impoſitum ſit onus recitandi officium B. V. Pius V dubium ſuſtulit, deciditque, quod ſint Beneficia cum onere recitandi Horas, ac proin hoc onus eſſe *perſonale*, quod quilibet per ſe ipſum portare debeat; ſicut per ſe ipſum Miſſam audire, & jejunare debet.

Prop. 22.

Simoniam. *Non eſt contra juſtitiam, Beneficia Eccleſiaſtica non conferre gratis; quia collator conferens illa, pecunia interveniente, non exigit illam pro collatione Beneficii, ſed veluti pro emolumento temporali, quod tibi conferre non tenebatur.*

Obſerv. Ratio damnandi eſt, quia collator vi proprii muneris & ex voluntate fundatoris & Eccleſiæ, tenetur ex juſtitia diſtributiva Beneficia Eccleſiaſtica dignioribus gratis conferre, contrahitque labem ſimonix, ſi exigit pecuniam, etiam ſub prætextu emolumenti temporalis; nam hoc eſt annexum Beneficio, ſeu juri percipiendi fructus temporales, ut enim loquitur Pontifex, qui vendit id, ſine quo alterum non provenit, neutrum invenditum reſiſquit. atqui emolumentum temporale non provenit, niſi ex Officio & Beneficio Eccleſiaſtico, ſeu ex jure ſpirituale ad fructus: ergo nec Beneficium & Officium ſpirituale invenditum relinquit.

Prop. 23.

Jejunium. *Frangens jejunium Eccleſiaſticum, ad quod tenetur, non peccat mortaliter, niſi ex contemptu vel inobedientia hoc faciat, puta quia non vult ſubjicere ſe præcepto.*

Obſerv. Ex hoc ſequeretur, quod nunquam peccetur graviter, violando præcepta (ſaltem Eccleſiaſtica) niſi id fiat ex contemptu legis aut legiſlatoris. Certum autem eſt, quod graviter peccetur, ponendo objectum aut actum, graviter prohibitum, aut omitendo graviter præceptum, licet id fiat citra formalem contemptum legis. Cum igitur jejunium ſit graviter præceptum, prout declarat conſuetudo, perſuaſio fidelium, & perpetua Eccleſiæ traditio, non jejunando graviter peccatur, licet non accedat formalis contemptus legis: *formalis*, inquam; nam omnis deliberata transgreſſio legis videtur virtuaſem quendam ejusdem contemptum continere.

Prop.

Prop. 24.

Mollities, sodomia, bestialitas, sunt peccata ejusdem speciei infima, ideoque sufficit dicere, se procurasse pollutionem. Peccata contra naturam

Observ. Absurdam hanc propositionem docuit Caramuel contra communem Theologorum, falso interpretans id, quod docuit S. Thomas 2 2 q. 104 a. 1, videlicet, sex esse species luxuriae consummatae, fornicationem, adulterium, incestum, stuprum, raptum, & peccatum contra naturam. Verum S. Doctor per peccatum contra naturam non assignavit speciem infimam sed subalternam.

Sicut virtutes specificantur ab objecto formali seu motivo eas præcipiendi formaliter diverso; sic etiam peccata a motivo legis, ea prohibentis, quod est specialis turpitudinis factorque, ex peccato redolens. Diverſa autem omnino turpitudinis redolet ex mollitie, sodomia, & bestialitate: inter istas mollities foedum est peccatum, sodomia foedius, bestialitas foedissimum. Neque differunt tantum secundum circumstantias, intra eandem speciem aggravantes, sed tota specie, propter diversam foeditatem ex iis emergentem.

Prop. 25.

Qui habuit copulam cum soluta, satisfacit confessionis præcepto, dicens: commisi cum soluta grave peccatum contra castitatem, non explicando copulam. De fornicatione.

Observ. Potest quis cum soluta varia specie peccata committere contra castitatem, e.g. tactus, pollutionem, fornicationem, stuprum, imo & adulterium, si ipse sit ligatus, aut sacrilegium, si habeat votum, vel incestum, si sit consanguinea &c. quomodo ergo potest satisfacere dicendo generice: commisi cum soluta grave peccatum contra castitatem? Possunt nempe contra eandem virtutem, generice spectatam, diversae moraliter resultare inhonestates, quae speciem peccati mutant, & in confessione sunt exponendae, ut poenitens peccatum suum exponat. Quin imo licet actus externus non differat numero & specie ab interno, tamen est exponendus, ut nemo prudens dubitat: cum vere sit peccatum; hinc non est paritas cum effectu, ex peccato secuto, e.g. morte, ex porrectione veneni secuta; quamvis etiam ejusmodi effectum exponendum esse non pauci doceant, quia saltem in causa fuit liber; imo etiam suo modo in se ipso, si mala voluntas occidendi perduret.

Prop. 26.

An iudici *Quando litigantes habent pro se opiniones aequae probabiles, potest munerat iudex pecuniam accipere pro sententia ferenda in favorem unius pro altero.*

Observ. Iudex debet iusticiam gratis administrare, ita, ut ne quidem possit acceptare munera, ultro oblata: & in casu æqualis probabilitatis non potest uni totam causam adjudicare, sed vel debet litigantibus transactionem suadere, vel, si nolint transigere, rem controversam inter eos æqualiter dividere: si autem res esset indivisibilis, per sortem uni rem vel alio modo alteri dimidium æstimationis addicere. In iudice non datur casus pro amico. Causæ merita & rationum pondera utrinque imponenda lanci, non favor aut gratia.

Prop. 27.

Probabilis. *Si liber sit alicujus junioris & moderni, debet opinio censeri probabilis, dum non constet, rejectam esse a sede Apost. tanquam improbabilem.*

Observ. Ex hoc sequeretur, quod si heteroclitum ingenium, novitatis pruritu, contra communem omnium Theologorum sententiam, opinionem novam procuderet, hæc habenda esset probabilis; quod sane est absurdissimum. Probabile est, quod nititur gravi fundamento, quæ virum constantem ad prudentem assensum movere queat. Quis autem dicat, auctoritatem unius junioris, toti reliquorum auctoritati contradicentis, tam grave esse fundamentum? temeritas est, non probabilitas. Quor improbabiles ac falsissimæ opiniones, sicut ab antiquis, sic etiam a modernis, in medium sunt allatæ! sicut proverbio dicimus: *nulla absurditas sine patrono, nulla faditas sine amatore*. An probabiles dicamus? utinam scriptores quidam non tam incauti facilesque essent in asserenda hujus vel illius propositionis probabilitate, innoxius profecto esset Probabilismus, bene intellectus.

Neque obstat, quod libri, antequam edantur, censoribus subiciantur; nam hi non raro vel ex negligentia, vel deproperatione, vel imperitia, vel aliqua auctoris æstimatione præventi, non satis considerant, quæ ex tali doctrina consequi possent.

Verum quidem est, quod homo indoctus possit sequi sententiam viri docti, vel parochi, quos satis doctos existimat; non tamen, si sciat, sententiam illam esse singularem, contra communem Theologorum assertam. Sic etiam viri prudentis est, quam-

vis

vis se doctum existimet, ingenio suo non nimium confidere, nec a via trita, quod exoticorum est, abhorre. Impendat ingenium doctrinae communi magis firmandae.

Per hæc tamen non nego, posse unum auctorem, qui materiam mature discussit ac rationibus firmavit, propter excellentem suam doctrinam & probitatem, sententiam aliquam singularem reddere probabilem. Sic teste Gallego de *consc. prob. dub.* 21 S. Thomas multa scripsit, & docuit contra alios, qui ante ipsum scripserunt; & tamen ejus opiniones statim, ac ab ipso tradita sunt, existimata sunt probabiles, tum propter maximam ejus auctoritatem apud Theologos, tum quia non levibus, sed rationabilibus fundamentis ductus est, ad sic opinandum.

Notandum etiam, quod advertit Bardi apud Viva, d. 4 de *consc. c. 4.* quod in rebus ad Theologiam spectantibus non satis sit consulere Theologum mere speculativum, magnæ licet sit auctoritatis, si in Morali Theologia & Jurisprudentia parum sit versatus. Plurimi enim pollent ingenio, non tamen judicio prudentiali, & ideo in Scholastica eminent, in Morali & Jurisprudentia claudicant. Accedit, quod aliqua speculative videantur probabilia, non tamen practice.

Prop. 28.

Populus non peccat, etiamsi absque ulla causa non recipiat legem, a Principe promulgatam.

Observ. Scandalosa & rebellis thesis! ergo vana & enervis Acceptatio est omnis potestas legislativa: Princeps dependet a subditis: non legibus regit, sed regitur: falsum est illud juris naturalis principium: *legitime imperanti obtemperandum est.* Et cur non eodem jure dicamus, nullum superioris præceptum obligare, nisi a subdito ultro acceptetur, sed in cujusque arbitrio stare, jugum obedientiae excutere? Si ita est, omnes poenæ sunt injustæ, quas Princeps, sive ecclesiasticus sive secularis, irrogat transgredientibus legem, & Superiori communitatis refractario.

Dixisset saltem auctor hujus propositionis, legem non obligare, si sit nimis ardua; at dicere, populum non peccare etiam tunc, quando absque ulla causa non recipit legem, hoc enimvero est nimis absolum.

Supponere videtur auctor hujus erroris, ad essentiam legis requiri acceptationem populi, ac proinde, cum non acceptatur, esse nullam; consequenter populum non peccare. At suppositum illud

istud est falsum; & licet verum esset, populus tamen peccaret, non acceptando; dum Princeps jubet eam acceptari.

Princeps ecclesiasticus potestatem suam non habet a populo, sed a Christo: in Principem vero Monarchicum, sæcularem, sicut olim per legem Regiam, translata est potestas legislativa. Aliud est in regimine non Monarchico, in quo Princeps simul cum Optimatibus legem condit, aut in Aristocratico, in quo Optimates vel Senatus, & in Democratico, in quo populus fert legem.

Verum quidem est, populi acceptationem etiam in regimine Monarchico & independente requiri ad firmitatem & constantiam legis; nam si populus legem non acceptet aut observet, per usum contrarium abrogatur, si Princeps conniveat, & sic tacite, observantiam non urgendo, retractet; primi nihilominus, qui legem absque iusta causa non acceptant, aut eam non observant, peccant, donec usu contrario, continuato longo tempore, cum consensu, saltem legali, Principis sit abrogata.

Et ita intelligendum venit, quod dicitur *l. de quibus ff. de legib. leges ex nulla alia causa nos tenent, quam quod iudicio populi recepta sunt.* Nam, si non recipiantur, dissimulante legislatore, per consuetudinem contrariam abrogantur, adeoque non amplius nos tenent. Et in hunc sensum loquitur Gratianus *in cap. in illis dist. 4. leges instituuntur, dum promulgantur, firman- tur, dum moribus utentium approbantur.* Id est: valent quidem & obligant; sed si populus eas non observet longo tempore, rursus abrogantur per consuetudinem contra legem.

Condemnatio harum Propositionum.

Has 28 Propositiones Alex. VII, re mature considerata, damnavit ad minimum tanquam scandalosas, ita, ut quicumque illarum aliquam docuerit, defenderit, ediderit, aut de iis etiam disputaverit, publice, aut privatim, nisi forsan impugnando, ipso facto incidat in excommunicationem, Pontifici reservatam, prohibetque gravissime, ne quis fidelium eas in praxin deducat.

§. 2.

Aliæ 17 Propositiones ab Alex. VII damnatæ.

2- **S**equenti dein anno 18 Martii 1666 alias 17 damnavit, per plures Theologiæ Magistros, & S. R. E. Cardinales, Generales Inquisitores prius examinatas; quæ sunt sequentes.

Prop.

Propositio 29.

In die jejunii, qui sapius modicum quid comedit, est notabilem quantitatem in fine comederit, non frangit jejunium.

Observatio. Ratio reprobandi est; quia sic eluderetur vel omnino eviti posset præceptum jejunii; quia multæ comestionesculæ, Jejunium. eadem die factæ, coalescunt moraliter, & æquivalent uni comestioni notabili, repugnantque non minus fini jejunii, nempe macerationi carnis. Et hinc graviter peccas contra præceptum jejunii, si sæpius manducando advertas, te perventurum ad quantitatem notabilem, frangisque jejunium, sicut, qui advertit, se per parva furta perventurum ad summam gravem, graviter contra justitiam peccat. Imo tamen si prius sapius manducando aut furando non adverteris, te perventurum ad quantitatem gravem, si tamen advertas in ultima comestione aut furto, te complere quantitatem gravem, mortaliter peccas, si non omittas, non quod ultima illa comestio aut furtum se solo sit peccatum grave, sed quia cum præteritis moraliter coalescit, & sic complet quantitatem gravem. Idem dicendum de eo, qui sæpe in eodem officio aliquid omittit, aut die festo sæpe aliquid laborat, nam peccat graviter, quando ad quantitatem notabilem pervenit.

Verum quidem est, quod plura venialia non æquivalent uni mortali, sed nego, quod sit veniale, si advertas te pervenire ad quantitatem gravem eadem die jejunii. Aliud est, si singulis jejunii diebus aliquid parum comedas; nam comestiones plurium dierum non ita coalescunt, cum jejunium unius diei non respiciat jejunium alterius diei; sed quodlibet sit affixum suæ diei. Idem, si voveas, quotidie modicam elemosynam dare, aut brevem orationem peragere, & obligationem cuilibet diei assignas. Aliud autem, si in communi & conjunctim voveas.

Prop. 30.

Omnes officiales, qui in Repub. corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio.

Observ. Thesis hæc est nimium generalis, non distinguens inter corporales labores graves & leves, magnos & parvos, multum detragentes, & parum: quasi vero quilibet labor corporalis excuset ab obligatione jejunii. Si scribe aliquot lineas describas pro Republica, an propterea excusandus a jejunio?

Prop. 31.

Excusantur a præcepto jejunii omnes illi, qui iter agunt, equitando, utcumque iter agant, etiam si iter necessarium non sit, & etiam si iter unius diei consiciant.

Observ. Præceptum jejunii obligat, quoties sine magno incommodo fervari potest. At sæpe sine magno incommodo iter peragi potest, præsertim equo vel curru, imo etiam cum oblectatione & recreatione, sine notabili defatigatione; talem autem excusari a jejuniis dici non potest, licet iter unius diei faciat.

Prop. 32.

Non est evidens, quod consuetudo non comedendi ova & lacticia in quadragesima obliget.

Observ. Consuetudo legitime præscripta, est lex non scripta, obligatque sicut leges scriptæ. Ubi ergo consuetudo introduxit, ut diebus jejunii abstineatur non tantum a carnibus, sed etiam ab ovis & lacticiis, evidens est, quod detur obligatio ab iis abstinendi; nam jejuniis præcipue regulatur secundum consuetudinem, legitime præscriptam. Nos autem in Germania circa ova & lacticia aliam consuetudinem habemus.

Prop. 33.

Restitutio. Restitutio fructuum ob omissionem Horarum suppleri potest per quas-cunque elemosynas, quas Beneficiarius de fructibus sui Beneficii fecerit.

Observ. Ratio prohibendi est, quod, si quis prius elemosynas prorsus liberaliter & gratis fecerit, ex virtute misericordiæ erga pauperes, hæc elemosyna jam transit in dominium pauperis; unde, si postea horas omittat, non potest amplius illas elemosynas in restitutionem, ex iustitia debitam, computare: sed ex iustitia debet novas elemosynas facere, aut fructus fabricæ suæ Ecclesiæ restituere. Unde falsum est, quod restitutionem per quas-cunque elemosynas possit facere.

Prop. 34.

In die Palmarum recitans officium Paschale satisfacit præcepto.

Observ. Caramuelis hæc thesis, (quam postea revocavit) aperte est contra Decretum Pii V, qui in virtute S. obedientiæ præcepit, ut ritus, in Breviario Romano præscriptus, observetur, neminemque nisi hac sola formula posse satisfacere. Unde graviter peccat, qui ab ea notabiliter reeedit, venialiter vero ob parvitatem

vitatem materiarum ab illis, qui citra rationabilem causam ab ea recedunt. Atqui recitans in die Palmarum officium Paschale notabiliter a ritu praescripto recedit: ergo non satisfacit praeepto, & graviter peccat; quia talis mutatio officii longissimi in brevissimum est variatio valde notabilis & substantialis; quidquid sit, an mutatio officii de uno sancto in officium de alio sancto sit notabilis & substantialis, in quo DD. non conveniunt.

Prop. 35.

Uno Officio satisfieri potest duplici praeepto pro die praesenti & crastino.

Observ. Officium est ita affixum cuilibet diei, ut pro quolibet recitari debeat, ut patet ex communis sententia, persuasione, praxi, consuetudine omnium timoratorum. Quomodo ergo unico officio satisfieri possit pro duobus diebus? solutione unius auri debito duorum aureorum? Cur non etiam dicis, uno officio satisfieri posse pro toto anno? Aliud est de impletionem plurium praeeptorum, eandem actionem praecipientium, e. g. si concurrant praeeptum naturale, Divinum & humanum; quia omnia unum eundemque actum praecipiunt. Satisfacis una Missa, si concurrat Dominica & festum Apostoli, uno jejunio, pervigilio incidente in quadragesimam, quia unum tantum, licet ex duplici motivo, praecipitur. At in nostro casu pro duobus diebus duo officia praecipiantur.

Prop. 36.

Regulares possunt in foro conscientiae uti privilegiis suis, quae sunt expresse revocata per Concilium Tridentinum.

Observ. Ante proscriptionem hujus propositionis variae erant de hac re sententiae, propter varias Pontificum Ordinationes, varia privilegia, modo concedentes, modo iterum revocantes. Sed revocatis nunc assurgendum decisioni Alexandri VII. propositionem praedictam condemnantis. Rationem prohibendi videntur praebuisse variae controversiae, & lites, inter Episcopos, & Regulares circa usum privilegiorum, exorta.

Prop. 37.

Indulgentiae concessae Regularibus, & revocatae a Paulo V. hodie sunt revalidatae.

Observ. Paulus V. cum Indulgentiae nimis excreverent, non omnes certae, anno 1606 omnes revocavit, novasque concessit. Idem Paulus V. postea omnes Societati nostrae restituit, & per

De Indulgentiis revocatis.

communicationem privilegiorum, etiam aliis Ordinibus Mendicantibus. Urbanus VIII V. V. O. rursus revocavit. Unde orta inter DD. multiplex disputatio. Condemnatio hujus propositionis id solum decidit, Indulgentias, a Paulo V revocatas, hodie non esse revalidatas. Certissimæ autem sunt Indulgentiæ, quas post Urbanum VIII Pontifices concesserunt, quales sunt plurimæ; quas non vacat hic longo catalogo attexere.

P. Viva in sua Trutina ad hanc propositionem existimat, eos etiam lucrari indulgentias, qui tantum probabilitatem habent de concessione, eo quod Pontifex in tali casu suppleret easque concedat, licet in se non subsisterent, sicut supplere censeretur Jurisdictionem in casu erroris communis; imo cum etiam Indulgentias lucrari, qui nescit, esse concessas, modo opera præscripta peragat; quia, sicut in auditione Missæ non præcipitur intentio satisfaciendi præcepto, sed, ut Missa audiat, sic non injungi intentionem lucrandi indulgentiam, sed opera. Ego sæpius parochis, qui dubitabant, an hæc vel illæ Indulgentiæ sint revera legitimæ, suas, ut non multum se opponant, ex ea ratione, quod ex ea persuasionem innocenti fiat confessio peccatorum, sacræ Synaxis sumptio, alia opera bona. Licet igitur Indulgentiæ re ipsa non subsisterent, ista pietissimæ opera nemini nocerent, operanti autem multum prodesse. Certe sæpius in confessionalis interrogatus, an has vel illas Indulgentias, de quibus dubitabam, lucrari possint, respondi, Sacramentum poenitentiae cum satisfactione imposita, Sacramentum Eucharistiæ devote susciperent, bona opera peragerent, semper ab his haberi indulgentiam.

Prop. 38.

Mandatum Tridentini, factum sacerdoti, sacrificanti ex necessitate cum peccato mortali, confitendi quamprimum, est consilium, non præceptum.

De confitendo quamprimum.

Observ. Habemus ergo ex proscriptione hujus thesisi, mandatum illud, quamprimum confitendi, non esse tantummodo consilium, sed præceptum, & quidem grave, sicut præceptum audiendi Missam, jejunandi &c. prout DD. consensus, communis persuasio, usus & consuetudo, optimus legum interpretes, declarant. Licet enim talis sibi persuadeat, se contritionem perfectam elucuisse ante sacrificium, & per eam sibi remissum esse mortale, de hoc tamen non est certus; quare reverentia Sacramenti, quod alio die rursus vult conficere, requirit, ut prius confiteatur suum peccatum, necdum expositum; &, si longo tempore non amplius

licet

fit celebraturus, nihilominus tenetur vi hujus præcepti Ecclesiastici ei brevi confiteri.

Prop. 39.

Illa particula quamprimum intelligitur, cum sacerdos suo tempore confitebitur.

Obsev. Torta est hæc expositio & absurda. *Quamprimum* aliud significat: deinde, si hic esset sensus, otiosa esset condemnatio hujus propositionis, cum apud omnes certum sit, in proxima confessione mortale, necdum expositum, jure Divino esse subjiciendum clavibus: cæterum illud *quamprimum* DD. censent, esse accipiendum moraliter pro diversitate materialium & circumstantiarum, & in nostro casu sumi posse pro triduo, ita, ut intra triduum sacerdos teneatur confiteri. Si tamen post celebrationem statim haberet copiam confessarii, ultra triduum non amplius habiturus, teneretur statim post Missam confiteri, ut huic præcepto satisfaciat.

Prop. 40.

Est probabilis opinio, quæ dicit, esse tantum veniale osculum, habitum ab delectationem carnalem & sensualem, quæ ex osculo oritur, secluso periculo consensus ulterioris & pollutionis. *De osculo.*

Obsev. Omnis delectatio carnalis seu venerea, deliberate quæsitæ, est peccatum mortale, nec datur in ea parvitas materiæ, ab eo excusans; quia semper datur ratio graviter prohibendi, nempe periculum proximum, in tanta naturæ lubricitate, & vehementia tentationis, ad ulteriorem majoremque delectationem progrediendi; nam omnis delectatio carnalis est inchoata pollutio &c. qui autem amat periculum, peribit in illo.

Igitur osculum, amplexus, tactus, & actus quicumque positus deliberate propter delectationem veneream, quæ ex actu illo percipitur, semper est peccatum mortale, licet quis statuatur in ea sistere, & non ulterius progredi; imo delectatio morosa, etiam si in nullum actum externum prodeat, jam per se ipsam est peccatum grave.

Si doctrina hæc severior cuipiam ex carnali hoc sæculo appareat, cogitet, illam Juris naturalis, Divini & humani esse, atque hinc arctam ad cælum viam, quod vim patitur, a violentis rapiendum; relictumque nobis stimulum ad ægonem, ut cælum mereamus. Jugum Domini nihilominus suave & onus leve, sed diligentibus DEUM, qui non patitur nos tentari supra id, quod cum

ejus gratia possumus; auxiliaque nobis suppeditat in tempore oportuno; qualia sunt, præter ejus gratiam (quæ sufficit Paulo contra stimulum carnis) oratio, aversio phantasie, fuga otii & occasionis, generosa resistentia, iniitiis opposita, edomatio carnis &c. Quamvis autem omnis delectatio carnalis extra matrimonium plene deliberata sit peccatum grave, nullaque detur in ea parvitas materię, sæpe tamen peccatum tantum veniale, aut omnino nullum, committitur ex indeliberatione actus, quia scilicet committitur, sine plena deliberatione, id est, sine plena advertentia intellectus, ad malitiam gravem, aut sine pleno consensu voluntatis. Distinguendum etiam inter delectationem carnalem seu veneream, & inter mere sensualem, quæ ex proportionem sensus cum objecto oritur, dum e. g. visus intuetur pulchrum florem, auditus percipit suavem musicam, odoratus delectatur odore grati, gustus cibo aut potu amœno, tactus panno molli &c.; nam quamdiu in hac proportionem sensus cum suo objecto sistitur, non peccatur graviter.

Prop. 41.

*De concubina-
tione.*

Non est obligandus concubinarivus ad ejiciendam concubinam, si hæc nimis utilis esset ad oblectamentum concubinarivii, vulgo Regalo, dum deficiente illa nimis agre ageret vitam, & alia epulæ tadio magno officerent concubinarium, & alia famula nimis difficile inveniretur.

Observ. Scandalosa sane propositio, quam docuit Joannes Sanchez, alias etiam sæpius in laxitatem effusus. Quid hoc aliud, quam molle pulvinar peccatoribus. consuetudinariis subternere? Talis concubinarivus est in periculo peccandi mortaliter, nec datur physica aut moralis impossibilitas, eam deferendi; neque enim talis est melancholia, tædium, molestia, quam sentit ex absentia concubinæ, quamvis deesset alia famula, quæ tam sapidas epulas præpararet.

Occasio autem proxima est, in qua sæpe peccatur, remota, in qua raro. Unde fit, ut occasio, quæ respectu unius est remota, respectu alterius possit esse proxima. Hæc rursus alia est voluntaria, quæ moraliter potest deferri, alia involuntaria, & necessaria, quæ vel omnino non potest, vel non nisi cum summa difficultate potest deferri.

Remota non debet necessario deferri: alias oporteret mundo exire; nullus posset sequi militiam, mercaturam &c. nec posset acceptare officium aliquod periculosum. Proxima voluntaria de-
ferri

Veri debet, si possit. Si oculus tuus scandalizat te, evellere eum & projicere jubet Dominus. Involuntaria, cum non possit, non debet deferri materialiter, debet tamen deferri formaliter, non amplius peccando, aut ex proxima occasione faciendo remotam. Si tamen propter occasionem proximam non sublatam identidem relaberetur, neganda ei foret absolutio, nisi prius concubinam ejiciat, aut aliam occasionem proximam deferat, etiamsi maxima in hoc esset difficultas; quia alias sperari prudenter non potest emendatio, eo quod talis occasio ei sit formaliter proxima. De hac materia saepius recurrit sermo, ob plures propositiones, ab Innoc. XI damnatas.

Prop. 42.

Licitum est mutuanti aliquid supra sortem exigere, si se obliget Usura. ad non repetendam sortem usque ad certum tempus.

Observ. Propositio hæc est nimium generalis, includens etiam casum, quo mutans ex dilatione restitutionis nullum pateretur damnum. Hoc autem est falsum; nam contractus mutui talis est naturæ, ut non plus, quam tantundem exigatur restitui, quantum fuit datum. Unde omne lucrum, quod solo titulo mutui supra sortem exigitur, est usura lucratoria, stricte dicta, omni jure, naturali, Divino, & humano prohibita, sicut furtum, intrinsece mala: imo species quædam furti, eodem cum illo præcepto septimo prohibita, ut facile agnoscunt omnes Theologi & docti Juristæ. Et quid inordinatius, quam ex re aliena velle lucrari a mutuuario, in quem totum dominium fuit translatum, cuique mutuum perit, si perit.

Neque obstat, quod mutuarius ultro usuram promittat; nam excessum supra sortem non donat, ut supponitur, sed titulo mutui exactum dat, alias non accepturus mutuum.

Per hoc tamen nequaquam reprobantur alii tituli, legitimi & justi, pecuniam utiliter expendendi, uti emptione census, contractu societatis &c. neque in ipso etiam mutuo seu occasione mutui prohibitum est aliquid auctarium petere ratione lucri cessantis, damni emergentis, aut veri periculi amittendæ sortis, aut etiam legis, permittentis occasione mutui moderatum auctarium, illiusque dominium in creditorem seu mutuamentem transferentis, prout illud transfert in præscribentem: quibus titulis excusandum puto censum Germanicum, apud plures nationes consuetum. Nunquam tamen licet titulo solius mutui vel minimum quid ultra sortem exigere.

Prop.

Prop. 43.

Annum legatum, pro anima velictum, non durat plus, quam per decem annos.

Obsev. Videtur hæc thesis supponere, quod animæ in purgatorio non detineantur ultra decennium, quod aliqui putabant, ac proin, cum cesset finis, cessare etiam obligationem annui legati, ut DD. aliqui cum Soto existimarunt; hoc autem suppositum est prorsus arbitrarium, nullo subsistens fundamento probabili. Cur non dicis eodem jure, hoc est, nullo, animas in purgatorio detineri tantum 5 annis, aut 20, aut cum aliis somnariis, omnes detineri usque ad extremum Judicium? Cum ergo hoc suppositum sit omnino incertum, quomodo in eo fundare possis cessationem obligationis certæ. Sed neque præscriptionis præsidio tueri te potes, quamne quidem inchoare potuisti.

Prop. 44.

Quoad forum conscientia, reo correcto, ejusque contumacia cessante, cessant censura.

Obsev. Censuræ non cessant, nisi per absolutionem: sicut enim natæ sunt per actum jurisdictionis ecclesiasticæ, sic etiam dissolvi debent, secundum illud: *quodcumque ligaveris*. Licet ergo reus sit correctus, & contumacia cessaverit, non tamen hoc ipso ante absolutionem cessat censura, licet etiam per actum perfectæ contritionis te in statum gratiæ reposueris. Sicut post extinctum reatum culpæ, non semper etiam est extinctus reatus pœnæ, censura autem non tantum est medicinalis sed etiam pœnalis; in quantum est medicinalis, cessat post curationem, non autem, in quantum est pœnalis ante absolutionem. Unde dicitur, licet censura dependeat a contumacia *in fieri*, non tamen *in conservari*: sicut culpa est causa pœnæ, & tamen hæc sæpe manet post remissam culpam: & sicut impedimentum publicæ honestatis manet post rescissa sponsalia, licet illud ex his nascatur.

Quando etiam censura ferretur hac formula: *donec resipiscas*, non sequeretur, quod per ipsam resipiscentiam liberaretur a censura, sed sensus esset: *donec post resipiscentiam absolvaris*. Sicut, quando dicitur non remitti peccatum, nisi restituatur ablatum, non sequitur, quod per restitutionem formaliter remittatur peccatum, sed post restitutionem per gratiam justificantem. Excommunicatus, licet in gratia mortuus, debet adhuc absolvi, ut possit sacra sepultura & Ecclesiæ suffragiis frui. & ratio ulterior est, quia eccle-

ecclesia vult, ut innodatus censura non liberetur, donec ab habente potestatem absolvatur, ut etiam ex hac propositione damnata patet.

Prop. 45.

*Libri prohibiti, donec expurgentur, possunt retineri, usque dum adhibita diligentia corrigan-
adhibita diligentia corrigan-
Libri prohibiti.*

Observ. Libri hæreticorum, hæresin continentes, vel de religione tractantes, prohibentur in Bulla Cœnæ absolute sub excommunicatione reservata, quæ incurritur etiam ab iis, qui tales libros retinent. Quidam autem libri, maxime Catholicorum, prohibentur, adjecta clausula: *donec expurgentur*; & de his putabant quidam cum Marchancio, quod possint retineri, donec corrigan- tur; præsertim ab eo, respectu cujus nullum est periculum perversionis, neque ex retentione, neque ex lectione libri.

Verum, cum lex prohibens retentionem & lectionem sit universalis, propositio hæc fuit damnata. Neque obstat, quod respectu alicujus in particulari nullum sit periculum, adeoque cessare videatur respectu illius finis legis; nam aliter hic discurrendum de præcepto particulari, alicui personæ particulari imposito, e. g. ut restituas bonum alienum, tu autem nullum bonum alienum habeas; tunc enim cessante fine cessat præceptum. Aliter vero, cum est præceptum generale, latum ex præsumptione periculi universalis, seu talis, quod communiter aut frequenter adesse solet, tunc enim lex obligat eos etiam, respectu quorum nullum hic & nunc est periculum: & tale præceptum est, non legendi aut retinendi libros prohibitos.

Et ratio est, quia tale præceptum non est latum propter periculum alicujus in particulari, sed propter periculum, communiter, aut frequenter adesse solitum. Licet ergo apud aliquem vel aliquos cesset periculum particulare, scilicet respectu ipsius, non cessat tamen lex etiam respectu ipsius; quia manet finis legis, nempe periculum communiter adesse solitum, qui finis non cessat. Quamvis enim respectu ipsius nullum esset periculum, est tamen periculum frequens, propter quod lex universalis fuit lata.

§. 3.

*Propositiones 65 ab Innocentio XI damnatae
anno 1679.*

3.

S. D. N. Innocentius XI opus ab Alex. VII inchoatum prosecuturus, multas propositiones, ex diversis libris, thesibus, scriptis excerptas, & partim noviter adinventas Theologorum plurium examini, atque S. R. E. Cardinalium, contra hæreticam pravitatem Generalium Inquisitorum judicio subjectas, ut minimum tanquam scandalosas, & in praxi perniciosas damnavit.

Propositio 1.

Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, aut conventio, aut periculum gravis damni incurrendi. Hinc sententia probabilis tantum non est utendum in collatione baptismi, ordinis sacerdotalis & Episcopalis.

Probabilitas
de valore.

Observatio. Merito damnata est hæc propositio; non enim est probabile, quod possis adhibere materiam aut formam dubiam aut tantum probabiliter validam, si possis habere certo validam. Unde hæc damnatio non afficit doctrinam Probabilismi, bene intellectam; nam Probabilismus non loquitur de probabilitate objectiva & speculativa, quando probabile e. g. est hanc vel illam materiam esse validam, aut hanc medicinam conducturam ad sanitatem, sed loquitur unice de probabilitate practica, versante circa *licitum actionis*, quando vere probabile est, hanc vel illam actionem esse licitam. Non est autem, quod dixi, vere probabile, quod liceat adhibere in Sacramentis materiam dubiam, aut probabiliter tantum validam, si possis adhibere certo validam; licet enim probabile sit, quod sit valida, non tamen est probabile, quod liceat ea uti; semper enim id vetat lex, vertiturque periculum gravis damni, & irreverentiæ erga Sacramentum, quando exponitur periculo nullitatis. (*vide part. 1, ubi hæc materia ex instructo est discussa.*)

Prop. 2.

Probabiliter existimo, Judicem posse judicare juxta opinionem, etiam minus probabilem.

Observ.

Observ. Quod hoc liceat, iterum non est probabile; nam pro ea parte est pronuntiandum, cujus causa est probabilior. Si iustitia causae utrinque sit aequae probabilis, vel est pronuntiandum pro reo & possessore, vel partes litigantes bono modo sunt inducendae ad transactionem, vel utrique dimidium est adjudicandum: nunquam vero illi, qui habet causam minus probabiliter iustam; quia hic non datur casus pro amico. Aliud est de criminalibus; nam stante utrinque aequali probabilitate de crimine, reus est absolvendus; quia jura proniora sunt ad absolvendum, quam condemnandum; imo in causis capitalibus jura requirunt probationes, luce meridiana clariores.

De opinione
probab.

Prop. 3.

Generatim, dum probabilitate, sive intrinseca, sive extrinseca, quantumvis tenui, modo a probabilitatis finibus non exentur, consisti aliquid agimus, semper prudenter agimus.

Observ. Laxa & perniciosa est haec thesis, quam illi, qui probabilissimum sobrie defendunt, nunquam adjuvant, sed requirunt veram, certam, solidam, absolutam, & comparativam in conflictu rationum oppositarum, probabilitatem, id est, talem, quae nitatur motivo gravi, quae virum constantem ad prudentem assensum movere possit; talis autem non est tenuis probabilitas, quae est umbra potius probabilitatis, quam vera probabilitas, verans circa licentiam actionis.

Prop. 4.

Ab infidelitate excusatur infidelis non credens, ductus opinione minus probabili.

Observ. Etiam hic agitur de probabilitate objectiva & speculativa, quando scilicet probabile sit, sectam, Catholicam Religionem oppositam esse veram, non autem de probabilitate practica, versante circa licentiam non credendi; non enim est probabile, quod liceat non credere Ecclesiam Catholicam, quando secta opposita est ipsi minus probabilis. In re enim tanti momenti, a qua dependet salus aeterna, certum est, quod debeat credere Ecclesiam catholicam, sibi probabilius veram: fides tamen haec, nixa soli probabilitati, licet majori, quod DEUS revelaverit, non esset statim supernaturalis, quia idem Innocentius XI. propos. 21. damnavit, assensum fidei supernaturalis stare cum notitia solum probabilis revelationis. Donec igitur habeatur moralis certitudo de

existentia revelationis, eliceretur fides naturalis. Hoc enim nisi dicatur, videntur difficulter componi posse, quæ damnantur propositione 4 & 21. Configi etiam potuit hæc 4ta propositio, quia simpliciter excusat non credentem, absque mentione obligationis ulterius in veritatem inquirendi.

Sed quid? si aliqui Religio catholica, aut aliquis illius articulus videatur minus probabilis, quam articulus sectæ lutheranæ? An hunc potest & tenetur credere? *Resp.* Itali negant suppositum, quod Religio Catholica aut aliquis illius articulus possit alicui prudenter apparere minus probabilis; tot enim signis credibilitatis & veritatis est illustrata Ecclesia Catholica, ut nemo prudenter de ea dubitare possit, cum faciant evidenter credibilem, & evidenter credendam, atque certo veram. Certe facienti, quod est in se, DEUS non denegat gratiam, præsertim ad ea cognoscenda, quæ sunt necessaria necessitate Medii.

Prop. 5.

Dilectio
DEI.

An peccet mortaliter, qui actum Dilectionis DEI semel tantum in vita eliceret, condemnare non audemus.

Prop. 6.

Probabile est, ne singulis quidem rigoroſe quinquenniis per se obligare præceptum caritatis erga DEUM.

Prop. 7.

Tunc solum obligat, quando tenemur justificari, & non habemus aliam viam, qua justificari possimus.

Observ. Certum est, ex lumine rationis & juris naturalis, ex lege Divina, in Evangelio tam energice nobis proposita, ad virtutes Theologicas sæpius exercendas nos obligari; quia tenemur DEUM colere, quod maxime fit per illas virtutes, quæ nos ad pie vivendum & conjunctionem cum DEO immediate disponunt, atque salutem æternam, utique ab omnibus querendam, perdunt. *Qui non amat Dominum Nostrium Jesum Christum, sit anathema.* Neque sufficit amor virtualis, consistens in observatione præceptorum, sed requiritur formalis, non modo in exortu sufficientis rationis & in morte eliciendus, sed sæpius etiam in vita, & quidem sub gravi peccato. Et idem de fide & spe.

Prop.

Prop. 8.

Comedere & bibere usque ad satietatem ob solam voluptatem non est peccatum, modo non obfit valetudini; quia licite potest appetitus naturalis suis actibus frui. Comestio ad satietatem.

Observ. Verba præsertim ultima sunt scandalosa; quid enim ex illis non posset carnalis homo concludere? Dein cibus & potus ordinatur a DEO & natura ad restorationem & conservationem virium ad obsequium DEI; invertit igitur ordinem naturæ, qui ad alium finem, uti ad voluptatem solam, illos adhibet. Accedit, quod hæc thesis non excipiat casum, quo temperantiæ limites transgrentur.

Prop. 9.

Opus conjugii, ob solam voluptatem exercitum, penitus caret culpa, ac defectu veniali. Copula.

Observ. Opus conjugii ordinatur ad honestam generationem proles, & ut incontinentiæ peccatum evitetur; inordinatum igitur est, si ad solam voluptatem referatur.

Prop. 10.

Non tenemur proximum diligere actu interno & formali. Dilectio proximi.

Observ. Tenemur DEUM diligere etiam actu interno & formali: ergo etiam proximum; cum secundum mandatum sit simile primo, & sane dilectio residet in corde: ergo non satisficit præcepto per actum mere externum, modo Pharisaico exercitum. Accedit, quod dilectio etiam interna sit necessaria ad conservandam pacem & concordiam inter homines.

Prop. 11.

Præcepto proximum diligendi satisfacere possumus per solos actus externos.

Prop. 12.

Vix in secularibus invenies, etiam in Regibus, superfluum statui, & ita vix aliquis tenetur ad eleemosynam, quando tenetur tantum ex superfluo statui.

Observ. Hæc doctrina si locum inveniret, frustranea essent præcepta eleemosynæ, in S. Scriptura toties inculcata. Igitur non tantum in extrema necessitate succurrendum est pauperi, licet non habeantur superflua, imo etiam in gravi necessitate, quin etiam in communi, dando eleemosynam ostiatim mendicantibus, de superfluis statui proprio: quod autem nemo habeat superflua, seu

ad statum proprium conservandum non necessaria, dici non potest, cum multi sint satis divites. Licet præceptum dandi eleemosynam etiam laicis sit impositum, præcipue tamen Ecclesiasticis, qui speciali etiam præcepto obligantur, superflua erogare in pias causas. Cæterum præceptum dandi eleemosynas fundatur in amore DEI & proximi.

Prop. 13.

**Gaudium
de morte.**

Si cum debita moderatione facias, potes absque peccato mortali de vita alicujus tristari, & de morte naturali illius gaudere, illam inefficaci affectu petere & desiderare, non quidem ex displicentia personæ, sed ob aliquod temporale emolumentum.

Prop. 14.

Licetum est, absoluto desiderio cupere mortem patris, non quidem ut malum patris, sed bonum cupientis; quia nimirum ei est obventura pinguis hæreditas.

Prop. 15.

Licetum est filio gaudere de parricidio patris, a se in ebrietate perpetrato, propter ingentes divitias, inde ex hæreditate consecutas.

Observ. Cum vita hominis sit altioris ordinis, quam bonum temporale, non licet propter istud optare, aut cupere mortem alterius, maxime patris, aut de illa gaudere, sicut non licet illam desiderare, aut procurare. Orat equidem Ecclesia, ut gentes Paganorum, quæ in feritate sua confidunt, dexteræ tuæ potentia conterantur; sed hic intenditur majus earum bonum, ut videlicet convertantur, & Ecclesia ab eis secunda & quæta permaneat.

Prop. 16.

Fides.

Fides non censetur cadere sub præceptum speciei, & secundum se.

Prop. 17.

Satis est, actum fidei semel in vita elicere.

Observ. Cum fides sit initium salutis, fundamentum & radix omnis justificationis, sine qua impossibile est placere DEO, atque sæpissime in S. Scriptura nobis commendetur, per se patet, quam enormiter absurdæ & scandalosæ sint hæc propositiones. Videantur etiam, quæ dicta sunt ad propo. 1 ab Alex. VII. damnata.

Prop.

Prop. 18.

Si a potestate publica quis interrogetur, fidem ingenue confiteri, ut DEO & fidei gloriosum consulo; tacere, ut peccaminosum per se non damno. Professio fidel.

Observ. Non tantum obligamur graviter, adus fidei internos frequentius elicere, sed etiam ad externam professionem fidei; nam corde creditur ad justitiam, ore autem confessio fit ad salutem, ait Apostolus ad Rom. 10. & ipse Dominus: qui me erubuerit, & sermones meos, hunc filius hominis erubescet, cum venerit in majestate sua &c. Luc. 9. Qui confitebitur me coram hominibus, confitebor & ego eum coram Patre meo. Matth. 10.

Ratio est, quia obsequium DEO & fidei debitum exigit, ut publice eam profiteamur, quando taciturnitas cederet in ejus contemptum, vilipensionem, aut in scandalum aliorum, quod praesertim fieret, si a publica potestate interrogatus de fide sua taceret, maxime si hoc silentium videretur virtualis negatio fidei.

Aliud foret, si silentium indicaret contemptum Tyranni, foretque virtualis professio fidei; ut docemur exemplis sanctorum, & ipsius Christi Domini, qui interrogatus ab Herode tacuit. Aliud item foret, si a privato interrogaretur; nam huic respondere posset, quid ad te? Ceterum sicut simulatio falsae religionis semper est graviter prohibita, ita dissimulatio suae fidei, imo & fuga saepe est licita ac prudens; prout nos rursus docent exempla sanctorum, & monitum Christi: si vos persecuti fuerint in una civitate, fugite in aliam. Prout etiam habitus & alia signa, falsae religionis professiva, graviter sunt prohibita, ita indifferencia non sunt illicita.

Regula generalis est: quotiescunque taciturnitas, aut positio alicujus signi cedit in contemptum aut irreverentiam DEI aut fidei, aut in scandalum proximi, jure naturali semper prohibetur. Jure autem positivo humano a variis emittenda est professio fidei, e.g. ab eis, qui recipiunt Beneficium curatum, a promovendis ad Gradus litterarios &c.

Prop. 19.

Voluntas non potest efficere, ut assensus fidei in se ipso sit magis firmus, quam mereatur pondus rationum, ad assensum impellentium. Firmitas fidei.

Prop.

Prop. 20.

Hinc potest quis prudenter repudiare assensum, quem habebat, supernaturalem.

Observ. Rationes quæ remote impellunt ad assensum fidei, sunt signa & *motiva credibilitatis*: atque sunt moraliter certa, seu faciunt evidentem mysterium credibile & credendum. Sed per hæc necdum habetur summa certitudo, qualis ad actum fidei supernaturalem requiritur, suntque principia fidei tantum extrinseca, quæ revelationem mysterii seu moraliter certam intellectui proponunt. Accedit *pia affectio*, seu imperium voluntatis (per quod fides est libera & meritoria) per hanc piam affectionem supernaturalem voluntas intellectui imperat assensum firmissimum; *illustratio* quoque supernaturalis Divina intellectui suasive proponit auctoritatem DEI revelantis: propter quam tanquam objectum formale & motivum intrinsecus intellectus elicit assensum prorsus firmissimum & infallibilem, imo certiorum omni certitudine naturali, utpote nixum auctoritate DEI loquentis, per lumen supernaturale proposita.

Hinc falsum est, quod voluntas non possit facere, ut assensus fidei in se ipso sit firmior, quam mereatur pondus rationum seu motiva extrinseca fidei. Falsum etiam est, quod prudenter repudiare quis possit assensum, quem habebat, supernaturalem, cum tum ex imperio voluntatis, tum ex illustratione supernaturali, cum summa certitudine non tantum infallibilitatis sed etiam adhesionis affectivæ adhæreat auctoritati Divinæ revelanti, tanquam objecto suo formali, & motivo intrinsece & essentialiter respecto; in quod fides ultimato resolvitur.

Accedit, quod etiam motiva credibilitatis, licet sint principia extrinseca fidei, tanti tamen, utpote moraliter certa, sint ponderis, ut nunquam prudenter repudiari possit assensus fidei. Cæterum tres istas Theses 18, 19, 20 testatur Wilhelmus Sandez desumptas esse ex Thesibus Arnaldi Marchant Minoritæ Antverpiensis anno 1674 propugnatis.

Prop. 21.

Assensus fidei supernaturalis est utilis ad salutem stat cum notitia solidum probabilis revelationis, imo cum formidine, qua quis formidet, ne non sit locutus DEUS.

Observ. Compluribus hæc thesis, quoad priorem saltem partem, visa fuerat probabilis, eo quod, etiam data sola probabili-

Probabilitas
non sufficit
ad fidem.

late

rate de revelatione, per principia supernaturalia piæ affectionis & illustrationis Divinæ assurgere possit ad summam certitudinem actus fidei

Verum ex hoc sequerentur non pauca falsa; nam: 1. si *Minor* propositio tantum probabiliter contineretur in *Majore* universali revelata, conclusio esset de fide. Unde fide Divina credere possemus, nos esse in gratia. 2. Christum esse in hac determinata hostia. 3. Imo dari prædeterminationem physicam; nam, ut arguit P. Viva, de fide est, dari gratiam efficacem, & probabile est, eam in hac prædeterminatione consistere.

Ratio autem est, quod DEUS non concedat illustrationem supernaturalem de existentia revelationis, neque pia affectio esset supernaturalis, nec habitus fidei influeret, si tantum haberetur probabilitas de revelatione: unde non eliceretur actus fidei supernaturalis & humanæ, ut vel ex ipsa damnatione hujus propositionis constet, & ex falsis sequelis.

Quidam cum P. Viva se fundant in eo, quod, si sufficeret probabilitas revelationis, posset quis prudenter repudiare assensum fidei, quem habebat, supernaturalem. Verum videtur difficultas refundi in assensum fidei, dependenter a morali tantum certitudine de revelatione elicito; posset enim casus contingere, præsertim in rudibus, ut revelatio ipsis ne quidem esset probabilis, si summa certitudo & firmitas fidei non ducatur a principis supernaturalibus. Unde enim haberetur summa certitudo actus fidei, quæ sit major omni certitudine naturali, etiam metaphysice evidente? Aliud est de virtutibus moralibus, ad quas sufficit, ut earum objectum probabiliter existat. Sic exerces actum misericordie in pauperem, licet tantum probabile tibi sit, quod sit pauper. Licite adoras hanc determinate hostiam, quamvis tantum probabile tibi sit, quod sit rite consecrata, exercesque virtutem religionis. Absoluto tamen actu fidei supernaturali credere non potes, hoc ipso, quod is debeat esse firmissimus & certior omni actu naturali. Potes igitur credere in genere sub ratione hostiæ consecratæ, vel conditionate, si sit rite consecrata. Aliud foret, si tibi moraliter certum esset, quod sit rite consecrata, ut si tu ipse illam consecrasses.

Prop. 22.

Non nisi fides unius DEI videtur esse necessaria necessitate medietatis, non autem explicita remuneratoris.

*Credenda
necessitate
medii.*

Observ. At Apostolus ad Hebr. 11 dicit explicite: *credere oportet accedentem ad DEUM, quia est, & inquirentibus se remunerator est.*

Qui thesin hanc defenderant, putarunt, id intelligendum de fide implicita in DEUM ut Remuneratorem, qua credantur generaliter omnia, quæ DEUS revelavit; nam licet Scriptura passim præcipiat fidem in Christum, ut Act. 16: *crede in Dominum JESUM, & salus eris.* Et ad Gal. 2: *Scientes, quod non justificetur homo, nisi per fidem JESU Christi*, nihilominus multos graves Doctores docere, quod fides explicita Incarnationis, imò & SS. Trinitatis, non sit necessaria necessitate Medii, sed tantum gravis præcepti; alioquin cæcum & surdum non habiturum medium necessarium ad salutem.

Ad casum, quo quis, cognita bonitate DEI eliceret actum perfectum amoris DEI, sine explicita fide in Remuneratorem, P. Viva negat suppositum, eum moraliter esse possibilem, eo quod per spem disponamur ad amorem DEI perfectum. Forte in tali casu amor DEI non esset supernaturalis, ex defectu principii elevantis.

Prop. 23.

Fides late dicta ex testimonio creaturarum, similive motivo, ad justificationem sufficit.

Observ. Fides ad justificationem requisita essentialiter innititur testimonio DEI, tanquam suo motivo intrinseco. Ergo non sufficit fides ex solo testimonio creaturarum hausto. Verum est, quod testimonium creaturarum possit esse motivum credibilitatis, non tamen ipsius fidei Divinæ, quæ sola est initium salutis, fundamentum & radix omnis justificationis.

Prop. 24.

Perjurium. Vocare DEUM in testem mendacii levis, non est tanta irreverentia, propter quam velit aut possit damnare hominem.

Observ. Vocare DEUM in testem falsi semper est gravis irreverentia in DEUM, in quacunque materia id contingat, semperque est ratio graviter prohibendi omne perjurium, sicut omnem blasphemiam, aut odium formale DEI. Adeoque hic nulla excusat parvitas materiæ. Quantum ad juramentum assertorium, nemo id negat. Censeo autem, id etiam locum habere in promisso-

missorio, quia juramentum videtur etiam cadere in executionem futuram, alias esset mere assertorium.

Prop. 25.

Cum casualitum est jurare sine animo jurandi, siue res sit gravis, siue levis.

Obsev. Jurans sine animo jurandi mentitur. Deinde sic facile enervaretur omnis fides juramenti; quia animus inspicitur non potest, & lata janua aperiretur deceptionibus, in perniciem fidei humanæ, judiciorum, commerciorum, Reipublicæ. Et cur non etiam liceret, promittere, pascisci, contrahere sine animo? Quare magis nomen Domini in vanum assumeretur, quam tali juramento? an blasphemare, idolo thus adolere, etiam ex metu mortis, licitum putas, ex eo, quod dicas, abesse animum?

Prop. 26.

Si quis vel solus, vel coram aliis, siue interrogatus, siue propria sponte, siue recreationis causa, siue quocunque alio sine jure, se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud adlitum verum, revera non mentitur, nec est perjurus.

Obsev. Damnatur hic tanquam mendacium restrictio pure mentalis; & merito: quia objectum aliter est in mente loquentis, quam verba præferant, nec audiens illud, quod mente retinetur, advertere potest. Unde ex tali restrictione audientes per se deciperentur, nemo alterius verbis, quantumvis claris, posset amplius fidere; & sic periret fides humana, in perniciem omnis humani commercii.

Aliud esset, si circumstantiæ audientis indicarent sensum verum aut id, quod mente retinetur. e.g. Si tyrannus interroget Confessarium de peccato poenitentis; aut judex, quem privata scientia scit nocentem, declararet innocentem, qui in judicio probatus est innocens; nam tunc verba judicis ex circumstantiis facile intelligi possent de foro judiciali, quod videlicet secundum illud sit innocens.

Sic Christus ipse Dominus Jo. 7 dixit: *ego autem non ascendam ad diem festum hunc*, subintelligendo: *pulam*, ut per miracula Divinitatem suam manifestaret; nam deinde tamen ascendit, sed quasi in occulto. Et Marci 13 dixit, neque Filium scire diem

Judicii, videlicet *scientia communicabili*, quem sensum verba in illis circumstantiis faciebant. Quia scilicet tales restrictiones in talibus circumstantiis non sunt insensibiles; nam tunc verba duos sensus faciunt, unum secundum se sola considerata, alterum ut prolata in his circumstantiis, qui sensus facile ab audiente adverti possit.

Prop. 27.

De Amphibol.

Causa justa utendi his amphibologiis est, quoties id necessarium aut utile est ad salutem corporum, bonorem, res familiares tuendis, vel ad quemlibet alium virtutis actum, ita ut veritatis occultatio tunc sit expediens & studiosa.

Observ. Amphibologiæ, ex quibus audiens, ne quidem adjuvantibus circumstantiis, potest sensum occultatum eruere, damnantur, sicut restrictiones mentales, non sensibiles ac mere internæ, quia non minus sunt mendacia. Hanc materiam alias uberius discussi.

Prop. 28.

Restrictio iunct.

Qui mediante commendatione vel munere ad Magistratum vel Officium publicum promotus est, poterit cum restrictione mentali præstare juramentum, quod de mandato Regis a similibus solet exigi, non habito respectu ad intentionem exigentis, quia non tenetur fateri crimen occultum.

Observ. Damnatur hic rursus restrictio pure mentalis in casu hoc determinato, ut putat Cardenas, vel, ut Viva censet, damnatur opinio, quod in casu, quo non inquiritur ad poenam, sed tantum, ut homo indignus depellatur a Magistratu, liceat uti quacunque restrictione etiam sensibili; nam hoc in casu, ait, obligari ita promotum vel ad deponendum ultro officium, vel ad fatendum crimen, licet occultum, & de quo non habetur semiplena probatio. Et sic etiam Episcopum electum teneri aut ad non acceptandum Episcopatum, vel ad fatendam irregularitatem, simoniam, aliave delicta aut impedimenta, propter quæ electio ipso jure fuit irrita. Credo autem, talem a summo Pontifice petitorum clam dispensationem.

Prop. 29.

Urgens metus gravis est causa justa, Sacramentorum administrationem simulandi.

Simulatio Sacramenti.

Observ. Certum est, omnem simulationem formalem, seu cum animo alios decipiendi, universaliter esse prohibitam, cum sit

fit mendacium, prout omnes DD. conveniunt. Joannes Sanchez autem docuit, licitam esse ex metu gravi simulationem Sacramentorum *materialium*, qua non intenditur, directe saltem, deceptio alterius, sed illa ob justam causam permittitur, sicut contingit in æquivocatione: e. g. posse sacerdotem ex metu gravi proferre verba consecrationis aut absolutionis materialiter, sine intentione consecrandi aut absolvendi: si indigno negari non possit Sacramentum, posse ei hostiam non consecratam porrigi.

Verum hæc omnia sunt falsa, & in hac propositione cum simulatione etiam materiali Sacramenti damnata. Quia cedunt in irreverentiam Sacramenti & DEI, sicut thurificatio materialis, facta coram idolo; cedit in irreverentiam DEI, aut blasphemia etiam materialis tantum. Hinc Innoc. III cap. *de homine* de celebr. Missarum ait, gravius eum peccare, qui simulat Sacramentum, quam is, qui indigne illud conficit. Quare, licet coram populo possit simulari absolutio, quando negatur indisposito, murmurando aliquid aliud; nunquam tamen potest proferri forma absolutionis sine intentione absolvendi, sicut nunquam potest porrigi hostia non consecrata propter periculum idololatricæ materialis.

Neque dicas, non irrogari Sacramento irreverentiam, quando quis non adhibet intentionem illud conficiendi, cum Sacramentum tunc non existat; nam, si ponatur materia & forma, a Christo instituta, & per defectum intentionis impeditur, ne fiat Sacramentum, irrogat eidem injuriam.

Prop. 30.

Eas est viro bonorato occidere invasorem, qui nititur calumniam inferre, si aliter hac ignominia vitari nequit: idem quoque dicendum, si quis impingat alapam vel fuste percutiat, & post incidit. fidiam alapam vel idum fustis fugiat.

Prop. 31.

Regulariter occidere possum furem, pro conservatione unius aurei.

Prop. 32.

Non solum licitum est defendere defensione occisiva, qua actu habemus, sed etiam, ad qua jus inchoatum habemus, & qua nos possessuros speramus.

Prop. 33.

Licetum est tam bareli quam legatario, contra injuste impedi-
entem se taliter defendere; sicut & jus habenti in catbedrum vel
Præbendam contra eorum possessionem injuste impediendum.

Observ. De hac materia dictum est aliquid ad propof. 17 Alex. VII. Nimis generâles sunt hæ theses: *qui ninitur calumniam inferre: quancunque? etiam modicam? &, si gravis sit, an non præsto est via juris? Si post infligam fugiat.* Hoc non amplius esset defensio, sed vindicta, privatis hominibus semper prohibita. *Pro conservatione unius aurei.* Pro re tantilla vitam, quæ longe altioris est ordinis, proximo auferre? *Quæ nos possessuros speramus.* O prodigas humani sanguinis pennas? Vitam certam pro re incerta auferre? *Heredi legatario &c.* Si cine Lapitharum instar statim in cædes ruere. Si ita est, tollantur Judicia publica, quilibet sibi ipsi est Judex, & alterius carnifex. Quam temeraria, quam scandalosa, quam in publicum perniciosa sunt hæc omnia?

Jam dixi ad propof. 17 Alex. VII, quid requiratur, ut invasor possit occidi. Et etiam tunc salvam semper esse oportet vitam Principis, utpote quæ tolli non potest sine magna concussione Rei-publicæ, adeoque non nisi cum gravissimo scelere parricidii.

Prop. 34.

Licet procurare abortum ante animationem fetus, ne puella gravi-
da deprehensa occidatur, aut diffametur.

Abortus.

Observ. Talis procuratio abortus habetur pro homicidio, cap. *Si aliquis de homicid.* ibi: *Si aliquis - - mulieri aliquid fecerit, vel ad potandum dederit, ut non possit generare, aut concipere, vel nasci solus, de homicidio tenetur: non quod vitam homini adimat, sed quia proxime & immediate vitam hominis impediatur.* Certe, cum ne quidem ob metum mortis liceat, semen procurando pollutionem emittere, quanto minus licebit procurare abortum fetus jam concepti.

Aliud esset, si fetus necdum animatus ab intrinseco aggrederetur vitam matris; nam tunc sicut alius invasor vitæ, cum moderamine inculpatæ tutelæ, posset de pelli; nunquam vero licet illum expellere ad vitandam mortem prægnantis, quam alias tertius quispiam vellet occidere, sicut nunquam licet occidere eum, qui te non invadit, licet alius tertius tibi mortem miniteatur, nisi occidas.

Prop.

Prop. 35.

Videtur probabile, omnem fetum, quamdiu in utero est, cavere anima rationali, & tunc primo incipere eam habere, cum paritur, ne consequenter dicendum erit, in nullo abortu homicidium committi.

Observ. Quamvis incertum omnino sit, quando infundatur anima rationalis, quia incertum est, quando precise organa sint disposita, ut anima possit operari vitaliter, certum tamen est, quod infundatur ante nativitatem, in ea etiam sententia, quæ admittit successionem animarum.

Falsa est etiam altera pars propositionis; nam licet probabile esset animam non infundi ante nativitatem, haberetur tamen pro homicidio procuratus abortus; prout ad thesın superiorem excap. Si aliquis de homic. diximus. Poenæ tamen canonicæ non incurruntur ante diem 40, si sit mas, & ante 80, si sit femella. Quamvis autem sententia illa speculativa de infusione animæ esset probabilis, nullo modo tamen esset probabile, quod liceat procurare abortum.

Prop. 36.

Permissum est furtum, non solum in extrema necessitate, sed etiam in magna.

Observ. Indocta atque inepta locutio! furtum semper est prohibitum, etiam in extrema necessitate; quia est intrinsece malum, adeoque jure naturæ semper pro semper prohibitum; nam furtum est ablatio rei alienæ invito rationabiliter domino. Quamdiu igitur talis est, semper est illicita: si vero desinit esse talis, desinit esse furtum.

In extrema necessitate aliquid auferens, in quantum ad eam sublevandam requiritur, non committit furtum, sive quod tunc, ut aliqui putant, omnia sint communia, sive, quod dominus non sit rationabiliter invitus, si in extrema necessitate constitutus, per modum mutui, vel alio modo, qui domino est minus nocivus, præsentī extremæ necessitati subveniat. paratus restituere vel refarcire damnum, si ad pinguem fortunam sit perventurus.

Sane, si liceret in gravi necessitate divitem rebus suis spoliare, omnia plena essent direptionibus & usurpationibus, eo quod gravis indigentia multos premat. Aliud tamen esset, si indigentia esset maxima, extraordinaria, & quasi extrema.

Prop.

Prop. 37.

Famuli & famula domesticæ possunt occulte heris suis surripere ad compensandam operam suam, quam majorem judicant salario, quod percipiunt.

Observ. Tales facile judicant, operam suam majorem salario, & alias sæpe proni sunt ad clependum; unde pessime consultum esset heris, si tam laxa doctrina animarentur ad audendum. Pacto promiserunt, pro tali salario servire: sient pacto, & fide data.

Neque enim occulta compensatio hic locum habet, cum desint conditiones, ad eam requisitæ; quarum præcipua est, ut debitum sit certum, quod in calu nostro non contingit; nam propter meram probabilitatem debiti, nemo privandus est possessione certa. Neque Princeps potest alium bello aggredi, eumque possessione sua deicere, nisi certum habeat, eam sibi deberi, nec alio modo obtinere possit. Neque Judex id potest, nisi probabilius ei sit, rem ad alium pertinere.

Cæterum aliud esset, si certo constaret ac manifeste, salariū esse minus infimo, herus non posset esse rationabiliter invitatus, saltem quoad substantiam, cum teneatur operas conducere secundum leges locationis conductionis, quæ, sicut in emptione venditione pretium, requirunt mercedem aut summam, aut mediam, aut infimam.

Prop. 38.

Non tenetur quis sub pena peccati mortalis restituere, quod ablatum est per pauca furta, quantumcunque sit magna summa totalis.

Observ. Si magna summa totalis formaliter aut virtualiter adhuc extet, manifeste falsa est thesis: tunc enim, qui abstulit, tenetur ad restituere ex re accepta. Si autem summa non amplius extet, tunc, si advertit, se perventurum ad summam gravem, graviter peccat, consequenter tenetur ad restitutionem ex injusta acceptance; nam furtula illa tunc coalescunt. Certe damnum, eisdem illatum, non est minus, sive per parva plura furta illatum, sive per unum magnum: damnum autem grave, injuste illatum, sub gravi peccato reparari debet.

Prop. 39.

Qui aliud movet aut inducit ad inferendum gravi damnum tertio, non tenetur ad restitutionem ipsius damni illati.

Observ.

De furis
minutis.

Restitutio.

Obsev. Certum & indubitatum est, non tantum eum, qui physice concurrat ad grave damnum tertii, sed eum etiam qui moraliter influit, puta, qui jubet, suadet, consilium dat, imo etiam, qui non impedit, si ex officio aut contractu impedire tenetur, uti Magistratus, parentes, tutores, confessorius, deobligans poenitentem a restitutione, ad quam tenetur. Et quidem hi omnes peccant contra iustitiam, damnum tertii positive vel negative causando, consequenter obligantur ad restitutionem. Alii vero, qui non cooperantur ad damnum, neque ex officio vel contractu tenentur illud impedire, peccant quidem contra charitatem, si facile impedire possent, & non impediunt, sed ad restitutionem non obligantur; cum sola iustitia sit radix restitutionis.

Prop. 40.

Contractus Mobatra licitus est, etiam respectu ejusdem personae, & cum contractu retrovenditionis prave inito, cum intentione *Mobatra.*
lucris.

Obsev. Petis a mercatore mutuas pecunias: ille loco pecuniarum tibi vendit merces pretio summo, adjecto pacto, ut eas merces ei retroendas pretio infimo: hic est contractus, qui appellatur *Mobatra*, hic damnatus. Tamen hic lucrum mercatoris videatur provenire ex emptione venditione, usura tamen est palliata; cum, praecisis verborum ambagibus, idem sit, atque pecuniam mutuam dare, & supra fortis restitutionem lucrum exigere. Et quam inordinatum vendere merces pretio summo, cum pacto, ut eas emptor mox retrovendat venditori pretio infimo!

Prop. 41.

Cum pecunia numerata sit pretiosior numeranda, & nullus sit, qui non majoris faciat pecuniam praesentem, quam futuram, potest *Usura.*
creditor ultra sortem a mutuario exigere, & eo titulo ab usura excusari.

Obsev. Ad hanc thesin responsum est ad propos. 42. Alex. VII. si non vertatur lucrum cessans, damnum emergens, aut periculum fortis, pecunia praesens non plus valet, quam futura; cum pecunia sit res, de se sterilis, & nummus per se non pariat nummum. Et sane, si principium, in hac thesi assumptum, videret, semper liceret in mutuo aliquid ultra sortem exigere, & sic usura plena porta posset ingredi.

Propositio 42.

Usura non est, dum ultra sortem aliquid exigitur, tanquam ex benevolentia & gratitudine debitum, sed solum, si exigitur, tanquam ex iustitia debitum.

Observ. Si pro re spiritali petas pecuniam, ex gratitudine debitam, committis simoniam: &, si pro mutuo auctarium petas, committis usuram lucratoriam, intrinsece malam. Et quidem injuste petis auctarium; quia mutuatarius non tenetur, hoc a te determinato modo gratitudinem exhibere, sed est penes ipsum electio. Hinc, si determinate mutuans exigit auctarium, exigit aliquid, quod est extra rationem mutui, sibi que indebitum.

Prop. 43.

Falsum crimen.

Quidni non nisi veniale sit, detrahentis auctoritatem magnam, sibi noxiam, falso crimine elidere?

Prop. 44.

Probabile est, non peccare mortaliter, qui imponit falsum crimen alteri, ut suam iustitiam, & bonorem defendat: &, si hoc non est probabile, vix erit opinio probabilis in Theologia.

Observ. Falsum crimen alteri impingere, est mendacium in re gravi, detractio, gravisque violatio tamæ proximi, spiratque vindictam, incertumque est, an sit medium efficax, honorem tuum defendendi, neque certum est, aliud medium non suppetere; ergo graviter peccas, si tibi detrahenti grave crimen falso imponas: non enim licet per mendacium in re gravi famam tuam defendere. Et, si alter peccat, non sequitur, quod tibi liceat peccare.

Prop. 45.

Simoniam.

Dare temporale pro spiritali non est Simoniam, quando temporale non datur tanquam pretium, sed duntaxat tanquam motivum conferendi, vel efficiendi spirituale, vel etiam quando temporale sit solum gratuita compensatio pro spiritali, aut e contra.

Observ. Si per temporale præcise intendas alterum movere, ut tibi det spirituale, quod inde speras absque omni pacto, etiam tacito, implicito, & virtuali, quin ullam obligationem velis imponere præciso scandalo, non committis Simoniam. Alias omnes piæ fundationes, quotidianæ distributiones, in choro præsentibus destinatæ, essent simoniacæ; quia fundator per temporale vulg movere ad spirituale: esset Simoniam, si dando temporale pauperibus

bus Religiosis, velles eos movere, ut pro te orent, aut sacrificium offerant; esset Simonia, si servires Episcopo in temporalibus, sperans ab eo Beneficium. Si instrueres filios Patroni, sperans ab eo præsentationem. Stipendium & sustentatio, quam offers sacerdoti, ut pro te Missam legat, est aliquid temporale. DEUS ipse in veteri lege quot promissiones fecit, ut populus ille fidelem cultum exhibeat DEO? Sicut vice versa non est Simonia, si des spirituale ex spe obtinendi temporale, uti, si per orationes, aut sacrificia a DEO petas sanitatem, aut alia bona temporalia; quo sane casu, & multis aliis das spirituale, ut eveniat temporale.

Igitur in hoc sensu non est confixa thesis: sed duæ aliæ sunt causæ, propter quas est merito damnata. Prima est, quod non distinguat inter purum motivum, seclusum ab omni pacto & obligatione, cum spe sola conjunctum, & inter motivum non purum, sed conjunctum cum aliquo pacto tacito, vel voluntate obligandi: prout rem hanc optime declarat Innoc. III. cap. *Tua nos*, de Simonia.

Altera stat in clausula confixæ propositionis: *vel etiam quando temporale sit solum gratuita compensatio pro spirituali*. Ecce Pus Simoniacum! quare Simonia strictè dicta Jure Divino & naturali semper est graviter prohibita, nisi quia indignissimum & DEO summopere injuriosum est; rem temporalem *aquiparari* spirituali? per quid autem magis æquiparas, quam si velis spirituale per temporale *compensare*? Compensatio æqualitatem comparativam inter datum & acceptum respicit.

Prop. 46.

Et id quoque locum habet, etiamsi temporale sit principale motivum dandi spirituale, imo etiamsi sit finis ipsius rei spiritualis, sic, ut illud pluris aestimetur, quam res spiritualis.

Observ. Adjicitur rursus virulenta clausula. Quid indignius, & cum contemptu rerum spiritualium conjunctum, quam temporale pluris æstimare ac spirituale. Hoc enim vero non tantum est, temporale cum spirituali æquiparare, in quo tabes Simonix nidulatur, sed omnino præhabere & anteferre.

Prop. 47.

Cum dicit Concilium Tridentinum, eos alienis peccatis communicantes mortaliter peccare, qui, nisi quos digniores, & Ecclesia magis utiles ipsi judicaverint, ad Ecclesias promovent, Concilium vel primo per Digniores videtur aliud significare velle, nisi

Provisio dignioris.

dignitatem eligendorum, sumpto comparativo pro positivo: vel secundo, locutione minus propria ponit Digniores, ut excludat indignos, non vero dignos: vel tandem loquitur tertio, quando fit concursus.

Observ. Nulla prorsus est ratio, verba Tridentini clarissima in sensum alienum torquendi. Jam dudum antea Innoc. III *cap. un. ut Eccles. Benef. sine dimin. conf.* idem præceperat his verbis: *non ex affectu carnali, sed discreto iudicio debuisti Ecclesiasticum Beneficium in personam magis idoneam dispensare.* Quamvis autem Tridentinum de Cardinalium duntaxat & Episcoporum *sess. 24 cap. 1 de Reform.* loquatur, eadem tamen est ratio de omnibus Beneficiis, quibus cura animarum incumbit, prout idem Trid. c. 18 innuit; quia nempe cultui DEI, Ecclesiæ utilitati, & animarum saluti meliori, quo fieri potest, modo provideri debet.

Unde, siue Beneficium sit collativum, siue electivum, siue patronatum, digniori (spectatis omnibus) conferri debet. Ad quid enim collatori, electori, patrono datur ab Ecclesia potestas providendi Ecclesiæ viduatae, nisi ut meliori modo provideat? Et hinc etiam censeo, Beneficium quoque simplex digniori esse conferendum; quia iustitia saltem distributiva exigit, ut officia & bona communia dignioribus præ minus dignis conferantur. *De hac materia alias uberius tractavi.*

Prop. 48.

Fornicatio.

Tam clarum videtur, fornicationem secundum se nullam involvere malitiam, & solum esse malum, quia interdicta, ut contrarium omnino rationi dissonum videatur.

Prop. 49.

Mollities jure naturæ prohibita non est, unde si DEUS eam non interdixisset, sape esset bona, & aliquando obligatoria sub mortali.

Observ. Ita visum est Caramueli; sed aliud communi Theologorum. Atque imprimis certum est, fornicationem & mollitiam jure Divino esse prohibitas graviter, teste Apostolo 1 Cor. 6: *Neque fornicarii neque molles regnum DEI possidebunt.* Dein ipso etiam jure naturæ prohibentur; cum in utraque magna sit naturæ inordinatio, hominemque ad bestiarum rationem deprimat. Et quidem mollities impedit generationem & propagationem speciei humanæ; dum id, quod ad hanc a natura ordinatur, effunditur, non sine magno periculo consentiendi in delectationem, inde oriri solitam

solitam. Fornicatio vero, præterquam quod fornicantes deturpet, nocet rectæ generationi prolis, ac præsertim educationi, maculamque eidem affricat prolis illegitimæ. Qualis esset mundus, si vagæ ejusmodi libidines essent licitæ? quis matrimonii grave jugum lubre vellet. Profecto, si ad ipsa, juxta naturalis principia velimus respicere, recta humani generis constitutio, Divinaque perfectiones fornicationem & mollicitem pro omni casu exigunt prohiberi tanquam intrinsece mala.

Prop. 50.

Copula cum conjugata, consentiente marito, non est adulterium, Adulterium, adeoque sufficit in confessione dicere, se esse fornicatum.

Observ. Accessus ad conjugem non suam est adulterium. In hoc autem casu datur talis accessus, nec obstat, quod maritus consentiat; nam illicite & invalide consentit; sicut clericus in sui verberationem, aut Religiosus in alienationem fundi. Habet quidem maritus jus in corpus uxoris, sed pro se, non pro alio, sicut usufructuarius, qui usumfructum alienare non potest in alium; cum sit jus personale inhærens ejus ossibus.

Talis igitur adulter, præterquam quod gravissime peccet contra castitatem, peccat etiam contra justitiam, quia gravem injuriam infert proli spurie, Sacramento matrimonii, & ipsi etiam lenoni, cujus consensus est omnino irritus, ac penitus nullus. Verum quidem est: si virgo non consentiat in sui deforationem, vim inferens committit stuprum, si vero consentiat, tantum simplicem fornicationem. Sed diversitas specifica stupri a fornicatione referenda est in vim illatam gravemque injuriam. Consensus autem mariti non tollit rationem adulterii, prout dictum. Accedit, quod plures dicant, virginem illicite quidem, valide tamen, consentire in sui deforationem, quod de conjugatis dici non potest.

Prop. 51.

Famulus, qui submissis humeris scienter adjuvat verum suum ascenderem per fenestras ad stuprandam virginem, & multoties eidem ad peccatum, subservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta, ne a domino male tractetur, ne torvis oculis aspiCIatur, ne domo expellatur.

Observ. Talis famulus proxime ac formaliter cooperatur peccato: ergo est causa & complex peccati. Deinde tales actiones,

proxime tendentes ad peccatum videntur esse intrinsece malæ, sicut invitare ac deducere concubinam ad domum concubinarum &c. Aliud esset, si famulus tantum materialiter & remote, ad declinandum grave damnum cooperaretur. Casus sunt in hoc genere innumeri, qui Theologorum Moralium ingenia laboremque fatigant, amplioresque, quam brevissimum hoc compendium complectantur.

Prop. 52.

Præceptum servandi festa non obligat sub mortali, seposito scandalo, si absit contemptus

Observ. Thesis hæc est contra certam Theologorum & Canonistarum sententiam, imo contra persuasionem omnium fidelium; quis enim non certum, persuasumque habet, se peccare graviter, si absque rationabili causa die festo, ab Ecclesia præcepto, non audiat Missam, aut laborem servilem absque necessitate tota die exerceat? Quare non idem dicis de jejuniis, aliisque omnibus præceptis Ecclesiæ. Certe illa in materia gravi, qualis est observatio festorum, conducente ad cultum DEI & animarum salutem, graviter obligant, tametsi non addantur expresse verba, continentia censuram, interminationem Divini judicii, aut aliam gravem poenam, aut præcipiatur in virtute S. obedientiæ, vel exprimentur sub gravi: sub mortali.

Prop. 53.

Missa. Satisfacit præcepto Ecclesiæ de audiendo sacro, qui duas ejus partes, imo quatuor simul a diversis celebrantibus audit.

Observ. Credere non possum, quod tales canonomachi recta intentione ducantur cultus Divini, salutis animarum, & obedientiæ erga Ecclesiam, in id unice intenti, ut ejusdem leges & præcepta violente torqueant, & arbitrariis expositionibus eludant contra expressa legum verba & intentionem legislatoris, ad inducendas laxitates, & excusandas excusationes in peccatis. Ecclesia jubet, ut audiat Missa, quæ est unum, continuum atque integrum sacrificium, ad cujus singulas partes possit attendi. Et quanta erga DEUM irreverens paritas, plures diversarum Missarum particulas eodem tempore velle confarcinare? Dico, eodem tempore, nam audire unam medietatem e. g. a consecratione, & postea ab alio sacerdote alteram medietatem usque ad consecrationem hic non est damnatum; quamvis hoc ipsum etiam, seclusa calu necessitatis, parce sit cum DEO agere, & illiberaliter.

Prop.

Prop. 54.

Qui non potest recitare Matutinum & Laudes, potest autem reliquas Horas, ad nihil tenetur, quia major pars trahit ad se minorem. Officium.

Observ. Septem Horæ Divini Officii sunt inter se separabiles, præcipiunturque recitari omnes & singulæ; unde sequitur, non tantum te obligari, quando Matutinum & Laudes, e. g. ex defectu Breviarii, recitare non potes, ad reliquas sex Horas recitandas, sed etiam quod, si vel unam Horam recitare possis, recitare illam tenearis. Axioma illud: *pars major trahit minorem*, non habet locum, quando materia est divisibilis, & singulæ partes sunt præceptæ. Sic, si quis jejulare non possit per majorem partem quadragesimæ, possit autem per reliquam, quis dicat, quod per hanc non teneatur? Dispensatus quoad carnes usque ad Dominicam Passionis tantum, an non tenetur reliquis diebus abstinere? Qui debet centum, possit autem tantum decem solvere, an ad nihil tenetur? Si officium Divinum ita individue esset præceptum, ut non etiam singulæ Horæ essent præceptæ, sequeretur, quod, si omnes Horas recitare posses, excepto solo Completorio, ad nihil tenearis. Nescio, an tam robusto sis stomacho, ut hoc absurdum devores.

Prop. 55.

Præcepto communionis annua satisfit per sacrilegam Domini manducationem.

Communio annua.

Observ. Præcepto annuæ Confessionis non satisfit per Confessionem voluntarie nullam (*propof. 14 Alex. VII*) ergo neque per sacrilegam communionem: hanc enim Ecclesia non præcipit: quomodo ergo per illam satisfieri potest præcepto? Quis non videt legislatoris, præcipientis annuam communionem, eam non esse mentem, sed præcipi communionem innocentem, devotam, salutiferam, sanctam?

Prop. 56.

Frequens Confessio & communio etiam in his, qui gentiliter vivunt, est nota prædestinationis.

Observ. Hæc propositio non potuit provenire, nisi ab aliquo simplici devotulo, qui habet zelum, sed non secundum scientiam. Utique non loqueris de confessione & communione sacrilega; nam hæc est nota reprobationis, nam qui indigne sumit, judicium sibi manducat & bibit. Si autem loqueris de frequenti confessione &

& communione, cum requisita præparatione, & dispositione dignè receptis, quomodo fieri potest, ut suscipiens gentiliter, id est, inter continuata scelera, vivat? Propositum sane efficax, ad confessionem requisitum, haberet aliquem emendationis effectum; alias nequidem absolvi amplius posset. Cælestis ille ignis S. Communionis quomodo cum recta devotione & dispositione accedentem non calcfaciat?

Verum quidem est, quod sanctissima hæc Sacramenta etiam ab iis sint suscipienda, qui gentiliter tanquam magni peccatores vixerunt, quia sunt pharmacum & medicina præservativa a peccatis, sed iis, qui serio sunt parati vitam gentilem emendare; alias non sunt signum prædestinationis, sed reprobationis. Certissimum enim signum prædestinationis est observatio mandatorum DEI, & exercitium bonorum operum, prout nos admonet S. Petrus: *fatagite fratres, ut per bona opera certam vestram vocationem & electionem faciatis.*

Prop. 57.

Probabile est, sufficere attritionem naturalem, modo honestam.

Attritio naturalis.

Observ. A Tridentino S. 6. c. 3 dici anathema, *si quis dixerit, sine præveniente S. Spiritus inspiratione atque ejus adiutorio hominem penitere posse, ut oportet, ut ei justificationis gratia conferatur*: additque, attritionem, disponentem ad gratiam in Sacramento, esse donum DEI, & Spiritus S. impulsam.

Neque dicas: Concilium tantum loqui de pœnitentia, ut fructifera, non autem ut valida: Sacramentum sine attritione supernaturali esse quidem validum, sed tamen informe; nam contra est; valor præsupponitur ad fructum. Si ergo ad fructum, nempe ad supernaturalem justificationis gratiam requiritur dolor supernaturalis, requiritur etiam ad valorem. Dein Sacramentum ut validum debet de se esse aptum ad pariendum fructum supernaturalem gratiæ sanctificantis. Valor autem, cui procederet ex attritione naturali, non esset de se aptus ad fructum gratiæ supernaturalis, cum ad hunc sit prorsus improporcionatus.

Dices. Attritio concepta ex metu gehennæ, aut turpitudine peccati juxta Trid. sufficit ad Sacramentum pœnitentiæ. Sed hæc attritio est mere naturalis. *Resp.* Neg. Min. attritio, ut sit sufficiens, debet procedere ex motivo, cognito lumine fidei supernaturali; ut, si quis doleat de offensa DEI ob metum gehennæ, per lumen fidei cognitæ, & valde probabiliter etiam, juxta sententiam multorum DD. Si quis doleat de peccato ob metum pœnarum

narum temporalium, ut infligendarum a DEO vindicæ; cum Trid. dicat, attritionem supernaturalem concipi posse, aut ex consideratione turpitudinis peccati, aut ex gehennæ & pœnarum metu. Modo ex his motivis, per fidem propolitis, serio doleatur de offenso DEO; nam etiam, quando ex consideratione turpitudinis peccati elicitur attritio, hæc turpitudinis attingi debet lumine supernaturali tanquam opposita Divinæ voluntati aut virtuti supernaturali.

Prop. 58.

Non tenemur confessorio interroganti fateri peccati alicujus consuetudinem.

Observ. Licet Tridentinum, per se loquendo, tantum requirat, ut pœnitens explicet numerum & speciem suorum peccatorum, cum circumstantiis aggravantibus, speciem mutantibus; nihilominus, cum Confessorius fungatur munere Judicis, Doctoris, & Medici, jus habet interrogandi de consuetudine & variis circumstantiis aggravantibus, licet speciem non mutant, ut possit rectum judicium ferre de statu pœnitentis, eum instruere, & apta remedia præscribere; unde pœnitens tenetur fideliter respondere; quod, si facere detrectet, satis indicat, se non esse satis dispositum, nec satis serio velle curari.

Neque obstat, quod sic idem peccatum bis esset exponendum; nam per accidens & indirecte id potest esse necessarium; sic, qui cognovit consanguineam suæ uxoris, si hoc peccatum fuerit confessus, postea autem ab uxore petat debitum, ut hoc peccatum suum constiteatur, necesse est, ut etiam illud prius repetat.

Cæterum aliud foret, si Confessorius interrogaret talia, quæ ad confessionem non pertinent, e. g. nomen pœnitentis, familiam, gentem &c.

Prop. 59.

*Licet Sacramentaliter absolvere dimidiata tantum confessos, ratio-
ne magni concursus pœnitentium, qualis v. g. potest contingere confes-
sio die magna alicujus Festivitatis, vel Indulgentiæ.*

Observ. Tridentinum *sess. 14 cap. 5 & can. 7* ait, Jure Divino requiri confessionem, non tantum formaliter, sed etiam materialiter integram, talem videlicet, qua omnia peccata mortalia, quæ post diligentem conscientiam discussionem memoriæ occurrunt, secundum speciem & numerum, atque circumstantias, speciem mutant, confessorio sincere exponantur.

Part IX.

G

Neque

Neque ab hac gravi obligatione excusare pœnitentem aliquid potest, nisi impotentia physica aut moralis, qualis non est allata in thesi profligata, in concursu nimirum pœnitentium. Confessiones valde longæ possunt anticipari vel differri; alias quilibet posset expectare tempus magni concursus, ut dimidiatam tantum confessionem possit deponere. Et quale ex tali iudicio confessarii? quomodo proportionatam pœnitentiam injunget? quomodo fungetur triplici suo munere.

Prop. 60.

**Absolutio
consuetudi-
nari.**

Pœnitenti, habenti consuetudinem peccandi contra legem DEI, naturæ, & Ecclesiæ, etsi emendationis spes nulla apparent, nec est neganda, nec differenda absolutio, dummodo ore proferat, se dolere, & proponere emendationem.

Observ. Trid. sess. 14 cap. 8 docet, eam satisfactionem esse pœnitentibus imponendam, quæ ad præteritorum peccatorum vindictam, & castigationem deserviat, & simul ad novæ vitæ custodiam, & infirmitatis medicamentum. Cum igitur confessarius agere debeat personam iudicis & Medici, non potest, certe non debet, talem consuetudinariam statim absolvere, ne facilitas absolutionis malum augeat. Et quomodo pœnitens potest habere verum, ferium, & efficax emendationis propositum, si nulla est spes emendationis, si prævideat, se mox ad consuetum volutabrum reverturum?

Igitur, ut pœnitens melius miserum animæ suæ statum agnoscat, ac sentiat, ad DEUM vero ardentius per preces confugiat, pericula & occasiones peccandi cautius devitet, atque ad Sacramentum reconciliationis digne suscipiendum se melius disponat, differenda est quandoque absolutio, donec aliqua saltem emendatio sequatur.

Verum quidem est, rite dispositum, per se loquendo, habere jus ad absolutionem; sed quomodo formabitur probabile iudicium, quod talis per serium dolorem de peccatis, & efficax propositum emendationis sit dispositus, ubi nulla est spes emendationis? Et, tamen si esset dispositus, haberet quidem jus ad absolutionem, sed non statim accipiendam. Confessarius etiam habet jus, imo obligationem, ut tanquam animæ Medicus aptam morbo medicinam præscribat. Ecclesia reservat aliqua peccata Papæ aut Episcopo, a quibus non potes absolvi ab alio confessario, licet sis dispositus.

Dum-

Quomodo ore proferat, se dolere & proponere. Ita est: credendum poenitenti, pro se & contra se loquenti; nisi protestatio sit contraria facto, & opere evertat, quod ore profert.

Prop. 61.

Potest aliquando absolvi, qui in proxima occasione peccandi versa Occasio pro-
tur, quam potest, & non vult omittere, quin imo ex proposito xima.
& directe quat, aut ei se ingerit.

Observ. Communis alias est doctrina, proximam occasionem peccandi esse vitandam, nisi impotentia physica vel moralis excuset. At auctor hujus propositionis non horret asserere, illam etiam ultro queri posse. Sed quomodo talis ad absolutionem potest per efficax propositum esse dispositus, si proximæ occasionem peccandi se ultro velit ingerere? Proximam occasionem peccandi querere est peccatum: monetque Dominus eruendum oculum, si te scandalizet: & qui amat periculum, peritulum in illo. Quomodo ergo cum voluntate peccandi stare poterit voluntas seria & efficax non peccandi de cætero?

Aliud est de peccatis venialibus, quorum occasiones, cum sint innumeræ, non omnes vitari possunt. Accedit, quod committens venialia tantum, longe aliter erga DEUM & animæ suæ salutem sit affectus, ut adeo, non obstante frequenti in illa relapsu, possit de uno saltem vel altero ex speciali motivo serio dolere & proponere. Quamvis nec eorum occasiones proximæ liceat directe & ex professo querere.

Prop. 62.

Proxima occasio peccandi non est fugienda, quando causa aliqua utilis aut honesta non fugiendi occurrat.

Prop. 63.

Licetum est querere directe occasionem proximam peccandi pro bono spirituali, vel temporali nostro, vel proximi.

Observ. Absurdo profecto Aphorismos, & scandalo plenos! Proximam occasionem graviter peccandi, formaliter talem, directe querere, est ita intrinsece malum, ut nullo fine bono, spirituali aut temporali, cohonestari possit, siue sis Judex, siue Confessarius, siue Medicus aut Chirurgus, siue quisque alius. *Quid prodest homini, si mundum universum lucretur, anima vero sua detrimentum patiat?* Unde nunquam faciendum est malum, ut eveniat bonum. (vid. etiam propos. 41. Alex. VII.)

Ignorantia
Mysterio-
rum.

Prop. 64.

Absolutionis capax est homo, quantumvis laboret ignorantia Mysteriorum fidei, & etiamsi per negligentiam, etiam culpabilem, nesciat Mysterium SS. Trinitatis & Incarnationis D. N. J. Christi.

Observ. Probabile est, secundum plurium DD. sententiam, quod notitia SS. Trinitatis & Incarnationis Domini ad salutem sit necessaria necessitate Medii: ergo nullatenus est probabile, quod capax sit absolutionis, qui hæc mysteria penitus ignorat; quia Sacramentum absque necessitate exponeretur periculo frustrationis, quod nunquam licet. Dico, *absque necessitate*; quia poenitens potest instrui; vel, si hoc fieri tunc non potest, differri potest absolutio, donec prius instruatur.

Cæterum propositio, si loquatur de ignorantia (culpabili vel inculpabili) omnium mysteriorum fidei, etiam DEI existentis & remuneratoris, (*quantumvis laboret ignorantia mysteriorum fidei*) apertissime est falsa; quia notitia DEI, ut existentis, & ut remuneratoris ita est necessaria ad salutem, ut ne quidem sufficiat, eam habere in voto, sicut tamen baptismum sufficit aliquando habere in voto.

Prop. 65.

Sufficit, illa mysteria semel credidisse.

Observ. De hac thesi dictum est ad propos. 1 ab Alex. VII confixam. Plenæ sunt Scripturæ præceptis fidei. *Hæc est vita æterna, ut cognoscant te verum DEUM, & quem misisti JESUM Christum.* Joan. 17. *Nos in Christum credimus, ut justificemur ex fide Christi.* Ad Gal. 2. *Hoc est mandatum, ut credamus in nomine Filii ejus.* Joan. 3.

Cur non etiam dicis, sufficere, ut semel sis Christianus? ut semel cogites de DEO, & JESU Christo Redemptore? Quando Sacramentum Eucharistiæ suscipis, an nihil credis? *Iustus ex fide vivit.* Rom. 2. Ergo sine fide non vivit, & sicut frequens cibis ad vitam corporalem, ita frequens fides ad vitam spirituales est necessarius.

Atque has 65 propositiones, & unamquamque ipsarum, sicut jacent, ut minimum tanquam scandalosas, & in praxi perniciosas, sua Sanctitas damnavit, & prohibuit.

§. 4.

Propositiones 68 Michaelis Molinos damnata ab Innocentio XI.

anno 1687.

Fuit is Sacerdos Hispanus, qui diu versatus Romæ, auctor est *Quietismi*, multa de interno homine, animæ quiete, & indifferencia ineptissime ac turpissime garriens, quibus non paucos homines, spurcis voluptatibus inhiantes, seduxit, corripitque. Sacri denique officii Decreto in carcerem conjectus est. Stultitiæ autem illius sunt istæ.

1 Oportet hominem suas potentias annihilare. Et hæc est via interna.

2 Velle operari active est velle DEUM offendere, qui vult esse ipse solus agens, & ideo opus est, se ipsum totum & totaliter relinquere, & postea permanere velut corpus exanime.

3 Vota de aliquo faciendo sunt perfectionis impeditiva.

4 Activitas naturalis est gratiæ inimica, impeditque DEI operationem, & veram perfectionem; quia DEUS vult operari in nobis sine nobis.

5 Nihil operando anima se annihilat, & ad ipsum principium redit, & ad suam originem, quæ est essentia DEI, in qua transformata remanet, ac divinizzata, & DEUS in ipsa remanet, quia tunc non sunt amplius duæ res unitæ, sed una tantum; & hac ratione DEUS vivit & regnat in nobis, & anima se ipsam annihilat in esse operativo.

6 Vis interna est illa, in qua non cognoscitur, nec amor, nec resignatio, & non oportet DEUM cognoscere; & hoc modo recte proceditur.

7 Non debet anima cogitare nec de præmio, nec de punitione, nec de paradiso, nec de inferno, nec de morte, nec de æternitate.

8 Non debet velle scire, an gradiatur cum voluntate DEI, an cum eadem voluntate resignata maneat, nec ne: nec opus est, ut velit cognoscere suum statum, nec proprium nihil, sed debet ut corpus exanime.

9 Non debet anima reminisci nec DEI, nec sui, nec cujuscunque rei, & in via interna omnis reflexio est noxia, etiam reflexio ad suas humanas actiones & ad proprios defectus.

10 Si propriis defectibus alios scandalizat, non est necessarium reflectere, dummodo non adsit voluntas scandalizandi: & ad proprios defectus non posse reflectere, gratia DEI est.

11 Ad dubia, quæ occurrunt, an recte procedatur, nec ne, non opus est reflectere.

12 Qui suum liberum arbitrium DEO donavit, de nulla re debet curam habere, nec de inferno, nec de paradiso, nec debet habere desiderium propriæ perfectionis, nec virtutum, nec propriæ sanctitatis, nec propriæ salutis, cujus spem expurgare debet.

13 Resignato DEO libero arbitrio, eidem relinquenda est cogitatio & cura de omni re nostra, & relinquere, ut faciat in nobis sine nobis suam Divinam voluntatem.

14 Qui Divinæ voluntati resignatus est, non convenit, ut a DEO rem aliquam petat; quia petere est imperfectio, cum sit actus propriæ voluntatis, & electionis, & est velle, quod Divina voluntas nostræ conformetur, & non, quod nostra Divinæ, & illud Evangelii: *petite & accipietis*, non est dictum a Christo pro animabus internis, quæ nolunt habere voluntatem. Imo huiusmodi animæ eo perveniunt, ut non possint a DEO rem aliquam petere.

15 Sicut non debent a DEO rem aliquam petere. ita nec illi ob rem aliquam gratias agere; quia utrumque est actus propriæ voluntatis.

16 Non convenit Indulgentias querere pro pœna, propriis peccatis debita; quia melius est Divinæ justitiæ satisfacere, quam Divinam misericordiam querere; quia illud ex puro DEI amore procedit, & istud ab amore nostri interessato, nec est res DEO grata, nec meritoria, quia est velle crucem fugere.

17 Tradito DEO libero arbitrio, & eidem relicta cura, & cogitatione animæ nostræ, non est amplius habenda ratio tentationum, nec eis aliqua resistentia fieri debet, nisi negativa, nulla adhibita industria; & si natura commoveatur, oportet sinere, ut commoveatur, quia est natura.

18 Qui in oratione utitur imaginibus, figuris, speciebus, & propriis conceptibus, non adorat DEUM in spiritu & veritate.

19 qui amat DEUM eo modo, quo ratio argumentatur, aut intellectus comprehendit, non amat verum DEUM.

20 Afferre, quod in oratione opus est sibi per discursum auxilium ferre, & per cogitationes, quando DEUS animam non alloquitur, ignorantia est. DEUS nunquam loquitur: ejus locutio est.

est operatio; & semper in anima operatur, quando hæc suis discursibus, operationibus, & cogitationibus eum non impedit.

21 In oratione opus est manere in fide obscura, & universalium cum quiete, & oblivione cujuscunque cogitationis particularis, ac distinctæ attributorum DEI, ac Trinitatis, & sic permanere in præsentia DEI ad illum adorandum, & amandum, eique interveniendum, sed absque productione actuum; quia DEUS in his sibi non complacet.

22 Cognitio hæc per fidem non est actus a creatura productus, sed est cognitio, a DEO creaturæ tradita, quam creatura habere se non cognoscit, nec postea cognoscit, eam se habuisse, & idem dicitur de amore.

23 Mystici cum S. Bernardo in scala claustralium distinguunt quatuor gradus, lectionem, meditationem, orationem, & contemplationem infusam. Qui semper in primo sistit, nunquam ad secundum pervenit: qui semper in secundo sistit, nunquam ad tertium pervenit, qui est nostra contemplatio acquisita, in qua per totam vitam persistendum est, dummodo DEUS animam non trahat, absque eo, quod ipsa id expectet, ad contemplationem infusam; & hac cessante anima regredi debet ad tertium gradum, & in ipso permanere, absque eo, quod amplius redeat ad secundum, aut primum.

24 Quælescunque cogitationes in oratione occurrant, etiam impuræ, etiam contra DEUM, sanctos, fidem, Sacramenta, si voluntarie non nutrantur, nec voluntarie expellantur, sed cum indifferentia, & resignatione tolerantur, non impediunt orationem fidei, imo eam perfectionem efficiunt, quia anima tunc magis Divinæ voluntati resignata manet.

25 Etiam si superveniat somnus, & dormiatur, nihilominus fit oratio & contemplatio actualis; quia oratio & resignatio idem sunt, & dum resignatio perdurat, perdurat & oratio.

26 Tres illæ viæ, purgativa, illuminativa, & unitiva, sunt absurdum maximum, quod dictum fuerit in Mystica; cum non sit nisi una via, scilicet interna.

27 Qui desiderat & amplectitur devotionem sensibilem, non desiderat, nec quærit DEUM, sed se ipsum, & male agit, cum eam desiderat, & eam habere conatur, qui per viam internam incedit, tam in locis sacris, quam diebus solennibus.

28 Tædium rerum spiritualium bonum est; siquidem per illud purgatur amor proprius.

29 Dum

29 Dum anima interna fastidit discursus de DEO, & virtutes, & frigida manet, nullum in se sentiens fervorem, bonum signum est.

30 Totum sensibile, quod experimur in vita spiritali, est abominabile, spurcum & immundum.

31 Nullus meditativus veras virtutes exercet internas, quæ non debent a sensibus cognosci. Opus est, virtutes amittere.

32 Nec ante, nec post communionem alia requiritur præparatio, aut gratiarum actio (pro illis animabus internis) quam permanentia in solita resignatione passiva, quia modo perfectiore supplet omnes actus virtutum, qui possunt & fiunt in via ordinaria. Et, si in hac occasione communionis insurgunt motus humiliationis, petitionis, & gratiarum actionis, reprimendi sunt, quoties non dignoscatur, eos esse ex speciali impulsu DEI; alias sunt impulsus naturæ, nondum mortuæ.

33 Male agit anima, quæ procedit per hanc viam internam, si in diebus solennibus vult aliquo conatu particulari excitare in se devotum aliquem sensum, quoniam animæ internæ omnes dies sunt æquales, omnes festivi. Et idem dicitur de locis sacris; quia huiusmodi animabus omnia loca æqualia sunt.

34 Verbis & linguis gratias agere DEO non est pro animabus internis, quæ in silentio manere debent, nullum DEO impedimentum opponendo, quod operetur in illis, &, quo magis DEO se resignant, experiuntur se non posse orationem Dominicam seu *Pater noster* recitare.

35 Non convenit animabus huius viæ internæ, quod faciant operationes, etiam virtuosas, ex propria electione & activitate, alias non essent mortuæ: nec debent elicere actus amoris erga B. V. sanctos, aut humanitatem Christi, quia, cum ista objecta sensibilia sint, talis est amor erga illa.

36 Nulla creatura, nec B. V. nec sancti sedere debent in corde nostro; quia solus DEUS vult illud occupare & possidere.

37 In occasione tentationum, etiam furiosorum non debet anima elicere actus explicitos virtutum oppositarum, sed debet in supradicto amore & resignatione permanere.

38 Crux voluntaria mortificationum pondus grave est, & infructuosum, ideoque dimittenda.

39 Sanctiora opera & pœnitentiæ, quas peregerunt sancti, non suffecerunt ad removendam ab anima vel unicam adhæSIONem.

40 B. V. nullum unquam opus exterius peregit, & tamen fuit sanctis omnibus sanctior. Igitur ad sanctitatem perveniri potest sine opere exteriori.

41 DEUS permittit & vult, ad nos humiliandos, & ad veram transformationem perducendos, quod in aliquibus animabus perfectis, etiam non arreptitiis, dæmon violentiam inferat eorum corporibus, eosque actus carnales committere faciat, etiam in vigilia & sine mentis offuscatione, movendo physice eorum manus & alia membra contra earum voluntatem. Et idem dicitur quoad alios actus per se peccaminosos, in quo casu non sunt peccata; quia his non adest consensus.

42 Potest dari casus, quod huiusmodi violentiæ ad actus carnales contingant eodem tempore ex parte duarum personarum, scilicet maris & sceminae, & ex parte utriusque sequatur actus.

43 DEUS præteritis sæculis sanctos efficiebat, tyrannorum ministerio, nunc vero eos efficit sanctos ministerio dæmonum, qui causando in illis dictas violentias facit, ut illi se ipsos magis despiciant, atque annihilent, & se DEO resignent.

44 Job blasphemavit, & tamen non peccavit labiis suis; quia fuit ex dæmonis violentia.

45 S. Paulus huiusmodi dæmonis violentias in suo corpore passus est; unde scripsit: *non, quod volo bonum, hoc ago, sed quod nolo malum, hoc facio.*

46 Huiusmodi violentiæ sunt medium magis proportionatum ad annihilandam animam, & ad eam ad veram transformationem, & unionem perducendam: nec alia superest via: & hæc est via facilior & tutior.

47 Cum huiusmodi violentiæ occurrunt, sinere oportet, ut Satanas operetur, nullam adhibendo industriam, nullumque proprium conatum, sed permanere debet homo in suo nihilo, & etiam si sequantur pollutiones, & actus obsceni propriis manibus, & etiam pejora, non opus est se ipsum inquietari, sed foras emittendi sunt scrupuli, dubia, & timores; quia anima fit magis illuminata, magis roborata, magis candida, & acquiritur sancta libertas. Et præ omnibus non est opus hæc confiteri, & sanctissime fit, non confitendo; quia hoc pacto superatur dæmon, & acquiritur thesaurus pacis.

48 Satanas, qui huiusmodi violentias insert, suadet deinde, gravia esse delicta, ut anima se inquietet, ne in via interna ulterius

terius progrediatur; unde ad ejus vires enervandas, melius est, ea non confiteri, quia non sunt peccata, nec etiam venialia.

49 Job ex violentia dæmonis se propriis manibus polluebat, eodem tempore, quo mundas habebat ad DEUM preces. (sic interpretando locum ex cap. 16 Job)

50 David, Hieremias, & multi ex sanctis Prophetis hujusmodi violentias patiebantur, harumque impurarum operationum externarum.

51 In S. Scriptura multa sunt exempla violentiarum ad actus externos peccaminosos, ut illud de Samlone, qui per violentiam se ipsum occidit cum Philistæis, conjugium iniit cum alienigena, & cum Dalila meretrice fornicatus est, quæ alias erant prohibita, & peccata fuissent: de Juditha, quæ Holoferni mentita fuit: de Elifæo, qui pueris maledixit: de Elia, qui combussit Duces cum turmis Regis Achab. An vero fuerit violentia immediate a DEO peracta, vel dæmonum ministerio, ut in aliis animabus contingit, in dubio relinquitur.

52 Cum hujusmodi violentiæ, etiam impuræ absque mentis offuscatione accidunt, tunc anima DEO potest uniri, & defacto semper magis unitur.

53 Ad cognoscendum in praxi, an aliqua operatio in aliis personis fuerit violenta, regula, quam de hoc habeo, nedum sunt protestationes animarum illarum, quæ protestantur, se dictis violentiis non consensisse, aut jurare non possint, quod in iis consenserint, & videre, quod sint animæ, quæ proficiunt in via interna, sed regulam sumere a lumine quodam actuali, cognitione humana, ac theologica superiore, quod me certo cognoscere facit, cum interna certitudine, quod talis operatio est violenta, & certus sum, quod hoc lumen a DEO procedit, quia ad me pervenit conjunctum cum certitudine, quod a DEO proveniat, & mihi nec umbram dubii relinquit in contrarium; eo modo, quo interdum contingit, quod DEUS aliquid revelando, eodem tempore animam certam reddit, quod ipse sit, qui revelat, & anima in contrarium non potest dubitare.

54 Spirituales vitæ ordinariæ in hora mortis se delusos inveniunt, & confusos, & cum omnibus passionibus in alio mundo purgandis.

55 Per hanc viam internam pervenitur, etsi multa cum sustentia, ad purgandas & extinguendas omnes passiones, ita, quod nihil amplius sentitur, nihil, nihil; nec ulla sentitur inquietudo.

quietudo, sicut corpus mortuum, nec anima se amplius commoveri sinit.

56 Duæ leges & duæ cupiditates, animæ una, & amoris proprii altera, tamdiu perdurant, quamdiu perdurat amor proprius; unde, quando hic purgatus est, & mortuus, ut sit per viam internam, non adsunt amplius duæ illæ leges, & duæ cupiditates, nec ulterius lapsus aliquis incurritur, nec aliquid sentitur amplius, ne quidem veniale peccatum.

57 Per contemplationem acquisitam pervenitur ad statum non amplius faciendi peccata, nec mortalia, nec venialia.

58 Ad hujusmodi statum pervenitur, non reflectendo amplius ad proprias operationes; quia defectus ex reflexione oriuntur.

59 Via interna sejuncta est a confessione, a confessariis, & a casibus conscientiæ, a Theologia & Philosophia.

60 Animabus provectis, quæ reflexionibus mori incipiunt, & eo etiam perveniunt, ut sint mortuæ, DEUS confessionem aliquando facit impossibilem, & supplet ipse tanta gratia perseverante, quantam in Sacramento recipient, & ideo hujusmodi animabus non est bonum in tali casu ad Sacramentum poenitentiae accedere; quia id est in illis impossibile.

61 Anima, cum ad mortem mysticam pervenit, non potest amplius aliud velle, quam quod DEUS vult; quia non habet amplius voluntatem, & DEUS illi eam abstulit.

62 Per viam internam pervenitur ad continuum statum immobilem in pace imperturbali.

63 Per viam internam pervenitur etiam ad mortem sensuum, quin imo signum, quo quis in statu nibilitatis maneat, id est, mortis mysticæ, si sensus exteriores non repræsentent amplius res sensibiles, unde sint, ac si non essent, quia non perveniunt ad faciendum, quod intellectus se ad illas applicet.

64 Theologus minorem dispositionem habet, quam homo rudis ad statum contemplativi. 1 quia non habet fidem adeo puram. 2 quia non est adeo humilis. 3 quia non adeo curat propriam salutem. 4 quia caput refertum habet phantasmatis, speciebus, opinionibus, & speculationibus, & non potest in illum ingredi verum lumen.

65 Præpositis obediendum est in exteriori, & latitudo voti obedientiæ tantummodo ad exterius pertingit. In interiore vero aliter se res habet, quo solus DEUS & Director intrant.

66 Rifu digna est nova quædam Doctrina in Ecclesia DEI, quod anima quoad internum gubernari debeat ab Episcopo: quod, si Episcopus non sit capax, anima ipsum cum suo Directore adæat. Novam dico doctrinam, quia nec S. Scriptura, nec Concilia, nec Canones, nec Bullæ, nec sancti, nec authores eam unquam tradiderunt, nec tradere possunt, quia Ecclesia nunquam judicat de occultis, & anima jus habet eligendi quemcunque, sibi bene visum.

67 Dicere, quod internum manifestandum est exteriori tribunali Præpositorum; & quod peccatum sit, id non facere, est manifesta deceptio; quia Ecclesia non judicat de occultis; & propriis animabus præjudicant his deceptionibus & simulationibus.

68 In mundo non est facultas nec jurisdictio ad præcipiendum, ut manifestentur epistolæ Directoris quoad internum animæ; & ideo opus est animadvertere, quod hoc est insultus Satanz &c.

Condemnatio.

Atque has absurdissimas & spurcissimas propositiones Innoc. XI tanquam hæreticas, suspectas, & erroneas, scandalosas, blasphemias, piarum aurium offensivas, temerarias, Christianæ disciplinæ relaxativas, & evertivas, & seditiosas respective, ac quæcunque super iis verbo, scripto, vel typo tradita, damnat, & omnibus interdicit, ne eas credant, teneant, doceant, aut in praxin deducant, sub pœna anathematis Pontifici reservati, nec non omnes libros, omniaque manuscripta ejusdem Michaelis de Molinos, quæ statim Episcopis, aut hæreticæ pravitatis Inquisitoribus ad comburendum tradi jubet, sub eadem pœna.

Tandem, ut prædictus Molinos, ob hæreses, errores, & turpia facta prædicta in aliorum exemplum & ipsius emendationem plecteretur, eundem tanquam reum convictum, & respective confessum, & uti hæreticum formalem, licet pœnitentem, ad perpetuum carcerem, & ad peragendas alias pœnas salutes, prævia abjuracione, servato Juris ordine, Pontifex condemnavit, lecto ex suggestu, in quo præsens adstare debuit, publico processu.

Observatio.

Turpiorem hæreticum vix unquam vidit Ecclesia. Subemendito furo indifferentiæ & quietis internæ spurcissima scelera a peccato absolvit. Libertatem, Calvinii & Jansenii exemplo, extrivit, omniaque, quæ mala voluntas peccat, dæmonis violentiæ attribuit.

buit. Fidem, spem, charitatem, omnesque virtutum actus, ac bona opera sustulit, cum cultu DEI & sanctorum, usque sacramentorum, votis, indulgentiis. Tentationibus non resistendum; sinenda natura, quia est natura: sequendum, quocunque dæmon trahat. Tædium & fastidium rerum spiritualium laudat; nihil meditandum, orandumque, omnis cogitatio de morte; iudicio, inferno, cælo, imo etiam de DEO excludenda; nulla adhibenda salutis cura.

Et hæc est pulchra illius *via interna*, quam tantopere commendat: hæc quies animæ, omnium videlicet scelerum abominandorum sentina. Et tamen in confirmationem salutentæ suæ doctrinæ aulus est adducere testimonia S. Scripturæ. Fecit hoc omnium hæresiarcharum exemplo.

S. 5.

Propositiones 31 ab Alexandro VIII 7 Dec. 1690 damnatae.

Propositio 1.

In statu natura lapsa ad peccatum formale, & demeritum sufficit De libero illa libertas, qua voluntarium ac liberum fuit in causa sua, peccati arbitrio. to originali, & libertate Adam peccantis.

Observ. Renovantur hic damnatae a Pio V & Greg. XIII Theses Baji, uti 67. *Homo peccat etiam damnabiliter in eo, quod necessario facit.* Et Jansenii tertia, *ad merendum & demerendum in statu natura lapsa non requiritur in homine libertas a necessitate, sed sufficit libertas a coactione*, ab Innoc. X. & Alex. VII proscripata. Et jam antea Tridentinum S. 6 can. 5 contra Lutherum & Calvinum definivit, liberum hominis arbitrium post Adam peccatum non fuisse extinctum.

Profecto, si vera esset thesis, etiam infantes, amentes, dormientes formaliter peccarent, & demerenter, quia in Adamo fuerunt liberi; imo etiam motus primi & indeliberati concupiscentiæ essent peccata formalia, omniaque, quæ ex ignorantia, quantumvis invincibili, procedunt.

Et ratio a priori est, quia ad hoc, ut quis committat peccatum formale, requiritur, ut actus primus proximus, sit indifferens ad utrumque membrum contradictionis, seu ad positionem actus, & omissionem; nam in hoc ipso stat libertas indifferentiæ.

Et hinc; qui alterum in plena ebrietate occidit, sine libertate actuali, non committit novum peccatum, quamvis peccaverit, tam adversus temperantiam, quam adversus justitiam peccato homicidii, quando voluit inebriari, prævicens aut intendens peccatum homicidii; sicut etiam actus externus non est novum peccatum, distinctum ab actu interno; & quamvis detur obligatio confitendi actum externum, id non provenit ex eo, quod committatur novum peccatum, sed, ut confessarius habeat sufficientem notitiam de actu interno, & possit instruere pœnitentem de incur-sis pœnis, & aptam medicinam præscribere. Idem dicendum de actu efficaciter imperato, si non sit immediate & formaliter liber.

Neque damnatis ad peccandum sufficit ea libertas, quam habuerunt in vita, sed habent potentiam physicam ad vitandas blasphemias &c. &, si neque hanc haberent, non peccarent formaliter; sed necessitarentur ad blasphemandum, sicut beati in cœlo propter visionem intuitivam necessitantur ad amandum DEUM. Neutri vero merentur aut demerentur, quia non amplius sunt viatores, sed existunt in termino.

Igitur his argumentis uti non possunt Bajani & Janseuistæ ad patrociniū damnatæ suæ thesīs, quod in statu naturæ lapsæ ad peccatum formale & demeritum sufficiat libertas in causa, seu peccato Adami. Accedit, quod hoc peccatum non commiserimus voluntate physice propria, sed tantum moraliter propria, quatenus per Decretum Divinum voluntas nostrā fuit allegata voluntati Adami.

Dices. Quamvis Christus fuerit per præceptum, acceptum a Patre, necessitatus ad moriendum, mors tamen fuit ipsi libera & meritoria, præcise ideo, quia fuit libera in causa, quatenus potuit præceptum impedire, vel petere dispensationem vel facere miracula, ut Judæi eum non occiderent. Ergo etiam in casu nostro sufficit libertas in causa ad peccatum formale ac demeritum.

Resp. Prætermis-sis variis viis, quas Theologi tentarunt ad difficultatem istam solvendam, impositum fuisse præceptum rigorosum moriendi, non quidem Christo, sed humanitati, quæ habuit actum primum proximum indifferenter ad reprobandum malum & eligendum bonum, potuitque peccare, peccato impeditivo unionis hypostaticæ, sicut quilibet homo potest peccare, peccato impeditivo præscientiæ de consensu & decreti prædefinitivi; unde dein tota necessitas est consequens, quæ non obstat libertati, cum dependeat a scientia Media, a creatura impediibili.

Prop.

Prop. 2.

Tametsi detur ignorantia invincibilis Juris natura, hac in statu natura lapsa operantem ex ipsa non excusat a peccato formali.

De ignorantia juris naturae.

Observ. Ad rationem peccati formalis pertinet, ut sit voluntarium; damnata enim est hæc propositio Baji 46. *Ad rationem & definitionem peccati non pertinet voluntarium.* Et S. Thomas p. 2 q. 76 art. 3 ait: *ignorantia, quæ est causa actus, quia causat involuntarium, de se habet, quod excuset a peccato, eo quod voluntarium est de ratione peccati.* Et S. Aug. lib. de natura & gratia c. 67. *Non tibi reputatur ad culpam, quod invitus ignoras, sed quod negligis querere.*

Atqui, quod sit ex ignorantia invincibili, non est voluntarium, cum ad rationem voluntarii requiratur cognitio, quia *procedit ab intrinseco cum cognitione finis.* Unde S. Thomas l. c. ait, quod *ignorantia causat involuntarium: cum nihil sit volitum, nisi præcognitum.* Licet enim actus aliquis, jure prohibitus, secundum se sit tibi voluntarius, non tamen, in quantum est contra legem, quam invincibiliter ignoras. Et hinc, ut loquitur S. Augustinus, est voluntarius *voluntate facti*, non autem *voluntate peccati*.

Et ratio ulteriorest, quia ad omne peccatum formale requiruntur aliqua advertentia ad legem præcipientem aut prohibentem, Sed quando lex invincibiliter, & inculpabiliter ignoratur, nulla datur advertentia ad legem, imo nec dari potest. Quare merito damnata est hæc propositio Baji 68. *Infidelitas pure negativa in iis, quibus DEUS non est prædicatus, peccatum est.*

Verbi Divini oracula hæc ipsum comprobant: *si non venissem, & locutus fuisset eis, peccatum non haberent*, ait Christus Joan. 15. *Si opera non fecissem in eis, quæ nemo alius fecit, peccatum non haberent*, ibid. *Si cæci essetis, non haberetis peccatum.* Jo. 9.

Igitur Scripturæ & Patres, quæ peccata ignorantiaæ asserunt, loquuntur de ignorantia culpabili & vincibili, non autem de invincibili. Quod servus, qui cognovit voluntatem domini, & non facit, vapulabit multis; qui vero eam non cognovit (ex ignorantia vincibili) vapulabit paucis, inde est, quod sciens voluntatem domini, & non faciens, gravius peccet, quam ille, qui eandem ignorat, ignorantia licet culpabili; prout ait S. Aug. de grat. & lib. arb. c. 3. Regula Juris, quod *ignorantia facti excuset, non juris*, non est intelligenda de foro interno, sed de externo, in quo regulariter juris clari scientia præsumitur; dico *regulariter*, quia etiam pro

pro foro externo varios ignorantia Juris excusat. Axioma vero illud: *omnis peccans ignorans*, non est intelligendum de vera ignorantia, sed de cæcitate & stultitia; ubi subintrat aliud Axioma: *video meliora proboque, deteriora sequor*.

Neque dicas, nullam dari ignorantiam juris naturæ invincibilem; quamvis enim talis dari non possit circa prima & universalissima juris naturæ principia, per se evidentia, uti DEUM esse colendum, parentes honorandos, nemini faciendam injuriam &c. prout etiam circa conclusiones, immediate & clare inde deductas, quales sunt pleraque præcepta Decalogi: potest tamen dari quoad conclusiones mediatas, & non ita clare deductas ex iis principis moralibus. In his enim plures, etiam docti sunt decepti, uti circa fornicationem, mollietiem, lucrum ex mutuo, mendacium officiosum &c. Et quoties adhuc in Theologia & jurisprudentia disputatur, an hoc vel illud jure naturæ sit prohibitum vel præceptum, e. g. an polygamia jure naturæ sit prohibita? an, & quinam gradus consanguinitatis & affinitatis jure naturæ dirimant matrimonium? An matrimonium cum pacto castitatis sit jure naturæ validum? An contractus, metu gravi & injusto extorti, obligent. Jam vero, si ignorantia invincibilis juris naturæ potest dari in doctis, quanto magis in rudibus, rusticis, foeminis, pueris? Experiuntur hoc sane confessarii. (*De duabus his thesibus uberius tractavi Part. 8 in Theologia Jansenistica.*)

Prop. 3.

Non licet sequi opinionem, vel inter probabiles probabilissimam.

De opinione
probabilissi-
ma.

Observ. Ex proseriptione hujus thesisi aperte habetur, 1 non semper sequi oportere tutiora, sed quod sequi possimus opinionem probabilissimam, faventem libertati contra legem: 2 ab omnibus docendum probabilissimum, in aliqua sua specie; quia opinio probabilissima non exit e finibus probabilitatis; & hinc pleraque argumenta, quæ pro Tutiorismo afferuntur, posse retorqueri. Quando habetur vera, solida, comparativa probabilitas de non existentia legis, consilii est, sequi tutiora, non præcepti. Imo dici potest, posse sequi opinionem vere probabilem esse formaliter tutius, propter gravissimas difficultates & anxietates, quæ animas obruerent, si semper oporteret indagare, quid sit probabilius. (*De hac materia ex professo tractavi Part. 1 de lege dubia.*)

Prop.

Prop. 4.

Dedit semetipsum pro nobis oblationem DEO, non pro solis Electis, sed pro omnibus & solis Fidelibus.

Obsev. At passim in sacris Scripturis aperte docetur, Christum pro omnibus omnino hominibus mortuum esse, & non pro solis fidelibus. Sic 1 Tim. 2 dicitur: *Dedit redemptionem semetipsum pro omnibus.* Item: *DEUS vult omnes homines salvos fieri.* Ibid. *pro nobis omnibus tradidit illum.* Rom. 8. *Ipse est propitiatio pro peccatis totius mundi.* Idem definivit Tridentinum contra Calvinum *sess. 6 cap. 2.* Idem Innoc. X & Alex. VII contra Jansenium.

Mors Christi
pro omnibus

Neque ullo modo eliditur tanta auctoritas dicendo, Christum mortuum esse pro generibus singulorum, non autem pro singulis generum, hoc est pro fidelibus ex omni genere, natione & conditione hominum; nam totus mundus non tantum complectitur fideles: mortuus est autem *pro peccatis totius mundi.* Et quæ ratio ita restringendi signum universale *omnis, omnes*, contra definitiones Ecclesiæ? Quid apertius ad hunc refellendum errorem, quam essatum Apostoli 1 Tim. 4, ubi Christus dicitur *Salvator omnium, maxime fidelium*, qui merita mortis Christi specialiter sibi applicant.

Non minus gratis dicunt, Christi mortem fuisse sufficientem ad omnes redimendos, sed non fuisse pro omnibus oblatam; nam hoc modo etiam dæmones fuissent redempti, quia mors Christi fuit sufficiens, etiam pro illis redimendis.

Prop. 5.

Pagani, Judæi, Hæretici, alique ejus generis, nullum omnino a Jesu Christo accipiunt influxum, adeoque hinc velle inferes, in illis esse voluntatem nudam & inermem, sine omni gratia sufficiente.

Obsev. DEUS omnes homines vult salvos fieri, & ex hac optima voluntate propter nos homines & propter nostram salutem descendit de cælis, & incarnatus, passus, ac mortuus est: illuminat omnem hominem venientem in hunc mundum; pro omnibus baptismum ac reliqua Sacramenta, salutis fontes, instituit; omnibus dat gratiam sufficientem; ut adeo non steter per Christum, quo minus omnes salventur; sed, quod multi Divinis gratiis non cooperentur, atque in infidelitate persistant, perversæ suæ voluntati imputare debent. Falsum enim est, quod Christus pro infide-

De gratia.

libus non oraverit, ut patet ex oratione, in cruce pro crucifixoribus facta.

Prop. 6.

Gratia sufficiens statui nostro non tam utilis quam perniciosa est, sic, ut proinde merito possimus petere: a gratia sufficienti libera nos Domine.

Observ. Gratia efficax est etiam *sufficiens* ad actum salutarem; hanc utique non dices perniciosam. Si autem loquaris de gratia, *ut mere sufficiente*, seu *ut inefficace*, prout communiter lumitur gratia sufficiens, tunc ista duo importat, nempe 1 entitatem gratiæ, seu auxilii, quod complet actum primum proximum, ad actum secundum salutarem liberum. Et hoc auxilium est a solo DEO, estque beneficium DEI, qui intendit per illud actum bonum ac salutarem, completque potentiam ad illum ponendum: neque enim DEUS dat gratiam, ut ei dissentias, sed ut consentias & coopereris, & si prævideret, te eidem consensurum, tamen illam daret, & quidem lubentius.

Alterum, quod gratia, *ut mere sufficiens* seu *ut inefficax* in obliquo importat, est carentia seu privatio consensus seu cooperationis. Et hoc est a sola creatura, gratia & libertate, sibi a DEO sine optimo concessa, culpa sua abutente: atque hic abusus est utique malus & perniciosus.

Verum propter hunc abusum non cessat gratia esse donum & beneficium DEI; alias neque creatio, neque conservatio, neque incarnatio, passio, & mors Redemptoris, neque SS. Sacramenta, aliaque media ad salutem, neque dotes corporis & animi, neque bona fortunæ, essent dona & beneficia DEI, quando culpa tua iis abuteris. Hunc autem abusum DEUS prohibet, non autem tenetur impedire, imo debet creaturæ liberum permittere, supposita libertate, eidem concessa.

Falissimum igitur est, quod gratia sufficiens de se non sit utilis sed perniciosa; fac, ut coopereris gratiæ, sicut potes, & erit efficax, & utilissima ad salutem. Nunquid boni sunt oculi & utiles ad videndum? Si autem claudas oculos, an propterea desinunt esse boni & utiles. Tua solius culpa est, quod nihil videas. Equalis gratia potest esse efficax in Petro, inefficax in Paulo; quia ille libere cooperatur, hic culpa sua libere resistit gratiæ. Quin imo major quandoque datur gratia dissentienti quam consentienti. *Perditio*

ditio tua Israel, in me tantummodo auxilium, inquit Dominus Osee 13. Et ad quid tot exprobrationes in Divinis litteris, quod cælestibus illustrationibus, inspirationibus, adhortationibus resisterint, si cum gratia sufficiente non potuissent cooperari? Ipsa vox gratia sufficiens aliud signat.

Prop. 7.

Omnis humana actio deliberata, est DEI dilectio vel mundi: si DEI, charitas Patris est: si mundi, concupiscentia carnis, hoc est, mala est.

Prop. 8.

Necesse est, infidelem in omni opere peccare.

Observ. Absurdas has theses jam Part. VIII in Theol. Jansen. cap. 15 confutavi, jamque dudum in Bajo sunt damnatæ, sed a Sinnichio Professore Lovaniensi, & Symmistis, pro reverentia, De virtutibus. qua Jansenistæ in sedem Apost. feruntur, resuscitatæ. Dantur multi actus moraliter honesti apud fideles & infideles, qui neque sunt dilectio DEI, neque concupiscentia carnis, neque aliud peccatum. Fides etiam & spes, aliæque virtutes, neque sunt per se dilectio DEI, nec concupiscentia carnis. In terminis absurdum est, quod misericordia in pauperes, justitia, temperantia, fortitudo, aliæque virtutes morales, quas Gentiles quidam, Græci & Romani amore honestatis naturalis, & ex dictamine, & lumine rationis naturalis exercuerunt, fuerint mera peccata.

Sine fide impossibile est placere DEO: hoc est, nullus actus salutaris atque ad DEUM tanquam ultimum finem supernaturalem ducens, sine fide potest elici. Item sine fide non infunditur gratia sanctificans, quæ sola simpliciter facit gratum DEO. Denique licet persona sine fide non placeat DEO, cum saltem peccato originali sit infecta, possunt tamen aliqua illius opera suo modo placere, aut saltem non displicere. *Omne, quod non est ex fide, peccatum est,* hoc est, quod non est secundum dictamen conscientia. Omnia quidem referenda sunt ad DEUM. Sed, si de hoc non cogitet, aut invincibiliter id ignoret, non peccat.

Prop. 9.

Revera peccat, qui odio habet peccatum mere ob ejus turpitudinem & inconvenientiam cum natura rationali, sine ullo respectu ad DEUM offensum.

Observ. Tridentinum definit contrarium, attritionem videlicet, ex turpitudine peccati conceptam, non solum non facere De odio peccati ob turpitudinem.

magis peccatorem, verum etiam donum DEI esse, & Spiritus S. impulsus; atque ad DEI gratiam in Sacramento poenitentiae impetrandam disponere: ergo non tantum non peccat, qui ex hoc motivo odit peccatum, sed etiam positive honeste operatur.

Cæterum videtur hæc thesis supponere, quod objectum aliquod ut disconveniens naturæ rationali possit attingi absque ullo ad DEUM offensum respectu: adeoque possibile esse peccatum mere Philosophicum. Hoc autem suppositum est falsum; quia hoc ipso, quod quis cognoscat, aliquid esse disconveniens naturæ rationali, cognoscit, illud esse illicitum atque prohibendum a supremo legislatore, cum nullus alius prohibere & illicitum facere posset, adeoque hoc ipso sub aliquo prædicato cognoscit DEUM. Ergo cognosci non potest talis disconvenientia absque ullo respectu ad DEUM offensum.

Prop. 10.

De spe.

Intentio, qua quis detestatur malum, & prosequitur bonum, mere, ut obtineat cælestem gloriam, non est recta, nec DEO placens.

Observ. Audi Tridentinum sess. 6 can. 31 definiens: *si quis dixerit, justificationem peccare, dum intuitu æternæ mercedis operatur, anathema sit:* imo ipsam sacram Scripturam, intuitu mercedis ad bene operandum nos excitantem: *omnis, qui in agone contendit, ab omnibus se abstinere, & illi quidem, ut corruptibilem coronam accipiant, nos autem incorruptam.* 1 Cor. 9. Paulus ipse, quia bonum certamen certavit, expectat coronam justitiæ, & David Ps. 118. *Inclinavi cor meum ad faciendas justificationes tuas in æternum propter retributionem.* Et quid aliud est spes? quid homines magis excitare solet, quam spes æternæ retributionis? quid culpandum in amore concupiscentiæ æternæ beatitudinis? In amore DEI, ut nobis boni? DEUS promissione cælestis gloriæ nos incitat ad bona opera; & observationem mandatorum. Ergo hæc spes, & desiderium DEO placet, sicut etiam timor gehennæ.

Amor concupiscentiæ erga DEUM & amor benevolentiae sibi non opponuntur, imo in eodem etiam actu sunt compossibiles; cum enim DEUS sit bonus in se, & bonus nobis, potest amari propter utramque bonitatem. Quamvis hoc non sit necessarium; potest enim nunc elici solus amor benevolentiae & amicitiae, alia vice sola spes, seu amor concupiscentiæ. Cæterum vitiosum utique foret, si quis vellet peccare, si cælum aut infernus non esset; secus vero, si odio habeat peccatum propter cælum, quod sperat, aut

aut propter infernum, quem timet, quin detur simul positiva voluntas peccandi, si abessent: potest enim ab hoc abstrahere; vel, si incidat, potest dicere, hanc conditionem in hac providentia esse impossibilem, adeoque se absolute dolere de peccato & proponere emendationem.

Prop. 11.

Omne, quod non est ex fide Christiana supernaturali, quæ per dilectionem operatur, peccatum est.

Observ. Hæc Bajana & Janfeniana thesis, rursus expresse est contra Tridentinum, quod eam esserenti dicit anathema. Quasi vero non dentur aliæ virtutes, gratiæ & acceptæ DEO, etiam in peccatore & infideli. Certe Scriptura ipsa testatur, quod orationes & elemosynæ Cornelii centurionis fuerint exauditiæ, & elemosynæ acceptæ, antequam esset fidelis & iustificatus.

Non sola
fides est
virtus.

Dicit quidem Apostolus, quod, si charitatem non habuerit, factus sit velut æs sonans &c. sed per charitatem intelligit gratiam sanctificantem, sine qua nihil meritorium vitæ æternæ potest peragi. Sæpius autem nomine charitatis intelligitur in Scriptura gratia, ut quando dicitur, charitas DEI diffusa est in cordibus nostris per Spiritum S. qui datus est nobis. Quandoque accipitur charitas pro quolibet amore virtutis.

Prop. 12.

Quando in magnis peccatoribus deficit omnis amor, deficit etiam fides: Et etiam si videantur credere, non est fides Divina sed humana.

In peccatore
non semper
deficit fides.

Observ. Trid. S. 6 cap. 15 ait, quocunque peccato mortali amitti justificationis gratiam, non autem fidem, nisi per peccatum infidelitatis aut incredulitatis. Ratio est, ut peccator facilius resurgere, si habitu fidei & spei sit instructus, ideo DEI bonitas eundem etiam in peccatore conservat, nisi peccatum sit directe contrarium fidei aut spei.

Prop. 13.

Quisquis etiam aterna mercedis intuitu DEO famulatur, charitate si caruerit, vitio non caret, quoties intuitu licet beatitudinis est, operatur.

Spes bona

Observ. Ita nempe Bajani & Janfenistæ, dum solam charitatem perpetuo commendant, spem & omnes alias virtutes eliminant: nec eliminant duntaxat, sed vitia faciunt, contra sacras Scripturas, contra Concilia, præsertim Tridentinum, contra SS.

Patres, contra totius Ecclesiæ sensum, contra ipsam adeo manifestam rationem; quid enim lumini naturæ rectæque rationi magis contrarium, quam fidem, spem, iustitiam, misericordiam, temperantiam, continentiam, mansuetudinem, religionem, humilitatem, omnesque alias virtutes, si in propria sua sphaera versentur, id est, proprio suo objecto formali, per quod a charitate distinguuntur, esse mera peccata? Odium peccati, ob spem cæli conceptum, esse peccatum? Orationes, Sacramenta, sacrificium Missæ, bona opera, ipsamque adeo DEI adorationem, esse peccata? Honestatem inhonestatem? Cur DEUS nos jubet orare: *adveniat Regnum tuum*, cur *quærere primum Regnum DEI*, cur imperat salutis nostræ æternæ curam, si hæc omnia sunt peccata? Cave Propheta sancte, ne inclines cor tuum ad faciendas iustificationes *propter retributionem*: peccatum est. Apostole sancte, ne expectes coronam iustitiæ: peccatum est. Vos operarii sancti, ne speretis promissam a DEO mercedem: peccatum est.

Neque dicat quispiam, spem Theologicam non differre a charitate; nam, sicut aliæ virtutes, differunt per objectum formale seu motivum. Charitas perfecta tendit in DEUM, ut in se ipso summum bonum. Spes vero ut speranti bonum. Quamvis coniungi possint, in eodem etiam actu; quia amari potest DEUS simul, ut in se ipso bonus, & ut amanti bonus.

Prop. 14.

Timor gehennæ non est supernaturalis.

Timor gehennæ bonus

Observ. Contrarium docet Tridentinum, quod S. 14 cap. 4 timorem gehennæ, si voluntatem peccandi excludat, atque cum spe veniæ sit coniunctus, *donum DEI & Spiritus S. impulsus appellat.* Et can. 5 anathemate ferit eum, qui dixerit, *dolorem, ex gehennæ metu conceptum, non esse utilem, nec præparare ad gratiam.* Et quid frequentius in ipsa etiam S. Scriptura, quam adhortationes ad servanda mandata, & poenitentiam, propositis gehennæ aliisque poenis? *Verbar omnia opera mea, sciens, quod non parceres delinquenti*, inquit Job. c. 9, & David Ps. 118: *confige timore tuo carnes meas, a iudiciis enim tuis timui.* Christus ipse Luc. 13: *nisi poenitentiam egeritis, omnes similiter peribitis.* Et alias etiam jubet, timere eum, qui potest corpus & animam perdere in gehennam.

Sermo autem est de timore salutari, ac proin supernaturali, qui procedit ex lumine fidei supernaturali, qua gehenna tanquam a DEO revelata creditur. Neque detestans peccatum ob metum gehennæ

gehennæ est ita comparatus, ut vellet peccare, si non esset gehenna; quia tunc ex alio motivo posset detestari peccatum: & hinc absolute detestatur peccatum, ut notatum supra, ita, ut absolute deponat voluntatem peccandi, imo etiam conditionatam illam, si non esset infernus, peccarem; quia scit, ad evitandum infernum, qui absolute datur, & in hac providentia non potest non dari, esse necessarium, ut etiam voluntas illa conditionata deponatur.

Prop. 15.

Attritio, qua gehenna & pœnarum metu concipitur, sine dilectione benevolentia DEI propter se, non est bonus motus ac supernaturalis.

Observ. Trid. S. 14 cap. 4 prorsus contrarium definit, dum ait, attritionem, ex metu gehennæ conceptam, esse donum DEI & impulsus Spiritus S. & ad gratiam in Sacramento pœnitentiæ impetrandam disponere. Ergo est motus bonus & supernaturalis; tum quia per donum DEI & impulsus Spiritus S. in negotio salutis, de quo agit Tridentinum, intelligitur donum supernaturale, quod solum est conducens ad salutem: tum quia aliquid naturale non potest disponere ad gratiam supernaturalem, per Sacramentum pœnitentiæ recipiendam; ut a Concilio Arausicano definitum est contra Semipelagianos.

Certe DEUS per metum gehennæ nos incitat ad pœnitentiam, ad detestanda & vitanda peccata: ergo hic metus est motus bonus. Et idem dicendum de metu pœnarum temporalium, dummodo istæ concipiuntur, ut a DEO vindice infligantur in pœnam peccatorum: quia sic motivum pœnarum per fidem supernaturalem aut illustrationem supernaturalem proponitur: unde ipsa dein etiam attritio est supernaturalis. Idem de dolore, ex turpitudine peccati concepto; nam etiam hæc attingitur lumine supernaturali, ut repugnans voluntati & voluntati DEI; cum non possit peccatum attingi ut dissonum naturæ rationali, quin attingatur etiam ut dissonum legi DEI; alias enim dari posset peccatum mere philosophicum.

Dices. Plures tamen DD. Catholici cum Card. Pallavicino, ut attritio sit sufficiens ad Sacramentum pœnitentiæ, requirunt dilectionem DEI, saltem *initialem*; quia Tridentinum S. 6 c. 1 ait, peccatores ad justificationem disponi, dum DEUM tanquam omnis iustitia

stittia fontem diligere incipiunt, ac propterea moventur adversus peccata per odium & detestationem.

Verum Tridentinum per hanc dilectionem nihil aliud intellexit, quam seriam voluntatem peccatoris se reconciliandi cum DEO offenso, & adhibendi media ad hanc reconciliationem necessaria, cum odio & detestatione peccati, atque sincero proposito DEUM non amplius offendendi, licet id fiat ex motivo cœlum consequendi, aut infernum vitandi, aut ex consideratione turpitudinis peccati, ut voluntati DEI aut virtuti alicui supernaturali repugnantis. Vel dici potest, Tridentinum per inchoatam illam dilectionem intelligere spem, quæ est DEI amor concupiscentiæ, prout ipsum Trid. l. c. non obscure indicat.

Præter hæc autem non requiri dilectionem aliquam formalem benevolentiae, sententia est communis DD. & Viva eam moraliter certam dicit, sicut etiam illam de sufficientia attritionis, ex spe cœli, aut metu gehennæ, vel turpitudine peccati conceptam, cum haud obscure innitatur definitioni Concilii Tridentini.

Et quid esset ille amor initialis, ut distinctus a spe seu amore concupiscentiæ, aliisque supra memoratis? Si enim est amor benevolentiae aut amicitiae, licet non intensus, semper homo iam esset iustificatus ante absolutionem Sacramentalem, & sic Sacramenta mortuorum nunquam vivificarent, sed semper supponerent iam ante vitam spiritualem, nec lex gratiæ præstaret legi Mosaiæ aut legi naturæ, in quibus per solam contritionem aut charitatem peccatores poterant iustificari. Imo sive sacerdoti, sive laico, quem prænitens bona fide putaret esse sacerdotem idoneum, sive absolveretur per formam legitimam, semper iustificatus recederet.

Et ratio est, quia ad charitatem secundum communem DD. sententiam non requiritur certus intensiois gradus, tum quia de eo constare moraliter non potest, tum quia in S. Scriptura dilectioni universim tribuitur iustificatio: *qui diligit me, diligetur a Patre meo.* Jo. 14. *Omnis, qui diligit, ex DEO natus est.* Jo. 8. *Charitas operit multitudinem peccatorum &c.* Nec unquam limitatur dilectio ad tantum vel tantum gradum dilectionis, aut quæ excludat aliud commotivum a bonitate Divina. Verum quidem est, quod dilectio iustificans debeat esse *ex toto corde &c.* sed per hoc non intelligitur intensio, sed appretiatio DEI super omnia, vi cujus diligens DEUM præfert omnibus creaturis: & hinc dicitur, quod charitas

ritas debeat esse *appretiative* summa, non vero *intensivè*, quod manifeste docet S. Thomas in 4. dist. 17. q. 2. ubi, *quicumque parvum sit dolor*, inquit, *dummodo ad contritionis rationem sufficiat, omnem delet culpam.*

Neque interest, an dilectio procedat ex solo motivo charitatis, an etiam ex spe præmii aut poenarum metu; nam semper est vera dilectio, atque adeo semper ante Sacramentum justificaret, si necessario requireretur.

Dicit quidem Scriptura 1 Jo. 3: *qui non diligit, manet in morte.* Et 1 Cor. 13: *sine charitate nihil sum;* sed hic est sermo de charitate habituali, non de actuali; alias omnes infantes, post baptismum ante usum rationis mortui, damnarentur; quia non habent charitatem actualem. Et eodem ferme modo intelligendi veniunt textus quorundam Patrum, qui dicere videntur, charitatem ad Sacramentum poenitentiae esse necessariam; nam per charitatem vel intelligunt amorem concupiscentiae, seu spem, vel voluntatem seriam se reconciliandi cum DEO offenso, detestationem & odium peccati, DEO adversantis, propositum servandi omnia mandata, praesertim etiam charitatis.

Cæterum Alex. VII. 5 Maji 1667 edita constitutione in virtute S. obedientiae, & sub poena excommunicationis prohibuit, ne, dum deinceps de materia attritionis tractaretur, quis audeat, alicujus Theologicae censuræ, alteriusve injuriæ aut contumeliæ nota taxare alterutram sententiam, sive negantem necessitatem aliqualem dilectionis DEI in præfata attritione, metu gehennæ concepta, quæ hodie inter Scholasticos communior videtur, sive asserentem dictæ dilectionis necessitatem, donec ab hac sancta Sede aliquid in hac re fuerit definitum. Ita Pontifex.

Non est autem censura, si sententia aliqua dicatur falsa, aut improbabilis, & altera probabilissima, aut etiam moraliter certa; nam minima inter censuras videtur esse, si sententia aliqua dicatur temeraria. Neque ex eo, quod Pontifex vetuerit alterutram sententiam censura affici, sequitur, quod utranque agnoverit probabilem; quia prohibitio ista est facta, ut Pontifex ipse præfatur, pacis reducendæ & scandalorum finiendorum gratia, sicut prohibuit, ob eandem rationem, alterutram sententiam de lumen maculata Conceptione censura notari, licet affirmativa sit moraliter certa.

Non dissimulandum tamen id, quod Card. Pallavicinus in Historia Concilii Tridentini l. 12. c. 10. refert, videlicet, cum tractaretur de attritione, additum fuisse, *eam vix sine aliquo motu*

amoris DEI esse posse; quia tamen Episcopus Tudetanus intercessit, advertens, in hac re varias esse Theologorum sententias, ideo deleta fuisse illa verba, ut hæc materia Theologica discussioni relinqueretur.

Sicut optandum, hortandique sunt fideles, ut semper contritionem perfectam, per dilectionem DEI constitutam, conetur elicere, sic conscientia non sunt oneranda aut implicanda, nec Sacramentum exponendum periculo frustrationis.

Prop. 16.

Ordinem præmittendi satisfactionem absolutioni induxit non politia, nec institutio Ecclesia, sed ipsa Christi lex, & præscriptio, natura rei id ipsum quodammodo dicente.

Observ. Satisfactio non est præmittenda necessario *ex lege Christi*. Nam ubi est hæc lex? Satisfactio est quidem pars Sacramenti poenitentia, sed tantum integralis, sine qua essentia Sacramenti, ejusque præcipuus effectus, nempe remissio peccati, haberi potest; ut patet in moribundis, qui non possunt amplius satisfactionem præstare; & alias forma absolutionis, *ego te absolvo*, esset falsa, quando non præmittitur satisfactio; adeoque tunc semper Sacramentum esset invalidum & sacrilegum. Accedit praxis Ecclesiae, declarans institutionem Christi.

Unde neque id exigit *ratio Sacramenti* poenitentia, instituti per modum Judicii, in quo prius fertur sententia, & deinde primum fit executio poenae. Quare neque id exigit *natura rei*: pro ut etiam in physicis primo ponuntur materia essentialis & forma, ac deinde partes integrantes per nutritionem accrescunt, ut in composito humano dentes, ungues, capilli &c.

Certe in veteri lege, naturali, & scripta, non debebat satisfactio præcedere justificationem, sed ad eam sufficiebat contritio, & propositum servandi totam legem, atque præstandi satisfactionem. Ergo etiam in lege nova sufficit, ut præcedat absolutionem contritio, propositum, & confessio.

Prop. 17.

Per illam praxin mox absolvendi ordo poenitentia est inversus.

Observ. Non est inversus, ut ex dictis constat; falsum enim est, quod in prima Ecclesia satisfactio debuerit præcedere absolutionem *Sacramentalem*. Conciliorum & Patrum quorundam textus intelligendi sunt de absolutione *Canonica*, quam præcedere debet

De absolutione.

bat satisfactio. Nam hic ordo servabatur. 1. Fiebat confessio sacramentalis, dabaturque plerumque rite disposito statim absolutio sacramentalis. 2. Præstanda erat satisfactio, a sacris Canonibus præscripta, etiam publica a magnis & publicis peccatoribus. 3. Præstita satisfactio impertiebatur absolutio canonica extrasacramentalis, per quam abolvebantur a pœnis Canonicis; non amplius subeundis, admittebantur ad S. Communionem, Missæ sacrificium, & sic dicebantur reconciliari Ecclesiæ, & sacro Altari, quam reconciliationem Canonicam aliqui cum S. Cypriano *pacem* appellant.

Prop. 18.

Consuetudo moderna quoad administrationem Sacramenti penitentiae, De penitentia, etiamsi eam plurimorum hominum sustentet auctoritas, & multitudine temporis diuturnitas confirmet; nihilominus ab Ecclesia non habetur pro usu sed abusu.

Observ. Non satis apparet, qualem consuetudinem modernam architecti huius thesibus abusum vocitent. An enim carpunt usum absolvendi peccatores ante impletam satisfactionem? At ostendimus ad duas propositiones superiores, in hoc nullum abusum versari. Vel redarguunt usum frequenter confitendi venialia, atque ab iis absolvendi? At habent contra se piorum & sanctorum exempla: vel inutile dices id, per quod ex opere operantis & ex opere operato augetur gratia sanctificans. Vel vitio dant, quod nimis leves imponantur pœnitentiæ, vellenteque, ut rigor antiquorum canonum pœnitentialium reduceatur?

At illud non ferrent delicata nostra tempora, quibus primorum Christianorum refrixit charitas, ac proin plus mali quam boni sequeretur ex rigida illa disciplina, censenteque confessarii, consultius esse, purgatorio aliquid relinquere, quam acriori ungue vulnus irritare, & pœnitentem fors in gehennam mittere, Samaritanum illum imitantes, qui oleum & vinum infudit. Accedit, quod frequentior nunc sit Indulgentiarum usus. Aliud tamen foret, si gravitas morbi asperiores medicinam requireret.

Prop. 19.

Homo debet agere tota vita penitentiam pro peccato originali.

Falsum
dogma.

Observ. Tridentinum sess. 5. can. 5. definit, ita tolli per Baptismum reatum peccati originalis & totum id, quod verum ac propriam rationem peccati habet; ut nihil prorsus in remans super-

fit, quod eas ab ingressu cali remoretur, & S. 14. c. 2. per Baptismum Christum induentes, nova prorsus in illo efficiuntur creatura, plenam & integram peccatorum omnium remissionem consequentes: simulque discrimen affert inter baptismi & poenitentiae Sacramentum. Cum ergo per Baptismum, quicquid rationem peccati, originalis & actualis, habet, quoad culpam & poenam deleatur, cur isti Novatores, tota vita agendam esse poenitentiam pro peccato originali, nobis praescribunt? An propter concupiscentiam, quae in renatis remanet? At illa est quidem effectus peccati, & ad peccatum incitat, sed secundum se non est peccatum, relicta nobis ad agonem, & magni occasio meriti, si strenue illi repugnemus.

Prop. 20.

Confessiones, apud Religiosos factae, pleraque sacrilegae sunt, vel invalidae.

Invidia distavit hanc thesin.

Observ. Quare? Nonquid, quia oculos urit invidia, dum vident, poenitentes singulari cum fiducia ad Religiosos frequentes confugere? An deest in illis potestas absolvendi? At sunt veri sacerdotes ab Episcopo approbati, habentes jurisdictionem & singularia privilegia, etiam in ordine ad audiendas confessiones, & absolutionem impertiendam, a summo Pontifice, aut Episcopo. Nec scientia & experientia tractandi animas, atque ad salutem, & perfectionem etiam perducendi, ex continua praxi minori, credo, pollent, ac sacerdotes saeculares? Cur magni Principes, Ecclesiastici & Politici, plerumque deligunt confessarios ex Religiosis?

An forte poenitentes, dum Religiosis confitentur, non ita serium de peccatis dolorem, vel non ita efficac, propositum emendationis concipiunt, aut minus sincere apud ignotum saepe Religiosum confessarium peccata enarrant? Non credo. Quare ergo confessiones, apud Religiosos factae, pleraque sint sacrilegae vel invalidae?

Prop. 21.

Parochianus potest suspicari de Mendicantibus, qui elemosynis communibus vivunt, de imponenda nimis levi & incongrua poenitentia seu satisfactione ob quaelum, seu lucrum subsidii temporalis.

De confessionibus apud Mendicantes.

Observ. Et si hoc suspicaretur, an propterea confessio esset sacrilega vel invalida? An minus sincera esset? Quae pars deesset, quae Sacramentum poenitentiae ut validum constituit? Quinam magis urgent serium dolorem & propositum? Quod autem norint, Sacra-

Sacramentum poenitentiae non esse carnificinam sed medicinam, prout Tridentinum respondit Luthero & semini ejus, non est in illis culpandum.

Ceterum ritum illum & disciplinam, leviores poenitentias imponendi nequaquam induxerunt Religiosi Mendicantes. Jam dudum ante eorum in mundum adventum rigor ille veterum canonum poenitentialium exolevit, saeculo videlicet IX, X & XI; cum tamen Mendicantes Religiosi primum saeculo XIII sint nati. Sed neque imaginari nobis debemus, quod primis Ecclesiae saeculis rigor ille universim fuerit adhibitus. Primis quippe Ecclesiae duobus saeculis Ecclesia admodum fuit benigna in imponendis poenitentiis, ferme usque ad Montanistas; neque deinceps canones poenitentiales pro legibus habebantur, sed pro regulis ad directionem discreti confessorii, atque sapissime poenae, in illis assignatae, aut temperabantur, aut omnino remittebantur.

Sed nimis leves, inquis, poenitentias imponunt Religiosi Mendicantes, ut elemosynam accipiant. An ex temet ipso hoc dicis, vel alii tibi dixerunt? Quomodo probas? Quis de viris Religiosis, mundo mortuis, & ad perfectionem tendentibus id prudenter suspicetur, quod temporalis lucelli spe suo desint officio? Multi ex Religiosis etiam Mendicantibus accedunt mensam stratum, de annona, unde veniat, parum solliciti, curamque illam Superiori & Procuratori relinquentes.

Prop. 22.

Sacrilegi sunt judicandi, qui jus ad communionem percipiendam praetendunt, antequam condignam de delictis suis poenitentiam egerint.

Obsev. Quis non videat, quorsum hominum istorum feratur intentio, ut videlicet a Sacramentis confessionis & communionis animas absterreant, aut eorum usum omnino eliminent. De satisfactione. Quis scit, tamen satisfactoriam, a confessorio impositam praestiterit, aut etiam scire potest, an *condignam* de delictis poenitentiam egerit? Ergo semper abstinendum sacra communione, ne quis periculo sacrilegii se exponat; sicut Moniales Portus Regii gloriatae sunt, se etiam a communione paschali abstinuisse?

Ita est: jubet Apostolus, ut probet se ipsum homo; sed probatio ista & preparatio necessaria fiat in sincera & integra confessione peccatorum mortalium, conjuncta cum serio dolore & proposito emendationis, & sic conscientia ab omni culpa mortali

depurata. Pœnitentia seu satisfactio non est necessario præmittenda communioni, imo sæpe non potest integra præmitti, urgente e.g. in parcho necessitate sacrificandi & communicandi.

Per hoc tamen non negatur, varia committi peccata contra reverentiam, tanto Sacramento debitam, variosque casus & circumstantias posse contingere, propter quas, etiam post confessionem rite peractam, differenda sit communio, sub peccato saltem veniali, si possit differri, & major dispositio procurari.

Prop. 23.

Similiter arcendi sunt a S. Communione, quibus nondum ineſt amor DEI puriſſimus, & omnis mixti- nis expers.

*De compun-
tione sine
amore pu-
riſſimo.*

Obſerv. Quænam sint requisita necessaria ad S. Communionem, dictum est ad propoſ. ſuperiorem, neque Tridentinum alia requirit *ſeſſ. 13 cap. 7.* Inter hæc autem requisita necessaria non est amor puriſſimus, omnis mixtionis expers; alias enim plerique eſſent arcendi a S. Communione, cum pauci reſpectivè eſſe videantur, qui cum amore tam puro & depurato accedant.

In veteri Eccleſia etiam pueris præbatur S. Synaxis, qui tamen erant incapaces eliciendi amorem. Deinde etiam amentes sunt capaces hujus Sacramenti, ſicut baptiſmi, confirmationis, ordinis, ut tenet communis; non autem sunt capaces amoris puriſſimi.

Convenientiſſimum utique foret, ut omnes cum ardentissimo amore DEI ad ſacraſſimam menſam accederent; ſed propterea non sunt arcendi, dummodo ſint in ſtatu gratiæ, & ſi mortalia haberint, ab iis rite ſint abſoluti.

Prop. 24.

Oblatio in templo, quæ fiebat a B. V. Maria in die Purificationis ſuæ per duos pullos columbarum, unum in holocauſtum, alterum pro peccatis, ſufficienter teſtantur, quod indiguerit purificatione, & quod Filius, qui offerebatur, etiam macula matris maculatus eſſet, ſecundum verba legis.

Obſerv. B. V. Maria fuit Mater puriſſima, Mater inviolata, Mater intemerata, nulla unquam macula originali, actuali, vel legali infecta, nulla igitur purificatione indiguit, ſicut Diviſſimus ejus filius non indiguit circumciſione; ſed legem Moſaicam, Levit. 12 præſcriptam, qua non comprehendebatur, voluit ſervare, ad imitationem filii ſui, volentis circumcidi, ad dandum aliis obedientiæ exemplum, ad exercendam humilitatem aliasque

VIR-

virtutes, ad evitandum eorum scandalum, qui matrem sciebant, Virgineum nesciebant.

Lex Moisaica eas tantum mulieres obligabat, quæ suscepto semine masculinum parerent, ut a profluvio sanguinis sui, & macula legali mundarentur. At B. V. Mater DEI, nullo suscepto semine, sed grandi miraculo, obumbrante virtute Spiritus S. peperit, nec ullum sanguinis profluvium, aut sordes, quæ partum naturaliter sequuntur, patiebatur, sed Christus velut lux per purissimum crystallum transiit, ex purissimo Matris sanguine corpore efformato.

Prop. 25.

DEI Patris sedentis simulacrum nefas est Christiano in templo collocare.

Observ. Dan. 7 Pater Divinus apparuit Danieli in specie seminis sedentis. Cur ergo hac specie non possit in templo collocari, prout in multis Ecclesiis contingit? Nec obstat, quod DEUS sit incorporeus; nam etiam angeli sunt incorporei, & tamen laudabiliter eorum imagines collocantur in templo. Imo DEUS ipse iussit, Cherubim in templo Solymæ collocari. Et si Spiritus S. potest proponi in columbæ specie, ut definivit Synodus VII; quia in ea apparuit, cur non etiam æternus Pater in specie, qua apparuit? Ipsa S. Scriptura per metaphoram attribuit DEO membra, *sede a dextris meis*: & quoties manus DEI nominatur? Quot in Apocalypsi S. Joannis proponuntur nobis tales imagines? nec finis deest, ut nimirum per corporea & visibilia, ad agnitionem spiritualium & invisibilium deducamur. Ipse intellectus per ideas materiales, tanquam imagines, assurgit ad cognoscendos spiritus.

Effigies DEI
Patris.

Tridentinum equidem tantum de Imaginibus Christi, Deiparæ ac sanctorum meminit, non tamen excludit Imagines DEI & Trinitatis. Prohibuit DEUS sculptile, *ne adores illud*, sicut adorabant gentes idola, & non raro etiam Judæi, quibus, cum ad idololatriam valde essent propensi, DEUS prohibendo imagines occasionem voluit adimere, nunc autem apud Christianos cessat hoc periculum.

Nam cultus, quem Imaginibus exhibemus, non est absolutus, sed respectivus, tendens in prototypum, quod per imaginem nobis exhibetur; sicut cultus, quo legatum honoramus, tendit in Principem, quem legatus repræsentat. Scimus, quod Tridentinum ait, Imaginibus nullam inesse virtutem intrinsicam, nihilque

que ab iis esse petendum, aut sperandum, sed a protypo, quod nobis exhibent. Dicuntur quidem Imagines quædam miraculosæ, sed tota virtus provenit a DEO.

Prop. 26.

Laus, quæ desertur Mariæ ut Mariæ, vanæ est.

*Laus Mariæ
non est vanæ.*

Obsev. Laus, quæ desertur aliis sanctis, non est vanæ: ergo neque laus, quæ desertur Mariæ; nam etiam in quantum Maria, est persona sancta, imo sanctior omnibus sanctis, Angelis & hominibus, gratia plena, ut ab Angelo prædicatur. Neque destituitur hæc laus, honor, & cultus sine optimo; quia est utilis ad impetrandum patrocinium & intercessionem apud DEUM. Quapropter tota Ecclesia Mariam honorat cultu, quem Græci *Hyperduliam* vocant, altiore scilicet, quam reliquis sanctis deferatur: neque cultus iste est civilis, sed religiosus, quia exhibetur Mariæ propter excellentiam sanctitatis; estque actus virtutis supernaturalis, atque conformis voluntati DEI, qui in sanctorum suorum honoribus honoratur: prout dicit S. Bernardus: *totis medullis cordium, totis præcordiorum affectibus, & votis omnibus hanc Mariam veneremur; quia sic est voluntas ejus, qui totum nos habere voluit per Mariam.*

Maria jam in primo instanti immaculatæ suæ conceptionis fuit gratia plena, &, ut ostendit Suarez *tom. 2 in 3 p. c. 4* gratiam & merita singulis vitæ instantibus diu noctuque in immensum adeo multiplicavit, ut omnes omnium sanctorum gratias & merita simul sumpta superaret: ac proin non desint graves Theologi, qui doceant, eam maternitatem DEI, quæ sublimius donum creatum, excepta unione hypostatica, non est datum sub cælo, de condigno fuisse promeritam, ad quod tamen meritum requiritur proportio geometrica cum præmio. Talis cum sit Maria ut Maria, non nisi impudentissime dici potest, laudem, quæ desertur Mariæ ut Mariæ, vanam esse, cum etiam ut Maria sanctitatem omnium sanctorum (Christo semper excepto) sit supergressa, atque innumerum homines potens ejus apud DEUM patrocinium sint experti, ut proin merito canat Ecclesia: *dignare me laudare te Virgo sacrata.*

Prop. 27.

Falsum: Valuit aliquando Baptismus, hac forma collatus, in nomine Patris &c. prætermittis illis: ergo te baptizo.

Obsev. Cap. Si quis de Bapt. Alexander III ait: *si quis puerum in aqua immerferit in nomine Patris, & Filii, & Spiritus sancti,*

*sancti, & non dixerit: ego te baptizo, non est baptizatus. Expri-
menda enim est actio Ministri; prout Florentinum docet: si ex-
primatur actus, qui per Ministrum exercetur, cum sancta Trinita-
tis invocatione, perficitur Sacramentum. Et quare alias non suffi-
ceret positio solius actionis in reliquis etiam Sacramentis, quin di-
catur, ego te confirmo; ego te absolvo &c.?*

Accedit continuus usus, praxis, traditio, & persuasio Ec-
clesiæ; quamvis enim legantur baptizasse nomine Christi, tamen
præsumi potest, quod etiam Patrem & Spiritum S. expresserint,
& in nomine Christi baptizarint, hoc est, baptismo Christi, seu
a Christo instituto: vel tandem dicendum erit, quod ex speciali
dispensatione Divina baptizarint tantum in nomine Christi.

Prop. 28.

*Valet Baptismus collatus a Ministro, qui omnem ritum externum,
formamque baptizandi observat, intus vero apud se resolvit: non
intendo facere, quod facit Ecclesia.*

*Observ. At Trid. S. 7 can. 11: si quis dixerit, in Ministris,
dum Sacramenta conficiunt, non requirit intentionem saltem fa-
ciendi, quod facit Ecclesia, anathema sit. De fide igitur est,
quod Minister debeat habere intentionem saltem faciendi, quod
facit Ecclesia.*

Verum Catholicis quidam DD. cum Sylvestro, Paludano, Ca-
tharino, quem speciali libello defendit Hyacinthus Serry, distin-
guunt inter intentionem, *materialiter* faciendi, quod facit Eccle-
sia, & inter intentionem *formaliter* id faciendi; illam requiri
a Trid. non autem istam. Sed Trid. ex communissima Theologo-
rum etiam hanc requirit, videlicet non sufficere velle ponere ma-
teriam & formam, seu ritum externum, quod est velle materialiter
facere, quod facit Ecclesia. sed etiam id velle in ordine ad Sa-
cramentum, quod Christus instituit, vel in ordine ad conferen-
dam gratiam, vel ponendas actiones, ut *de se* aptas ad collatio-
nem gratiæ, licet hic & nunc propter obicem (e. g. in matrimo-
nio) non conferatur. Alias enim, si lector mensæ præsentem panem
legeret verba consecrationis, vere consecraret, vel si mater aqua
laveret a sordibus corporis infantem, dicens, Lavo te in nomine
Patris &c. vere illum baptizaret.

Requiritur
intentione
Ministri.

Requiritur igitur, ut velit agere ceu Minister Christi, vel no-
mine Christi. Ut autem Minister agat nomine sui principalis, de-
bet habere intentionem internam agendi ejus nomine; alias non
agit ut Minister aut legatus nomine principalis, sed nomine pro-
prio.

prio. Sane, si procurator, constitutus, ut nomine principalis sui ineat matrimonium, non agit ut procurator, si interne nolit agere nomine sui principalis, licet ritum externum observet.

Et hinc in hac thesi confixa est sententia Catharini, aliorumque, qui dicunt, sufficere intentionem materialiter faciendi, quod facit Ecclesia; nam in casu thesis damnatæ baptizans omnem ritum externum observat, & sic materialiter facit, quod facit Ecclesia; sed quia non intendit id facere, non vult formaliter facere, quod facit Ecclesia, & propterea proscripta est thesis.

Hæretici & etiam gentiles, quando baptizant, præsumuntur habere intentionem, appetitativè fortiolem ac prævalentem, faciendi formaliter, quod DEUS instituit, vel quod facit vera Ecclesia, aut quod Catholicos facere sciunt, vel quod per tale ministerium facere debent, & sic saltem implicite, formaliter tamen, volunt facere, quod facit vera Ecclesia; licet privato errore laborent, cui tamen suam intentionem non censentur ita alligare, ut non oppositam prævalentem habeant saltem implicite, aut virtualiter, quia saltem volunt, quod DEUS vult, eos per talem ritum velle, vel in quantum prodesse possit baptizando.

Prop. 29.

Futilis & toties convulsa est assertio de Pontificis Romani supra Concilium Oecumenicum auctoritate, atque in fidei questionibus discernendis, infallibilitate.

De summo
Pontifice.

Observ. Futilis, & toties convulsa est hæc impudens propositio. Futile ne dicas, quod totus prope tenet orbis Catholicus, quod ipsa Divina non obscure pronuntiant oracula. Christus, fundaturus Ecclesiam, Petro tanquam fundamento eam inædificavit, *super banc petram ædificabo Ecclesiam meam.* Illum pastorem constituit, *pasce oves meas.* Episcopi, etiam in Concilio congregati, non desinunt esse oves. Petro dedit claves cum plena solvendi atque ligandi potestate: *Tibi dabo.* An amittit illas in Concilio?

Video tamen, quantum ad infallibilitatem spectat, eam a Catholicis DD. diversimode propugnari; alii requirunt consensum majorum Pastorum illius gentis, in qua fidei controversia agitur: alii acceptione sunt contenti: alii cum Hyacintho Serry *de Romano Pontifice in ferendo de fide moribusque iudicio falli & fallere nescio*: & in *Dissertatione Apologetica* contra Aloysium Lucinum

cinum, exigant Cardinalium iudicium & consensum, maturam ac diligentem rei discussionem, preces publicas: verum hæc ad infallibilitatem Pontificis in fidei & morum definitionibus vel non absolute sunt necessaria, vel præsumendum est, ea nunquam omit- ti, prout de facto nunquam omittuntur. Alii denique, iique plu- rimi docent, Papam in definiendis fidei morumque quæstionibus, ex providentia Christi & promissa assistentia Spiritus S. etiamsi so- lus decidat esse absolute infallibilem, quando loquitur ex cathedra, seu quando alloquitur Ecclesiam, eique aliquid credendum pro- ponit: alias enim tota Ecclesia in re gravissima induceretur in er- rorem, cum Pontifici obedire debeat. Ecclesia autem ex promissis Evangelicis errare non potest.

Materia ista est amplissima; mille libris tractata, & ego ipse pro tenuitate mea, sæpius de illa quoad utrumque caput disserui, uti, quando Concilium Constantiense & Basileense exposui &c. Hoc certum, insolentem thesin confixam vel ex turpi ignorantia, vel ex insigni malitia esse profectam, dum eam assertionem futi- lem & toties convulsam appellare non veretur.

Prop. 30.

Ubi quis invenerit doctrinam in Augustino clave fundatam, illam ab- solute potest tenere & docere, non respiciendo ad ullam Pontificis Bullam.

Observ. Quamvis maxima sit S. Augustini in Ecclesia aucto- ritas, præsertim in iis, quæ de gratia scripsit, non tamen usque adeo tanta, ut definitioni sedis Apost. anteferri aut coæquari pos- sit; neque enim, prout Petro & ejus successoribus, in doctrina fidei & morum promissa ei fuit Spiritus S. assistentia atque infalli- bilitas. Quapropter nullas Pontificias non oportet ad verba Au- gustini, sed Augustini verba ad verba Bullæ, ejusque clarum sen- sum oportet sumi.

De Authori-
tate S. Augu-
stini.

Neque dicas doctrinam S. Augustini ab Ecclesia universim esse canonizatam; nam ea sunt approbata, quæ habentur in Epistola Cælestini I ad Episcopos Galliæ apud Prosperum in fine ejus ope- rum: 1 videlicet, quod in prævaricatione Adami omnes amiserimus facultatem expeditam ad salutaria. 2 Quod nemo sit per se bonus, nec possit sine gratia perseverare. 3 Quod nemo bene utatur libero arbitrio, nisi per Christum. 4 Quod omnes motus bonæ voluntatis sint a DEO. 5 Quod gratia non solum valeat ad peccatorum remissionem, sed etiam ad ea vitanda. 6 Quod gra-
tia

tia Christi non solum illuminet intellectum, sed etiam immediate moveat voluntatem. 7 Quod non solum det facile posse, sed etiam simpliciter posse. Additque idem Cœlestinus Papa in eadem Epistola: *profundiores partes questionum, quas pertractarunt Augustinus & alii, qui hæreticis resistenter, sicut non audemus contemnere, ita non necesse habemus astruere.*

Et ipse Aug. l. de dono persever. c. 21 ait: *neminem velim sic amplecti omnia mea, ut me sequatur, nisi in iis, in quibus me non errare perspexerit; nam propterea facio nunc libros, in quibus opuscula mea retractanda suscepi; ut nec me ipsum in omnibus me secutum esse demonstrem.* Interpretes etiam S. Scripturæ non raro ab Augustini expositione recedunt, e.g. dum Jacobum & Davidem a mendacio excusat &c. Certe sunt in Augustino aliquæ expressiones difficiles, de quibus dici potest, quod Petrus de epistolis Pauli, quod homines indocti (hæretici) iis abutantur ad suam perditionem, prout Calvinus & Janſenius fecerunt.

Gelasius Papa, sicut etiam alii Pontifices, approbavit doctrinam Augustini generice, sicut doctrinam Cypriani, Hilarii, Hieronymi, & aliorum Patrum, quin singulas sententias approbaret. Certe in libris Cypriani extat ejus doctrina de Baptismo, ab hæreticis collato. Igitur Gelasius authenticos libros ab apocryphicis & supposititiis auctorum libris secrevit, quin singula contenta approbaret. Qui agrum laudat, non omnia quæ sunt in agro laudat.

Prop. 31.

Bulla Urbani VIII In Eminentis est subreptitia.

Bulla Urbani VIII.

Observ. Bulla hæc, anno 1641 edita, relata constitutione Pii V & Gregorii XIII. quibus 49 Michaelis Baji propositiones proſigantur, eosdem errores rursus damnat, simulque librum Janſenii, quem *Augustinus* inscripsit, prohibuit.

Hanc Bullam, cujus initium *In Eminentis*, Bajani & Janſenistæ exosi, nihil non moverunt, ut aliquamdiu in Belgio suspenderetur, ut vel revocationem illius vel moderationem obtinere possent. Hoc cum evincere non possent, Bullam obreptitiæ obtentam dicebant, a Jesuitis per expositionem falsi, quod videlicet propositiones damnatæ extant in scriptis Baji & Janſenii in sensu damnato.

Quam autem hoc a veritate sit alienum, ex propria Urbani Pontificis confessione elucet, dum in Bulla ait, ex matura ac diligenti libri (Janſenii) lectione compertum sibi, in eo multas propositiones Baji, a dictis Pontificibus proſcriptas contineri, & magno cum

cum Catholicorum scandalo, & Sedis Apost. contemptu eas defendi.

Et quis credat, Pontificem, dum loquitur ex cathedra, prout facit, dum propositiones aliquas tanquam fidei aut bonis moribus contrarias publice damnat, Decreto, ad totam Ecclesiam directo, ita oscitanter id facere, ut obrepi sibi permittat, aut falsæ expositioni acquiescat? Constat certe, materiam prius tum a S. R. E. cardinalibus, tum aliis viris doctissimis, tum etiam ab ipso Pontifice, magna diligentia discuti, examinari, ac ponderari, invocato etiam Divino auxilio, antequam ad sententiam condemnationis deveniatur.

Cum ergo tunc ex cathedra tanquam Pontifex, & Magister a Christo constitutus, alloquatur doceatque Ecclesiam, prohibendo sub censura Ecclesiastica, tales propositiones docere & tenere, ex assistentia Spiritus S. promissa, est omnino infallibilis. Quantæ ergo impudentiæ & temeritatis est, talem Apostolicam sententiam subreptionis arguere?

Postquam Alex. VIII. has 31 Propositiones recensuit, eas tanquam temerarias, scandalosas, male sonantes, injurias, barese proximas, barese sapientes, erroneas, schismaticas, & bareticas respective, damnavit, prohibuitque, ita, ut quicumque illas, aut conjunctim, aut divisim, docuerit, defenderit, ediderit, aut de illis etiam disputative publice aut privatim tractaverit, nisi forsan impugnando, ipso facto incidat in excommunicationem Pontifici reservatam.

Insuper districte & in virtute S. obedientiæ, & sub interminatione Divini Judicii prohibet, ne quis prædictas propositiones aut aliquam ipsarum in praxin deducat.

§. 6.

De aliis Propositionibus proscriptis.

Idem Alexander VIII. Pontifex duas alias insuper Propositiones proscriptas, nimium laxas. Prima sic habet: *Bonitas objectiva consistit in convenientia objecti cum natura rationali, formalis vero in conformitate actus cum regula morum. Ad hoc sufficit, ut actus moralis tendat in ultimum finem interpretative. Hunc homo non tenetur amare, neque in principio, neque in decursu vitæ suæ moralis.* Thesis falsa de amore, ubi.

Hanc theſin damnavit tanquam hæreticam, utpote quæ per ultima verba aperte & immediate eſt oppoſita veritati revelatæ; cum dicitur Jo. 3: *qui non diligit, morietur in morte*, & Marci 12: *Diliges Dominum DEUM tuum ex toto corde tuo &c.* Neque ſufficit dicere, hoc intelligendum de dilectione virtualiter & interpretative tali, inclufa in obſervatione mandatorum DEI; nam verba adeo clara dilectionem DEI formalem & proprie dictam manifeſte requirunt, prout omnes boni Theologi facile agnoſcunt. Dein inter reliqua DEI mandata eſt etiam mandatum diligendi DEUM, & quidem ex toto corde, ex tota anima, ex tota virtute, imo hoc eſt primum & maximum mandatum; qui ergo DEUM ita non diligit, non obſervat mandata DEI. Sicut ergo ad ſalutem requiritur, ut ſæpius eliciatur fides & ſpes formalis, ita a fortiori requiritur, ut ſæpius eliciatur actus charitatis DEI formalis, quæ eſt Regina omnium virtutum. Neque lex Divina poſitiva duntaxat id exigit, ſed etiam naturalis, lumine rectæ rationis cordibus inſcripta. Videantur, quæ de hac dilectione dicta ſunt ad propoſ. I ab Alex. VII damnatam.

De peccato
Philosophico.


Altera ab Alex. VIII confixa propoſitio eſt hæc: *Peccatum Philoſophicum ſeu morale eſt actus humanus, diſconveniens naturæ rationali & rectæ rationi: Theologicum vero & mortale eſt transgreſſio libera Divinæ legis. Philoſophicum, quamvis grave, in illo, qui DEUM ignorat, vel de DEO actu non cogitat, eſt grave peccatum, ſed non eſt offenſa DEI, neque peccatum mortale diſſolvens amicitiam DEI, neque pœna æterna dignum.*

De hac propoſitione tractatum fuit *Part. VIII lib. 3 cap. 24 & Part II c. 1 n. 18.* Primæ duæ partes hujus theſis continent definitionem peccati Philoſophici & Theologici; quæ, cum ſit conditionata (*ſi detur*) non fuit damnata. Tertiâ damnavit Pontifex, aitque, illam noviter ex orco emerſiſſe; quia videlicet Arnaldus eandem inde extraxit; quia eandem, tam turpiter veſtitam, nemo docuit.

Et hinc illam, ſibi oblatam, merito damnavit Pontifex, quia, prout jacet, ſupponit dari, aut dari poſſe peccatum mere philoſophicum, quod eſt falſum; cum ſit aut metaphyſice aut ſaltem moraliter impoſſibile; quia hoc ipſo, quod aliquid cognoscatur tanquam diſconveniens naturæ rationali & rectæ rationi, hoc ipſo cognoscitur etiam ut diſconveniens voluntati ſupremi legiſlatoris: accedit, quod non diſtinguat inter ignorantiam vincibilem

& invincibilem &c. *vid. l. c.*

ARTI-



ARTICULUS II.
DE STATU POLITICO
ITALIÆ
SÆCULO XVII.

§. I.

*Salutiae ad Sabaudum. Bellum Montferratenſe, Uſcobium, Valte-
linum, Mantuanum, Pedemontanum. Lis de tutela Ducis
Sabaudiae, & urbe Caſtro.*

Flagrantibus civilibus Galliae turbis Carolus Emmanuel Dux Sa-
baudiae Marchionatum *Salutiarum* occupaverat, cuſo numis-
mate, cui hæc vox erat inſcripta: *Opportune*. Pacta regno
quiete Henricus IV Galliae Rex Salutias repetiit; cumque Dux nol-
let reſtituere, Galli mox paucas Ducis urbes & arces munitas ex-
pugnarunt, procul pariter, ut reſponſum darent, moneta cum
hac inſcriptione: *Opportunius*. Lis tandem tranſactione finita. Pro
aliis terris, Franciae ceſſis, relictus Duci Marchionatus, clavis
Italiz.

7.

Anno 1613 Bellum Montferratenſe erupit, a Carolo Emma-
nuele Duce Sabaudiae ſuſceptum, cujus hæc erat occaſio. Fran-
ciſco IV Duce Mantuæ & Montis Ferrati hoc anno absque liberis
maſculis deſuncto, Ferdinandus ejus frater, exuta Romana pur-
pura, ſucceſſit, ſimulque tutelam Mariæ neptis ſuæ, ſibi attri-
buit. Sabaudus hoc in præjudicium filiae ſuæ, quam Franciſcus
viduam (Mariæ matrem) reliquerat, cedere ratus, antiquas ſi-
mul prætenſiones Domus Sabaudiae in Montferratenſem Marchio-
natum

Bellum
Montferrat.

Nulli contrahentium parti satis pax ista placuit, primo, quod veniam dare oporteat rebellibus subditis, alteri, quod crescere non liceat, tertio, quod Asti obsidionem solvere debeat. Certe Inojosa Mediolani Gubernator revocatus est, & novus, Petrus Toletanus, non satis e dignitate Hispana fuisse transactum, dicebat. Unde pax ista bello similis videbatur, tracto etiam ab Hispanis in partes Nemorosio Duce Sabaudiae Principe: Emmanueli vero succurrente Lediguërio.

Sopito hoc bello, aliud anno 1616 erupit Venetos inter & Bellum Ferdinandum Styriae Archiducem propter *Uscobios*, Croatiae & propter Dalmatiae Austriacae populum, rapto vivere assuetum. Vicinos *Uscobios* equidem is Turcas maxime infestat, ad Christianos tamen etiam non nunquam rapaces manus extendit: prout hoc tempore triremem Venetam diripuit, easo senatore aliisque, quos in eadem invenerat.

Quamvis autem sub protectione Domus Austriacae sint *Uscobii*, libertatem tamen a tributis, & hospitacione militum affeant, nullumque patiuntur sibi Praefectum imponi. Veneti nihilominus, eos non satis compesci existimantes, Gradiscam, perunitam in Carniola urbem Austriacam aggressi sunt, interceptis aliis quibusdam locis.

Gubernator Mediolanensis & Nuntius Pontificius omni ope adlaborarunt, ut Veneti ceptis desisterent, & pax alma reduceret: quae tandem anno 1617 in Istria fuit composita.

Cum pax Astensis executione destitueretur, postulante Hispano, ut Sabaudus prius exercitum dimitteret, hoc vero exigente, ut Hispanus prius Pedemontio decedat, bellum recruduit. Hispanis accessit Dux Nemorosius, sed damno suo non levi: Lediguërius vero, contra Regis Franciae voluntatem, 8000 Gallorum Carolo Emmanueli in Pedemontium suppetias adversus Hispanos attulit.

Captum assultu anno 1617 S. Damianum, & Alba, quam 7000 Hispanorum, imminente Duce cum Lediguërio, deseruerant. Hispani vero Vercellas occuparunt. Ticini tum rursus pax inita, & Astensis confirmata, conciliatoribus Cardinale Ludoviso nomine Pontificis, & Marchione Bethunio Franciae Regis legato. Iussa pars utraque intra mensem ablata restituere, & in proprias terras migrare, manumissis a Duce copiis. Archidux Ferdinandus Segnam legionem Germanorum mittit, quae *Uscobiorum* rapinas compescat, missis 133 familiis in exilium.

Bellum Val-
telinum.

Ab anno 1617 Italiam motus Vallis Telinæ concussere, Venetis, Mediolano, Pontifice, quin & Gallia, & Hispania, & Helvetia in partem venientibus. Vitus est Hispanus huic Italix clavi inihiare, ut faciliorem cum Germania communicationem sortiretur. Certe Fontanus Gubernator Mediolanensis Regi suo scripsisse fertur, si Italiam velit habere constrictam, Finariam Monacum, Clavannam cum Valle Telina esse comparandam.

Quia autem Genuenses erant Hispanorum socii, & Dux Sabaudix se laesum ab eis credebat, pariter bello involuti sunt: & cum timeretur, ne Hispani in Italia se magis extenderent, varia cum Italix Principibus Gallia iniit foedera, praesertim cum Duce Sabaudix tractatum Susanum.

Mantuanum

Anno 1626 obiit Ferdinandus Gonzaga, Dux Mantuæ & Montisferrati, nulla relicta prole, æt. 39, reg. 14. Successit igitur frater Vincentius II, qui tamen vix anno regiminis exacto fratres secutus est; nam tres successive fratres imperarunt, sed omnes sine prole mascula obierunt; unde de successione magna orta est contentio, quin & bellum, summis Europæ Principibus in partem venientibus. *Vid. Germ. & Gall.*

Successit tandem Carolus Gonzaga Dux Nivernensis, qui in Gallia sedem fixerat, ex altera gentis Gonzagæ linea descendens, opponentibus se Hispano, Sabaudis, & ipso Imperatore, donec causa per pacem Ratisbonensem fuit finita. (*vid. Germ. & Gall.*)

Anno 1630 Urbanus VIII Papa in Consistorio Cardinalibus, Electoribus Ecclesiasticis, & Magno ordinis Melitenis Magistro contulit titulum *Eminentissimi*, exclusis ab eo jure omnibus aliis ecclesiasticis. Hæc tamen ordinatio non omnibus placuit, praesertim Duci Sabaudix & Venetis, qui ad Cardinales adhuc titulo *Illustrissimi* usi sunt, in Italia passim vulgari inter Nobiles.

Obit Car.
Emmanuel.

Idem annus de mundi theatro, in quo celebrem actorem egit, abstulit *Carolus Emmanuel* Ducem Sabaudix, Principem, quam parvum corpore, tum magnum animo, tota propemodum vita bellis exercitum, quæ aut intulit, aut repressit, jam Casari, jam Gallo, jam Hispano, jam Mantuano hostis, prout, ut se extenderet, visum fuit opportunum: obiit anno ætatis 69, regiminis 50, Magni cognomentum promeritus. Ex Catharina, Philippi II Hispaniarum Regis filia, successorem in provinciis, a Gallis ferme occupatis, reliquit *Victorem Amadeum* I, qui bello Suecico in Germania furente cum Rege Gallix & Parmensi armorum societatem adversus Hispanos pactus est.

Gé-

Gestum itaque rursus bellum in Italia ab anno 1635. Ad Bussarolam Hispani praelio victi sunt. Sed, quia pacto convenerat, ut tantum terrarum Galliae in Sabaudia accederet, quantum Victori Amadeo in Mediolanensi agro accresceret, Dux, qui neque Hispaniam, neque Galliam augeri volebat, lente incedendum putavit. Unde non magnus erat victoriae fructus. Quir imo victores in Pedemontium se recipere fuerunt coacti, affluentibus Mediolano & Neapoli copiis. Bellum.

Anno 1637 obiit Victor Amadeus I Dux Sabaudiae, æt. 51, regiminis 7. Ex Christina conjuge, Ludovici XIII sorore, reliquit Franciscum Hyacinthum, qui successit, sed anno vertente finis erat. Successit igitur fratri *Carolus Emmanuel II* quadrimus. Aloysia soror Mauricio patruo suo, qui prius fuerat Cardinalis, Jolanta Duci Parmensi, Adelhais, natu minima, Ferdinando Mariae Electori Bavariae nupsit.

Sed magna orta est controversia, quis pupillorum tutelam gereret. Mauritius & Thomas, patru illam sibi, ceu proximi agnati, vendicabant: erantque ab Imperatore in hoc munere confirmati; sed Christina mater, auxilio fratris Ludovici praevaluit, & illico foedus cum Gallia confirmavit. Dux vero Parmensis, hortante Pontifice, & comminante Hispano, ab eodem recessit. Lis de Tutela.

Anno 1639 inter Thomam Principem & Leganium, Mediolani Governatorem, tractatum est, ut Galli ex Italia pellantur, Principibus Sabaudiae tutela nepotis committatur, cum administratione statuum, atque mox Jurea, Verva, Chiva, Montallerium, Quierum &c. Principi Thomae se dediderunt, quin & ipsum Taurinum, cui Cardinalis de Valette (filius Ducis Espernonii) cum Gallis suis se incluserat. Christina vero vidua cum liberis suis in Galliam profugit. Thomas Princeps

Misit Richelius in Italiam Harcurio Duce exercitum, qui ad Quierum Thomam & Leganium praelio vicit, ac brevi etiam ad Taurinum, quod victor ingressus est, Christina mox redeunte.

Tandem anno 1641 pax inita. Confirmatur mascula successio in Sabaudia & Pedemontio. Rex restituet omnia loca, quae occupaverat, si Hispanus idem faciat. Nullam cum hoc inibit pacem, in qua Principes non sint comprehensi. Consentit in nuptias Mauricii Cardinalis cum Aloysia, eique Vicariatus Comitatus Nissani traditur, Thomae vero Principi Eperodia, seu Jurea & Biellenis provinciae. Christina maneat tutrix sui filii Caroli Emmanuelis,

& Gubernatrix provinciarum. Thomas ex sociis Hispanorum factus hostis, ex hoste Gallorum eorum Ductor.

Thomas, quem dixi, magni Principis Eugenii avus, novam Domus Sabaudicæ lineam fundavit, quam *Carignanam* appellant, & per nuptias cum Maria Borbonica ex Domo Condæ, ultimi comitis Sueffionensis filia & hærede, Sueffionis comitatu adeptus est. Unde duplex dein linea est orta, *Carignana*, & *Sueffionensis*, quæ tamen posterior in Principe Eugenio, ejusque nepote & pronepote fuit extincta.

Lis de
Castro.

Anno 1643 post diuturnas de Ducatu *Castro* contentiones, quæ in bellum exarserunt, sancita est pax inter Urbanum VIII summum Pontificem & Ducem Parmensem. Ducatum hunc Paulus III Petro Aloysio Farnesio cum Parma & Placentia clientelari jure possidendum dederat. Odoardus I eundem Monti Pietatis Romano oppignoraverat; cumque creditum non restitueretur, Urbanus VIII eundem ad se traxit. Verum, cum & Veneti, & Dux Florentiæ, ac Mutinæ Parmensi assisterent, Urbanus Papa anno 1643 ea, quam dixi, pacificatione eundem restituit; sub onere tamen homagii, præstandi Pontifici. Anno 1649 iterum in Pontificis manus recidit, Castrumque urbs diruta, & Episcopatus Aculam (*Aquapendente*) translatus, postquam Episcopus, Castrum destinatus, in itinere fuit interfectus. Anno 1650 Ducatus Castri cum dominio Romanæ Ecclesiæ directo fuit consolidatus. Agebatur quidem anno 1664 de Ducatu restituendo Parmensi Duci, sed Camera Apostolica in possessione mansit; quamvis etiam hoc sæculo licet rursus fuerit mota, donec Cæsar anno 1738 prætensionis persecutioni renuntiavit.

Anno 1648 continuato bello Insubrico, Galli cum Mutinensi Cremonam oppugnarunt, sed conatu irritò; Hispanis in subsidium accurrentibus.

§. 2.

Seditio Neapolitana. Captivitas Guisii. Amissa Candia. Seditio Messinensis. Cassini systema de cometis. Victoria Venetorum de Turcis. Pax Taurinensis, Carlovicensis. Ceptum bellum ob successionem Hispanicam.

Seditio
Neapol.

Seditio Neapolitana priori anno cœpta, hoc anno est continuata. Novi vectigalis impositio plebem in rabiem egit, cui ducem se præbuit Aniellus quidam, ultimæ sæcis homo. Audite voces infu-

infruitur per urbem discurrentium : DEUS conservet Regem, malos autem Praefectos auferat Diabolus. 60 Palatia dicuntur in cineres redacta. Arcosius Protex immitte militem in furentes; plae ex sanguine natant. Inter alios cadit Anicellus.

Guifius, qui tunc Romae versabatur in causa sui matrimonii dissolvendi, audita seditione, occultis nuntiis suadet populo, ut Rempublicam formet, & protectionem Galliarum Regis imploret: pro se autem non aliam auctoritatem in nova Republica Guifius petit, ac Princeps Auriacus in unitis Belgii provinciis obtineret. Non abnuitt populus.

Quare Guifius Neapolin abiit, in turbido, quod ajunt, piscaturus. At simul Joannes Auriacus urbem subit cum copiis, quae ^{Guifii fac.} una manu facem, altera nudatum ensen gestabant, simulque ex arce in urbem fulminatum. Cives correptis armis in plateis dimicabant. Nobiles vero, adversus plebem irritati, cibaria, ne in urbem deveharentur, interduserunt. Summa erat rerum penuria, & extrema calamitas. Guifius in urbe receptus, velut tutelariorum genius, atque civium Praefectus proclamatus. Verum, cum Gallia tarde & parce militem & argentum submitteret, defensionem impar, ab Hispanis captus in Hispaniam abductus est, de capite jam sollicitus, cui coronam propediem imponendam crediderat.

Quatuor annis detentus in Hispania, ad preces Lotharingae Ducis libertati est restitutus: seditio vero, adveniente novo Pro-Rege sopita, confirmatis Neapolitanorum privilegiis.

Insigni interea virtute Veneti bellum adversum Turcas prosequuntur, relatis non paucis de iis navalibus victoriis. Eminere inter illas videtur, quam intra ipsas Dardanellas anno 1655 reportarunt, & anno 1657 ad Chium.

Continuato autem in Italia Gallos inter & Hispanos bello, Dux Mutinae Valentiam ad Padum Hispanis anno 1656 eripuit. Quo Principi Thomae, qui Galliae copiis praefuerat, Taurini mortuo, successerunt filii, Emmanuel, & Eugenius Mauritius, Magni Eugenii pater, & ille quidem natu major Carignanam lineam propagavit, hic vero Sueffionensem.

In annum 1662 inciderunt dissidia inter Alex. VII Pontificem & Lud. XIV propter violatum a Corsis Romae praefidiis Crequium, Oratorem Galliae, quas in Gallicis perstrinxit.

Cæta
amissa.

Anno 1669 Veneti amiserunt *Candiam* post 24 annorum bellum, cum Turcis gestum. Victores initio Veneti, in Hellepontum usque, Dardanellas, & Propontidem victorias suas protulerunt. Denique, cum Christiani Principes, inter se bellis collisi, subsidia non mitterent (præter 6000 Gallorum) numero victi, non virtute, nobilissimam Insulam amiserunt, *Suda* & *Spinalonga* exceptis, quæ primum anno 1715 perierunt.

Anno 1672 Sabauliæ inter Ducem & Rempublicam Genuensem pace inita, finitum est bellum, quod propter finium controversias erat exortum.

Seditio Messina.

Secuta est vehemens *seditio Messinensis*; cum enim Gubernatores severius, accitis senatorum privilegiis, imperare viderentur, civitas tota arma corripuit, accitis etiam ex Gallia copiis: Gubernator beneficii loco habere debuit, quod fugere licuerit. Commisum subin Gallos inter & Hispanos, ex Catalaunia advectos, navale prælium, quo isti in fugam acti sunt.

Expectatione eventus suspensæ hærebant aliæ civitates Siciliae. Gallica præsidia Messinæ sunt recepta; quæ tamen ita in ea versabantur, ut cives averfarentur defensores suos. Fames premebat, Hispanis commeatum intercludentibus. Reverfuri ad pristinum Dominum vindicem seditionis formidabant. Integræ classes adversæ in aquis Siculis depugnabant.

Tandem vero anno 1678, ubi Gallia vidit, hanc expeditionem plus impensarum, quam emolumentum & spei asserre, Fevilladæ mandavit, ut desertæ Messinæ Gallos in patriam reducat. Ille, simulata expeditione magni in rem momenti, Gallos omnes, etiam ægros, navibus imposuit, & cum paulum a littore remota fuisset classis, per litteras civitati denuntiat, se in Galliam rediturum. Tum vero Messinenses, protensis manibus & elatis clamoribus, rogabant, ne se desertum, & Hispanorum iræ expositum iret. Sed aliud facere non poterat, nisi, quod aliquot centenos in naves reciperet, reliquis suo fato relictis. Hispani in urbem recepti, auctoribus seditionis, qui supererant, plexis, reliquis veniam dederunt.

Cometa.

Anno 1680 mense Decembri apparuit cometa, tanta magnitudine, qualem vix unquam videre fuit. Qua occasione *Cassinus* Italus, Astronomus clarissimus, proposuit suum systema de regulari periodico reditu cometarum, ac proin docuit, prædicti posse eum recursum, sicut eclypses solis aut lunæ, vel alia astrorum phænomena. Quæ sententia, si esset vera, dissolveret plures de

sceme

cometis dubitatione, eximeretque rudibus vanam persuasionem, a cometis mali quidpiam portendi.

Anno 1683 cum Vienna depulsus esset Turca, foedus est contractum Caesarem inter, Polonum, & Venetos; & illi quidem in Hungaria, atque ad Boristhenem insignes ei clades intulerunt, Veneti vero varias Insulas & loca maritima sunt adepti, prout etiam anno 1686 ad Nauplias insignem victoriam. Praemium fuit Peloponnesus, tota propemodum expugnata, & anno sequenti Athenae. Anno vero 1689 Turcae navali pugna rursus victi. Certe insignis haec fuit Reipublicae gloria, quod sola suis viribus hostem tam potentem toties profligarit, singulis annis novis victoriis & possessionibus aucta.

Victoria de
Turcis.

Non tam felix Dux Sabaudiae fuit, qui anno 1690 accedens magno foederi, Catinatum passus, Susam, ac postea alias quoque urbes amisit. Anno vero 1692 Dux vices redditurus, in Galliam irrumpeus, Ebrodunum in Delphinatu cepit, aliaque loca, contributione indicta.

Anno 1693 horrendus adeo terrae motus Siciliam concussit, ut Catanam, & Siracusas, cum octo aliis urbibus, 140 arces, & oppida vastaret, sepulta sub ruinis magna hominum multitudo.

Eodem anno Catinatus ad Pinarolium Ducem Sabaudiae, grandi illata strage, profligat. Tandem vero anno 1696 primus ex foederatis Victor Amadeus cum Gallia pacem Taurini clam composuit. Renuntiat foederi, quo Caesari ac lociis aliis fuerat illigatus, omnemque operam junget pro *neutralitate* Italiae, usque ad pacem universalem. Rex Duci restituit Pinarolium, Perusam, Monmellanium, Nicæam, Villefrancam, Susam &c. nec pacem aut inducias panget cum Imperatore & Hispano, in quibus Dux non esset comprehensus. Ad haec matrimonium inter Ducem Burgundiae & Adelhaidem Ducis filiam decernitur. Ejus legatos Rex excipiet eo honore, qui deferretur legatis coronatorum capitum. Dux edicto verabit incolis vallium Lucernensium seu Valdensibus omnem communicationem in iis, quae religionem concernant, cum Gallis.

Pax Tauri-
rensis.

Gloriosa non minus quam utilis haec pax Duci fuit, quia plus recepit, quam amisit. Sed Rex hoc voluit hamo Ducem a magno foedere abstractum ad se trahere. Non placuit autem Foederatis initio, ut Italia inter belligerantes esset media. Verum cum Catenatus Valentiam oblideret, consenserunt, facilioresque deinceps aures paci universali praebuerunt.

Vene


ralem, a Christo sibi commissam, vigilantiam in omnem partem exporrigant, animasque immortales regno cœlesti inferant.


Quas summi Sacrorum Antistites hanc in rem constitutiones ediderint, quæque gesserint, postea equidem ceu coronidem operis recensebimus, juvat tamen hic de Propositionibus quibusdam laxis & exerrantibus, hoc sæculo XVII ab iisdem damnatis, aliqua interfecere.

Hoc quippe sæculo potissimum ingenia quædam incauta, sibi-que ipsis nimium confisa, atque per insignem audaciam altius, quam par erat, prosecta, in scopulos impeerunt, eamque, quæ de moribus est, doctrinam sphalmatis suis infecerunt: quapropter summi Pontifices muneris sui Pastoralis esse duxerunt, ut laxitatem istam & sentiendi libidinem coercerent, atque conceditum sibi gregem a noxiis pascuis averterent.

Quia autem alii nervum nimium intenderant, atque rigore suo indiscreto in alteram partem, a semita recta declinantes, impeerant, Pontifices horum quoque zelum quidem, sed non secundam scientiam, reprobarunt, sapientissime judicantes ex

Verbi Divini & Patrum regula, certos esse fines, quos ultra citroque nequeat rectum consistere.





CAPUT II.

STATUS

HISPANIÆ

SÆCULO XVII.

ARTICULUS I.

Status Hispania sub Philippo III.

'Amplitudo Monarchiæ, opes, vires. Cuiusdam Ostendæ expugnatio. Induciæ cum Hollandis. Bellum Monferratense, Rhoeticum, Rhenanum &c.

110.

Foreſti.

*Hæreditatis
amplitudo.*

In Europæ.

Magno illo & quieto orbis motore Philippo II fatiſ defuncto, filius ejus Philippus III multo ampliffimam poſt hominum memoriam, atque in omnes terræ partes exporrectam, hæreditatem adiit. Quippe in Europa naſtus eſt Hiſpaniam, in duodecim regna diſſulam, 140 urbes, 30000 oppida, 11 Archiepiſcopatus, 55 Episcopatus, 25000 parœcias, 120000 Eccleſias, 12800 Monasteria, 16 ſacræ Inquiſitionis tribunalia, 32 Academiæ, 4000 inferiores Scholas, 9 Equitum ordines, 900 Commendas, complectentia.

Ad hæc in Italia regnum triplex, Siculum videlicet, Neapolitanum, & Sardinicum, Ducatum Mediolanenſem, munimenta complura in Tyrrheno mari, quos *Status Praſidii* appellant, cum Balearibus Inſulis, atque cum Burgundia. In Germania Inferiore decem Belgii provincias, cum jure in ſeptem reliquas, quæ Batavis fœderatis necdum ceſſæ fuerant: Regnum denique Luſitaniam, in omnes pariter quatuor orbis partes extenſum, a Philippo II immenſis incrementis adjectum.

In

In *Asia* Insulas Philippinas, Malacam, Goam, Diunum, Ormuzum, cum pluribus Insulis, Provinciis, urbibus. *Asia.*

In *Africa* Oranum, Portum Magnum, Septam, Melillam, Tingim, Veliam Rupem, Loandam, cum aliis Angolæ urbibus, Sotalem, Quiloam, Monbaciã, Insulas Fortunatas, nempe Canariæ, Teneriffæ, Ferri, Fortenventuræ, Gratiolæ, Palmæ, Maderæ, Rocæ, Gomeræ, Alegranæ, Lancelotæ: decem Insulas Hesperides, magnam Insulam S. Laurentii (quam Madagascar appellant) cum aliis pluribus. *Africa.*

Nusquam vero in maiorem amplitudinem Hispana Manarchia, prout ea Philippo III fuit relicta, se dilatat, quam in America, ubi Regnum Mexicanum, Peruanum, Quittense, Chilense, Paraquarium, Brasiliam, Terram Firmam, cum Insulis Hispaniola, Cuba, Jamaica, Porto Ricco &c. pluresque alias amplas provincias accepit; ut adeo hæreditas illa multo maior censeatur, quam vastum Turcarum, aut Romanorum olim Imperium. *America.*

Ingentes præterea auri argentique opes ex America, & Peruvia potissimum, in Europam advehuntur, primum quidem Panamam, dein Portum Bellum, ubi aureæ quot annis instituuntur nundinæ, mercesque emptæ Havanam, principem Cubæ civitatem, ubi naves Americanæ congregantur, solent avchi, Gades inde transportandæ.

Quamvis autem tam vasta fuerit Hispanicarum ditionum amplitudo, tamque immensæ ex novo orbe asportatæ opes, non tamen iis respondit militaris potentia; multumque præstiterit Rex, si quinquaginta suorum millia in aciem possit educere: expulsis quippe multitudine ingenti Mauris, plurimis continuo ferme bello absumptis, coloniis magno numero in Americam abductis, accedente sicco regionis calore, exhausta non parum fuit populis Hispania. *Vires.*

Neque incolæ in tanta advenientis auri argentique copia abundante divitiis, cum laboris fugitantes nec agriculturam, nec commercia multum exerceant, sed Anglis, Batavis, Gallis, & Borealibus Nationibus hæc ferme relinquunt, contenti aurum Americanum mercesque Gades advehere; unde potissima lucri pars ex mercatura juxta conventiones initas ad exterarum gentes delabatur. *Opes.*

Quamvis vero in Regium ærarium haud parum inde importetur, in longinquas tamen provincias, bellis ferme assiduè de-

pastas, plurimum inferendum fuit, adeo quidem, ut vel solum bellum Belgicum multos auri milliones absumplerit.

Regnum, prout est Francia, provinciis suis cohærens, & nervis ossibusque una compage nexuque valide conjunctum, facile se tueret, vicinisque sui formidinem ingerit; at vero, ubi membra ingentibus terrarum spatiis sunt abstracta, nec amplius vivido illo Caroli V aut Philippi II spiritu animantur, mirum non est, ingens etiam corpus molem suam ægrius ciere, atque a potentibus vicinis mutilari.

Experti hoc sunt Philippus IV & Carolus II; nam Philippus III, quamvis in Belgio, Rhœtia, Italia, India, bello appetitus, satis adhuc strenue amplissimam hæreditatem suam defendebat. Albertus Archidux, licet anno 1600 a Mauritio Batavo prælio ad Neoportum victus, *Offend.* nihilominus anno sequenti oppugnare cœpit. Vix ulla unquam urbs tanto impendio stetit. In quartum annum producta vehemens oppugnatio. Caso Fridrico Spinola, Hispanæ classis Præfecto, dum auxilia Batavorum arcere nitratur, Ambrosius ejus frater, summus Imperator, pertiniaciam hostium tandem fregit. At acervum lapidum, lignorum, & cadaverum invenit. In urbe 73000, extra illam vero 80000 hoc oppugnationis tempore cæsa feruntur.

Batavi interea, ut Hispanos ab obûdione Ostendana abstraherent, Graviam ad Mosam, & Slusam occuparunt, Spinola vero post Ostendam Grollam & Rheinbergam.

Agebatur tum equidem de pace cum Batavis, sed quia hi postulabant, ut Rex cum iis libera velut Republica tractaret, neque a navigationibus, quod Rex petebat, tam florentibus rebus suis, abstinere vellent, transigi nil poterat. Postquam tamen Malacensem in India obsidionem solvere a paucis Lusitanis coacti sunt, duodecim annorum Inducias cum Hispanis pepigere. (anno 1609). Quo medio tempore Batavi strenue in rem suam sunt usi, atque navigationes in omnem orbem & eommercias in immensum auxerunt.

Ut vero Hispanus in futurum etiam Belgii provinciis caveret, cum Rege Angliæ fœdus iniit, ne Batavis deinceps assistat, & cum Francia gemino connubio amicitiam firmavit, data Ludovico XIII Anna Maria filia sua, natu maxima; Philippo vero filio suo Isabella Ludovici Regis sorore desponsa. (1615)

Hac parte constituta quiete, turbæ novæ exsisterunt, defuncto Francisco IV Mantuæ Duce, nulla relicta prole mascula:
qua-

quapropter ejusdem frater Ferdinandus, ante Cardinalis, successit. Sed litem ei movit Carolus Emmanuel Dux Sabaudia, qui Ducatum *Monferratensem*, quem aliis etiam titulis sibi vendica- Bellum Mon-
bat, ad Mariam nepotem suam, demortui Francisci Ducis filiam ferratense,
pertinere contendebat.

Philippus Rex, cum ageretur de feudo Imperii, eam causam ad consilium Cæsaris aulicum remittebat: at Sabaudus, tanti Regis potentiam non veritus, sed gladio utilius dirimendam ratus, vi armata ditionem Monferratensem invasit; quapropter Toletus Mediolani Gubernator, jussu Regis, arma opposuit, captis etiam Vercellis. Restitutis dein, quæ utrinque fuerant ablata, Mantuanus mansit in possessione.

Extinguendo hoc in Italia incendio, in Rhoetia flamma erupit. Auctores Calvinistæ, sanguinolentum hominum genus, qui, Episcopo Curienfi expulso, Archipresbyterum ad tribunal suum tractum ea crudelitate in equuleo torquebant, ut spiritum vitamque illi eliderent.

Grisones Catholici, cum pauciores essent, quam ut Calvinistarum multitudini possent resistere, atque has aliasque injurias Et Rhoet-
vindicare, ad Regem Catholicum conversi opem implorant. Is cum
rei Catholicæ defensor acerrimus, misso cum copiis Grisoniam Fera, Mediolani Prætor, cum Catholicis se conjunxit, atque multis Calvinistarum caesis, Vallem Telinam occupavit, erectis In Valle
munitis arcibus, Hispanicoque præsidio firmatis. Telina.

Displicuit ea res Helvetis & Venetis (prout apud vicinas gentes amat contingere, quodcumque vicini incrementum iniquius ferentes) imo & Gallis, tam arctis licet nexibus Hispaniæ adstrictis; nolebant enim tam opportunum e Germania in Italiam transitum Hispanorum potestati relinquere.

Ne autem eam ob rem, non maximam, grave bellum exarsceret, Vallis Telina in fidem Gregorii XV summi Pontificis fuit deposita: qui, misso Marchione Bagnino, eam provinciam tamdiu custodiri voluit, donec causa Romæ amice foret composita.

Verum cum Bagnius Hispanis Proceribus familiariter uteretur, in eosque videretur propensior, Elstreus, Christianissimi Regis apud Helvetos Orator, exuta toga, sagum induit, junctus- Pax.
que Sabaudo & Venetis, bimestri spatio Vallem Telinam Hispanis Pax.
eripuit. Contemptum se interpretatus Urbanus Pontifex; misso in Galliam & Hispaniam nepote suo Cardinale Barbarino, pacem Braci.

composuit, his articulis : ut Vallis Telina restitueretur Ministris Pontificis, qui securitati Religionis providerent : Munitiones, recens exstructæ, diruantur, transitu Regi utrique libero : conservatores, a Teliniis electos, Rhæti confirmet : Comitatus Wormsienfis & Clavennæ sub Valle Telinia comprehendantur : atque inde prædiam utriusque partis abducantur. Telinii certam pecuniæ summam Grifonibus pendant, in recognitionem veteris clientelæ : idque ut diligenter observetur, ambo Reges Telinios in tutelam suscipiant.

In Africam Philippus classem misit, ut in Tessano regno Principi adversus fratrem assistat ; unde Larachium, opportunum Hispanis munimentum, in præmium accepit.

Spinola ad
Rhenum.

Per Ambrosium *Spinolam* vero, expugnato Juliaco partes Ducis Neoburgici adversus Brandenburgum & Batavos valide protexit. Tum vero misso exercitu in Palatinatum Inferiorem sententiam Cæsaris in Fridericum Palatinum per eundem *Spinolam* est executus.

Allata proin externis ope, atque Monarchia sua bene defensa, Philippus III obiit pientissime, prout vixit, anno 1621 30 Martii, regni 22, ætatis 43, longiori vita multo dignissimus. Quippe Princeps erat singulari integritate, castimonia, pietate, fide, justitia, cæterisque virtutibus, quæ magnum Regem comprimis decet, exornantque.

Mauri
puls.

Religione nihil habuit antiquius. Unde factum, ut Ferdinandi Catholici, abavi sui, exemplo omnes Mauros ex Hispania pelleret. Hi magno numero baptismum quidem Christiano ritu susceperant, & externo cultu Christianos se simulabant, sed corde Mahometem nunquam serio excluderant ; quin Mahometanos in Africa, Turcasque, &, uti ferebatur, Gallos etiam Anglosque clam incitabant, ut Hispaniam invadant. Qua prodizione detecta, Philippus Rex omnes exulare jussit. Millio ferme hujus fœcis emigrasse dicitur : magna quidem ærarii, & frequentia, in regno non adeo populofo, jactura, sed majori Religionis puritate, & securitatis publicæ incremento.

Filios ex Margaretha Caroli Archiducis filia, reliquit tres : Philippum IV, qui in Regno successit, Carolum anno 1632 demortuum, & Ferdinandum, qui Archiepiscopatu Toletano, & Cardinalis dignitate jam ornatus, victoriæ Nördlingensis pars magna fuit, ad capessendam Belgii Præfecturam inde profectus ; Filias autem

autem duas, Annam Mariam, Ludovico XIII Franciæ Regi nuptam, & Mariam Annam, Ferdinandi III Cæsaris conjugem.

ARTICULUS II

Status Hispaniæ sub Philippo IV.

§. I.

Tragici Ministrorum casus. Bellum Mantuanum. Trevirensis captus. Bellum Catalaunense, Italicum, Belgicum. Defectio Lusitaniæ, seditio Neapol. &c.

Sexto decimo ætatis anno Regimen tot provinciarum auspicatus, Calderonius.
aulæ Ministros, Regum gratia & potentia sua abusos, ad poenam vocavit: *Offensam Ducem*, & Rodericum *Calderonium*: illum quidem, quod Prorex Siciliæ feroci severitate res Neapolitanas in discrimen adduxisset, carceri mancipatum, ut per otium animi impetus frangat: hunc vero, a Philippo III ex humili fortuna ad summam dignitatem evectum, atque gemini homicidii postulatam, sive veris criminibus, sive invidia laboraret, securi percussum. Ministri puniunt.

Accessit tertius, Dux *Lernæus*, qui ipsam Regem Philippum III regere videbatur, ex aula is pulsus, purpuræ, quam ad sui tutelam a Pontifice petierat, debuit, ne acerbius in eum animadverteretur. In ejus locum assumptus Casparus Guzmannus Comes *Olivarius*.

Et Ministro felicia erant Philippi IV initia; nam in Africa ad Mamoram fluvium valido monumento erecto, Marochii Regem illius oblationem solvere coëgit: cum autem classis, eo transmissa, rediret, triginta tres naves Batavicas, mercibus onustas, finito jam induciarum tempore, in freto Gaditano aut demersit, aut suæ potestatis fecit. Nec minus secundam se fortuna præbuit, dum Batavi Molucis Insulis Hispanorum & Lusitanorum armis depulsi sunt; Olivarius
& in Brasilia Portu omnium sanctorum: prout etiam, cum Spinola in Belgio Bredam, a Batavis abreptam, magno licet impendio ad Regem reduxit. Felix.

Ad

At reliqua Philippi tempora minus, quam prima, erant prospera. Primæ ruinæ ab elementis; nam Iberus 1625 tantopere se effudit, ut Cæsaraugustam, reliquamque Arragoniam pene demergeret. Nec minus damni Formesius amnis Salmantica in Legionis regno intulit.

Verſio for-
tis.

In Calabria & Apulia terræ motus continuis septem diebus urbes & oppida vehementer concusserant. Accessit insolitus Vesuvii furor, qui ignitas undas aliamque pestem tanto impetu evomit, ut Nolam civitatem, Amalphitanam, aliasque confines regiones obrueret: eo tamen emolumento, ut, dum corpora sterneret, animas erigeret.

Bellum
Mantuanum.

Sed multo plus cladis ab hominibus acceptum, bellis videlicet assiduus, & provinciarum defectione. Et bellum quidem Italicum, præter sumptus, minus damni attulit. Ortum illud est rursus propter Ducatum Mantuanum, & Montisferratensem. Quippe defuncto 1627 Vincentio II Carolus Gonzaga, Dux Nivernensis (cujus pater ducta Nivernensi in Galliam domicilium transtulerat) ope Gallorum utrumque Ducatum, ceu proximus agnatus, occupavit. Quia autem solitam inaugurationem in hæc Imperii feuda a Cæsare non acceperat, neque ditiones in manus ejusdem deponere volebat, Imperator cum Hispano se opponebat. Adhæc tres alii erant competitorum, Dux Guastallæ, Margaritha, Lotharingæ Ducis vidua, Vincentii defuncti soror, Dux Sabaudia, qui Ducatum Montisferrati rursus postulabat, junctis cum Cæsare & Hispano armis. (1628.)

Itaque Confalvus Corduba, Mediolani Gubernator, cum Sabaudo Montisferratium invadit: captisque reliquis locis Casalim oppugnavit, sed irritò conatu.

Anno sequenti (1629) Ludovicus XIII domita Rupella in Sabaudiam & Pedemontium irruens, ad pacem Ducem adegit. Cæsar autem, Colalto, Aldringer, & Gallasso ducibus, exercitum, ad Lindaviam lustratum, per Rhœtiam in Italiam misit, totumque agrum Mantuanum (urbe principe excepta) occupavit: Spinola, quem amoto Cordubæ Rex Philippus in Præfectura Mediolanensi surrogarat, Casalim interea rursus incassum tentante (anno 1629)

Pax.

Proximo dein anno Astu expugnata a Cæsareis Mantua, Casalim vero strenue defensâ a Torasio, Ambrosio Spinolæ, summo illi Duci, tædium & mortem attulit. Cum autem propinqui jam adeo essent adversi exercitus, ut res prælium spectare videretur, itum,

Pen-

Pontifice per Mazzarinum annitente, in pacis leges: Nivernensis veniam a Cæsare precatus, ditionem Mantuanam & Montisferatensem recipere: Sabauda redderentur sua, deductis inde Gallicis prædiis: pars nulla alterius hostibus, aut perduellibus afflatur: Rhœniæ claustra in pristinum statum reponantur.

Quamvis autem hæc pax in Comitibus Ratisbonensibus fuerit consummata ac confirmata; non amplius tamen quinquennio tenuit; siquidem anno 1635 magno rei Catholicæ malo erupit bellum Gallo-Hispanicum: cujus gentis culpa, DEUS novit, altera odium in alteram rejiciente. Proxima Gallis causa, Elector Trevirensis socius, alieno sane tempore, dum Sueci ac Protestantes Germaniam cladibus miscebant, a Ferdinando Cardinale Hispano in custodiam abreptus.

Missi illico in Belgium Franci, Castillionæ & Berzæ ductoribus: quorum conjunctionem cum Batavis dum Princeps Thomas Sabaudus, a Gallis ad Hispanos transgressus, impedire nititur, ad *Avenum* magna clade affectus est, 4000 Hispanorum cæsis, 500 captis, tormentis, signis, bellico apparatu plurimo, amissis. At Batavus, premente jam tum Gallici nominis invidia, florentissimum exercitum, sibi junctum, fame & miseris perdidit.

Anno sequenti Ferdinandus Cardinalis Belgarum Gubernator, intercepta Ciapella, Castelleto & Corbeja, totam pene Picardiam subruit, sparso Lutetiam usque per Joannem Werthium metu.

Condæus, collecto apud Narbonam exercitu, in Cataluniam movit, ubi jacta jam erant seditionis semina. Sed necdum ad eam maturitatem pervenerant, ut Galli fructum inde possent metere.

Flagrabat tum in Italia bellum Sabaudicum, ea maxime causa, quod Victor Amadeus I tutelam filiorum suorum ad conjugem suam Christinam, Ludovici XIII sororem, detulerit, præteritis fratribus suis, Mauritio Cardinale, & Thoma Principe Carignano, qui ad se, ceu proximos agnatos, curam Caroli Emmanuelis nepotis, exclusa testamentaria tutela, pertinere arbitrabantur. Ventum ad arma: Principum causam Hispanus, viduæ sororis Gallus juvabat. Gubernator Mediolani Leganesius in Pedemontio plures urbes interceptit, Thomas Princeps Juream, Nicæam, & ipsum Taurinum, faventibus oppidanis, pyroclastro reclusum. (1638)

At Rex Franciæ cum valido exercitu in Italiam misit Harcourtium, qui Gubernatorem Mediolanensem, *Casalin* obsidentem, magna clade profligavit, omni castrensi apparatu exurum.

Parti IX.

O

cæsis

Pugna ad
Casalin.

Taurinum
captum.

cæsis dein aliquoties Hispanis, atque *Taurino* expugnato, solenni pompa reductam viduam tutricem constituit, eadem fortuna Castilioneus Attrebatum, principem Artesiæ urbem Francis adjecit. (1639)

Belgium.

Batavi quoque, quamvis aliquoties victi, magna tamen damna Hispanis intulerunt, classe intercepta, Fernambuco in Brasilia, Sylva Ducis, Arce Schenckia, Trajecto ad Mosam, Breda, quam Spinola tantis impendiis reducerat, in Belgio occupatis.

Cataloniæ
& Lusitani
defectio.

Sed longe funestissimus Hispaniæ fuit annus 1640, quo domesticis scissa dissidiis, dimidium velut sui amisit, *Catalaunia* & *Lusitania* abstrahitis. Catalauni tributorum magnitudinem, militum contubernia, privilegia violata, surdam ad clamores suos Aulam queiebantur. Correptis proin armis totam provinciam tumultu complent. Regia præsidia expulsa, Prorex interemptus, Proceres alii regiarum partium aut necati, aut bonis exuti in exilium ejeti; ærarium quoque Regium direptum; imploratus Rex Franciæ, ejus filius, Dux Andegavensis, trimus tunc infans electus Princeps: recepta Barcino totaque provincia in fidem ac patrocinium.

Secuta exemplum Lusitania, & quidem eodem ferme tempore in Europa, India, Africa, & Brasilia, miro consensu & conspiratione, de qua nihil Hispanis antea innotuerat, res tota est acta. Olyssipone Regium palatium, prætorianis cæsis, mox occupatum, Vasconcellus, Ministrorum primus interemptus, Margaretha Sabauda, Francisci Mantuæ Ducis vidua, quæ pro Rege Philippo Lusitaniæ Regno præerat, ad fines regni deportata, electus in Regem Joannes Dux Bragantinus. Ex tot amplissimis provinciis sola Septa in Africa, quæ Hispanum Præfectum habebat, Hispanis mansit. Ut autem novum Regem Lusitani tueri possent, auxilia bellicæ apparatus proluxe à Gallis Batavisque, haud mediocriter tanta Hispaniæ diminutione lætis, acceperunt.

Olivarius
infelix.

Culpa tantæ defectionis conjiciebatur in Comitem *Oliva*, qui regnum manu versabat; & in *Castellanos Proceres*, arrogantius, quam genius ferret, in Lusitanos dominantes. Motus tum quidem loco Olivarius, Ludovico *Harao* substituto. Sed serum erat emplastrum.

Seditio Neapol.

Imo necdum ruinarum satis: quasi omnes gentes in Hispaniæ perniciem conjurassent; nam, profligato in Catalaunia Hispano exercitu, Perpiniano fame ad deditionem compulso, compluribus in Belgio tum a Gallis, tum Batavis, urbibus abreptis, anno 1647 orta est *Neapolitana seditio* & Sicula, & hæc quidem Panormi ob panis

panis caritatem adversus Proregem concitata, facilius sedata est. Illa vero, multo gravissima, prope erat, ut Regnum quoque Neapolitanum ab Hispania rescaret.

Occasionem dedit novum vectigal, minutis rebus, pomis & oleribus impositum; auctor vero erat *Aniellus* quidam, sive *Ma-* Aniello.
faniellus, infima de sorte homo vilissimus; audax tamen & lingua promptus, quem multitudo suum velut Regem constituit. Eo ductore ultra centum hominum millia, armis arreptis, per urbem amplissimam discurrebant, everfisque, in quibus vectigalia exigebantur, tabernis, ac publicanorum ædibus, Proregem Magnatesque ingenti terrore complebant.

Archiepiscopus cum venerabili Sacramento progressus quietem ab incondita multitudine rogavit, quam non alia conditione concessuram ferociter respondit, nisi confirmatis, quæ Ferdinandus Catholicus & Carolus V concessissent, privilegiis, tributa, annuæ imposita, omnino abolerentur, gensque Neapolitana mitius more Majorum haberetur.

Prorex, ne se ipsum regnumque præsentissimo discrimini exponeret, prolixè omnia est pollicitus. Quare Masaniellus, qui, quod sane mirum, pro nutu versabat multitudinem, severe edixit, ut quiete ac modeste se gerant. Arma tamen retineri voluit, donec privilegiorum confirmatio & plena amnestia a Rege adveniret.

Quamvis autem homo iste inquit, ob turbatum curis & vigiliis caput, in delirium lapsus, a quatuor Nobilibus fuerat interceptus, necdum tamen tumultus conquievit, sed plebs armata postulatibus suis insistebat. Contra vero Nobiles, ad quos non modica vectigalium portio defluebat, resumpto spiritu, clientelas suas obviabant, atque Proregem hortabantur, ne insolenti plebi cederet, plura petituræ, si timidum & indulgentem cerneret.

Atque ita res in civile bellum abiit; plebs urbem, Prorex cum Nobilitate arcem ac portum occupabat. Cum autem populo dux deesset, submissus et Gallia *Guifus*, magno cum applausu fuit exceptus. At subeunte paulatim belli rædio, obsequium erga Regem rediit. Dux *Guifus* vero e fuga retractus, in manus Hispanorum incidit.

Guifus
captus.

Rex Philippus IV vehementer equidem contendit, ut Pacis Westphaliæ socius admitteretur, sed Gallorum artibus exclusus, inita cum Fœderatis Belgii Ordinibus transactione, liberam Rempublicam, ab Hispana subjectione manumissam declaravit, cum jure, libere utendi navigatione & commerciis: bellum vero cum

Francia, cui & Anglia accessit, prosequi coactus est, iniquiori tamen plerumque fortuna.

Cum igitur, post tantas provinciarum secessiones, intestinos tumultus, Ministroyum non optimas artes, tot undique hostibus, in Italia, Belgio, Catalaunia, India, Lusitania, infestis, imparem se cerneret, pacem tandem Pyrenæam anno 1659 cum Francia composuit, Mazarino Cardinale & Ludovico de Haro in Insula Vidosi amnis ad Regni utriusque confinia congressis. Firmari visa est ea pax nuptiis Ludovici XIV cum Maria Theresia, Philippi filia, sed nova inde (licet paternæ hæreditati juriq; in Hispanas ditiones renuntiari) bellorum seges evasceretur.

§. 2.

Pax Pyrenæa.

12.

Post 24 annorum Hispaniam inter Galliamque atrox bellum, subventum tandem fessis Europæ rebus, revocata pace, tamdiu exule. Et primum quidem, annitentibus Moguntino & Colonienfi Electoribus, semestres induciæ, postmodum prorogatæ, placuerant; dein vero ad ipsum pacis opus devenit.

Locus delectus est in Galliæ Hispaniæque finibus Vidosi fluminis insula, quæ *Phasiæna* dicebatur. Constructæ ibidem geminæ ædes, quas media aula committebat, ducta per medium aulæ linea, seu termino, quo Mazarinus & Ludovicus Mendozius Comes de Haro, plena cum potestate Regum Legati, sibi utrinque obvii, congregarentur.

Sessioibus 24 capita pacis 124 condita. Prolixum nimium foret, omnia in hoc opere *in extenso*, ut loquimur, apponere. Juvat igitur epitomen extrahere.

Amnestia

1 Inter Christianissimum & Catholicum Regem, avunculum & nepotem, eorumque successores pax esto perpetua, atque sincera amicitia, cum plena amnestia, dissidiorum radicibus stirpitus evulsis: ac proin etiam commercia gentem inter utramque libera sunt.

2 Lusitania hac pace non comprehendatur, nisi ad Hispanum redierit: neque Gallus ulla arma aut apparatus bellicum ad eam devehat.

Nuptiæ.

3 Hispaniarum Regis primogenita Maria Theresia Ludovico
XIV

XIV nubat, iis pactis dotalibus, quæ speciali libello sunt contenta: inter quæ est renuntiatio successionis Hispanicæ.

4 Regi Galliæ relinquitur in *Artesia* Attrebatum, Gallus resp. Lillerium, Lentium, Hesdinum, Tereona, Fanum Pauli: in *Flandria* Gravelinga, muaiti aggeres, Allovinum, Burburgum: in *Hannonia* Landrecium, Quercetum: in *Luxemburgicis* Theonnis villa, Mommedium, Iodvillierum, Ivodium, Chavantium, Marvilla: in *Gallia* Rocrojum seu Rupes Regia, Castelletum, Lincampium: ad *Pyrenæos Montes* Ruscinonensis, & Confluentinus Comitatus: In *Germania* Superior & Inferior Alsatia, cum Sungovia, Comitatu Ferretensi, & Brisaco, prout per pacem Monasteriensis sunt cessa.

5 Contra vero Gallus Hispano restituit in *Belgio* Ipras, Alde-nardam, Duxmudam, Furnam, Menenium, Cominæum: In *Italia* Valentiam, & Mortaram: In *Sequanis*, Juxum, Bleteranas, S. Amoris oppidum, & quidquid in Burgundiæ Comitatu occupaverat. In *Hispania* finibus portus maritimos, Rosas, Urgellas, Comitatum Cerdanum, cum Puicerda, Belvero &c.

6 Carolus *Lotharingia* Dux, nuper e captivitate dimissus, ab Hispano recipitur in gratiam, & in Ducatum suum restituitur, sed ea lege, ut Nancei munimenta diruat, litterisque publicis contestetur, se Ducatum Claromontanum & Barrensem, Stenæam, Jametium, Marvillam, & Mojenvicum, Galliæ Regi ultro ac merito permisisse, ut in ejusdem ditionem cedant.

7 Volebat omnino Hispanus, ut Ludovicus Borbonius, Princeps *Condæ*, a Gallo in gratiam receptus, ex integro restituatur. Sed petit Gallus, ut prius humiliter veniam roget, & se suæque clementiæ Regis permittat. Significandum igitur Mazari- (quem summopere oderat) curavit, dolere se, quod contra Regem suum arma gesserit: non malevolo in Regem animo, sed temporum iniquitati, & perturbationi id esse tribuendum: victurum se deinceps in fideli obsequio Regis, modo delictorum veniam sibi concedere dignetur.

Sancitum igitur hoc tractatu, ut in gratiam recipiendus arma ponat, milites suos Sacramento solvat, eo modo, quo Regi Christianissimo placuerit. Præstitit hoc Princeps, & misso deprecatore, se & omnia sua ejusdem clementiæ subjecit. Rex vero Hispaniæ, cautum per omnia volens Condæ, a quo in hoc bello tanta beneficia acceperat, pro plena illius indemnitate muneris aliquid obtulit. At nihil eo nomine petiit Gallus, nisi, ut Philippo

Wilhelmo, Duci Neoburgico, Juliacum restituatur, abducto inde Hispano præsidio.

Sabaudus.

8 Sabaudix Dux Carolus Emmanuel II hac pace fruatur. Hispanus ei Vercellas, & Cencium restituat, nec fraudi illi sit, quod Gallix partes fuerit amplexus. Ejus discordiæ cum Mantuano & Mutinæ Duce utriusque Regis opera componuntur. Alphonso Mutinæ Duci Hispanus Corregium restituat. Rogeturque summus Pontifex, ut Controversiæ circa Valles Comacenses, Castrum & Rossilionem componantur. Monæci Principi bona sua in Ducatu Mediolanensi & Regno Neapolis restituantur.

Helveti.

9 Ne ignis, sub cinere latens, Helvetos inter Catholicos & Protestantés rursus erumpat, utriusque Regis opera concordia restituantur: uti etiam in Valle Telina.

Pax Vervina.

10 Omnes captivi dimittantur liberi, solutis tamen debitis contractis. Pax *Vervina* in omnibus observetur, in quibus hic ei non est expresse derogatum; &, si quid necdum esset implementum, adhuc impleatur.

11 Rex Christianissimus pacis hujus, si velint accedere, participes facit, summum Pontificem, S. R. I. Electores & Principes, ad pacis Westphalicæ observationem secum obligatos, nominatim Electores, Moguntinum, Coloniensem, Heidelbergensem, Ducem Neoburgicum, Regem Sueciæ, ceu Ducem Bremæ & Verdx, Luneburgicos, Hassos, Venetos, Helvetos, omnesque Reges & Principes, qui voluerint.

Rex Catholicus vero pacis communionem & consortium offert summo Pontifici, Imperatori Romano, omnibus Archiducibus Austriis, & cunctis Regibus, Principibus, & Ordinibus, in pace Vervinenfi jam nominatis, & insuper fœderatis Belgis, atque Guastallæ Regulo. *Actum 7 Novemb. 1659.*

Observatio.

13.

Ad 1. *Pax esto perpetua.* Hæc perpetuitas fuit sex annorum.

Ad 2. *Lusitania &c.* hæc anno 1640 ab Hispaniæ dominatione recesserat, electo sibi Rege Bragantina ex stirpe Duce, qui Joannes IV est dictus. Unde Hispaniæ adhuc bellum erat cum Lusitanis.

Ad 3. Dum Philippus IV primogenitam suam dedit Ludovico, Galliæ Regi, secundo genitam vero Leopoldo Cæsari reliquit, videtur

detur non admodum multam rationem habuisse Domus suæ Austriacæ. Renuntiationem autem ejusmodi & jure invalidam esse, & posteris non præjudicare, Galli dixerunt.

Ad 4. Rex Hispaniæ tam difficiles conditiones iniit; quia compulsus erat bello Gallico, Anglico, Lusitanico, & Italico.

Ad 5. Gallia in hoc & sequentibus bellis tam multa occupavit, ut semper haberet, quod restitueret, & quod retineret.

Ad 6. Carolus III Lotharingæ Dux, nec satis providus, nec satis constans, dum modo Hispanis, modo Gallis adhæsit, apud utrosque impegit: minime autem Domui suæ consuluit. Contra ea autem, quæ hic de Lotharingia erant inserta, publice est protestatus.

Ad 7. Ægre adducebatur Rex Galliæ, ut Condæum reciperet, a quo tot clades acceperat; sed Hispania nec volebat, nec honeste poterat pacem facere, eo non plene restituto: reconciliatio autem tanti, tantorumque spirituum Principis, qui inter arma ferociæ militari atque victoriis insueverat, est memorabilis. Aquis Sextiis adductus ad Regem, atque in genua provolutus, demisso corporis situ, gestu, & oratione humillime veniam est precatus, omnem fidem in futurum pollicitus. Rex prostratum elevans gratiæ securum esse iussit. Redditaque est ei Burgundiæ Præfectura cum omnibus ditionibus & bonis.

Ad 8. Cum anno 1637 obiisset Victor Amadæus I, reliquit duos pupillos sub tutela matris Christinæ, quæ erat Ludovici XIII soror. At vero tutelam sibi vendicabant armis Mauritius & Thomas, pupillorum patru. Favit illis Hispanus, Gallus vero sorori & nepotibus: unde Sabaudia involuta est bello Hispano-Gallico.

Alphonfus quoque Mutinensis sequebatur causam Galliæ, imo in Italia bello præfuit, suorum & Gallorum adversus Hispanos Ductor.

Ad 9. Inter Catholicos & Protestantes Helvetiæ Cantones grave bellum eruperat, cæsiq; prælio Villmergeni anno 1656 a Catholicis quinque Cantonibus sunt Protestantes. Pax tum quidem coaluit: sed plena hujus, invidiæ antehac, gentis concordia non rediit, nec redibit facile, donec avita fides reducta animos & vires vinculo antiquo colliget. Hinc illa Regum sollicitudo.

Ad 10. Post pacem *Cameracensem*, inter Philippum II & Henricum II anno 1559 conclusam, centum anni lapsi fuerant usque ad hanc *Pyrenæam*, anno 1659 initam. Interea vero anno 1598 inter Henricum IV & Philippum II ultimo vitæ anno sancita fuerat

rat pax *Vervina*, Vernini nempe, ignobili antea Picardiae oppido; quæ pax hic confirmatur; & cum in Vervina Cameracensis fuerit confirmata, etiam ista hic censetur confirmata.

Ad 11. Ex hoc patet, Regem Christianissimum & Catholicum pro tota quodammodo Europa pacem fecisse: & utinam ea fuisset perpetua, atque bellum in Thraciam concordibus animis & viribus conversum. Sed Christiani nominis probro, quod canit ille, bella geri placuit, nullos habitura triumphos.


Harolius legatus, postquam in Hispaniam redierat, magna ubique gratulatione Regisque adeo lætitia fuit exceptus, non, quod pinguem admodum pacem retulisset, cum tot urbes ditionesque amittendæ fuerint, sed quod Hispania, exhausto prope, tam diuturno, tamque gravi bello, ærario ac milite, potentissimum hostem a cervicibus removisset, ac proin, quod contra Lusitanos Anglosque supererat belli, tanto expeditius geri posset.

Missus illico a Rege Romam ad Alexandrum VII summum Pontificem legatus Poncius, quem 150 currus extra urbem exceptum deduxerunt; exultavit gaudio sanctus Pater totaque Roma, quod duos inter potentissimos Ecclesiæ filios exoptata tamdiu amicitia sit restaurata.

Obitus Phil.
Nippi IV.

Obiit Philippus IV pientissime anno 1665, regni 44, ætatis 60. Ex prima conjugē Isabella, Ludovici XIII sorore, genuit Balthasarem, (qui anno 1646 obiit, ætatis 17, Mariæ Annæ Ferdinandi III Cæsaris filia desponsus) item Mariam Theresiam, Ludovico XIV, quod diximus, nuptam: ex secunda vero conjugē Maria Anna, Ferdinandi III Cæsaris filia, Margaretham Theresiam, Leopoldo Imperatori junctam, & Carolum II, quem successorem habuit. Natus quoque illi est Joannes ab Austria ex impari thoro, qui Belgii postea Præfecturam gessit.





ARTICULUS III.

Status Hispania sub Carolo II.

§. I.

Bellum Belgicum ob Jus Revolutionis. Pax Lusit. & Aquis. 14-
græn. Nivardi fata, & Joan. Aust. Seditio Messinensis.

Bellum Holland. Reunionum, Catalaunicum. Triflis
Hispaniæ facies.

Quatuor necdum annos impleverat Carolus, cum sub tutela matris Mariæ Annæ, prout testamento pater Philippus caverat, Infirmitas.
 Regno potitus est, tam imbecilli atque infirma valetudine, ut decimo ætatis anno vixdum pedes posset incedere: tenuitque, quoad vixit, virium debilitas, quæ spem longioris vitæ atque fecunditatis pene adimeret; timore perculsa Hispania, & expectatione suspensa, quo tandem vacillans Monarchia, tam debili fulcro nixa, inclinaret.

Nec ab hostibus externis tam teneræ & innocuæ ætati parcitum. Fervebat adhuc bellum Lusitanicum; in quod tredecim Hostes externi.
 quot annis milliones ab exhausto tot bellis ætario erat expendendum. Sed major vis hostilis, unde minime timebatur, incubuit. Tot cognati sanguinis, tamque arctis affinitatis vinculis adstricta erat Francia, ut, siquis impetus ex adverso incurreret, in defensionem infantis popilli accursura crederetur.

Sed aliud suavit ratio status. Jam altero post mortem Regis Bellum.
 Philippi anno (1667) grave bellum subito illatum Belgio, nec op-
 nantem, nec parato. Interceptæ complures urbes, subactio Bur-
 gundiæ comitatu. Causam ac titulum bello dedit, quod pacem
 in ævum firmaturum credebatur, connubium Ludovici XIV cum Ex jure de-
volutionis.
 Maria Theresia, ex priori Philippi IV conjuge nata.

Id quippe juris aut consuetudinis habent aliquot Belgii provin-
 ciæ, ut primi matrimonii liberi iis, qui ex secundo nascuntur,
 hæreditatem præripiant (quod jus *Devolutionis* Belgæ appellant.)

Part IX.

P

Hoc

Hoc jus privatorum ad Regum quoque patrimonium extendebant Galli, Mariam Theresiam Carolo fratri, ex secundis nuptiis genito, potiorē asserentes: renuntiationem vero, quā se abdicavit, Gentium ac naturæ juribus repugnantem, inanem fuisse & vacuam: id quod juris communis Cæsarei legibus confirmabant.

Pax Lusitana.

Gravi igitur hoc bello appetita Hispania, pacem cum Lusitania inire, eamque liberum Regnum, prout ante conjunctionem cum Hispania fuerat, recognoscere coacta est, restitutis utrinque omnibus, quæ possederant, antequam coalescerent, Septa duntaxat (*Ceuta*) in Africa Hispanis relicta.

Aquisgranensis.

Cum triplex dein foedus, Anglos inter, Suecos, & Batavos, in defensionem Belgii cuderetur, inita fuit cum Gallis *Pax Aquisgranensis*: qua illis relictae sunt urbes, quas in Belgio occupaverant, Burgundia vero Hispanis restituta. (anno 1668)

Eodem anno Emmanuel *Mendoza* Sardiniae Prorex, dum orta seditione Calaritanam urbem obambulavit, plumbea gladio percussus interiit. Evocata Neapoli classis sedato tumultu, defectionem compressit; sumpta de auctoribus poena.

Nitardus.

Tumultuatum in ipsa quoque Hispania, & quidem a Regni Proceribus aliquot, Joanne Austriaco maxime. Causam suggestit ambitio & invidia; dum Regina, pro filio Regni Moderatrix, usque est consilii & opera Everardi *Nitardi*, e Societate Iesu sacerdotis, quem a sacris confessionibus habebat, atque ad summi Inquisitoris dignitatem primum, inde vero ad præcipuam Regni administrationem admovit.

Joan. Austr.

Neque propterea obscurum jam murmur serpsit, sed ad seditionem & tumultum res spectabat. Regina non statim cedendum rata, *Joannem Austriacum*, factionis caput, ut amoveret, auro & milite instructum, ad Belgii Gubernationem denuo misit. At ille accepta pecunia, provinciam recusavit, atque in exilium suum reversus est. Cum autem non desineret discordiæ semina jacere, in carcerem conjici jussus est. Verum is fuga in Arragoniam evasit, conductisque trecentis equitibus Madritum rediit, atque Nitardum ejici armatus postulat.

Contin.
Brietii.

Regina, eo tumultum provectum cernens, ut timendum esset Galliae exemplum; cujus Principes, Richelii, ac Mazarini potentiam non ferentes, civile bellum movebant, in Nitardi exauctorationem tandem consensit, non ante tamen, quam ad Romanam purpuram destinatum videret, a se dimisit, Archiepiscopi Edesseni, & Hispani Oratoris postea dignitate auctum.

Sub-

Sublato prætextu necdum quies; dum Austriacus ponere arma detrectaret, ni collata sibi Arragoniæ Regni Præfectura, omnia in singulis provinciis, quæ ad coronam illam olim spectabant, Vicaria Regis autoritate pleno jure administranda committerentur. Quæ postulata, quantumvis gravia & iniqua, ad fatiscientis alioquin Monarchiæ ruinam avertendam, concedi oportuit. (anno 1669.)

Præter Æthnæ & Vesuvii insolitos ructus, illataque utrique Siciliæ gravia damna, orta est eodem anno vehemens pariter se-^{Seditio Messinensis.} ditio civitatis Messinensis, longiori jam tempore præparata. Senatus Urbanus detrectabat obsequium, totaque civitas, conspiratione inita, privilegiorum obtentu, in plenam se libertatem assequere moliebatur, juramento se obstringente populo, nulli decreto se paritutum, nisi a civitate prius esset approbatum: eoque perduellionis devotum, ut Regios Ministros, pervicaciæ obistere ausos, velut ostracismo proscriberent, aut carceribus manciparent.

Sequenti dein anno (1670) recrudit tumultus ob annonæ caritatem. Plures Senatorum & Nobilium domus & palatia a furente multitudine in cineres redactæ, quod crederent, avaro questu rem frumentariam alio divertî. Usus est ea occasione in rem suam Regius armorum Præfectus, atque plebem (quæ nuper cum senatu Urbano in seditionem conspiraverat) adversus Nobiles & Senatores fovit, pluresque eorum proscriptis. Finem tandem discordiis imposuit Principis Lignii, Siciliæ Proregis, Panormo Messinam adventus, qui larga frumenti copia advecta, exauthorato Præfecto, revocatisque, quos exulare jusserat, Nobilibus urbem ad obsequium reduxit. (1670)

Pax Aquisgranensis brevem ætatem tulit; namque Rex Galliarum anno 1672 fulminis instar Fœderatas Belgii provincias victoriis est emensus.

Hispani, pace licet indigerent, otiosi tamen spectare non poterant vicina Batavorum incendia, suis etiam tectis metuentes

Et quidem in Catalaunia, quo bellum pariter pervaserat, laetis feliciter pugnabant Hispani, bis victi Schombergio. Er profligari omnino poterant Galli, nisi Messinensis defectio militem in Siciliam abstraxisset

Urbs illa superioribus jam, quod diximus, annis in varias seditiones eruperat; tandem vero anno 1674 jugo Hispano omnino excusso, Franciæ Regi se subjecit. Missa is cum classe & com-

meatu Vivonio duce, Messinenses suam in tutelam recepit. Sed cum cibaria carius venirent, & Galli cum mulieribus familiarius versarentur, variis insidiis appetiti, urbem denique reliquerunt, traductis Massiliam 400 familiis, quæ veniam ab Hispanis se obtenturas desperaverant. Sed Rex Galliæ pace composita omnes in exilium misit, tota Gallia ejectas, ea vel causa vel prætextu, quod portum Massiliensem prodere molitæ essent.

In Belgio arctiores in annos singulos res Hispanorum fiebant, prædominante Gallica potentia, Burgundia, Limburgo, Cameraco, Valencenis, Gandavo, Ipris, Lovania, aliisque urbibus potita.

Et sane dignus miseratione tunc erat status Hispaniæ, jam non amplius, uti olim, potentis, opulentæ, formidandæ, & velut orbis utriusque dominæ, sed infirmæ, accisæ, & cum morbis suis luctantis.

Rex puer erat semivivus, aut potius simulacrum Regis; Aula factionibus mixta; Regina mater Regis & tutrix clavo dejecta, Toletum secessit: Joannes Austriacus gubernaculo fluctuantis hiantisque naviculæ admotus: Regis patrimonium bellis exhaustum, & creditoribus magnam partem oppignoratum. Quæ restabant vestigalia, quinquennio etiam anticipare necessum erat: Neapolis reditus, Messinæ rebellio absumebat: Mediolanum, duos olim milliones ducibus pendere solitum, totidem nunc ex Hispania repetebat, ad paucula præsidia, Togatorum & Sagatorum greges alendos. Ruscinonense & Catalaunicum bellum ex propinquo incumbebat gravius: neque ex Hispania, tot regna complectente, tantum virium colligi poterat, ut duodecim Gallorum millia Pulcerda abigerentur.

Wagn.
Status
Hisp.

Porro Belgium, tot hostibus expositum, nervos ipsos Monarchiæ incidebat: nec semel in senatu actum de eo deferendo, aut cum Ruscinone commutando. Visum tamen, Europæ & ipsius etiam Hispaniæ bono, immensis licet sumptibus, conservandum; prorupto etenim hoc aggere exundaturam Galliam in omnium perniciem.

Insanabilem autem tunc Hispaniæ morbum fecit, quod corpus, grande adhuc, spiritu languido animabatur. Inde tam inconstans regimen, perniciose aulæ bella, Procerum collisiones, privatæque magis rei quam publicæ studium.

His

His causis Hispani, quantumvis duram, necessariam tamen pacem ducebant, palam contestati, a Batavorum rationibus, qui mercaturæ desiderio in pacem ultro rapiebantur, suas se non divi-
furos.

Cumque Hollandi pacem jam præcipitassent, secuti sunt Hispani: amissa Burgundia, Cameracum, Valencenæ, Ipræ, Tornacum, Aria, Audomarum.

Pace Neomagensi composita, Carolus II Rex duxit in conjugem Mariam Aloysiam, Philippi Ducis Aurelianiensis filiam.

Sed neque hoc vinculum colligatam diu tenuit amicitiam; siquidem Ludovicus Rex, procuso Reunionum systemate, alios inter, Carolum Hispaniæ Regem citavit, ut ratione Chiniensis comitatus homagium præstet; secus fore, ut a Camera Metensi privatus illo pronuntiaretur. Cumque citatio negligere-
Bellum Reunionum.
tur, Chiniacum a Bissio est interceptum. (1681.)

Actum tum quidem Cortracensi in congressu de præten-
Ludovicus Rex, sed cum conveniri non posset, per Humierum
Cortracum & Düxmudam Gallus occupavit, (1683) sequenti
vero anno Luxemburgum. Gerunda autem in Hispania, depul-
Gallis, obsidione est liberata.

Succedere induciæ, quæ *Vicennes* esse debuerant; sed tan-
tum erant quinquennes; nam anno 1689 Rex Ludovicus bellum
Hispanis per facialem indixit, quod polliceri nollent, se nulli fore
Cæsari auxilio. Infremuit Mars illico in Belgio, Insubria, Cata-
lania: & in hac quidem Camredonum a Gallis expugnatum, sed
a Villermosio mox receptum. Compressa quoque Catalaunorum
seditione. Barcino, quod non modo sceleris immunis, sed Regiis
Ministris esset auxilio, privilegiis aucta. (1690)

Anno proximo Urgella periit, cum Barcinone & Alonaglobis
ignivomis vehementer conquassatis. Cumque tot ruinæ iis vitio fer-
rentur, qui ad clavum rerum sedebant, suadente Lobkovitio, Cæ-
sar ad Carolum Oratore, Dux *Oropesa*, præcipuus Regni Admi-
nister, ex aula dimissus est.

Nec tamen meliori cursu ferebantur res Hispaniæ, sed armis
Gallicis prævalentibus, foederati anno 1697 ad pacem compulsi
sunt. Restituta Hispanis Barcino cum reliqua Catalania, & Bel-
gii urbibus.

Cæterum mortua anno 1689 in flore ætatis Maria Aloysia Au-
relianiensi, Carolus II 1690 sibi despondit Mariam Annam, Philip-
pi

pi Wilhelmi Palatini Electoris filiam. Quod matrimonium, nisi fuisset sterile, gravissimis bellis & orbis revolutioni prævertisset.

§. 2.

Consilia de successore. Princeps Bavarie destinatur hæres: sed moritur. Frigus inter Austr. & Hsp. partitionis tractatus. Cæsaris mens. Altera partitio.

35. Sed cum infirmitas Caroli Regis in dies magis ingravesceret, expectatione suspensus erat orbis, quem tandem Hispania hæredem esset acceptura.

Susceperat Maximilianus Emmanuel Elector Bavarie anno 1692 filium Josephum Ferdinandum ex Maria Antonia, filia Leopoldi Cæsaris, & Margarethæ, Caroli II fororis. Hunc hæredem futurum passim ominabantur. Et inclinabant eo Angliæ, Bataviæ, & ipsius etiam Hispaniæ studia: neque alienam se ostendit Francia, modo ne succedat Austria; adversus ejus potentiam rationes regni sui omni ope obfirmandas putabat.

Carolus Rex summam rerum primum matri, dein uxori permiserat. Erant illæ nominis Austriaci studiosissimæ, verum ex Senatu Regio, quem *status confilium* appellant, plerique Procures Bavaro Principi favebant, Ferdinandus *Portocarrerus* maxime, Cardinalis atque Toletanus Archiepiscopus, Senatus princeps, magnæ vir autoritatis, perpetuis a Regina similitudinibus dissidens. Ejus cliens Aquilarius Arragoniæ Præfex auditis proterve dicere, neminem probum Hispanum, salva religione, hæreditatem Archiducis adjudicare posse.

Et invaluerat a longiori jam tempore frigus aliquod Austriam inter Germanam & Hispanam, quæ rationes suas antea ex integro conjunctas habuerant. Primæ offensionis ansa data, cum Ferdinandus III Monasteriensis cum Gallo pacem, necessitate compellus, iniit, destituta Hispania, cum Gallis diu adhuc colluctante. Reddidit offensæ vices Philippus IV, dum Theresiam, primo loco natam, Ludovico XIV despondit. Nec omisit Gallia, aulam inter utramque similitatis & dissensionis semina jacere, ut fructus suos inde metat.

Mansfeldius equidem Cæsareus orator morum venustate & nativa quadam facundia elegantia eam in aula gratiam collegerat, ut

Portocarrer.

Wagn.

Frigus inter
Hsp. &
Austr.

Consilia de
successore.

ut frigescentia studia aliquantum calefaceret. Sed hæc ipsa res Procerum æmulationem ita accendit, ut Cæsar eum Viennam revocandum existimavit. Substitutus Lobkovitius, veterana vir prudentia, sed acriore ingenio, quam ut aulæ delicatæ, & in alias partes nimium averfæ, placeret.

Harrachio igitur ardua legationis provincia commissa, qui pro sua prudentia & agendi usu in id incumberet, ut Carolus Archidux scriberetur hæres, de eo in Hispaniam trajiciendo Rex decerneret, atque ut militaris res & ærarium, penitus ferme collapsa, restituerentur. Deliberaturum se Rex respondit. nec ante deliberandi, quam vivendi finem fecit, Proceribus nimium quantum obnoxius.

Conatu igitur illo de trajectu Archiducis aulicis Procerum artibus everfo, Mediolani interim Præfecturam Cæsar eidem petit, iisdem conditionibus, quibus Alberto & Isabellæ Belgium olim commissum fuerat, proprietatis jure possidendam, donec mutatis rebus in Hispaniam solvat. Responsum a Senatu: Belgium quidem, cum spes adhuc esset, reducendi ad obsequium Batavos, in gratiam Alberti fuisse abdicatum; quod tamen nuper Bavaro, perpetuam gubernationem petenti, sit negatum. Aliam etiam esse Mediolani rationem. Hoc uno commeatu Hispanas inter se provincias jungi.

Venit interea Madritum Harcurius, orator Franciæ, qui spes Austriæ, alioquin vehementer jactatas, pene evertit. Denunciat præcise status consilio, seu Archidux seu copiæ Cæsareæ Hispaniæ fines attingerent, belli declarationem videri, quo ariete ad expugnandam gentem, belli apparatu vacuum, nihil validius. Auditus etiam interrogare; quid tandem monstri foret, si e Francia Regem peteret Hispania, qualem e Germania duobus ante sæculis petierat? Pro Francia jus militare, quique jus exequantur, centum præ foribus armatorum millia præsto fore. *Wagn.*

Harrachius, cum negotium tot implexum difficultatibus, & Reginam Harcurii artibus a se averfam cerneret, Cæsaris veniam Madrido discessit, vaticinatus id, quod postea evenit; dormituram tandem Hispaniam, donec se Gallicam videat.

In Anglo-Batavos Europæ oculi erant defixi; nec dubitatum, minime commissuros, ut Francia, tam formidandæ jam potentia, tantis incrementis augeatur.

At contra expectationem alia erat gentis utriusque facies. Batavi, mercaturæ suæ incubantes, tetraque belli imagine perculsi,

culsi, nec scedere, nec beneficiorum recordatione, nec propriis periculis tangebantur, nec pensi habebant, Austriam dejici; quin Bavarum Regem, minus potentem, rationibus suis opportuniorē ducebant: a Galliarum incurſu interjectū Belgii Hispanici satis se tutos rati.

Guilielmus vero, Rex Angliarum, commutatus est adeo, ut, postquam diutina spe amicum Cæsarem suspenderat, Bavaricas primum, Gallicas postremo partes sit amplexus. Unde factum; ut secretum fœderis articulum, de evincenda Cæsaris in Hispania successione, inlautare detrectaret, pace Risvicensi præcipitata, & legionibus mox missione donatis.

Accessit Tallardi in Angliam legatio, viri ad miraculum facundi, qui aulicis artibus totum se in animum Regis infudit. Londini nullus erat Orator Hispanus, nec Madriti Anglus, u. roque ob offensionem revocato. Aurspergius vero penitus seime negligebatur.

Partitionis
cônsilia.

Anno 1699 Rege Guilielmo in Hollandiam digresso, in ejus arce Loënsi a Gallis, Anglis, & Batavis concepta est tripartita Hispanarum Monarchiæ divisio, Delphino assignata Neapolis, Sicilia, Sardinia, Hetrusci portus, Finarium, cum Cantabria seu Biscaya: Archiduci Mediolanum, Bavaro Principi Hispania, cum reliquis provinciis, Regni administratione interim, dum adoleſceret, Electori attributa.

Summo silentio partitionis hujusce tractatus tegebatur initio. At ubi Madritensi aula innotuit, graves in Hispanorum animis, qui omnem divisionem horrebant, motus excitavit: moxque urgentibus Proceribus, Portocarrero maxime, qui Regem possidebat, & Oropeſa, ab exilio revocato. Rex testamento Josephum Bavarum Principem totius Monarchiæ hæredem scripsit, reclamante non solummodo Juniore Harrachio, qui patri in Legatione Hispanica successerat, sed etiam Harcurio, bellum comminante, si omnia Bavaro, nihil Franciæ tribueretur. Re ipsa ridebat Gallia, quod hac ratione Cæsarem ab hæreditate excludum cerneret, & Europæ vires adversum se ipsas committendas speraret.

Mors Bavarum
Princ.

Omnia nihilominus ad trajiciendum in Hispaniam Principem Bavarum jam parabantur, personante gratulationibus aula Bruxellensi, cum tristi morte extinguitur; (699) septennium necdum egressus. Translatio Principis Bruxellas in tam tenera ætate valetudinem vitamque præcipitalſe creditum.

Inopi-

Inophatum hoc fatum vario per Europam affectu exceptum. Anglo-Batavicum Hispanis telam suam interciscam dolebant. Summa autem luctus pars ad Electorem Parentem spectabat, qui & filio suavissimo se privatum, & Domum suam tantis accessionibus dejectam videbat.

Austria magno discrimine se defunctam credidit, nec dubitavit, omnium, præter Galliam, nationum oculos in Archiducem convertendos. Verum Guilielmus Angliæ Rex palam denuntiavit Cæsari, Anglos Batavosque Hispaniæ ergo nolle bellum gerere, Franciam contra jus suum haud dubie armis profecuturam: ac proin fore, ut Galli Hispaniam, cui Cæsar nec classe nec milite possit succurrere, unius æstatis expeditione subigant. Id ne fiat, parendum necessitati, & hæreditatem amice dividendam.

Graviter omnino Cæsar eam denuntiationem accepit, necdum eo desperationis eventum asserens, ut Galliæ armis consentientis Europæ viribus obfisti non possit: sibi quidem constitutum, confecta nunc pace Tuscia, legiones veteranas omnes in Italiam & ad Rhenum deducere; Imperii Electores plerosque & circulos in fœdus secum iuros. Idem facturos alios Principes & Respublicas, si securitati suæ & Europæ æquilibrio consultum velint; neminem quippe latere, omne incrementum Galliæ cum omnium periculo esse conjunctum. Invisum præterea tantopere Hispanis divisionis nomen, ut totam potius Monarchiam in sinum Galliæ sint conjecturi. Id si contingeret, quid deinceps ad universalem dominatum defuturum?

At in cassum hæc omnia. Famosi illi duumviri, Portlandus, Guilielmi Regis Minister primus, & Heinsius, *Pensionarius*, uti appellant, Hollandiæ, seu primus Minister provinciæ, & Procurator publicæ rei, ut bellum in præsens devitent, aliam longe rotam versabant. Denuntiant palam Cæsari, Franciæ Regem Navarram, Cantabriam, Neapolin, Siciliam, Sardiniam, Mediolanum, Belgium, Finariensem, & Hetruscos portus deposcere: Hispaniæ Regnum cum America Carolo Archiduci cesserum: curaturos tamen, ut de Belgio, Mediolano, & Navarra alia ineatur conventio. Duram quidem hanc esse partitionem, sed in præsens necessariam. Plus bello pretioso amissuram Austriam, quam amicis pacationibus. Esse Ludovico classem prævalidam, exercitus florentissimos, præstantes Duces, summam belli velut e Sphæræ centro opportunitatem. Lassatos bello, nuper primum finito. Europæ Principes, e quo superior omnibus Ludovicus excesserit.

Part IX.

Q

Quid

Waga.

Cæsaris consilio.

Altera partitio.

quid ergo Cæsar seorsum speraret, sine classe, sine sociis navalibus, bello tam diffuso per orbem terrarum, ut ab uno extremo ad alterum trajiciendæ forent legiones?

§. 3.

Cæsar Italiam & Belgium respicit. Cur Hispania debilis. Galliæ propositio: tertia partitio. Cæsaris indignatio. Hispania consternatio.

16.

Wagn.

Tristis erat oratio, & deliberatio implexa, de re post homines natos maxima. Frustra opponebantur Domus Austriacæ jura, post obitum Principis Bavari, ut ferebant, non controversa. Frustra jurata fœdera, cum Anglo-Batavis inita, frustra ingestus Articulus secretus de conservanda Austriacis Monarchia Hispanica.

Igitur Cæsar, a sociis vix non in Gallica castra transgressis, desertus, statuit, Italia & propioribus Germaniæ provinciis retentis, Hispaniam cum Balearibus Insulis & America minimo Delphini filio, Duci Bituricensi, cedere.

Visum nempe consultius, veteres Austriæ ditiones, quoad fieri posset, cum novis Hispanicis ad mutui auxilii opportunitatem connectere, quam Archiducem in remotas Hispaniæ, miserrime afflictæ, bellis undique obnoxix, atque a Germanæ Austriæ auxilii penitus abscissæ, oras transmittere.

Hispaniæ
status.

Neque opulentam admodum esse, nec populis frequentem Hispaniam. Americam equidem auri domicilium vulgo existimari. Sed a Philippi II obitu graviolem ferme, quam utiliolem Regibus fuisse, magna hominum multitudine, militum, nautarum, præsectorum, classium, immani sumptu, e vacua alioquin Hispania eo traducta. Emolumentum præcipuum negotiatione, merciumque permutatione constare. Hos autem fructus, jacente in Hispania pannificio & mechanicis artibus, omnes propemodum negotiosis Europæ nationibus obvenire: ut adeo auri argentique Peruviani pars maxima ad Anglos, Batavos, aliasque quætuosas gentes deferatur.

Ex tot millionibus, annuatim in Europam advehi solitis, non ultra sexcenta Imperialium millia Regio arario inferri: duos præterea, quos ex hydrargiro Prorex industrius conficere possit, milliones, ex elocato vero gemmarum piscatu quadringenta imperialium

lium millia, univasas esse, quæ Regi obveniant, Americæ opes. De cætero id unum Regi relinqui, quod ejus auspiciis merces importentur alienæ, domesticæ pecuniæ evehantur: eam vero prærogativam millionibus aliquot in classem constare.

Postremis bellis haud arduum fuisse Batavis, Anglis, & Francis inermium provinciarum portus præsidii occupare, sed quæstuosius duxisse, mercatura sua medullam succumque exsugere, quam Hispanis vacuos ferme titulos eripere.

Contra vero utiliore multo Austriæ fore Italiam, idque non modo propter telluris felicitatem & opulentiam, sed etiam propter situm atque viciniam: neque committendum, ut ea unquam, præsertim Insubria, potius Gallia: sic enim omnes Austriacas provincias irruptioni fore expositas. Austriæ de-
liberatio.

Belgium, bellis perpetuis obnoxium, ab Archiducibus Lotharingo conferri posse, beneficiario jure possidendum. Batavorum dein fore, ut provideant, ne nimis vicini Gallum nanciscantur. Tentandum denique, ut Burgundiæ comitatus ad Imperium pacatione reduci possit.

Et hæc quidem erat Cæsarei senatus designatio. Per gradus autem ascendendum, & primum Peruvia vel Mexicum offerendum: secundo loco Philippinas adjiciendas: si necdum acquiescant Galli, Americam potius totam, quam Italiam cedendam. Neque timendum, duorum capitum unum fore ex Hispania & Gallia conflatum Regnum; nam reges non tam sanguine & affinitatibus quam rationibus, status, regnique, respectus suos metiri.

Hanc ubi propositionem Heinsius accepit, concitato animo opposuit, quanta inde damna Batavorum Respublica esset passura: quamque primum inde esset Gallia, omnes nationes Americanis commerciis evertere. Nec minus Portlandus exarsit ad eam de America cedenda mentionem.

Post aliquot dies Rex Guilielmus Aurspergio per Heinsium renuntiavit, Ludovicum Regem eo denique descendisse, ut præter Hispaniam & Americam, ante oblatam, Navarram quoque & Belgium Archiduci, Mediolanum vero Lotharingo attribueret, si is Lotharingiam Franciæ cederet. Hos esse ultimos gradus, ultra quos Gallus nec passum progredi, nisi bello victus, certum habeat. Eam esse Regis moderationem, ut ex tanto patrimonio nihil sibi præter Neapolin, Siciliam & Hetruscos portus deponat; cum, si vellet, armis omnia posset subigere. Gallia pos-
posita.

Duo insuper Cæsari indigniora visa sunt, quam ut ferri possint : primum , quod Ludovici optioni sit permissum , an portionem suam regno unire velit, an in nepotem transferre ; at Archiducis partem Germanicis Austriæ provinciis uniri vetuissent : alterum, quod sancirent, ni Cæsar certum intra tempus partitionis modulum acciperet, destinatam Archiduci portionem tertio cuiuspiam tribuendam, se vero (Anglo-Batavos nempe) Gallis ad suam obtinendam arma juncturos.

Cæsar, quamvis graviter ferens, se a sociis, quos ab interitu anno 1672 vindicaverat, non inodo destitutum, sed comminationibus etiam laceffitum, dolorem nihilominus premens, Siciliam & Neapolim obtulit.

Tertia par-
ticio.

Sed necdum acquiescentes Europæ divisores, 3 Maji 1700 Semestri ante mortem Caroli II partitionis modum absolverunt: præfati, ne post mortem Hispani, atroci bello Europa concutiat, Guilielmum Angliæ Regem ac fœderatos Belgii Ordines cum Rege Christianissimo ita convenisse, ut Delphinus ejusque posterum Neapolim, Siciliam, cum aditis Insulis, Hetruriæ portus, Herculeum, S. Stephani, Orbitellum, Plumbinum, Portumlongum, Telamonium, Marchionatum Portumque Finariensem, ex Hispaniæ vero Regno, ac Cantabriæ provincia, Fontarabiam, & S. Sebastiani Fanum obtineret: Lotharingiæ Dux Mediolanum possideat, Delphino vero Lotharingiæ ac Barri Ducatus obtingat, dempto Bituræ comitatu, qui Vaudemontio cedat. Delphinus cæteræ hæreditati renuntiet, eamque Archiduci relinquat. Hos tractatus ni Cæsar ratos habeat, Archiducis portio in tertium quempiam transferatur. Si Cæsar aliquam ex provinciis invadat, Angli Hollandique junctis cum Francia armis vim repellant. Archiduci non liceat, vivo Rege Carolo vel Mediolanum vel in Hispaniam abire. Nulla unquam ætate idem sit Imperator & Rex Hispaniæ: Delphini vicissim portio nunquam cum Galliæ regno coalescat. Harum pactonum vindices omnes Europæ Principes vocentur.

Nota.

Fulminis instar Cæsareo percussit hæc partitio, indignissimum ratos, de fundo alieno decretoria sententia statui, illud vero multo indignissimum, Guilielmum cum suis Anglis & Hollandis, tot officiis ac beneficiis cultis, adeo sui fuisse immemorem, ut Galliam, omnibus alioquin formidandam, tantis accessionibus auxerit, atque arma etiam minaretur Cæsari, socio, amico, fœderibus juncto, cui, ut coronam Angliæ consequeretur, non parum debuit. At constitutum erat Cæsari, quocunque demum res vergeret, in pacta

paſſa, ſuæ Domui adeo pernicioſa, nunquam conſentire, & potius totam Hispaniæ Monarchiam, quam Mediolanum & Inſubriam amittere.

Exſpectatione ſuſpenſus hærebat orbis, quem demum hæc res eventum fortiretur. Verum altiori ex ſpecula proſpiciebat Gallus. Non ille partitione iſta ſua ſiniebat conſilia. Ad totam Monarchiam reſpexit, ſatis gnarus, Hiſpanos, ab omni diſiſione velut monſtro abhorrere, ac proin, ut eam evitent, Regium ex Gallia Principem petitorios.

Ita enim vero re ipſa evenit. Æſtuantis maris fluctibus agitata naviculæ Hiſpania faciem induit. Regina Archiduci Carolo, ſuo ex ſore nepoti, quantum poterat, favēbat: ſed poterat parum, Rege in omnem partem verſatili, prout Miniſtrorum turbo impulerat. Ipſos inter Miniſtros fatales regno factiones. Qui Reginæ addiſti magis videbantur, Almirantes, Oropela, Perlipſia, variis artibus aula pulſi: conſecta in eos culpa ſeditionis ob annonæ caritatem.

Hiſpania ipſa miſere erat comparata. Spectabantur Pyrenæis ex montibus magni Gallorum exercitus, neque tamen regno toto locus ullus munitus: univerſus tantæ Monarchiæ exercitus ſex milibus hominum conſtabat, ſeminaudis, famelicis, inerimibus: bellica nulla rite armata: plebis egeſtas ultima, ærarium largitionibus in Proceres exhaustum, milerabilis undique rerum facies, in deſperationem trahebant omnia.

Ubi vero partitio illa Hiſpaniæ innotuit, tanto omnes motu ſunt concitati, ut dicerent, Marochii ſe potius Regem evocatuſos, quam ut eas regni ſui ſectiones paterentur. Magnates ſummopere urebat, quaſtuofa illa ac grandia Proregum, Gubernatorum, & Præſectorum nomina, quibus ambitionem & avaritiam ſaginabant, extingui: opulentas illas Siciliæ, Neapolis, Mediolani, Belgii Præturas penitus eripi, aliasque venas, quibus privatum ſuum ærarium, in publici boni diſpendium, impleverant, exſiccari.

Quapropter, priſtinæ ſuæ amplitudinis, ad utrumque orbis cardinem protenſæ, cum alto gemitu memores, communi velut in naufragio, ita animo erant comparati, dicebantque palam, evocandum Galliæ Regis nepotem, ut Monarchiam integram ſervent; ſacem his in motibus ſtrenue ventilante Harcurio.

Harrachius equidem legatus perculsos erigere, atque ab ea cogitatione avertere omni ope satagebat. At illi: Cæsarem ni classem habeat, Hispaniæ nil profuturum: Germaniam variis respectibus dissectam, septentrionem flammis ardere, Italiam cum Pontifice Gallis favere, Hispaniam ipsam ut fateri necesse sit, infirmiores esse, quam ut armata Gallorum potentia possit resistere.

§. 4.

*Decernitur, advocandum Delphini filium: obluante Harrachio.
Testamentum Regis Caroli. Obitus. Austriae &
Galliae jura.*

17. *Petit Delphini filius.* Igitur Senatu frequentissimo, Rege ipso praesente, communibus omnium suffragiis decretum, rogandum Regem Galliae, alterum ex Delphini filiis, Regis Caroli nepotibus, submittat; dandum potius beneficium, quam perniciem a potente accipiendam. Perstituram hoc pacto Monarchiam, atque reducis membris, quæ per tot infelicia bella fuerant abscissa, ad veterem Majestatem, orbi adoratam, haud dubie reducendam, invictam hoc glutine deinceps, formidandam, florentemque: novum Principem sine mora advocandum, ut recenti adhuc ætate Hispaniæ moribus imbuatur, nec regnum tamen ante Regis mortem contrectet. Rex Carolus tacitus assedit, cum hac ratione de regno suo disponeretur.

Harrachius apud Reginam instat, conjugem Regem permoveat, ut generis sui memor Archiducem heredem scribat. Illa armatos ad fores Gallos in excusationem obtendit: & licet Rex induci ad id se pateretur, testamento nunquam subscripturos Proceres. Ad hos igitur conversus legatus gravi oratione ostendit, falli omnino eos, qui sibi persuadeant, iis de Gallo Principe advocando consilii Monarchiæ divisionem vitatum iri: nunquam id permitturum Cæsarem; & si is permittat, totam Europam obstituram, quæ omnis in unam Borboniorum Dñum brevi esset abitura, si Francia universa Hispaniæ Monarchia, tam late per utrumque orbem protensa, foret potitura.

Dum ita consigitur, Rex Carolus in supremum morbum delabatur. Conclave Regum obseptum adeo custodiant Proceres,
sub

sub Portocarreri imperio, ut Harrachius ultimis mensibus nunquam sit nactus Regis alloquendi copiam.

Tertia octobris conficitur testamentum, quo Philippus Dux Andegavenſis, alter Delphini filius, eoque sine liberis decedente Carolus Dux Bituricensis, tertius Delphini filius, & si etiam hunc sine liberis mori contingeret, Carolus Archidux universæ Monarchiæ hæres scribitur. Testes subscribere Portocarrerus & Borgia Cardinales, Castiliæ & Arragoniæ Præsides, Medinacælius, Beneventius, & e Grandijum Ordine Infantada & Sestæ Duces. Testamen-
tum Caroli.

Prima deïn Novembris (1700) Carolus II Rex obiit, ætatis 39 Regni 37. Aperitur testamentum, publicatur, magnoque populi applausu excipitur: persuasum omnibus, declinata hoc pacto corporis sectione, unius capitis mutatione negotium absolvi, Gallus sit Rex, an Germanus, haud multum interesse. Bellum quidem in Italia & Belgio futurum a Cæsare, sed Hispania intacta, Gallorum armis brevi disslandum. Obitus.

Certatum acriter inter Proceres, quis legationis Gallicæ honorem alteri præriperet. Missis per Interreges mandatis, provinciales Andegavenſi fidem jurarunt. Elector Bavarix Belgium, Vaudemontius, Mediolanum, Medinacælius Neapolim tradidit; itaque factum, ut mensis spatio universa Monarchia sub potestatem Galliæ sit redacta. Harcurius ob rem feliciter gestam Dux & Par Franciæ dictus. Harrachius, quod unum supererat, contra testamentum Cæsaris nomine solenni forma excipiens, ne legationis dignitas violaretur, domi se continuit, ac brevi post cum Aurspergio, qui in illo actu subrogatus illi fuerat, rus abiit, dum reditum Viennam instruerent, dolore, pro jacturæ magnitudine, acerbissimo tacti, quod tot provinciæ, per gradus veluti successive Domui Austriacæ acquisitæ, uno velut ictu concidant: legatione sua Hispana & Anglica, tanta solertia gesta, effectu omni destituta. Executio.

Varii deïn commentarii de causa tam grandi sunt editi: Galli pro sua successione afferebant: Extincta Caroli V stirpe mascula Hispaniæ Monarchiæ hæreditatem, licet nullum Caroli II testamentum haberetur, ad eum jure sanguinis devolvi, qui eidem Carolo, ultimo possessori, gradu consanguinitatis proximo est conjunctus. Atqui hunc esse Delphinum, ejusdem Caroli ex sorore Theresia Nepotem, ejusque cessione Philippum Andegavensem Ducem, Delphini filium, Caroli II pronepotem. Leopoldum vero Cæsarem, Amitinum Caroli, gradu uno ab hoc esse remotiorem, siquidem (computando gradus ad normam Juris Civilis, Galliæ jus.
in

in successionebus hæreditariis usitatam) Carolum Delphino in tertio gradu esse conjunctum, Leopoldo vero in quarto.

Si etiam lineam ascendentem spectare libeat, Leopoldum Casarem & Ludovicum XIV æquali gradu distare a Philippo III Hispaniæ Rege utriusque Avo materno, ea tamen dispari ratione, quod Ludovicus ex Anna, primogenita ejusdem Philippi filia sit genitus, Leopoldus vero ex Maria, secundo genita. Quacunque igitur parte res consideretur, quoad successionem ab intestato Gallos Austriaci jure potiores fore.

Neque obstat, quod Anna & Theresia; dum Franciæ Regibus nubarent, juri suo in Hispaniam renuntiarent; nam, præterquam, quod fœminarum renuntiationes hæreditariæ jure civili sint irritatæ, & eatenus tantum factæ, ne Regnum Franciæ & Hispaniæ in uno capite coalescant, Reginas illas præjudicii nihil potuisse asferre filiis suis aut nepotibus circa jus, a Majoribus & sanguinis cum Hispaniæ Regibus propinquitate, acquisitum. Neque enim Ludovicum Regem matri suæ Annæ in Regno Hispaniæ succedere, nec Delphinum matri suæ Theresiæ, sed cum ea jam dudum sint mortuæ, proprio ac proximo sanguinis jure Philippo III aut Carolo II.

Hoc jus succedendi ab intestato ut eo certius suum consequeretur effectum, Carolum II etiam testamento, libere & legitime confecto, atque a Proceribus Hispaniæ testibus præsentibus subscripto, Philippum, Andium Ducem, suum ex sorore primogenita pronepotem, totius Monarchiæ hæredem instituisset: neque obligatum ullo ex capite fuisse, alios cognatos ex linea collateralis instituere. Atque hæc quidem a Gallis tunc passim dicebantur ac scribebantur.

Jus Austria-
eorum.

Contra vero opponebant Austriaci, eam esse Familiæ Austriacæ rationem, ut Austriacus Austriaco succedat, qui nomen, stemma, familiam eandem propaget: neque ad fœminas, aut ex iis descendentes hæreditatem devolvi, dum superiunt mares.

Extincta Caroli V stirpe mascula, superesse e Ferdinando I Caroli Fratre, lineam alteram Austriacam, eamque masculam. Si Carolus V absque liberis masculis decessisset, successorum haud dubie fuisse Ferdinandum fratrem, ex eodem Patre, Philippo Austriaco, Burgundiæ ac Belgii Principe, & eadem matre Joanna, Hispaniæ hærede, progenitum: hoc jus Ferdinandi in posteros mares præ fœminis fuisse propagatum: Leopoldo proin Casari primum,


mum, dein Josepho, horumque cessione Carolo Archiduci hæreditatem deberi. Deficientibus vero totius Familiæ maribus, ad fœminas demum, & eos, qui ex eis descendunt, jus devolvi. Hanc esse normam, legem, ordinem, rationem domesticam succedendi in Familia Austriaca; Philippi etiam III & IV testamentis confirmatam.

Si proin testamentum aliquod a Carolo, sui compote, libere profectum sit, vacuum irritumque esse: neque enim a Carolo ordinem succedendi, a Majoribus constitutum, contra supremam patris avique voluntatem, potuisse convelli. Neque causam finemque Borbonicæ institutionis, in eo allegatum, ne regna coalescant, subsistere.

Non enim Annam, Ludovici XIV matrem, & Theresiam Conjugem, solennibus tabulis juri in Hispaniam renuntiasse eo duntaxat sine, quem Carolus in testamento assignat, ne Franciæ Hispaniæque regnum in unum coalescant, verum ut Hispanas inter fœminas Francicasque juris æqualitas foret, atque, ut hæ Salica, ita illæ celeberrima abdicationis lege cum suis posteris abstererent regno. Si igitur jus succedendi post mortem Caroli ad descendentes ex fœminis Hispanicis fuisset devolutum, eo etiam ex capite Leopoldum Cæsarem hæredem fore, utpote Mariæ, Philippi III filia, quæ sola nunquam renuntiavit, progenitum. Theresiæ vero solennem renuntiationem etiam per publicas Pacis Pyrenææ tabulas fuisse confirmatam, atque per testamentum Philippi IV ita stabilitam, ut nullum superesse possit dubium.

Quod autem speciatim ad Belgicas Burgundici circuli provincias, & Insulæ spectat, ceu feuda Imperii ab Austriacis Archiducibus fuisse possessas: ad feudorum autem rationem pertinere, ut extincta seniore linea mascula, ad juniorem transeat, prout omnium Imperii feudorum exempla demonstrent. Atque idcirco nullatenus fuisse in potestate Caroli II contrariam dispositionem facere.

Eandem Neapolitani Regni esse conditionem, quod a Pontificibus, Dominis directis, ab omni memoria maribus præ fœminis collatum sit. Hæc pro utraque certantium parte dicta scriptaque recensere duntaxat pro Historica eruditione visum est. Neque enim meum est, de Magnorum Principum iuribus quidquam decernere.



CAPUT III DE STATU LUSITANIÆ SÆCULO XVII

SUMMARIUM.

Personatus Sebastianus ab Hispanis captus. Postquam Lusitania ab anno 1580 usque 1640 Hispaniæ fuerat conjuncta, Regem sibi proprium assumpsit Ducem Bragantinum Joannem IV, inito fœdere cum Gallia & Hollandia. Bellum. Joanni successit Alphonsus filius. Sed hoc dejecto, successus ejus frater Petrus, ad regendum aptior. Pax cum Hispania.

18.

Personatus
Sebastianus.

Anno 1601 plus rumoris, quam veri periculi excitavit personatus quidam & phantasticus Sebastianus, qui Sebastianum Regem Lusitaniæ, in bello, anno 1578 adversus Afros suscepto, amissum se mentiebatur. Fabulam ita adornavit, ut non pauci verum Sebastianum crederent, viris quibusdam Religiosis ore & calamo illum defendentibus.

Fata is sua & itinera, imo & arcana quædam coram Senatu Veneto ita concinne narrabat, ut de veritate dubitaretur: inventu tamen Oratoris Hispani carceri traditus, ac postea ex terris Reipublicæ proscriptus, Florentiæ ab Hispanis interceptus, indeque Neapolim ductus, per sententiam ad trirèmes condemnatus est. Creditum quibusdam, fuisse Calabrum, a natione quadam Gubernatum.

Hispanis
ejectis.

Historia Lusitana cum Hispana 60 annorum spatio, ab anno videlicet 1580 ad 1640, quibus utrumque regnum fuit conjunctum,

Quam, est connexa. At vero anno 1640 ingens facta est mutatio, dum Lusitania, abdicata Hispania, novum sibi Regem ex Bragantina Regia Familia sibi delegit.

Quidam Proceres Lusitani Olyssipone, occupato Regio ipsa, occiderunt *Vasconcellum*, Lusitanum quidem genere, sed quem affectu nimis Hispanum esse crediderant, & cum eo alios quosdam Ministros Regis Catholici, Regemque proclamarent Bragantinum Ducem, sub nomine *Joannis IV*, simulque adegerunt Pro-reginam Principem Mantuanam, ut subscriberet Decreto, quo arcis Præfectus jubebatur eum tradere. Missi illico cursores in omnes provincias, qui novum Regem promulgarent, cum mandato, ut omnes Hispani comprehenderentur.

Dux Bragantinus Rex.

Nunquam revolutio aliqua fuit tam prompta & expedita. Omnes civitates, non minus novi quam antiqui orbis, sub obedientiam novi Regis concesserunt, sola Septa seu Ceuta excepta, quæ Hispanum habebat Gubernatorem.

Comes Olivarius, veritus, ne Rex Hispaniæ Philippus IV pro magnitudine damni contristaretur, eidem gratulatus dicitur, quod iustam causam habeat, omnia bona Domus Bragantiniæ, quæ tertiam ferme Lusitaniæ partem complecterentur, Camera suæ uniendi. Sed artes hæc fuere Ministri, qui nihil magis metuebat, quam ne sinistri quidpiam ad Regem optimum, sed placidæ & quietæ vitæ aequiescentem, deferretur.

Quidam scribunt, Richelium hujus immensæ machinæ primum fuisse motorem: quod Galli tamen scriptores negant. Hoc certum, Galliam, cum Hispania tunc bello implicitam, illico, fœdere cum novo Rege inito, consiliis & armis eidem succurrisse, nihilque magis optasse, quam ut vasta Domus Austriacæ potentia minueretur.

Fœdus cum Gallia.

Fœdere autem illo conventum, ut pars utraque terra marique contra Hispanos bellum gerat: Gallia 20 naves conjungat 20 Lusitanis, bene armatis: Hollandi associantur, qui pariter 20 bellicas addant, ad invadendas naves Hispanas ex India venientes, & terras Regis Castellani: Gallus præsit combinatæ classi. Si Gallia pacem cum Hispano sit initura, reservabit sibi jus assistendi Portugalliæ, si idem reliqui fœderati sint facturi.

Hollandi, qui adhuc bello cum Hispania erant impliciti, non dubitarunt, huic fœderi accedere, ea conditione, ut manerent in possessione eorum, quæ in utraque India occupassent. Occuparunt autem durante bello cum Hispanis loca plurima, quæ ad Iu-

Et Hollandia.

stianiam spectaverant. Et hæc inter alias Lusitanorum erat querela, sibi propter conjunctionem cum Hispania tam multa esse amittenda.

Detecta, interceptis litteris, conspiratio adversus novum Regem, Archiepiscopus Bragensis, & Inquisitionis Præses ad perpetuos carceres sunt condemnati, reliqui complices ad mortem.

Interea autem Lusitania libertatem suam fortiter defendit, & anno 1644 cum Francia fœdus renovavit, vehementer instans, ne pax cum Hispanis fieret, cui Rex Lusitaniæ non esset inclusus. At Mazzarinus, Richelii insistentis principiis, ne omnis paci via occludatur, id promittere noluit, id unum spondens, curaturam Galliam, quantum posset, ut, si paci futuræ Lusitania includi non posset, libertatem sibi reservet eidem assistendi. Cui sponcioni adquiescere tunc debuit Portugallia.

Passorellus
de bello Lusit.

Sub idem tempus Albuquerque, Lusitanorum Ductor, Hispanos acie vicit, cæsis eorum 3000. Quidam scriptor Lusitanos cæsos narrat plures.

Anno 1656 obiit Joannes IV primus ex linea Bragantina Rex Lusitaniæ, æt. 52, regni 16. Successit filius *Alphonfus* VI, qui, Hispanorum armis alio distractis, Hollandos Brasilia expulit, belli denuntiationem passus propterea, naviumque direptionem in facie Olyssiponis, civitatis Regiæ.

Bellum.

Anno 1658 Lusitani Pacem Augustam obsederunt, sed imminente Hispano obsidionem solverunt. Anno vero sequente Hispani ab obsidione Elvæ depulsi sunt.

Pax cum
Holl.

Ut autem Hispanis validius resisterent, anno 1661 pacem cum Batavis Hagæ inierunt. Brasilia potissimum fuerat belli causa, in qua, sicut in India Orientali, dum Hispanis adhuc parerent, varia loca Hollandi occupaverant, quæ Lusitani, Regem & Bragantina Familia nacti, repetebant. Cessere Batavi Brasiliam ea lege, ut negotiari & commercari sibi liceat in omnibus, quæ ad Portugalliam spectant, provinciis.

Joanni Regi, quod dixi, successit filius primo loco natus *Alphonfus*, sub tutela matris de Medina Sidonia. At ille vita degeneri, matre fidelibusque Ministris aula motis, sibi similes assumpsit. Bellum nihilominus cum Hispanis per Villafiorum strenue gestum. Amissa Eboræ, receptaque, acie victo Joanne Austriaco (anno 1663) anno vero sequenti Valentiam & Alcantaram expugnaverunt Lusitani. Anno 1665 Victoria plena ad Villamvictosam firmavit coronam Lusitaniæ. Galli, non obstante pace Py-

ronæ,

renza , non parum ad eam contulerunt , nescii videlicet , quid post 40 annos futurum esset. Mortuo eodem anno Philippo IV Hispaniæ Rege , ex omni parte jam mutilatæ , infirmitas Caroli II Lusitanix Regem securum reddidit.

Tantæ victoriæ nequaquam tribuebantur Alphonso Regi , & sui , & regni , & thori impotenti , sed ejus Ducibus , subsidii Gallicis adjutis.

Anno 1667 magnam mutationem subiit aula Lusitana. Alphonfus propter regnandi imperitiam throno privatus , in Camera sua comprehensus , & in Insulam Terceram abductus est , regnumque delatum fratri ejus juniore *Petro* , præstanti virtute Principi , qui tamen ad annum usque 1683 , quo Alphonfus obiit , *Regentis* tantummodo titulo regnum administravit. Maria Nemorosa , Sabaudicæ stirpis Princeps , in Gallia educata , quo Majores ejus jam tempore Francisci I concesserunt , superiore anno Alphonso desponsata , matrimonio ob impotentiam Alphonfi declarato irrita , nupsit Petro ejus fratri , Pontifice in impedimento publicæ honestatis dispensante.

Alphonfus dejectus.

Petrus Rex.

Anno 1668 Hispania coacta est cum Lusitania pacem componere , ætque coronam Portugalliæ ab Hispana independentem agnoscere ; Pax cum ablati utrinque restitutis , solaque Septa in Africa , quæ ad Regnum Lusitanix pertinuerat , apud Hispanos remanente.

Pax cum Hisp.

Anno 1683 obiit Alphonfus , ætatis 40 , postquam throno fuerat dejectus , in Insulam Terceram fuit deportatus , sed anno 1675 , cum suspicio esset orta , eo in loco consilia cudi reducendi illum ad regnum , inde retractus , reliquum ætatis in Cintrensi castro captivus egit. Tanta autem fuerat ejus , dum regnaret , vitæ dissolutio , ut vix esset , qui fatum ejus lugeret. Petrus autem post mortem fratris , posito Regentis nomine , se Regem dixit , toti Nationi acceptissimus.





CAPUT IV.

DE

STATU BELGII

SÆCULO XVII.

ARTICULUS I.

*Status Belgii sub Alberto & Isabella: atque Mauri-
tio Auriaco.*

*Obsidio ostendama. Spinola fortitudo. Induciae. Mauritii Arau-
sici obitus: & Alberti Archiducis. Batavorum societas
Indica. Mutuae clades. Obitus Isabellæ.*

Offendama
obsidio.

Postquam Albertus, Rudolphi II Cæsaris frater, Isabellam, Philippi II Hispaniarum Regis filiam, connubiali sœdere sibi conjunxerat, Belgium communi opera gubernandum acceperunt. Et primam quidem expeditionem cum ad expugnandam *Opendam* convertissent, anno 1601 exercitus eidem fuit ad-
motus.

Cum Batavis ex parte alluentis Oceani accessus prohiberi non posset, atque recentibus identidem subsidiiis prædium augeretur, pertinax omnino & sanguinolenta fuit oppugnatio, ad triennium omnino producta. Et primo quidem anno Albertus, assulta tenta-
to, cum strage 800 militum fuit rejectus. Alter annus variis operibus, ad includendam arctius urbem, faciendamque oppor-
tunius impressionem fuit consumptus.

Tertius demum annus maxime cruentus, & Batavis tandem fatalis fuit. Et primo quidem gemina irruptio incassum fuit tenta,
tata,

tata. Commissum etiam navale prælium, quo Fridericus Spinola Archithalassus Hispanorum (Ambrosii frater) interijt; oblecti vero, eruptione facta, gravi cum suorum jactura sunt reiecti.

Advenit interea in castra Ambrosius Spinola, qui tandem anno 1604 urbem expugnavit: præsidio, quod adhuc 4300 armatis constabat, libere abire permissio. Dicuntur in ea obsidione quinquaginta Hispanorum millia occubuisse, & vel uno mense totidem globorum millia majoribus ex tormentis fuisse explosa: plures milliones expensi. O! quanto facilius minorique impendio celestis Jerosolyma expugnaretur!

Inter hæc autem, dum Hispani tota vi Ostendæ incubuerant, Batavi Gravia, Slusa, & Rhinberga erepta damnum compensarunt. Spinola vero Grollam & Rhinbergam anno 1606 Mauritio eripuit. Pactus dein Albertus anno 1607 octo mensium inducias cum Batavis, sed in pacem conveniri non poterat, quod isti ab Indiis, in quibus profundas jam radices egerant, nolent dedecere.

Anno tamen 1609 ad 12 annos prorogatae sunt induciæ, quibus Batavi quæstuosis navigationibus, muniendis urbibus, comparando apparatu, alacrius quam Hispani usi sunt, ad id, quod supererat belli, strenue gerendum. Sed neque induciæ tam sancte servabantur, ut non Hispani Duci Neoburgico, Batavi Brandenburgico Electori in causa Juliacenſi auxilia ferentes, inter se colliderentur. Quantæ vero hoc induciarum tempore in Hollandia inter Calvinistas religionis dissidia ac turbæ sint exortæ, postea, ubi de statu Ecclesiastico, referetur.

Anno 1621 elapso induciarum tempore, Hispani, Slusa frustra tentata, Juliacum Batavis extorquent, frustra Mauritio Arausico jam Principe ad solvendam obsidionem accurrente. Idem fatum subire coactus est ad Bredam, dum præpollente Spinolæ virtute & arte militari, bis obsidionem solvere nequicquam conatus est.

Unde etiam creditur rædio obliſſe, dum videret Spinolam se assequi non posse, & fortunam suam in deterius labi. Natus fuit Dillenburghi, Nassaviæ gentis suæ Domo, ex Wilhelmo Nassovio, Principe Arausico, Bataviæ defectionis auctore. Post mortem fratris Philippi, qui Catholicam Religionem fuerat amplexus, anno 1618 factus est Princeps Arausicus. Cum autem nullos legitimos liberos relinqueret, Henricus frater in Principatu & Præfectura Belgii fœderati illi successit, anno 1625.

Mauritius
Nass. obiit.

Fuit

Fuit Mauritius 40 annis supremus Batavæ militiæ præfectus, inter clarissimos belli Duces numerandus: major fortasse futurus, nisi in Spinolam incidisset, a quo sibi discendum non diffitebatur. Bellum etiam gessit cum propriis suis Prædicantibus, a quibus vitæ ejus insidias fuisse structas, sparsum scriptumque fuit. Certe Adolphus Brachelius in *Hist. univers. lib. 2 ad ann. 1623* testatur, ab Arminianis concionatoribus gravem in Mauritium & Ordines conjunctionem factam fuisse atque detectam, comprehensis quibusdam, atque supremo supplicio affectis, qui noxæ participes habebantur, sed de hoc infra.

Et Albertus
Archidux,

Mauritium Antagonistam suum in alteram vitam antecessit *Albertus* Archidux, Maximiliani II Cæsaris quintus filius: anno 1559 natus ex Maria Caroli V filia. Sub disciplina Busbecquii educatus, anno 1570 ad avunculum Philippum II in Hispaniam missus Cardinalis, Archiepiscopus Toletanus, Lusitanæ Prorex, ac demum 1595 Belgii Gubernator renuntiatus, anno 1598 abdicatis Ecclesiasticis Dignitatibus, nuptias contraxit cum Isabella, Philippi II filia, accepto in dotem Belgio, non tantum a Batavis sed etiam Hispanis militibus, ob defectum stipendiorum tumultuantibus, afflicto. Anno 1621 ætatis 62 defunctus magnum apud Belgas sui desiderium reliquit.

Constituta hoc tempore a Batavis mercatorum societas, in Indias negotiantium, quæ, magnis fulta ab Ordinibus privilegiis, ingentibus opibus est aucta. Proscripta tunc, hac mercatorum societate stabilita, Societas Jesu ex omnibus Batavorum ditionibus. Idem aliis Religiosorum Familiis contigit.

Batavorum
Societas In-
dica.

At non solus Ordo Ecclesiasticus ab juratis his Religionis avitæ hostibus petebatur, sed societas illa Batavorum Indica, cum totum Oceanum oberraret, gravissima mercatoribus Lusitanis damna intulit. Quare Philippus IV (defuncto nuper parente) collectis, quot poterat, Dunkerca, Ostenda, Neoporto, & Hispania navibus, classem opponere coactus, terrestres expeditiones in maritimas convertit.

Et primo quidem 32 naves Batavæ, ex Adriatico redeuntes, aut captæ sunt aut depressæ. Mansfoldii collecticia prædonum manus, in Belgium irrumpens, a Gonzale Corduba concisa aut dissipata.

Contra vero Batavi classem Hispanam ad Limam Peruvix urbem vicerunt: & in Brasilia urbem S. Salvatoris expilarunt, capto Prorege cum filio, Episcopo, aliisque primoribus, ceu spo-

liis

liis in Trophæum erigendis, in Hollandiam missis. At mox Fridericus Toletanus, cum classe superveniens, ostantibus urbem eripuit.

Sub idem tempus Ferdinandus Cæsar, missis ad Hollandos legato, ab iis petit, ut præsidia ex Imperii urbibus ad Rhenum Inferiorem deducerent; Mathiæ Archiduci promissam pecuniam solverent, atque adversus Turcam, communem Christiani nominis hostem, aliquid contributorent. Quod si facerent, intercessurum se apud Regem Hispaniæ, ut pax sanciretur. Responsum satis superbe, urbes Imperii ad fines tuendos a se detineri: Mathiam non esse amplius Belgii Gubernatorem: quo minus contra Turcam conferant, propriis se impensis impediri: nullum se jus Regis Hispaniæ in suas provincias; ac libertatem, justo bello partam, agnoscere, eamque contra quemcunque defensores.

Superba
responso.

Quin imo per legatum suum pacem nuper conclusam turbare conati sunt inter Ferdinandum Cæsarem & Sultanum. Quod, cum non obtinerent, Jesuitis, Græcia expellendis, omnibus viribus incumbebant; sed prævaluit Christianissimi Regis gratia, quæ malignos conatus evertit.

Anno 1629 reversum rursus a maritimis expeditionibus ad terrestres. Favit autem fortuna Batavis; nam Dufcoducum (*Sylvam Ducis*) in Brabantia finibus, & Vesaliam in Cliviensi Ducatu obtinuerunt: anno sequenti vero Pernambucum, Brasiliæ munitissimum propugnaculum; non multo post Rhenobergam, Colonienfis ad Rhenum munimentum, Venloam, Ruremundam, Trajectum. Et, quod miserrimum, cum captis urbibus capta etiam Religio: Sueco vires Hispanas distrahente, & Henrico Arausicano occasione magis strenue quam pie utente.

Liberata est anno 1633 ex procellosis mundi fluctibus & ad Obitu Isabella. portum quietis transiit Isabella Clara Eugenia, Philippi II Hispaniarum Regis potentissimi filia, Archiducis Alberti conjux lectissima, per 30 & ultra annos Belgii Gubernatrix pietissima: mulier vere fortis, quæ inter mundi hujus, semper variantis, inquieti semper, dextrum oculum semper sursum elevavit, virtutum omnium idea absolutissima. Mirum, quod tanta Principum clementia rebellionem non flexerit. Sed illa erat generis calviniani. Nata fuit Isabella anno 1566, mundo præluxit 67 annis. Belgium & Burgundia ad Regem Hispaniæ sunt revoluta, thoro Alberti & Isabeliæ sterili.

ARTICULUS II.

*Status Belgii sub Ferdinando Cardinale, & Henrico
Auriaco.*

29. Galli in Belgium. Referunt ab Hispanis victoriam *Aveniacam*.
Junguntur *Batavis*. Alternant victoriæ & clades. Obitus
Ferdinandi Cardinalis. Succedit *Melo* felici quidem initio, sed
non constanti. Domus *Auriaca*. Consilia de pace.

Ferd.
Gub.

Mortua *Isabella* missus in Belgium Gubernator *Ferdinandus*, *Philippi IV* frater, S. R. E. Cardinalis & Archiepiscopus *Toleranus*, 26 tunc annorum juvenis, sed animi magnitudine ætatem supplente. Is cum novo exercitu iter per Germaniam instituens, anno 1634 pars magna fuit victoriæ *Nordlinganæ*. Tum vero abstracto secum *Trevirensi* in Belgium, Præfecturam est aspiciatus. (anno 1635)

In difficillima autem incidit tempora, quibus non tantum cum *Batavis*, sed Gallo etiam, novo hoste, eoque potentissimo, erat dimicandum. Unde mirum non est, plures urbes ab unitis istis viribus fuisse occupatas, cum Hispanum robur distractum non ubique præsens esse posset. Mirum potius, quod *Ferdinandus* Gubernator, qui copias tantis terrarum spatiis ex Hispania & Italia accersire debebat, & quidem, maribus infestis, terrestri itinere, non plus amiserit. Inspiciamus obiter ephemerides.

Hollandia
accedunt
Galli.

Anno 1635 Gallus abducto *Trevirensi* irritatus, bellum intulit Belgio, *Castillonæ* & *Brezæ* Ducibus: cum autem *Thomas Princeps Sabaudia* conjunctionem Gallorum cum *Batavis* impedire niteretur, in *Brabantia* prælio *Aveninensi* victus est, 4000 Hispanorum cæsis, 500 captis, apparatu bellico & impedimentis amissis. Præmium victoriæ fuit *Tillemontium*, optandum Hispanis; nam confusus ex Gallis & *Batavis* exercitus ingens, licentia ita diffusus, ut nemini amplius esset terrori.

Fugna *Aveniaca*.

Schenckianam arcem munitissimam (quam videlicet *Schenckius*, nobilis *Gelder*, superiori sæculo ad *Rheni* divortium construxerat) *Hispani Geldria* præsidarii noctu clam, applicatis scalis, interceperunt, cæsis *Batavis*, qui se opponere audebant.

Doluit

Doluit vehementer confœderatis tanti repaguli jactura; unde anno sequenti multo illud sanguine redemerunt. Hispani vero in Galliam irruentes, totam propemodum Picardiam occuparunt, terrore Lutetiam usque sparso: Henrico Condœo autem a Dolæ, permunitæ ad Dubium urbis, oppugnatione ab ipsis Burgundis depulso.

Infelicior Hispanis fuit annus 1637; nam Batavi *Bredam* in *Breda* Brabantia expugnarunt, Spinolæ trophæum. Cautum Religioni. ^{capta.} Sed aliud est promittere, aliud promissum implere. Quid expectes ob iis, qui fidem DEO negarunt? Hispani quidem interea, cum obsidionem solvere non possent, Venlonam & Ruremundam in Geldria occuparunt. Sed unum plus erat, quam duo. Adhæc, ut Batavi commercium (animam suam) per omnes mundi partes propagarent, Minam in Africa, insigne Guineæ munimentum, Hispanis eripuerunt.

Nec minor perniciēs a Gallis, quæ Ivodium & Damwillerium ad Lotharingæ fines, & Landresium, fortissimum in Hannonia munimentum, ductoribus Valeta Cardinale, & Candala, Esperonii Ducis filii, decerpserunt.

Felicior Hispanis fuit annus 1638; nam & Geldriæ obsidium cum memorabili Batavorum clade solverunt, & Colloium, reportata insigni a Batavis prope Antverpiam victoria, receperunt. Gallosque ab Audomaro, non exigua, nobilium maxime, clade, a Principe Thoma, & Piccolomineo illata.

Annus 1639 inter victorias cladesque divisus. *Milleræus* Gallus, ille sæculi hujus Poliorcetes, machinarum magister incomparabilis, Hesdinum, summissimum in Attrebatibus locum, subjugavit. Contra vero Galli a Thionvillæ obsidione non exigua cum strage sunt repulsi. De Batavis nihil lego, quod hoc anno in Europa præstiterint, nisi præparaciones ad futura incrementa. In India, autem geminam per Trompium Archithalassum de Hispana classe retulerunt victoriam.

Anno 1640 Galli obtinuerunt Atrebatum, Atresia caput, urbem inter præcipua Belgii munimenta numerandam. Non ita feliciter Batavis cecidit alea; nam iterato in Geldriam urbem impetu fracto inglorii recesserunt. Ingens autem hoc anno non tantum Hispaniæ, sed Belgio quoque vulnus inflictum defectione Lusitanæ & Cataloniæ, quia minora propter istos novos hostes subsidia in Belgium mitti poterant. Cum Joanne IV Lusitaniæ Rege a Gallis & Batavis mox in sœdus itum decennale.

Obiit Ferd.
Archid.

Annus 1641 geminam Belgio intulit jaſturam, & Ariæ, urbis in Artesia fortiſſimæ, a Gallis abſtractæ, & Ferdinandi Cardinalis, Belgii Gubernatoris. Obiit florenti ætate, ſeptimo Belgicæ adminiſtrationis anno, vitæ 32, Princeps Auſtriaca pietate, non in morte duntaxat, ſed & in vita ſæpius experientia edoſtus, quod non habeamus hic manentem civitatem.

Succedit
Melo.

Succeſſorem in Belgica Præſectura naſtus eſt Franciſcum *Melo*, Luſitanum ex Domo Bragantina, Fereyræ Marchionem, qui antea Prorex erat utriusque Siciliæ, & Mediolani Gubernator. Auspicatus adverſus tantos hoſtes feliciter militare imperium anno 1662, redactis in poteſtatem Lendio & Baſſæa, in Picardiam irrupit, atque ad Caſtelletum prope fontes Scaldis inſignem de Gallis victoriam reportavit, captis duobus eorum millibus, & totidem ferme in acie cæſis. Ne victoriæ fruſtus carperet, obſliterunt ex altera parte Batavi, quibus obviandum erat, ne, dum profundius in alienam ſe regionem immitteret, propriam perderet. Imminebant inſuper ad Moſam Venarienſes. Arduum proin opus, exercitum non magnum tribus exercitibus in tribus locis opponere.

Belgii
ruinæ.

Unde anno ſequenti 1643 adverſam Melo fortunam habuit; quippe, dum Rocroyum ſeu Regiam Rupem, Campaniæ in finibus Belgii urbem, obſidet, Condæus cum copiis ſeſſis irruens non modicam paſſus eſt cladem. At reſectis cibo ſomnoque militibus, altera die aggreſſionem repetens, plena potitus eſt victoria, cujus præmium fuere Rocroyi liberatio, & Thionvillæ, munimenti in agro Luxemburgico fortiſſimi, expugnatio.

Nec Batavis fortuna deſuit, dum Cantelmum Ducem Hiſpanum haud procul Antverpia acie vicerunt. Fruſtus utrinque in annos etiam ſequentes ſe exporrexerit, quibus Batavi Aggeres Gandavenſes & Huſtum, prævalidas Flandriæ urbes, Galli vero Gravelingam ceperunt.

Hanc urbem inter & Dunkercam in eadem Flandria ſitum eſt Mardicum, munita olim ad mare civitas. Hoc anno 1646 velut alea luſum, Gallis primus favit jaſtus, alter Hiſpanis, tertius iterum Gallis; quibus inſuper acceſſit Cortracum, Vinooxberga, & quæ eſt plurimum inſtar, Dunkerca, Condæi trophæum. Portum obſidebant navibus Batavi, ne ſubſidia intromitti poſſent. Sed felicior eis fuit hæc expeditio aliena quam propria, quam adverſus Venlonam in Geldria ſuſceperunt; nam irritò conatu ab oppugnatione recedere coacti ſunt.

Anno

Anno 1647 utrumque Belgium, Hispanicum & Foederatum acceperunt novos Gubernatores; illud quidem *Leopoldum* Wil- Leop. Gub.
helmum Archiducem, Ferdinandi III Cæsaris fratrem, plurium
Ecclesiarum Præsulem, adversus Suecos antea copiarum supremum
Ductorem, hoc vero Wilhelmum II Nassovium, Principem *Arau-*
ficanum, (alii *Auriacum* aut *Orangium*, vel *Oraniensem* appellant,
ab Arausicano nempe in Gallia Principatu, quem Gens Nassovia E. With.
hæreditario jure possidebat.) Successit autem Wilhelmus Henr. Nass.
co patri, anno isto defuncto. Fuit is Wilhelmi I Reipublicæ fœ-
deratæ velut fundatoris filius, frater Mauritiï, post cujus mor-
tem administrationem nimis strenue contra Hispanos gessit.

Liberos, præter Wilhelmum II, reliquit 1 Ludovicam, quam Auriana De-
Electori Brandenburgico despondit. Unde postea magna cum Nas-
soviis de hæreditate Arausicana contentio: 2 Albertina nupta fuit
Principi Nassovio - Dietio. Unde liberi ex hoc matrimonio descen-
dentes ab Ordinibus Batavis ad tantam potestatem evecti.

Porro Wilhelmus II non ultra tres annos Gubernatoris munus
gessit, ab anno videlicet 1647 ad 1650, quo obiit. Reliquit autem
filium posthumum ex Maria, Caroli I Angliæ Regis filia, Wilhel-
mum III, qui ducta Maria, Jacobi II Regis Angliæ pariter filia, ad
thronum magnæ Britanniæ fuit vocatus.

Respiciebant autem tam Hispani quam Batavi ad pacem; illi
quidem, quia infirmiores se videbant, quam ut Gallis simul Bata-
visque resisterent; ne igitur porro quot annis alias aliasque urbes amic-
terent, pacem cum Batavis, quamvis duram, ineundam potius
ducebant, quam omnia perdere, satis hostium in Gallis & Lusita-
nis sibi superfuturum sapienter existimantes. Nec Batavis, 70 an-
norum bello fessis, pax displicebat, maxime, cum potentem Rem-
publicam jam constituissent, & Gallum nollent ultra in Belgio
progredi, socium jam tunc magis timentes, quam hostem; hinc
fœdere, cum eo inito, deserto, anno 1648 Monasterii in West-
phalia in sequentes articulos convenerunt.

ARTICULUS III.

Pax Monasteriensis Hispano - Belgica

anni 1648.

21.

Rex Hispaniarum Præpotentes Ordines Generales unitarum provinciarum cum earum ditionibus liberos, ac Dominos supremos, cum abdicatione omnis in eos juris agnoscit.

2 Pax sit firma, fidelis; cessetque omnis hostilitas terra marique.

3 Relinquantur utrique parti, quæ actu possidet.

4 Subditi & incolæ utrinque fruuntur amnestia, colantque amicitiam & inter se libera commercia.

5 Navigatio & commercia in utraque India conserventur conformiter privilegiis, utrinque datis, uti etiam in oris maritimis Asiæ, Africæ & Americæ. Hispani continent suar navigationes in India Orientali, tali modo, quo adhuc habent & utuntur, ita, ut ulterius eas non extendant: sicut vice versa incolæ unitarum provinciarum abstineant a frequentatione locorum Castilianorum in India Orientali.

6 In India Occidentali alter alterius portus navigatione & commerciis non subeat.

7 Pax in India Orientali incipiat post annum tenere: in Occidentali vero primum post medium annum, secundum limites, Societati Orientali & Occidentali præscriptos.

8 Subditi, in alterutris terris commercia exercentes, non teneantur plus impositionis solvere, quam proprii respective subditi.

9 Extra limites suos pro mercibus transcurrentibus nihil exigant.

10 Pars utraque in terris alterius fruatur a teloniis libertate antiqua, cujus in possessione pacata fuit ante belli initium.

11 Neutra pars alterius commercia aut negotiationes in terris suis impediatur.

12 Rex tolli curret telonia ad Rhenum & Mosam, quæ ante bellum fuerant in provinciis Batavicis: uti etiam telonium zelandicum.

13 Pro sale, in alterius terras illato, non plus exigatur, quam a propriis subditis.

14 Scaldis, Canales Sassiæ, Swynder, aliique cum mari communicantes, ex parte Ordinum clausi teneantur.

15 Na-

15 Naves & bona omnia e Flandria venientia æqualibus respectu omnium exactionibus onerentur.

16 Civitates Hanseaticæ quoad navigationes & commercia in terris Hispanicis fruantur omnibus juribus, in hoc tractatu contentis, atque Unitis Provinciis concessis. Et vicissim istæ fruantur privilegiis illarum.

17 Subditi Ordinum in terris Regis gaudeant iisdem juribus, quæ sunt concessa Angliæ incolis.

18 Rex honesta designet loca, in quibus sepeliantur Batavi, in ipsius terris mortui.

19 Intuitu exercitii Religionis utrinque subditi modeste se gerant in terris alterius.

20 Naves, merces &c. non arrestentur, nisi via justitiæ exigat.

21 Instituatür *Camera bipartita* Judicum ex utraque parte, qui per vices alternas modo in unius, modo alterius terra resideant, & utriusque gentis inter se lites summarie & de plano cognoscant.

22 Sententiæ, contra personas, non defensas latæ, non dentur executioni.

23 Non sit licitum, cum bellicis navibus & militibus tanto numero, qui suspicionem movere posset, in alterius portus aut stationes intrare, nisi tempestas, vel alia necessitas ad evitanda pericula maris ad id cogat.

24 Bona, belli causa arrestata, aut fisco addicta, restituantur dominis suis aut eorum hæredibus, habeantque isti jus, propria auctoritate possessionem eorum adeundi, non obstantibus quibuscunque transactionibus & renuntiationibus.

25 Quod etiam locum habeat ad commodum hæredum defuncti Principis Wilhelmi Auriaci, etiam quoad jura in Salinis comitatus Burgundici.

26 Comprehendantur insuper bona & jura, in comitatu Burgundico & Charolesio sita: & quidquid juxta tractatum anni 1609 necdum est restitutum, id omne proprietariis, aut eorum hæredibus, vel actionem habentibus restituatur.

27 Item bona & jura, quæ post exitum treugæ duodecennalis per sententiam magni consilii Mechliniensis in præjudicium fisci Comiti Joanni Nassovio sunt adjudicata.

28 Princeps Auriacus adeat possessionem castelli Bellini, non obstante lite, dudum pendente, sublatis omnibus actionibus.

29 Si alicubi ratione restitutionis difficultas moveretur, *iudex loci* ocius curabit, ut sortiatur effectum, brevissimam viam amplectendo.

30 Batavis in ditionibus Regis licitum sit, uti advocatis, procuratoribus, notariis, sollicitatoribus, & executoribus, quibus visum fuerit: & vicissim.

31 Si bona aliqua confiscata fuerint vendita, illis, ad quos pertinuerant, restituatur pretium.

32 Si vero creditoribus proprietarii sint data in solutum, retrahere illa liceat proprietario & ejus hæredibus, reddito pretio.

33 Non tamen sit locus retractui, si domus sic sint venditæ.

34 Meliorationes bonorum, si a prioribus proprietariis retrahantur, sunt compensandæ.

35 Omnia bona, quæ a Fisco non sunt annotata, proprietariis restituantur.

36 Uti etiam arbores amputatæ, si in fundo adhuc jaceant.

37 Item fructus, locationum pretia, census, bonorum proventus, post conclusam pacem percepti.

38 Venditio post hunc tractatum facta, sit nulla.

39 Domus restitutæ vel restituendæ ne onerentur plus præsidio militari quam aliæ.

40 Nemo a mutando domicilio impediatur, modo solvat jura solita.

41 Si quæ fortificationes aut opera publica in locis restituendis sint facta, proprietarii æstimatione bonorum, qualis prius fuerat, contenti sunt.

43 Bona Ecclesiastica, si non sint vendita, restituantur, & pertineant ad Collegia, Regi subiecta. Si autem sint vendita, aut in solutum data, census annuus solvatur ad rationem unius denarii ad sedecim. Similiter fiat a parte Regis.

44 Bona, quæ Auriacus, ab Ordinibus accepta, possidet, ea firma ipsi maneant. Circa alias prætensiones congrue satisfiat.

45 Puncta, privatis duobus instrumentis, anni 1647 pro Auriaco conventa, salva sunt.

46 & 47 Tractant pariter de bonis privatis restituendis.

48 Legitimæ sententiæ, quibus partibus jus dictum, teneant.

49 Rex renuntiet omnibus prætensionibus, quas habet in urbem Graviam, & terram Cuickiam, quæ prius Domui Auriacæ oppignorata, dein verò tanquam propria concessa ab Ordinibus.

50 Cedat item juribus in urbem & comitatum Lingæ, Bevergeerdæ, & Clopenburgi, ut maneat penes Auriacos.

51 Constituantur ab utraque parte Judices & executores in locis, proprietariis restituendis.

52 Superior tractus Geldriæ permutetur cum aliquo æquivalenti. Si autem conveniri non posset, remittatur causa ad cameram dispartitam, ut intra sex menses decidatur.

53 Rex & Ordines se obligant ad conservandam bonam amicitiam cum Cæsare & Imperio; curabitque Rex, ut Imperator illam confirmet.

54 Mobilia confiscata non sunt restituenda.

55 Actiones circa mobilia, ab Ordinibus remissæ, extinctæ sunt.

56 Tempus belli ab anno 1567 non computetur in alicujus præjudicium.

57 Qui durante bello alio migrarunt, fruuntur effectu pacis, & habitent, ubicunque placuerit.

58 Nova fortalitia, canales, aut fossæ in Belgio in alterius præjudicium ne fiant.

59 Domus Nassovia ne afficiatur molestia, nec Comes Solmenis Gubernator Trajecti.

60 Privatus contraveniens paci puniatur in loco delicti aut domicilii. In casu tamen manifesto denegatæ justitiæ licitum sit per litteras Repressaliarum procedere.

61 Omnes exheredationes & dispositiones, in odium belli factæ, sublatae sunt.

62 Subditi utrinque successionis, tam ex testamento quam ab intestato capaces sunt, secundum consuetudinem locorum.

63 Omnes bello capti utrinque sine lyro liberi dimittuntur.

64 Solutio contributionum, quæ restant, ab officialibus dirigitor.

65 Maneant omnes in suis juribus.

66 Fruantur etiam effectibus treugæ duodecennalis.

67 Limites in Flandria & alibi determinentur.

68 Nominantur fortalitia, utrinque demolienda.

69 Registra, chartæ, & instrumenta utrinque extradantur.

70 Jus aquæ penes Slusam maneat, prout ei competit.

71 Agger injectus prope S. Donatum auferatur.

72 Includantur huic paci, qui intra tres menses utrinque nominabuntur. Interim ab Ordinibus nominantur Landgravius Hafs-

fo-Castellanus cum suis terris, Comes Olsfrisiæ cum ditionibus & urbe Emda, Hanseaticæ civitates, specialiter Lubeca, Brema, Hamburgum.

73 Comiti Flodrovenfi restituantur ablata.

74 Quæ a Legatis de Rutgero Hygenfi tractata sunt, rata habeantur.

75 Conferant operam, ut viæ ac maria a prædonibus & pyratibus purgentur.

76 Nihil committatur contra hunc tractatum; &, si quid commissum fuerit, illico refarciatur, abrogatis omnibus legibus & statutis adversis.

77 Hic tractatus a Rege & Ordinibus General. confirmabitur & ratihabebitur. Litteræ autem ratihabitionis debite subscriptæ, intra duos menses utrinque tradentur. Et tum primum hostilitas cesset.

78 Quando nempe fuerit commutatio ratihabitionum facta.

79 Tum vero pax publice promulgetur & omnis hostilitas cesset.

ARTICULUS IV.

Observationes in Pacem Hispano-Belgicam.

22.

Crisis de
Batavia.

Ad 1. Articulum. Hic tandem fuit exitus 70 annorum belli, in quod Hispania multas classes, aureas & argenteas, frustra consumpsit. Mirum sane, potuisse gentem piscatoriam, ad sterilem Europæ angulum retrusam, in tantam magnitudinem excrescere, ut in omnes quatuor mundi partes dominationem exporrigeret, atque ad ultimum leges adeo pacis potentissimo Hispaniarum Indiarumque Monarchæ dictaret. Reinauticæ, commerciorum, impigræ solertiæ, constantiæ hi fructus sunt. Industria mercaturam, mercatura pecuniam, pecunia militem, miles victoriam, victoria opimam pacem, pax septem provincias, cum magna Flandriæ & Brabantia parte, atque liberam ac præpotentem Rempublicam peperit, in paludoso ac sterili solo rebus omnibus abundantem.

Ad 2. Et fuit firma, adeo quidem, ut Batavus ex hoste in custodem genium Hispanici Belgii sit mutatus, non propter Hispaniam, sed propter se; quia sibi timebat, si proximus Ucalegon arderet. Hinc etiam munitarum urbium repagula postea depoposcit, suis præfidiis, alieno ære insidenda.

Ad 3.

Ad 3. Fœcundus hic Batavis Articulus attulit Hollandiam, Zeelandiam, Ultrajectum, Frisiam, Geldriam Inferiorem cum Zutphania, Gtöningam Transsylvaniam, septem opimas provincias, Sylvæducentem Marchionatum & Bergarum ad Zomam, Baronatum Bredanum, Trajectum ad Mosam cum comitatu Utrorbio, Graviam cum ditione Cuykia, Hulsam, Ambrachtam, Axeliam, Slufas, Cadlandiam, aliasque urbes, arces, & castella in Brabantia & Flandria; quæ omnia ad Hispaniarum Monarcham spectaverant.

Ad 4. Cum hoc sæculo cœptæ fuissent Ostendanzæ in Indias navigationes commercandi causa, totis viribus se opposuerunt Batavi, quin tum hunc articulum allegantes, quo reliquis Belgis jus ejusmodi navigationis & commerciorum volebant interdictum.

Verum hic articulus nec verbum habet de Belgio Hispanico, quo ei navigationis libertas adimatur: sed id duntaxat prohibet, ne pars alterutra navigationem suam extendat ad loca & portus alterius partis in India Orientali: prout manifeste patet ex adjecta clausula: *Sicut viceversa incolæ unitarum provinciarum abstineant a frequentatione locorum Castilianorum in India Orientali.*

Poterant ergo Hispani salvo hoc tractatu navigare libere in Indiam Orientalem, modo abstinere a locis, quæ ad Batavos spectabant. Multo magis id poterant Belgæ, quibus nulli sunt limites positi; quidquid igitur prohibitum fuisset Hispanis, non esset prohibitum Belgis; cum utique Belgæ non sint Hispani, quam parum Batavi sunt Hispani. Si aliquid prohibitum est Bohemis, an hoc ipso prohibitum est Hungaris? Multo autem maxime navigationes suscipere potest hodie Belgium Austriacum; cui nihil commune est cum Hispania.

Neque enim maris dominium arrogare sibi possunt Batavi, aut alias nationes a navigatione, aut maritimo commercio excludere. Mira profecto hic facta est rerum conversio. Cum Rex Hispaniæ prohibere volebat a navigatione in Indias Batavos, ad jura naturæ & gentium isti provocabant. Ediderat tunc ex eorum voluntate Hugo Grotius eruditum tractatum *de Mari libero*, in quo demonstravit, licere cuivis genti alteram adire, atque cum ea negotiari; tolli sic, jure naturæ & gentium assertam, humani generis societatem: neque etiam ipsum mare aut jus navigandi ulli genti proprium esse, utpote extra commercium humanum positum, ac proin neque titulo inventionis, vel occupationis, aut

præscriptionis in alicujus dominium transire posse: nisi quis & aëris spirandi proprietatem sibi velit vindicare.

Hæc tunc Batavi, cum mercatus suos necdum ita firmatos haberent. At mutatis postea rebus, cum Ostendana inciperent florere commercia, alius Batavis factus est almæ naturæ genius, quia alium privatæ eorum rationes videbantur requirere. Iniquissimum ante erat Batavis, interdicta cæteris navigatione, Oceanum unius nationis mancipari obsequio. At postea visum æquissimum, privato monopolio Europam premere, ipsique adco omnibus communi Oceano jugum injicere. Scripsit in hanc rem pro Batavis Seldenus de *Mari Clauso*, & vindicias *Maris Clausi*: sed strenue eum confutavit Pattinus Belga in tractatû suo de *Mari libero*, atque ex Batavorum principiis, ex ore Grotii olim loquentium, thesin suam comprobavit.

Ad 6. & seq. Usque ad articulum vigesimum tractatur de libertate navigationum (quæ antea Batavis a Rege Hispaniarum erant inhibitz) de commerciis, tollendis teloniis, & aliis exactioribus. Batavi nempe, quorum anima sunt navigationes, negotiationes & commercia, omni ope adlaborabant, ut hæc ipsis firma, secuta, & oneribus sublevata manerent.

Memorabilis est Articulus 14, quo decernitur, ut Scaldis ostia occlusa teneantur. Timebant nempe Batavi, ne commerciorum alveus rursus *Antverpiam* derivaretur. Erat quippe hæc urbs Brabantiz, ad Scaldin sita, tot tantisque commerciis olim frequens, ut parem vix in orbe habuerit. Sed Hollandi omnes vires impenderant, ut mercatores atque negotiationem in Amstelodamum transferrent; quo sane Brabantia, & Belgium Hispanicum univèrsim, didividium velut sui amisit.

Ubi notandum, Batavos Scaldin, Salsiz & Swindæ canales voluisse clausos; de Ostenda, Neoporto, aliisque urbibus maritimis, earumque portubus nullam fieri mentionem. Si voluissent Batavi, inhibitas esse Belgio Hispanico navigationes per Oceanum, ante omnia exprimi debuisset portus Ostendanus, præcipuus, quem tunc Rex Hispaniz possidebat.

Sequentes articuli usque ad 50 tractant de restituendis bonis immobilibus, nominibus, & juribus, intuitu belli ablatis aut confiscatis. Et quia Domus Auriaca in Belgio & Burgundia ab antiquo bona aliqua possidebat, & alia Wilhelmus a Carolo VI, ejus vero filii, Mauritius & Henricus ab Ordinibus plura sunt consecuti,

Scaldia
ostia
clausa.

ti, jubentur ista restitui, etiam ea, quæ Joanni Nassovio, Comiti Catholico, a Rege sunt assignata

Ad 53. Quæ hic dicuntur de conservanda amicitia cum Cæsare & Imperio, a Ferdinando III eodem anno 1648 edito Diplomate sunt confirmata.

Ad 56. Decernitur hic, ut præscriptio tempore belli censeatur non currere.

Ad 72. Post pacem initam a Batavis adhuc inclusi eidem fuerunt Comes Solmenis & Bentheimensis: Comes Oldenburgicus vero obtinere non potuit, ut includeretur, ob odium telonii, Visurgi impositi.

Ex parte Regis vero fuerunt inclusi, Imperator, Rex Bohemiarum & Hungariarum, omnes Archiduces Austriarum, S. R. J. Electores, Principes, & Civitates, nominatim Joannes Princeps Anhaltinus, Comes Oldenburgicus, Schwarzenburgicus, & Civitates Hanseatice.

Ad 77. Confirmarunt eodem adhuc anno Rex & Ordines hanc pacem, per Gasparem de Braccamontio & Gusmania Comitem Penderandæ, Josephum Burganium Archiepiscopum Cameracensem, & Antonium Brun, supremi Consilii Flandrici assessorem: ex parte Batavorum vero per D. a Gent, & septem alios legatos.

ARTICULUS V.

Tractatus Commercioꝝ

23.

Inter Regem Hispaniæ & Fœderatum Belgium Synopsis.

Post pacem conclusam separatus contractus, ad navigationes & commercia spectans, fuit initus eodem anno & loco, 18 capitulis constans.

1 Batavi omni libertate & securitate ad omnia regna & regiones, cum quibus pace aut neutralitate gaudent, navigationes instituunt, & in iis commercia exercebunt.

2 Neque libertas hæc commercandi turbetur, licet Rex cum illis bellum gereret.

3 Etiam respectu Gallorum, cum quibus Rex est bello implicatus.

4 Sic tamen, ut Batavi merces e regionibus Hispaniis ad hostes

Res Regis non deferant, quæ hosti adversus Regem servire possent.

5 Neque ad alios Regis hostes Batavi merces interdictas vehant.

6 Interdicta autem censentur omnis generis arma, & apparatus bellici.

7 Non autem frumentum, vinum, oleum, sal, aliaque ad sustentandam vitam necessaria. Quæ proin ad hostes Regis deferre possunt, non tamen ad urbes, ad eodem obsessas.

8 Hinc naves Batavæ, ad hostes Regis iter facientes, saluum conductum, & testimonium, quod nullas interdictas merces vehant, Hispanis exhibeant: quo facto, non explorentur naves, neque ulla molestia afficiantur: sed liber illis cursus relinquatur.

9 Hic salvus conductus cum expressione mercium, quæ vehuntur, exhiberi debet, cum iusta est suspicio, interdictas merces vehi ad hostes Regis.

10 Tunc enim exhiberi debet.

11 Et Hispanæ naves Batavis in mari occurrentes scapham mittant, & litteras salvi conductus exigere possunt, quibus fides habenda, nullas interdictas merces vehi.

12 Si merces prohibita in Batavorum navibus reperirentur, fisco addicantur, non tamen navis, aut aliæ merces, non prohibita.

13 Si autem Batavi merces aliquas Regis hostium navibus imponerent, omnes fisco addicantur, licet alias non sint ex genere prohibitarum.

14 Si autem Batavorum navibus aliquæ merces, quæ Regis hostibus sunt propriæ, essent impositæ, liberæ sunt, exceptis interdictis.

15 Vice versa subditi Regis iisdem privilegiis in navigationibus & commerciis suis respectu Batavorum gaudebunt, ita, ut per omnia sit utrinque æqualitas.

16 Isti commerciales articuli explicandæ paci Monasteriensis inserviant, si aliquid dubium aut contrarium in illa occurreret.

17 Hic tractatus non minorem vim habeat, ac si originali tractatui foret insertus. Possuntque partis utriusque consensu aliæ insuper cautelæ adjici, si orturis forte controversiis per istas non satis esset præcautum.

18 Hic tractatus intra quatuor menses ab utraque parte rati habebitur & confirmabitur.

Nota

Nota.

Neque in isto commerciorum Tractatu vel apex exstat, quo Belgio Catholico interdictum esset navigatione in Indias ad exercenda commercia; quin imo statuitur plena in omnibus æqualitas sine ulla exceptione. Profecto, si Batavi reliquos Belgas a commerciis & navigationibus voluissent excludere, debuissent vel in pacis vel in hujus tractatus commercialis articulis aliquam eorum mentionem facere.

ARTICULUS VI.

Tractatus Commerciorum

*Inter Hispanos & Urbes Hanseaticas anno 1647 conclusus
Monasterii.*

Antequam turbæ Belgicæ fuerant exortæ, neque Hollandis aut aliis nationibus licitum erat, merces ex Hispanorum aut Lusitanorum ditionibus Indicis exportare, sed ab istis in Europam devehctas emebant. At vero cum bellorum motus exurgerent, non amplius Gadibus aut Olyssipone eas devehbant, sed cum ingenti Hispaniæ & Lusitanæ detrimento in Indias navigarunt, ut a prima manu eas reciperent. 24.

Indulgere hæc denique debuit Hispanus; & cum Hanseaticis civitatibus jam anno 1607 tractatum commerciorum iniiit. Cum autem variæ adhuc lites orirentur, civitates illæ per legatos suos, in Westphalia cum aliis congregatos, Comitem de Penderanda rogarunt, ut renovationem tractatus a Rege impetraret. Assensit ille: conventumque in quatuor articulos, iis ferme similes, qui anno dein sequenti cum Batavis sunt constituti.

1. Confirmantur privilegia & immunitates, Hanseaticis civitatibus antehac concessæ, ut libere iis uti possint: sic tamen, ut, quæ Batavis, ipsis etiam sint interdicta, &, quæ istis concessa aut concedenda, ipsis etiam permissa intelligantur, præsertim, cum præcipuæ Batavorum civitates societatis Hanseaticæ sint membra.

2. Nautæ unam tantum specificationem navium & mercium exhibere teneantur. Si autem pax vel induciæ cum Batavis fuerint initæ, nihil amplius fore testandum, quam quod merces ad Hanse-

scæ.

seaticas civitates pertineant, aut ad illas, quibus similia privilegia a Rege fuerunt concessa.

3 Possint Hanseatici cum hostibus Regis commercia exercere, mercesque terra marique apportare vel exportare, iis duntaxat exceptis, quæ bellico ului intersunt, & ex Regis ditionibus eveclæ fuerint.

4 Hanseatici scæderis civitates gaudeant commoditatibus, quas Rex cuicunque alteri Principi aut Statui, neutrali atque amico, quocunque tempore aut loco sit concessurus.

Subscripserunt nomine Regis Comes Penderanda, Archiep. Cameracensis & Brunus: nomine civitatum, Lubecensis, Bremenensis, & Hamburgensis, Legati.

ARTICULUS VII.

Causa belli Anglo - Batavici.

Trompius ter victus a Blacko Anglo. Plus damni a tempestate patiuntur Batavi. Pacem a Cromwelo impetrant.

Batavi, bello Hispanico liberi, dum navigationibus & commerciis suis intenti, ex orbe universo opes collectas accumulantes, brevi cum Anglis, negotiosa pariter gente, & eorum Protectore Cromwelo gravi bello collisi sunt. Causæ, æmulatio, maris imperium, quæstus.

Disimulabant hæcenus Angli, vel turbis domesticis præpediti, vel odio Hispanorum cohibiti, quos optabant minui, crescentem in dies, & in omnes orbis partes Batavorum diffusam potentiam maritimam; at, ubi pax Monasteriensis, & scædus etiam merciorum coaluit, invidia urente, limites Batavis figendos existimabant, ne Anglico Neptuno Tridentem eripiant.

Bellum Anglo-Hollandicum.

Querebantur inter alia non exigua in Indiis damna, atque a Scaldis in Belgio usu se prohiberi. Causa tamen proxima erat hæc cum piscatio ad Angliæ littora, quam Batavi sine vectigali magno cum lucro exercebant.

Paratur utrinque animose bellum. Sexcentas naves, quarum quælibet 30 tormenta caperet, a Batavis instructas narrat Tuldenius ad annum 1652. Favebant eisdem Hamburgum & alia civitates Hanseaticæ, non modico allato auxilio. Rei summæ præfectus

Troms-

Trompius, uti audax, ita belli maritimi gnarus, qui Hispanas classes sæpius fuderat.

Nihilo tamen secius *Blackus* Anglicæ classis Præfectus trino navali prælio eundem ita devicit, ut amissis plurimis navibus & milite exanimis caderet. Substituit tum quidem Respublica Trompio Wassenarium Obdamum; sed cum ad quartam pugnam essent accincti, procellosus turbo ita mare bis concitavit, ut utrique parti multo plus damni afferret, quam triplex prælium. (anno 1653.)

*Trompius a Blacko
ter victus.*

Inclamarunt tum quidem Batavi Galliarum, Sueciarum, & Daniarum auxilia, & missis Oratoribus Regis Lusitaniarum, quem in Brasilia sibi bellum moturum timebant. Sed cum hæc subsidia incerta essent, & longinqua, ad pacem animum inclinarunt; eamque anno sequenti 1654 Londini a Cromwelo impetrarunt, adjecto foedere.

Pax.

ARTICULUS VIII.

Capita Pacis & Fœderis

Inter Cromwelum Angliæ Protectorem & Belgas Fœderatos.

Synopsis.

1 Sit sincerior amicitia, unio, & fœdus inter utramque Rempublicam.

25.

2 Cesset omnis hostilitas.

3 Sit amnestia & oblivio omnium præteritorum.

4 Omnes capti sint liberi.

5 Alter status alterius libertatem defendat contra quoscunque.

6 Neuter aliquid agat in præjudicium alterius; nec aliis auxilium præstet, sed contradicet & resistet.

7 Neuter alterius rebelles foveat, aut juvet, sed utriusque Reip. hostes judicentur, & perduellionis poenam in loco delicti luant.

8 Utraque Resp. sibi mutuo terra marique opem feret, proye opus fuerit, contra alterius hostes & rebelles, sumptibus tamen rogantis auxilium.

9 Neutra alterius hostes aut rebelles recipiet, neque in mari, portu, aut terra.

10 Sed monita Resp. quod sint rebelles, illos expellet.

Par. IX.

U

11 *Quam-*

11 Quamvis propria ibi bona haberent: nec ulla illos ope juvabit.

12 Utriusque Reip. incolis liceat omnes ditiones portusque in Europa intrare, mercesque importare aut exportare, sic tamen, ut consueta portoria, vectigalia; aut census solvant; quos alii extranei solvunt.

13 Si naves Batavæ in maribus Britannicis navi bellicæ Anglicanæ obviabunt, vexillum suum e mali vertice detrahent, & supremum velum demitent.

14 Neutra pars piratas aut prædones in suos portus recipiat, aut commeatum eis præbeat; sed capiantur & puniantur, navesque eorum in alterutrius portum vectæ dominis suis restituantur.

15 Si alterutra fœdus aut amicitiam cum aliis Principibus aut Statibus ineat, alteram certiore reddat, &, si voluerit, in eo fœdere comprehendat.

16 Fœdus hoc permaneat, licet aliqui contra illud delinquant. Sed delinquentes soli puniantur, & ad satisfactionem adigantur. Quodsi iustitiæ se non submiserint, hostes utriusque partis judicentur. Bona illorum publicentur, & inde fiat læsis satisfactio: &, si in alterutrius potestatem venerint, pro ratione criminis plestantur.

17 Possunt utriusque partis incolæ libere & secure alterius urbes, & etiam munimenta intrare, mercimonia exercere (armati tamen non plus quam 40 simul) dummodo secundum statuta loci se gerant.

18 Si naves mercatoriarum alterutrius portum intrent, a piratis vel tempestate compulsi, sine molestia & vectigalis solutione, atque sine visitatione recedent; modo ibi nihil distrahant, aut agant contra leges loci.

19 Alterius naves non capiantur, aut arresto subjiciantur, nisi summa necessitas cogat; salvis tamen legibus Reip.

20 Mercatores, eorumque institores & famuli possunt cum armis intrare alterius portus & terras: ubi tamen in diversorium suum devenerint, oportet ea deponere, donec ad navem redeant.

21 Si navis præfidiaria seu bellica in naves mercatorias alterius Reip. incidat, eas defendat, quamdiu eundem cursum tenuerint.

22 Si navis alterutrius in portu alterutrius ab exteris capiatur, communi opera raptam navim insequantur & raptori ablatam domui restituant; hujus tamen sumptibus.

23 Scrutatores & alii officiales non plus exigant, quam leges & potestas, sibi commissa, permittunt.

24 Non licet propter injuriam uti Repressaliis: sed justitia est postulanda; hæc si ubique denegetur, litteræ Repressaliæ concedi poterunt.

25 Antequam quis speciale diploma accipiat, per idoneos fidejussores caveat, se nullum damnum aut injuriam alterutri populo illaturum.

26 Portus alterius intrare liceat non tantum cum navibus mercatoriis & onerariis, sed etiam cum bellicis ad eas reparandas, vel alimenta emenda: non tamen pluribus quam octonis. Pluribus simul intrare non licet sine venia ejus vel eorum, ad quos portus pertinet, nisi tempestas aut vis alia cogat. Quo casu illico Præfectum loci de adventus sui causa edoceant: nec diutius hærebunt, quam ille indulserit.

27 Curabunt Batavi, ut justitia fiat, qui in Amboina (*Hollandorum in India Orientali insula*) Anglos occiderunt.

28 Se obligant ad restituendas naves & bona Anglorum, a Rege Daniæ durante hoc bello intercepta, ut mercatorum, naucletorum, & proprietariorum damna resarciantur.

29 Hæc ubi Batavi præstiterint, cessabit omnis hostilitas, inter Anglos & Danos, ratione dictæ detentionis exorta, ita, ut Rex tanquam amicus in hoc tractatu comprehendatur.

30 Constituendi utrinque commissarii quatuor, qui examinent injurias & damna, quæ utraque pars ab anno 1611 ad 1652 in India Orientali, Brasilia, Moscovia, Groenlandia, se passam esse causatur. Si commissarii isti convenire nequeant, prædictæ differentię submittantur Protestantibus Helvetiæ Cantonibus, tanquam arbitris: & quidquid a commissariis, ab iis deputatis fuerit pronuntiatum, obligabit, & rite perficietur.

31 Hunc tractatum pars utraque firmiter observabit, & executioni dabit.

32 Batavi se obligant, quod Ordines foederati, eorumque Præsides, Gubernatores, Præfetti militiæ, præsentis & futuri, juramento se sint adstricturi, ad hunc tractatum in omnibus servandum.

33 Intra 15 dies hic tractatus utrinque ratificabitur, confirmabitur, mutua instrumenta extradentur, & publicabuntur: atque a tempore publicationis omnis hostilitas cessabit.

Subscriberunt & signarunt commissarii Protectoris & Batavorum, Westminsterii 5 April. 1654.

Not. Batavi in hoc tractatu Cromvelo Protectoris & celsitudinis serenissima titulum tribuerunt. Confirmavit autem tractatum sua auctoritate de assensu sui consilii.

Post hanc pacem conclusam adjecti adhuc sunt duo articuli separati. Primus in tractatu comprehensos continet, his verbis: *Conventum est, quod in tractatu pacis, unionis, & confederationis inter Serenissimum Celsissimumque Dominum Protectorem Reipublicæ Angliæ, Scotiæ, & Hiberniæ &c. ab una parte, & Celsos ac Potentes Dominos Ordines Generales unitarum Provinciarum ab altera, includantur Cantones Helvetici Evangelici, Dux Holstatiæ, Comes Oldenburgicus, Civitates Hanseaticæ Lubeca, Brema, Hamburgum.*

Alter concernit Domum Auriacam; cum enim Wilhelmus III ultimus Oranienſis stirpis furculus, quatuor tunc annorum puer, natus esset ex Maria Stuarta, Caroli I Angliæ Regis, a Cromwelo & aliis Calvinistis crudeliter interempti filia, Cromwelus, qui totam Stuartorum Familiam excisam volebat, vehementer instigit, ut Batavi promitterent, se neque, quem diximus, Wilhelmum, neque ullum ex ejus posteris, in supremum, ut vocabant, Capitaneum militiæ, aut classium Præfectum, electuros, eam causam prætexens, alias facile posse contingere, ut hoc fœdus rumpatur, & bellum recrudescat cum magno religionis reſormatæ periculo.

Negabant initio Batavi, se eam conditionem inire posse adversus Domum, erga se tam bene meritam. Tandem vero in vota Cromveli concesserunt, ac declararunt, *se nullo unquam tempore electuros prædictum Arauſionensem Principem, ullumve ejus lineæ in Locum - tenentem vel Admiralem sua provincia, nec assensuros quoad sua provincia suffragium, ut unquam ei summum in militiam Generalatus imperium conferatur.*

Quantopere hæc, versis in Angliæ rebus, sint mutata, experta est posterior ætas, quæ non tantum vidit hunc Wilhelmum Locum - tenentem, & supremum Gubernatorem terra marique, anno 1672 a Batavis electum, sed etiam Regem Magnæ Britanniæ. Adeo versatiles sunt res humanæ & incerta consilia.

Exclusio
Domus
Auriacæ.

ARTICULUS IX.

*Observatio de Domo Auriaca & Gubernatoribus Belgii
Fœderati.*

Arausionensis liber in Provincia Principatus (sic dictus ab urbe Arausione, in qua tria celebrata fuerant Concilia Arausicana) ab antiquissimis temporibus proprios Dominos habuit: per scæminas postea devolutus, primum ad Domum Chabillionensem in Ducatu Burgundico, dein vero ad Nossioviam in Germania. Ex ea primus successit Renatus, dein Wilhelmus I Fœderati Belgii Fundator & Gubernator, tum ejus filii Mauricius & Henricus, qui magna auctoritate Rempubicam regebant. Henrici filius Wilhelmus II electus quidem pariter fuerat a Batavis Gubernator, seu supremus Locum-tenens, sed minus erat gratus; & cum Amstelodamum noctu cum armatis vellet obruere, paulo post inventus est exanimis, non sine suspitione, anno 1650. Reliquit filium posthumum Wilhelmum III, quem factio Lōwensteinia nonebat Gubernatorem usque ad anno 1672, quo Gallus irrupit; tunc enim Witætiis occisis, ab omnibus provinciis fuit electus (excepta Frisia & Grōninga, quæ Gubernatorem ex Familia Nassovio-Diecenti sibi elegerant). Post mortem Wilhelmi III (qui Rex etiam Angliæ fuerat) ab anno 1702 quinque provinciæ nullum Gubernatorem substituerunt, donec anno 1728 Geldria & Transsylvania, Frisæ Gubernatorem Wilhelmum Frisonem pariter asciscerent, & anno 1747 reliquæ quoque provinciæ, & quidem ita, ut hæc dignitas sit hæreditaria, deficientibus masculis ad scæminas etiam devolvenda. Factum id in gratiam Georgii II Angliæ Regis, cujus filiam Fri'o conjugem habebat. Natus est ex eo matrimonio 1748 Wilhelmus, qui 1751 patri in munere Gubernatoris, Archithalassi & Capitanei Generalis hæreditario successit sub tutela matris, & quia, si Wilhelmus improlis decederet, devolveretur hæc dignitas ad sororem ejus Caroli; nam obstabant initio Batavi, ne Carolo Principi Nassavio Weilburgensi nuberet ob diversitatem religionis, cum hic sit Lutheranus. Porro Wilhelmus III 1702 Diecentem Frisonem Principatus Arausionensis & aliorum bonorum hæredem testamento instituit. Sed opposuit se Brandeburgicus, ad antiquius testamentum Henrici Auriaci avi sui materni, se referens, quo, velut fideicommissio, mater sua sit substituta

26.

maſculis ex Henrico deſcendentibus.

Tenuit hæc lis ad annum 1732, quo hæreditas illa transactione diſiſa eſt: & quidem Brandeburgo ceſſus eſt comitatus Moëſiæ, in Principatum dein converſus, Comitatus Lingeniſis in Weſtphalia, Herſtalli ditio, poſtea Eccleſiæ Leodiienſi vendita, Wateringa cum multis aliis in Belgio poſſeſſionibus: Friſoni vero obven-runt Breda, Gravia, Flitlinga, cum multis aliis urbibus & ditio-nibus in eodem Belgio. Arauſionenſis vero Principatus in pace Ultrajeſtenti a Brandeburgo, ut Geldriam urbem reciperet, ceſſus eſt Regi Galliæ, qui extirpatis Calviniſtis, cum anno 1732 in Principem Contium tranſtulit.

ARTICULUS X.

*Continuatio belli Hiſpano - Gallici. Fœdus Galliæ cum
Cromvelo.*

27. **I**nter hæc, dum Angli Batavique de maris uſu certabant, Galli
Hiſp. **I**ſpanique de terræ poſſeſſione dimicabant. Belgium Hiſpani-
Viſtorie. cum, Gallis opportunum, erat theatrum belli præcipuum; ſed cum ab anno 1649 turbæ civiles Franciam miſcerent, & a Bata-vis eſſet quies, Hiſpani magnas res gesserunt; quippe, præter Bar-cellonam & Caſalin, prima Catalonia & Pedemontii munimenta, Gravelingam & Dunkercam cum pluribus aliis urbibus in Belgio receperunt; &, quod eſt plurimum inſtar urbium, Ludovicum Condæum Principem, quem cum pluribus Gallorum millibus, quos ſecum adduxerat, Maſarini odio Hiſpania debuit, futurum deinceps ad pacem uſque Pyrenæam momentum ingens adverſus patriam.

At poſt compoſitos in Gallia belli civilis motus, aliam Bel-gium faciem induit; quippe Rex, Rhemis ſacro inunctus chrisma-te, expeditionem in Belgium, ut animos & alacritatem ſuis adde-ret, ipſe ſuſcepit, & primo quidem Stenæum ſubigit; dein vero ad ſolvendam obſidionem *Atrebatenſem* accurrit.

Clades.

Quidquid Hiſpani roboris erat in Belgio, ad obſidendum Atre-batum, præcipuum Artēſiæ urbem, fuerat collectum. Aderant in caſtris præſentes quinque Principes, Leopoldus Wilhelmus Archidux Gubernator Belgii, Ludovicus Condæus, Franciſcus Nico-laus

Iam pro fratre suo Carolo, carcere detento, Dux Lotharingæ, Ulricus Dux Wirtembergæ, Princeps Liguus, cum suis quisque copiis, multique alii Duces ac Proceres Hispani nominis.

In tertium jam mensem tenuerat obsidio, ingenti apparatu instructa, cum Rex atque Turenus Hispanorum castra, bina quantumvis fossa protecta, tanta ferocia aggrediuntur, ut relata insigni victoria urbem liberarent, universo hoste aut caelo aut capto, aut in fugam acto. Celebratur maxime Hocquincurtii, in castra irrumpentis fortitudo: aliis partibus Turenus, Seneteræus, Aumontius irruerunt. Hispanorum 5000 a Condæo servata fuisse a clade, refert Tuldenius, scriptor illius temporis, Germanus, ad annum 1654, quo hæc gesta sunt.

Attrebatur
obsidione
liberatum.

Victoriæ complementum fuit ad Mosam *Carolomontii* expugnatio, urbis in Hannonia monti impositæ, quam Carolus V Imperator operibus etiam communiverat.

Accesserunt anno sequenti Gallis, sub Turenio militantibus *Landresum, Condutum, Fanum S. Gisleui*, permunita in Hannonia loca. Boviniacum captum a Gallis, receptumque ab Hispanis. Ad Bochanium, a Gallis tentatum, fortiter pro more dimicans Condæus vulneratus est, & circumseptus a Gallis, ense viam fugæ aperuit, vel ultro concessa est, ne caperetur cum periculo capitis. Quamvis enim tunchostis esset (patriæ an Mazarini?) amabatur tamen, & summe æstimabatur a Gallis, præsertim militibus, tum a sanguinæ Regio, tum maxime a virtute militari.

Urbes capte.

Anno 1656 *Leopoldus Wilhelmus*, post gestam per decennium gravissima inter bella Belgii Præfecturam, missionem tandem, dum optatam, a Rege Hispaniarum obtinuit, valetudine Imperatoris fratris inclinante, & ætate Leopoldi nepotis adhuc teneræ, Austriæ rebus necessarius. Successorem, Belgii Gubernatorem, Philippus IV misit filium suum *Joannem Austriacum*, 27 tunc annorum florentem ætate, Cataloniæ antea Proregem.

Leop. abd. cat Præfectu-
ram.

Succedit
Joan. Austr.

Et præclara sane fuerunt imperii auspicia, quibus cladem superioris anni insigniter reparavit. Valencenas (*Palentinanum* veteres dixerunt) fortissimam in Hannonia ad Scaldin urbem, omnibus viribus oppugnabant Galli, Turenio, Seneteræo, & Fabro Ductoribus. Ad hanc maximi momenti civitatem obsidione liberandam, ut Gallis innotesceret, omnes nervos novus Gubernator intendit. Sed a superiobus cladibus pauca restabant copiarum reliquæ. Inde omni cura ad eas augendas incumbens, decem ar-

mato.

matorum millia, prius a Cæsare exauctorata accepit, duo millia Franciscus Lotharingus, a Gallo, ad quem defecerat, redux, adducebat, alia Wirtembergius, alia ex Belgis & Hispanis collegit; quorum ipse Duxtor supremus, comitantibus Condæo, Wirtembergio, Lignio, Caracena, præstantibus bello viris.

Gallos
cædit.

His ergo Ducibus & copiis fretus Austrius Gallorum castra adortus, tertio insultu illa perrupit, ingenti hostium strage, direptis tormentis, & impedimentis. (anno 1656.) Receptum mox Condatum, & Fanum S. Gisleini, priore anno amissa. Supplicatione publica solenniter instituta, dictæ DEO Evcharistico, & propitiæ ejus Matri laudes.

Fœdus cum
Cromwelo.

Hac clade affecti cum essent Galli, ut majori vi Belgio incumberent, Mazarinus, præter tractatum commerciorum (jam anno 1655 conclusum) similem ferme illi, quem Batavos inter & Anglos sancitum retulimus, novum fœdus anno 1657 cum Cromwelo iniit, contra Hispanos potissimum.

Conventum quippe in eo, ut utriusque opera bellum in Belgio impigre continuetur, cureturque, ut potissimum Flandriæ maritima oppida occupentur.

Ostendam, Dunkercam, Neoportum, & Gravelingam Anglorum fore, reliqua expugnanda Gallorum. Illis mari, his terra agendum. Nec desistendum bello, nisi utrisque fuerit satisfactum. Assistendum Sueco contra Danum, ejusque fœderatos in Balchico, Anglo classem, Gallo nummum suppeditante. Promovendum quoque communi studio bellum in Catalonia & Italia.

Camericum
liberatum.

Hoc grandi fœdere, simulque aliquot millibus equitum, quos Ulricus Wirtembergius, ab Hispano deficiens, adduxerat, Francus auctus, *Camericum*, primæ magnitudinis in Belgio urbem, quæ ad Imperium olim pertinerat, obsedit. Modicum inerat præsidium; sed ubi Condæus & Lignius, perruptis hostium castris, cum selecta manu in urbem evaserant, obsidio soluta est, atque ad *Mommedium* in Luxemburgicis meliori fortuna est conversa; nam tertio oppugnationis mense dedere se Gallis urbs coacta est, vel potius pro tanto sanguinis pretio vendita, ut emptores pœniteret.

Minori impendio Fanum S. Venantii in Artesia, a Gallis, Borsburgum & Mardicum in Flandria ab Anglis Gallisque fuit expugnatum. Ab Ardresii vero obsidione non levi cum clade a Turenio repulsi sunt Hispani. Atque hæc fuit expeditio anni 1657 minus felix Hispanis, Condæo post liberatum Camericum Gandavi ex febris decumbente.

Ac

At multo infelicior illis fuit annus 1658; quamvis enim Condus, Gallico *Hesdini* praesidio cum Marescallo Hocquincurtio ad ^{Galli & Angli} se attracto, urbem Hispano subiceret, & Ostenda Spinteleto dolo ^{a Condzo} (prout supra in Gallicis fuit narratum) fuerit servata, cum non ^{caesi} exigua Anglorum Gallorumque clade; Joannes tamen Austriacus Gubernator, bis praelio victus a Turrenio, florem exercitus, tormenta, *Dunkercam*, *Gravelingam*, *Aldenardam*, *Menenium*, *Ipræ*, insignes Flandriae civitates amisit: Turrenio, Fertæo-Sene-teræo, Joan. Aust. & Faberto, Gallorum Ductoribus, victorias suas strenue professus ^{bis} victus. ^{quantibus.}

Protritus jam satis erat per continuum 24 annorum bellum Belgicus Martis campus. Pax Hispanis, rebus suis retro labentibus, & aliunde gravi adhuc bello Lusitanico distractis, erat ne- ^{Pacta con-} cessaria, ni, Gallo & Anglo incumbente, totum suum Belgium ^{silia.} vellent amittere, & fortassis etiam Cataloniam. Rex Galliae Sponsam Hispanam, Philippi IV filiam (proh! quanta adhuc bella paritaram!) praesentabat. Mazarinus propter foedus Anglicum, & reliquam Cromwelo Dunkercam, alias apud Catholicos male audiebat. Alexander VII summus Pontifex, cum Electoribus Moguntino & Coloniensi, pacem impensissime commendabat.

Unde primum in inducias, postea in Pacem *Pyrenaam* fuit conventum, anno 1659. Tractatus hujus epitomen infra dabimus, ubi de statu Hispaniae agendi erit occasio; neque enim de solo Belgio, sed & de Catalonia & Italia, in quantum ad Hispanos ^{Pax Pyre-} spectat, fuerat transactum. ^{naa.}

De Belgio conventum, ut Galliae relinquatur in *Artesia* Atrebatum, Lillerium, Lentium, Hesdinum, Tereona: in *Flandria* Gravelinga, Muniti Aggeres, Burburgum: in *Hannonia* Landresium, Quercetum: in *Luxemburgicis* Thionvilla, Mommedium, Damvillerium, Ivodium, Chavantium, Marvilla: in *Gallia* Rocroyum, Castelletum, Limcampium.

Contra vero Hispano restituitur Aldenarda, Duxmida, Furna, *Menenium*, Cominaeum, Ipræ. Dunkerca vero interim in manibus Anglorum relicta fuit.



ARTICULUS XI.

Alterum bellum Anglo - Batavum. Pax & fœdus. Bellum Gallo - Belgicum, ob prætenſum Jus Devolutionis. Angli, Batavi, imo & Auſtriaci negant Hiſpanis auxilium: & cur?

28.

Bellum Anglo - Batavum.

Belgio Hiſpanico ad quietem aliquam compoſito, Fœderatum rursus arma cepit, altero cum Anglis navali bello implicatum. Cauſa eadem, quæ primi, gentis utriusque nauticæ æmulationis. Et primum quidem inter jurgia mercatorum ſtetit. Secutæ navium direptiones, ac denique anno 1664 apertum bellum. Britannam classem ducebat Jacobus Dux Eboracensis, Caroli II Regis Frater, Batavam Odamus; cui, primo jam prælio cæſo, ſubſtituti Trompius & Ruiterus; quorum tanta erat audacia, ut in ipſa ad Londinum Thameſis oſtia ſe immitterent, ad cremandas Anglorum naves.

Alterum prælium multo fuit perſoſcius, in quantum usque diem acerrime continuatum, donec tempeſtas illud diremit, parte utraque ſibi canente Victoriâ. Bellum hoc nutritivum Francus, atque ad ſpeciem acceſſit Batavis, qui tamen querebantur, ſpectatorem illum egiffe.

Pax Bredana.

Anno 1667 *Pax Breda* inſita, in plerisque articulis haud diſpar illi, quæ paucos ante annos cum Cromwelo fuerat concluſa; adjectumque fœdus *Deſenſivum*, quo in cæſum invasionis ſibi mutuo promittunt 40 naves bellicas, hominibus & tormentis probe inſtructas, atque inſuper 6000 pedites, cum 400 equitibus.

Bellum Gallo - Belgicum.

Bellum iſtud Anglo - Batavicum aliud mox exceſſit Belgio - Gallicum, & quidem ex ea radice enatum, unde perpetuæ pacis nexum pullulare oporteret, ex matrimoniali videlicet fœdere Ludovici Regis cum Hiſpana Principe.

Ea quippe in Belgicis quibusdam provinciis, uti Brabantia, Artoſia, Geldria, viget conſuetudo, municipalibus etiam ſtatutis confirmata, ut liberi primi matrimonii præferantur in capiendâ hæreditate liberis etiam masculis ſecundi conjugii: *Jus Devolutionis* Belgæ appellant.

Jama

Jam vero Philippus IV Rex Hispaniæ duas uxores habuit. Ex Ob Jus De-
prima suscepit Theresiam, Ludovici Regis conjugem, ex altera volutionis
Carolus II sex tunc annorum puerum. Gallus igitur jus in Bel-
gium per mortem Philippi IV, quam anno 1664 oppetiit, ad uxo-
rem suam, aut Delphinum, ex ea natum, devolutum existimans,
centum millibus armatus Belgium invasit anno 1667.

Miserandus erat Belgii status, milite, ære, apparatu bellifere-
me vacuus. Hispania morbis suis laborabat, in puero vagiens sub
matre tutelam gerente. Accessit perpetua Gubernatorum muta- Belgii Status.
tio, quorum modico tempore quatuor erant, Joannes Austrius,
Ludovicus Caracena, & Castello-Rodrigius, Marchiones, Mon-
tereyus; ab Anglis Batavisque, Ludovici Regis artibus jam capta-
tis, spes nulla.

Quippe Carolus II Angliæ Rex, qui apud volubilem gentem
res suas necdum satis firmaverat, nec illi ob venditam Gallis Dun-
kercam, motum nuper in Hollandos bellum, & Religionis Catho-
licæ suspicionem, admodum gratus, Galliam cum materno lacte
imbibisse visus est, totumque se Ludovico, amittino suo, ceu la-
bantis regni fulcro, applicuit.

Unde Oratores Domus Austriacæ, subsidia petentes, frigido
responso dimisit; gravi bello vix defunctum non posse se in gra- Angli re-
tiam alienæ Domus novo immergere: Cæsarem quoque atque His- sponsum.
panum nihil opis attulisse patri suo, magis indige, sibi que ad
comparandum avitum regnum: timores, quos spargerent, pro-
cul esse ab Anglia, fossa illam sat magna esse obvallatam: Bel-
gium prius omne Hispaniam, Germaniamque adeo fore perum-
pendam. Interea sat temporis lapsurum capiendo consilio.

Batavi, quibus periculum propius, domesticis dissidiis scissi, Batavorum
in duas abibant partes. Altera erat *Auraisica*, quæ Wilhelmum dissidia.
III juvenem Gubernatoris dignitati restitutum volebat. Huic An-
glos avunculus, & Brandenburgus affinis, favebant. Altera *Lü-
vvensleinia* (ab arce hujus nominis sic dicta, in quam ultimus Gu-
bernator factionis hujus capita conjecerat) *Wittiorum* fratrum
auctoritate sustulsa, Præfecturam illam suppressere satagebat; huic
addixit se Gallia. Principes Imperii a capite erant divisi: atque
in sædus suum Rhenanum, quo transitum militi in Belgium nega-
bant, abstracti, Gravello & Grammonvillio, Franciæ Oratoribus
sacundia & largitionibus Ratisbonæ & in aulis dominantibus.

Austria.

Ipsa adeo aula Cæsarea, Aurspergii maxime auctoritate, cunctabatur, quod, Hispanæ infirmitatis gnara, sibi uni bellum gravissimum incubiturum metuens: pauciores esse Cæsaris copias, quam ut tantæ moli sufficerent: in novos autem delectus nec pecuniam, in Bella Turcica & Hungarica expensam, nec tempus suppetere: fœderibus opus fore: sed unde illa petenda, tota Europa largitionibus Gallicis in lethargum data? Et quantumvis Cæsari sat copiarum præsto foret, qui obstantibus Imperii Principibus in Belgium trajicerentur, nullam rationem apparere, nisi Rhenanum ipsorum fœdus, Brandenburgii nupera accessione tam validum, prius rumpatur, aut vi aperiatur via, quod imprudentiæ foret, Crequio præsertim cum iusto exercitu in Lotharingia excubante. Consulcius facturam Hispaniam, si urbium aliquot impendio pacem redimat, ne totum amittat, aut cum Lustano utcumque transigat, & militem ac 13 miliones, quot annis in bellum illud commijci solitos, in Belgium transferat.

ARTICULUS XII.

De Jure Devolutionis.

Libellis quoque Gallum inter & Hispanum certatum. Ille jus Devolutionis, in Belgio vicens, adstruebat: abdicationem Theresiæ fuisse irritam, atque juribus omnibus repugnantem. Neque dotem, Theresiæ integre fuisse solutam, sub cujus conditione abdicatione sit facta. Cæterum Regem moderatione usurum, & parte contentum, jus in reliqua abdicaturum. Hic vero reposuit, aliam multo esse Regiarum personarum rationem, atque privatorum de plebe hominum: supremorum Principum hæreditates non esse definiendas ad Romani Juris aut Provincialium legum formulam. Abdicationem luculente esse factam, & quidem absolute, nulla adjecta conditione; hanc non modo, recepto apud fœminas Principes more, ubique gentium haberi pro valida, sed etiam ex consuetudine apud Nobiles fœminas in Belgio vigente; earum enim renuntiationes, in favorem fratrum, qui soli stemma nomenque Gentilitium propagant, factas, a nemine vocari in dubium.

Cæterum renuntiationem Theresiæ non esse factam in eum casum, quo masculus hæres superesset; nam tunc illum proprio suo jure, sexus

ius prærogativa, recepto in omnibus regnis more successurum; sed abdicationem Theresiæ respicere casum, quo nullus masculus superesset.

Antiquissima in hanc rem esse documenta. Jam anno 1204 Rom. Regem Philippum in Principum apud Confluentiam conventu succedendi in Brabantia leges statuissse his verbis: *Insuper regia nostra auctoritate statuimus, & memorato Duci concedimus, ut filia sua, si masculum heredem non habuerit, in feudis suis libere ei tanquam masculi succedant.* Idem sancitum anno 1549 a Carolo V ratione Geldriæ & Zutphanæ.

Nullum proferri posse exemplum, quo fœmina in regimine publico ejusdem gradus masculino fuerit prælata. Contra vero non deesse exempla illustria, quibus id genus jus devolutionis prætentum fuerit neglectum. Carolum V & Philippum II mortua prima uxore de provinciis Belgii libere disposuisse; quod facere non potuissent, si ad liberos primi matrimonii per mortem matris jam fuissent devolutæ.

Si jus devolutionis in Belgii Principum successione viguisset, Philippum III non fuisse successurum, utpote ex quarto Philippi II matrimonio genitum, cum adessent sorores ex tertio ejusdem conubio natæ. Igitur successuram fuisse primo Isabellam, atque post hujus mortem Catharinam, Carolo Emmanuели Sabaudicæ Duci nuptam, Domumque Sabaudicam, ex eâ in hodiernum diem propagatam: & tamen neminem successionem Philippi III, ex posterioribus nuptiis geniti, ex hoc capite impugnasse. Hunc autem casum prorsus eundem esse cum nostro; nam sicut in hoc Carolus II ex posteriore matrimonio erat prognatus, sic in illo Philippus III.

Carolus V anno 1549 legem, assentientibus Ordinibus, tulisse, ut omnes Belgii provinciæ sub uno Principe unitæ maneat; hoc autem fieri non potuisset, si in aliquibus jus viguisset, & sic diversa in diversis provinciis fuisset succedendi ratio.

Quapropter a populari consuetudine aliquarum provinciarum (ut inquit) nulla est illatio ad Principum successionem; præterquam enim, quod, prout ex dictis elucescit, alia de ista sit dispositio, alius usus, diversa etiam est ratio; privata etenim bona facilius ad fœminas devolvuntur, quam Principum populorumque publicum regimen. Unde jure quodammodo gentium receptum est, ut in regnis & principatibus fœminæ non succedant, extantibus masculis, idque sine discrimine, an ex primo, an vero ex secundo matrimonio sint

geniti: imò in multis incapaces omnino successione sunt scemina, nisi speciali privilegio sint habilitata; ut constat ex successione in Principatibus Romani Imperii. Et in ipsa Gallia quam longe dispar est ratio. Quare privatorum illam specialemque consuetudinem, a communi usu abhorrentem, nullatenus ad principatus extendendam esse contendunt.

Neque etiam propter solutam necdum dotem renuntiationem rescindi; nam promissorem posse purgare moram. *L. 27 ff. de Verb. obl.* Et, si rigidissime procedatur, non esse eum moræ effectum, ut contractum rescindat, sed ut damnum, quod inde evenit, sarciat: ita, si emptor in solvendo pretio moram fecerit, usurarum, seu ejus, quod interest, præstatione desungatur, illa solo manente contractu: prout ipsi etiam Gallie Jurisconsulti passim doceant, renuntiationes regiarum filiarum ratam agnoscentes, nec Juris privati legibus, interprete etiam consuetudine, subjectas.

Progressus
Lud. Regis.

Sed facilius erat Hispanis, pennis quam gladiis dimittere. Rodrigus Gubernator tricena, quæ habebat, millia, viribus præsidio imposuit. Sed quia nullus erat campestris exercitus, Gallus trimestri spatio Carolo-Regium, Furnam, Athum, Insulas, Tornacum, Duacum, Montes, Aldenardam, Contracum, Armentariam, venatione quodammodo cepit, anno 1667 & anno sequenti, rigente hyeme, totum Burgundie Comitatum per Condæum, unius ferme hebdomadæ spatio.

Cur pacem
inierit.

Facile tunc Ludovico fuisset, reliquum etiam Belgium victoriis percurrere; sed videbat grandem coire tempestatem, quæ tandem exoneratura se esset in Galliam. Regina Hispanie pacem, quamvis duram, inire compulsæ cum Lusitania: atque inde Joannes Austriacus zocco propediem adducturus nuntiabatur. Totæ Europa videbat, quo tanti Franciæ progressus essent evasuri, nisi ad commune velut incendium restringendum accurreretur. Anglia, Suecia, Batavia ad *Triplex Fœdus* percutiendum se accingunt; plures alii Principes eidem accessuri videbantur. Cæsar, qui desertæ Hispaniæ, sororis adeo suæ Reginæ, & nepotis Caroli invidia flagrabat, exauthorato Auerpergio, quem Grammonvillius, Gallicus Viennæ Orator, ab Hispaniæ rebus alienaverat, missurus haud dubie erat auxilia. Legationibus etiam frequentibus apud Ludovicum agebatur.

Quapropter Gallia ineunte æstate inducias passa, Hispaniæ optionem fecit, an mallent occupatas urbes in manibus Franciæ relinquere, an vero pro iis restituendis Luxemburgum, Cameracum

cum, Ariam, Audomarim tradere. Sparsus quoque (Henrica Brewero, Tuldenii continuatore attestante) per Europam rumor, deliberare Hispaniam, an non expediret, potius Ludovico totum Belgium tradere, utpote immensam atque nunquam explendam auri voraginem, in quam vel solus Philippus IV ultra centum milliones coniecisset, ea tamen conditione, ut Rex Galliae omni prætensione in Navarram, reliquamque Hispaniae Monarchiam, etiam in casum, quo Carolus Rex (qui ob imbecillitatem virium non diu victurus videbatur) improlis obiret, penitus cederet, Ruscinonensem Comitatum, Pignerolium, Philippoburgum, Brisacum, totamque Alsatiam ac Lotharingiam restitueret.

Relatio Bre-
weri de ab-
dicando
Belgio.

Credebatur, ab ipsis Hispanis hic rumor sparsus, ut Batavos Anglosque imminenti sibi periculi metu a torpore tanquam ad communem causam excitaret.

Ut ut hæc se habeant, de quibus neutra, credo, pars serio cogitavit, commovente se tandem omni Europa, pars utraque ad pacem, Aquisgrani ineundam consilia sua inclinavit. Reddita per illam Hispanis Burgundia; urbes, in Flandria occupatas Ludovicus retinuit. Placet, hujus tractatus summa capita breviter perstringere.

ARTICULUS XIII.

Pax Aquisgranensis

Inter Regem Galliae & Hispaniae inita anno 1668.

In exordio præmittitur, autoritate, paternaque sollicitudine S. D. N. Clementis IX Papæ, ejusdemque postulationibus & instantiis; tum pluribus litteris scriptis, & per nepotem etiam ejusdem Cardinalem Rospigliosum officiis interpositis, accedente complurium Regum, Potestatum, S. R. I. Electorum, & Principum, diligenti studio, per Colbertum & Baronem de Bergeyck, Regum Commissarios Plenipotentiariorum, in sequentes articulos Pacis fuisse conventum.

29.

I Inter utrumque Regem, eorumque hæredes, regna, provincias, subditos &c. sit perpetua pax, confœderatio, & concordia, prout fraterno sanguine junctos decet, cum oblivione omnium offen-

offensarum : alterque alterius commoda sincera mente procuret, & promoveat.

2 Post confirmationem & promulgationem hujus pacis statim omnis hostilitas ubique cesset. Omnesque captivi sine litro liberi dimittuntur.

3 Rex Gallia retinebit Carolo-regium, Binckam, Athum, Aldenardam, Insulas, Tornacum, Armentieram, Furnas, Duacum, Montes, Contracum, Elcarpii propugnaculum, aliasque urbes, munimenta, locaque omnia, quæ anno elapso in Belgio occupavit, eum omni jurisdictione, juribus, appertinentiis.

4 Rex Catholicus pro se suisque hæredibus abdicat omnia jura, quæ in prædictas urbes, & loca habuit, eaque in plenum regis Christianissimi, ejusque hæredum dominium in perpetuum absque ulla reservatione transfert.

5 Rex Christianissimus mox a publicatione hujus pacis comitatum Burgundicum, cum omnibus urbibus & locis occupatis, integre & absque omni reservatione Regi Catholico restituet.

6 Quæ ultra hic expressa usque ad promulgationem pacis fuerint erepra, utrinque fideliter restituentur.

7 Liberum sit utrique Regi sponsores hujus tractatus assumere Principes ac Status alios, qui voluerint eidem accedere.

8 Pax Pyrenæa in omnibus observetur, exceptis iis, quæ hic coronæ Gallia cessa sunt, & iis, quæ Lusitaniam respiciunt, cum qua Rex Catholicus particularem pacis tractatum iniiit.

9 Ut autem certior securiorque sit ista transactio, in Curiis & Parliamentis, Parisiensi aliisque promulgetur, verificetur & innotuletur, uti etiam in Curiis Hispanicis & Belgicis; omniumque ratihabitio, obsignatio, commutatione intra trimestre facienda, absolvatur; atque Rex uterque solenni jurejurando, in præsentia alterius partis emittendo, omnia, in hoc tractatu contenta, se sancte servaturum confirmet.

Præter Carolum Colbertum & Baronem Bergeyckium subdelegatum Castlrodrigii subscripserunt Legati summi Pontificis, Electoris Moguntini & Colonienſis, atque Episcopi Monasterienſis.

ARTICULUS XIV.

Fœdus Triplex: ejus causæ. A Lud. Rege disruptum. Consilia Galliæ de invadendis Hollandis. Ejus ad Anglum, Hispanum, Cæsarem oratio pro fœdere contra Batavos. Cæsar bellum contra Lud. Comitibus suadet. Solus Borussus annuit. Colonienfis & Monast. Oratio. Certamen de Borusso.

Post conclusam hanc pacem ad exitum perductum fuit *Fœdus Triplex*, jam ante ceptum, inter Anglos, Suecos, & Batavos. Fœdus Triplex.
Causas illius altius aliquantum repetamus. Ad hæc ferme usque tempora formidanda Europæ, quin orbi videbatur vasta Domus Austriacæ potentia, quæ præter immensos in utraque India terrarum tractus, dimidium Europæ possideret. Hinc Gallia, Anglia, Batavia, Suecia, & Protestantes universim omnes in id consilia sua & studia contulerant, ut Austriacam magnitudinem deprimereut.

At vero, postquam Septem Belgii Provinciæ, cum omni ferme Orientali India, & Lusitania a corpore se separaverant; postquam commercia & opes alio fuerant derivata, atque Austriaca Familia utraque, Germanica & Hispana, continuis tot gravissimisque bellis exhausta; & maxime, postquam Gallia sub Ludovico XIV. exporrectis in omnem partem incrementis, caput extulit, alia visa est status ratio, & adversus Franciam vertenda consilia, pangenda fœdera, ut Europæ conservetur æquilibrium. Hinc videas, posthac omnium ferme nationum arma in Ludovicum conversa.

Præcipue vero Batavos Anglosque terruit novissima in Belgium Burgundiamque irruptio, & armorum progressus ingens. Hinc initum fœdus inter Anglos & Batavos primum, tum accedente Suecia *Triplex* appellatum, magno Europæ plausu exceptum. Finis illi obtensus orbis Christiani tranquillitas, & pax Aquisgranensis, contra quemcunque perturbatorem defendenda.

Cæsarem non invitarunt, ne suspicionem præberent Galliæ, aut ab eo, Hispaniæ addicto, in bella raperentur, non necessaria. Sed neque ipse hoc fœdus appetiit, ne casus forte contingeret, quo in Hispanum, si Aquisgranensi paci non adquiesceret, stringere arma cogeretur.

Pars IX.

Y

Lo

Ruprum. Eo fœdere se peti, Rex Ludovicus perspiciebat, facili manu illud dirupit, in toto novo in perniciem Batavorum cum Anglo commercio fœdere, & Sueco alio abstracto.

**Consilia de
invenendis
Batavia.**

In Batavos deinceps, præcipuos trini fœderis auctores, Rex sua vertit consilia. Impensum triennium apparando in illos bello. A Suecia nihil erat, quod timeret, pensionibus ac fœderum nexu sibi alligata. Danum irritant Batavi, mensuram portoriorum & telonii in Sundico præscribentes. Principes Imperii bello propter Hollandos implicari nolle sperabat, eosque aut neutras, aut suas partes amplexuros. Hispaniam, alias satis languentem, accepturum a Batavis cladium memorem fore credidit. Lusitanum ob partum auxilio regnum, suum censebat. Colonienfis & Monasteriensis, qui jam ante cum Batavis bellum gesserat, anno 1656 pace finitum, cum Gallo in fœdus ibant.

**Colberti ad
Anglum
oratio contra
Batavos.**

Sed summum momentum erat in Anglia, quo illa se verteret. Misso igitur ad Carolum II Regem, patrualem suum, Colberto, intimæ admissionis Ministro, callido ac facundo, fœdus adversum Belgas Fœderatos obtulit. Diligenter ille legatione sua perfunctus, quanta ex eo Regi totique Britannicæ emolumenta forent nascitura ostendit.

Non esse ferendum ultra gentis, e piscatoriis nuper tuguriis emergentis fastum, coronatis etiam capitibus insultantis. Pelagi dominium, Magnæ Britannicæ proprium, ab ea invadi: omnia inquietari maria: surripi aliis Nationibus & Angliæ præsertim commercia: orbis monopolium Amstelodamifigi: immensas accumulatas opes: ea per Europam esse rerum pretia, quæ Hollandorum statera defigat, quin omnem Europam ei vectigalem esse. Transmarinas merces atque thesauros Indiarum omnes propemodum huc deportari, tantasque in divitiis excrevisse mercatorum societatem utramque Indicam, præsertim orientalem, quibus regna emerentur. Ab hac, anno 1602 cœpta, intra sex annos tantas comparatas, ut ultra sortem collatam 36 Imperialium milliones lucrarentur. Incredibilem ab illis in Indiis Orientalibus ereptum Lusitanis aliisque gentibus terrarum tractum, quem 11500 armatis, 160 navibus defendant, laborantibus in eorum usuras ultra 8000 hominum. Similes ferme opes initio collectas ex America, dum Brasiliæ thesauros asportarent.

Ipsam Angliam commerciis suis privari. Licet enim cætera prætereantur silentio, ex solo piscatu hancum in mari Britanno, eos quot annis sex milliones florenorum lucrum capere, eamque

pisca-

piscationem sibi propriam vindicare in alieno pelago, quin ullum solvere velint portorium.

Ex his aliisque quæstuosis per omnem orbem nundinationibus tantas collectas opes tantumque potentia conflatum, ut centum armatorum millia suis stipendiis possint alere, confluyente ex omni Germania & Septentrione ad auri Hollandici fulgorem milite.

Nec minores vires esse maritimas; anno 1666 centum majores bellicas ad Texelam stetit in anchoris armatas, cum 25000 magnis onerariis maria, & 300000 lembis, lintribus & phaselis lacus & canales oberrare.

Viderent Britones, viderent nationes cæteræ, quæ tanta opulencia, magnitudo tanta, ni frænum injiciatur, sit evasura: quantis jam nunc terra marique viribus polleant. Eundem profecto obviam crescenti in dies potentia. Singulos fore impares: juncta opera deiciendas portentoso Colosso superbas cristas.

Meminisset Anglia, quanta jam in Indiis, in mari, in Europa a nova hac in orbe gente sit damna passa, quam immanes sumptus impensis, quanta derivati alio lucri detrimenta. Angliæ & Galliæ auxilio Batavos non modo in libertatem assertos, sed in eam etiam amplitudinem fuisse erectos. Jam eam beneficio gratiam rependi, ut in utrumque regnum insurgant.

Habere, quod timeant, coronatos vertices, etiam a suis subditis, si aspiciant, liberas Respublicas tanta florere rerum abundantia & felicitate. Salivam jam motam Britannis: experiri id Regem, expertum tristi fato parentem, dubio relicto, quid evenitum fuisset, si Cromwelus potestate sua non fuisset abusus: gliscere adhuc igniculos sub cinere. Parricidas contra fidem pacis Batavico sinu foveri, facileque conjicii posse, quid Hollandi, Regum osiores, essent acturi, si qui in eorum ire vellent exemplum. Curandum, ut facere non possint, quod essent facturi.

Totam Galsiam fore promptam tuendo Stuartorum Regio, sibi que cognato, sanguini, si quid vis inimica auderet. Totam Franciam patere Britannia commercii; quin igitur caperent emolumenta, quæ in Hollandos hætenus redundarunt? Quin fœdus fratrum æternumque conjungeret, quos idem sanguis fructusque fœderis tam arcte conjungant?

Bataviam inter Angliæ Regem ejusque nepotem Wilhelmum Principem Auriacum, interque Hispanos, Gallos, cosque, qui auxilia conferrent, posse dividi, ut omnes inde augeantur, & emolumentum capiant.

Audiit haud illubenter legati orationem Rex Carolus, & cum alias jam esset in Galliam pronus, quam respiciebat velut certum in omnem casum coronæ suæ vindicem, in fœdus condixit, bellumque, Regio suo, si subsidia negaret Parlamentum, sumptu gerendum: dicitur tamen sibi pactus Zeelandiam, nepoti vero Auriaco Hollandiam.

Ad aulam
Hispaniam
gratio.

Minus faciles aures Madriti apud Reginam Tutricem filii Regis Villarius Legatus invenit. Omnes ille nervos intendit, ut persuaderet fœdus in Batavos, vel ut Hispaniam illis subtraheret: cogitarent, ajebat, quam fœda fuerit, quamque perniciofa Hispaniæ Batavorum defectio: quot probris & contumeliis affecta ac publice prostituta: quanta damna per 70 annorum bellum illata, centum auri millionibus non satis æstimanda, eo tandem exitu, ut gratiæ rebellis plebis debuerit, prout ei lubebat, in miseram pacem posse descendere, illique omnia, quæ optabat, relinquere.

Nunc tandem illuxisse diem, tot injuriarum obstinatæque rebellionis vindicem, quæ pertinaciam frangat, & coronata capita veteresque dominos suos revereri doceat. Non diuturna opus expeditione fore. Jam ictum Galliam inter ac Magnam Britanniam in hanc rem arctum fœdus: accessisse Coloniensem & Monasteriensem Præsules, provinciarum suarum situ opportunos, multis gravibusque in perniciem rei Catholicæ injuriis a Batavis affectos.

Philipum II, olim Hispaniarum Monarcham, quamvis gravibus bellis distentum, non committendum putasse, ut Hollandi in Truchessiana illa procella urbes, Ecclesiæ Colonienſi ereptas, retinerent, sed per Farnesium illas occupatas, sacro Principatui pro sua pietate restituisse: captam denuo a Batavis Rhenobergam, aliæque ad Rhenum castella, & usque in hanc diem inique detineri: Sacerdotes DEI in carceres rapti, tota Batavia Religionem sanctam exulare. Agi profecto Divinum cultum, Religionemque Catholicam, a Rege Catholico non deferendam: in totum Belgium illius libertatem facile reduci posse. Erigendum denuo impie dejectum vexillum crucis, Christianæ trophæum victoriæ.

Sed neque permittendum, ut gens palustris heri per rebellionem tenuibus e principiis nata, in Reges dominationem impotentem exporrigat. Proculsum nuper a nundinatoribus istis fastuosum numisma, in quo ex una parte visatur Thetys cum Leone, velut Bataviæ insigne, ex altera parte privata singularum septem provinciarum insignia, cum fastuosa hac inscriptione, omnibus Regi-

Regibus, Hispano præsertim summopere injuria: *Affertis legibus, emendatis Regibus, vindicata marium libertate, pace egregia virtute armorum parata, stabilita orbis Europæ quiete.* Quid hoc aliud, quam Hispaniæ velut protritæ, insultare?

Et qui ferenda inundatio avara in orbem terrarum extensa? Possideri quidem ab Hispanis in America utraque ingentes regionum tractus, sed Hollandos iisdem frui: ad illos fundum pertinere, ab istis succum exugi. Esse & aliis populis maria, flumina, portus, naves: ex commerciis cum Gallia & Anglia plus emolumenti ab Hispanis, quam a Batavis posse percipi. Quam autem nulla in his spes Hispaniæ, ex nupero bello colligi, quo nec pedem moverint. Facile tunc per eos fuisse, totum Belgium Hispanicum occupare, nisi Regis sui moderatio pro jure suo *Devolutionis*, quod certum credidisset, paucis fuisset contenta: sed & hæc, per pacem Aquisgranensem cessa, restitutum, adjecturum & alia, si regina induceret in animum ad commune foedus in rem suam accedere.

Neque eam esse Regi suo mentem, ut Bataviam sibi vendicet, sed ut æquis portionibus dividantur; vel, si hoc non placeat, ut foederati singuli diversis locis aggrediantur, & quod quisque occupasset retineret. Sin autem Hispania Regis sui iustis armis se vellet opponere, cogitaret, Burgundiam & Belgium Hispanicum Gallici fore belli pretium.

Minus grata erat legati oratio. Unde verbis dubiis dimissus est. Hispaniaque ad bellum se paravit. Batavi vero ex Belgio Hispanico a Monterejo Gubernatore militem receperunt, ad augendum Trajecti, Buscoduci & Bredæ præsidium. Initum paulo post Cæsarem inter, Hispanicum & Batavos foedus, quo Belgium Hispanicum in statum, quem per pacem Pyrenæam est consecutum, reponatur, Foederatum vero in præsentem conservetur.

Nec felicior in aula cæsarea fuit Grammonvillius, eadem ferme, qua Villarius in Hispania, oratione usus. Meminisset *Ad Cæsarem.* Domus Austriaca, quanta a rebellibus Batavis pertulisset. Adesse tempus iustæ ultioni; vindicaret antiquum Burgundiæ patrimonium: Regem suum, Lusitaniam, Angliam, Sueciam, Daniam, Italiam, pluresque Imperii Principes adjuutores fore.

Hostem Imperii continuum esse Batavum, qui Rhenobergam, sacrum Ecclesiæ Colonienfis patrimonium, aliæque ad Rhenum Germaniæ claustra tanto jam tempore pertinaciter insuderet, atque

Monasteriensis Præfulis jurisdictionem sacram & politicam inique circumscriberet, non sine gravi Religionis detrimento.

Fuisse eam semper laudem Augustissimæ Domus Austriacæ, ut gloriari posset, non modo orthodoxæ Religionis incremento se opposuisse nunquam, sed præsidium etiam & tutelam exhibuisse. Objectum propterea non raro Gallis, quod cum alienis a vera fide populis fœdera incant, & perversum dogma in suo quidem regno oppugnent, in alienis vero terris foveant. Non esse credendum, quod Austriaca pietas nunc primum a tanta laude & Religionis sanctæ studio sit deflexura.

Esse autem hoc tempus opportunum, quo genuinus Numinis cultus, atque Catholicæ Religionis decus in totam, a qua tamdiu exulavit, Bataviam reduci queat.

Deprimendum etiam fastum superbæ gentis, quæ Regibus quoque se aquare attentet; neque ferendum, ut auctis in immensum rerum, quas Germaniæ insert, pretiis, populos emungat, & tributarios velut sibi faciat.

Neque timendum, ut Gallia propterea multum increfcat. Nam eo Regem suum animo arma correpturum, ut gens impotens fastum ponat, ut coerceatur, & circumscribatur, ut in coronata Regum capita reverentiam discat, Catholicæ Religionis sit patiens, bona Ecclesiastica restituat; aut, si contumax persistat, dominatione privetur, terra inter fœderatos distribuatur, Ulissinga cum Zelandia Anglis, Hollandia Wilhelmo Nassovæ Aurisco Principi, Ultrajectum Colonienſi, Transilvania Monasterienſi, Geldria & Zutphania Brandenburgis, Gröninga Neoburgico Duci Juliacenſi, Frisia Luneburgicis obtingat, ac proin tota prope Batavia Imperii Principibus: Regem vero suum, præter armorum gloriam, non aliud sibi reservare, quam eas lacinias, quas Batavi ex Brabantæ Ducatu adhuc possident. Si autem Domus Austriaca communi fœderi accedat, aliam fore distributionem, & Bataviæ provincias inter illam & Angliam dividendas, sic tamen, ut reliqui fœderati indemnes evadant, & aliquod navatæ operæ præmium referant.

Si autem Cæsari non placeret, accedere fœderi, Regem suum sperare, neutram saltem partem amplexurum, prout nupero factum bello; non enim ejus nomini sacratissimo gloriosum fore, si dicat Roma & orbis Catholicus: Regem Catholicum, Domus suæ sanguinem, opis indigum, destituit: hæresi autem auxilium tulit, & per eum stetit, quo minus excinderetur.

Non

Non sine indignatione aula Viennensis legatum audiit, quamvis enim Lobkovitius, Aurspergio exauctorato suffectus, Grammonvillii partibus non obscure faveret, Ministri reliqui tamen ceu vanam dicacitatem exploferunt; decretoque Batavis auxilio, Lobkovitius gratia & loco motus est, legatus vero Gallicus Viennam amandatus.

Bello igitur in Gallos decreto, Imperium etiam in illud pertrahere fuit conatus Cæsar. Agitata fervide in Comitibus Ratisbonensibus causa. Cæsar bellum communi Imperii nomine Gallo indicendum suadebat: quantamque Ludovici Regis molitiones Imperio labem aspergere soleant commemorabat: ut dissidiis inter se commissi Principes, Alsatix civitatum libertas turbata: Lotharingia occupata: nuper Hispanicum, nunc Fœderatum Belgium armis petitus: rerum arbitria ad Gallum velut Imperatorem deferri: totius Europæ controversiis se miscere: Cæsari præter inanem ceremoniarum pompam vix aliquid relictum: perpendere apud animum suum Ordines, quo demum Imperium, quo insatiabilis Ludovici ambitio sit evasura. Se, quam jurasset, Imperii curæ ac salutis non defuturum, nec commissurum, ut Gal-
Cæsar bel-
lum contra
Lud. suadet.

Sed alius omnino comitiis erat animus. Bellum quippe omnes perhorrescebant. Suecus, Bavarus, Colonien-
Wagn.

sis, etiam aperte se opponebant, negantes Cæsareis copiis per terras suas transitum; cumque Austriaci Præsules istos reprehenderent, objicerentque, eos contra boni civis officium bellum cœpisse: vi ab eo abstrahendos, vetandumque lege, ne Principi ulli absque Cæsaris aut Circuli consensu, nisi propriæ defensionis causa, bellum gerere liceat. Quod tamen postulatum, tanquam paci Westphalicæ adversum, & Statuum libertati noxium, communi consensu rejectum est.

Episcopi vero responderunt, Batavorum causam nihil cum Imperio habere commune: imo articulo III. Pacis Monasteriensis expresse fuisse cautum de mutuis Imperii aut Gallix hostibus non juvandum. Idem in capitulatione Cæsarea, & fœdere, anno primum superiore 1671 inter Imperatorem Leopoldum & Ludovicum XIV Viennæ conclusum, conceptis verbis fuisse promissum, expressis etiam Batavis.

Per Imperii constitutiones permissum sibi esse, injurias, a Batavis illatas, persequi. Illos multo jam tempore Rhenobergam, aliasque Imperii urbes & arces inique detinere, quin a Cæsare sit
Colon. &
Monasterien-
sis oratio.
alla-

allatum remedium: jure igitur suo egisse, dum ad alia fœdera respicerent: Austriaca consilia magnas pro more Germaniæ calamitates portendere, bellum omne in patriæ perniciem attractura. Ita Ratisbonæ verbis certatum, nullo nisi ad asperanda odia emolumento.

Catholici plerique Episcopis velut de bello sacro applaudebant. Summus vero Pontifex petitas e Ducatu Mediolanensi & Regno Neapolitano sacerdotiorum decimas negavit, gratulatus Præsulibus fœdus, bellumque, pro causâ Dei susceptum. Quamvis postea, evolutis magis rebus, mutatus dicatur.

Borussus
accedit Cæsari.

Ex Ordinibus Imperii solus Fridericus Wilhelmus Elector Brandenburgicus (Friderici moderni Borussiæ Regis proavus) Clivenfis haud dubie Ducatus, cum Gallia in Neoburgicum videretur prœrior, periculo motus, adhæsit Cæsari, jam ante Batavis fœdere defensivo, quo 20000. partim suo, partim Hollandorum stipendio alenda, conjunctus. In hoc Principe, qui per pacem Westphalicam multis accessionibus auctus, provinciarum amplitudine omnes anteibat, momenti plurimum, in quam ille partem se verteret. Certe Batavi magnam in eo collocabant fiduciam, quod apud se educatus, Wilhelmi III. Auriaci amitam habuisset conjugem.

Quamvis
Galli consen-
sunt, eum
abstrahere.

Omnem Galli movebant lapidem, ut hunc Principem Batavis eriperent. Repræsentabant, quam maligno in illum Batavi fuerint animo, quam contemptim a factione Löwensteinia, dominantibus Wittis, cum Wilhelmo affine fuerit habitus, quam ignominiose, eorum potissimum opera, a Triplici Fœdere exclusus: quam inique Vesaliam, Embricum, Orsojam, prædiis suis occupatas detineant. Has ei restituendas adpromittunt, si neutras partes sequeretur, adsecturos Geldriam & Zutphaniam, si socius expeditionis esse vellet. Quid ipse solus a mente Ordinum Imperii recederet? Morem hunc esse Austriacis, Germaniam bellicis involvere, ut ad privatos suos fines pertingant. Ostentabant Clivæ & Westphaliæ pericula, atque in ipsum potissimum incubiturum bellum, si magni Regis indignationem provocaret. Accessit, a Colonienfi missus, Fürstenbergius, ut novos admoveret arietes: sed incassum omnia. Ambigue respondet omnibus.

Interim vero fœdere se jungit Cæsari in hæc capita: paci Clivenfi, Olivenfi, Aquisgranensi standum. Fœderato Belgio consulendum. Bremam adversus Suecum defendendam. In Religione nihil innovandum. Fœdus in decennium teneat. Idem etiam cum

cum Batavis Fœdere viginti millium exercitum partim suis, partim Reipublicæ sumptibus armavit. Et ita legem de non mittendis in Belgium subsidiiis, in *Capitulatione* Leopoldi Imperatoris propositam, Brandenburgus primus omnium antiquavit. (*Wagner ad Ann. 1672.*) Post annum deficiet a Cæsare, post biennium, pace cum Gallis violata, ad illum redibit, prout nempe rationes privatæ requirent.

ARTICULUS XV.

Expeditio Gallorum & Præsulum in Bataviam. Causæ belli. 31.
*Quod inchoant Angli contra Hollandos trino prælio navali. Iter Regis per terras Imperii. Clivæ urbes expugnat. Trajecto Rhe-
 no subactæ provinciæ. Restituta sacra. Præsulum progressus. Crispi famosi scriptoris. Liberati per pilam sacerdotes. Condi-
 tiones pacis. Rerum conversio. Causæ. Disceptatio in
 Comitii Imp. Ludovicus Bataviam deserit, &
 theatrum belli in Belgio Hisp. &
 Germania figit.*

Europa sic comparata Ludovicus Rex Batavis bellum indicit, publicatque ejusdem causas, fastum & superbiam gentis intolerabilem, coronatis etiam capitibus inambulantis, Europam his mercatoribus vectigalem & tributariam, cusa adversus Galliam Fœdera, aliasque, summa ingratitude, molitiones in illius perniciem, infames picturas in ludibrium Regis affixas, sparsasque satyras, summopere injurias: has justo ferro & necessario vindicandas. *Causæ belli.*

Et vindicavit sane. Centum armatorum millia sub signis habebat, alacrem & probe exercitatum militem; cumque Petrus Grotius, Batavorum legatus, qui præsens tunc adhuc aderat, interrogasset, quorsum tanta multitudo? Rex respondisse fertur, cogitare se, mures istos casco Hollandico nutrire, legatus vero reposuisse, in Hollandia multos esse catos. Et certe mures isti, ordine verso, devorassent feles Hollandicas, nisi alienæ sorores fuissent suppetias, & ab interitu illas vindicassent.

Angli in
Holl. Tria
prælia nava
lia.

Primi hostilem in Batavos vim exerunt Angli, dum illarum onerarias, Smirna cum mercibus redeuntis invadunt, Architalasso Duce Eboracensi; pugnatum dein ter navali prælio, æquo ferme Marte, Hollandis denique ad tutandos Zeelandiæ portus & littora, quo Angli respiciebant, se se recipientibus.

Iter secun
dum Rhe
num.

Rex Galliæ exercitum suum in quatuor partes distribuit, quarum primam ipse ducebat, assumpto legato Turrenio, alteram Condacus cum filio Principe Enguiennio, tertiam Crequius, quartam Luxemburgus: atque ineunte vere anni 1672. diversis itineribus e Piccardia, Campania, Lotharingia, per Leodiensem, Juliacensem, & Coloniensem agrum, in Clivensem Ducatum movit. Transcunt obviam veniebant Leodium, Colonia, Dux Juliacensis Philippus Wilhelmus cum filio Joanne Wilhelmo, atque Maximilianus Henricus Elector Colonienfis Dux Bavarix, cum Ego ne Fürstenbergio, Episcopo Argentinenfi, Gallicis partibus cum Fratribus Hermanno Bavaricæ aulae Præfecto, & Wilhelmo, impense addicto. Omnes magna amicitie significatione a Rege sunt excepti, & cum is viridi in cespite sub fronde pranderet, innumera multitudo Bonna, Colonia, Dusseldorpio, aliisque locis affluxit ad visendum tantum Regem.

Rex urbes
Clivix expu
gnas.

Postquam Colonienfis & Monasterienfis ultra viginti armatorum millia ad eum adduxerant, primus labor fuit expugnare urbes arcesque complures, quas in Germano solo ad Rhenum Batavi inique infidebant. Ereptæ illis in Clivensi provincia Orsoja, Burichium, Embrica sive Emericum, Lippiomunda, Reesæ, & quod caput est, Vesalia. Rhenoberga expugnata Colonienfi Domino suo tradita, & ut cum suis copiis libere in Batavos movere possit, Bavaro præsidio custodita. Mirum, brevissimi temporis spatium tot valida munimenta fuisse subacta, quæ annuum obsidionem latura crederentur. Applausum Regi Chronostico: LV D O VI CVs trIV Mphans. Cardinalis Bullionius, castra secutus, occupata ista loca expurgat, & Catholicam Religionem reducit. Ravensteinium quoque cum ditione, eo pertinente, Juliacensi fuit restitutum a Batavis.

Brew.

Rheno iis ex partibus jam asserto, suscepta fuit expeditio Batavica. Primum obicem posuit arx *Schenckia*, validissimum & situ & opere munimentum, a Martino Schenckio priore seculo constructum in angulo, quem Vahalis a Rheno divortium efformat. Sed præsentē Rege intra triduum fuit expugnatum, dicente, ut fertur, Helvetorum quodam, nongentos lux Nationis homines

mines tale castrum per annum contra centum virorum millia defensores. (*Brewerus ad Ann. 1672.*)

Majoris erat molis transitus Rhēni, quem Batavi ex altera ripa vehementer infestabant; evidus tamen est, vel emptus potius sanguine non modico, vulnerato etiam Condæo & occiso Longavillæo. Tum vero fugato Batavo, terrore perculso, in Zutphaniam, Velaviam, Betaviam, Geldriam Inferiorem, Transsalandaniam, Utrajectum expugnataque Nardena & Muda in Hollandia, ad Amstelodami usque conspectum iter signatum victoriis: percursum turbinis instar amplæ provinciæ. Captæ per diversos Duces Arnhemium Velaviæ caput, Zutphania & Utrajectum cum cognomine provinciæ; urbs hæc ad Episcopum olim pertinerat. Renovatum templum Metropolitanum a Bullionio Cardinale Catholicis usibus. Accefferunt Bommelia, Tiela, Teutiburgum, Amersfordia, Knottenburgum, Rhena, Vageringa, Wika, Duislerta, Genepa, Crevicordium, Gravia, Noviomagum, libera olim Imperii civitas, postea vero ad Burgundiæ Duces ac Belgii Principes, ad Batavos denique translata. In omnibus his Provinciis, urbibus, oppidis, Religionis libertas promulgata. Quo loco duo erant templa, jussu unum Catholicis reddi; sacerdotiorum quoque olim patrimonialia & Ecclesiarum bona jure postliminii imperata restitui.

Trajecto Rheno subacta provinciæ.

Restituta Imperii.

Interea autem Elector Colonienfis & Christophorus Bernardus de *Gablen*, ex antiquissima Westphaliæ Familia oriundus, Episcopus Monasterienfis, magnorum spirituum Princeps, assumpto fago, non minus strenue in Orientali Batavorum plaga, suisque regionibus contermina, bellum sunt profecuti.

Præfatum progressus.

In Zutphaniam provinciæ quippe & Transsalandaniam irruentes, Grollam, Borekeloam, Lochemium, Lingiam, Brevortum, Zwollam, Covordiam, Daventriam, Transsalandaniam Metropolim, munitissimas urbes expugnarunt, indeque conjectis in fugam Batavis, in Frisiam usque & Gröningam effusi, palmas & lauros merebant. Et hæc omnia a Gallis Præsulibusque præsentibus unius mensis, Junii nimirum, spatio sunt gesta.

Reducta ubique Catholicæ Religionis libertas, templa pro illius exercitio publico a victoribus postulata: bona Ecclesiastica ad pristinos suos Dominos redire jussa.

Brewerus.

Certe nisi aliunde sostaminata fuissent arma Catholica, spes optima affulgebat, intra illam adhuc ætatem totam subigendi Bataviam, miseramque æternum pereundi voluntatem eripiendi de-

Crisis de hoc bello.

cepto per infanos Præcones populo: ut adeo mirum sit, recentiorum quendam famosum scriptorem, in quo nihil nisi stylus nitet, nativa sua affectione (qua nulla major Historici labes) eo fuisse abreptum, ut non modo in rationem status profunde se immergens, magnorum Principum Catholicorum censorem mordacem ageret, sed in hanc etiam expeditionem Batavicam, in qua causa Dei & animarum agebatur, qua poterat, exæstuantis bilis vehementia audacissime inveheretur. Sit, quod non religionis sed regionis fuerit intentio (quod tamen præsumere non deberet) solitus tamen non raro Deus est, ex intentione, non semper optima, bonis omnibus optatos eventus elicere. Et nunquid? eadem audacia & carpendi libidine hoc omnibus Principibus posset obijci? Profecto, qui diceret, Ferdinandum II Imperatorem sanctissimum, non religionis, sed regionis amore, ad Balthicum usque mare Protestantium terras invalisse, impudens omnino foret, & temerarii homo iudicii.

Gnome alias bonæ mentis est, si factum non possis, intentionem excusare. Hic factum bonum est, & ex primis jam initiis effectus optimi sunt consecuti. Habita cultus Divini & animarum salutis cura, non attenda ratione politica, quod Anglia confœderata aliique Protestantes alienari possent. Quid ergo intentionem accusas? Accusabis etiam, quod Rex Ludovicus haud multo post, dum Protestantes exegit, Regnum suum tot millibus subditorum, artificum, militum, cum grandi ærarii detrimento, evacuavit? sed redeamus ad institutum.

Sacerdotes liberati.

Illud memorabile, quod, cum Præsules *Coverdam* oppugnant, prima pila in urbem injecta ceciderit in carcerem, in quo plures sacerdotes, ex *Westphalia* abstracti, detinebantur captivi, omnesque, igne viam faciente, evaserint incolumes.

Nulla erat provincia, quæ non fuerit vel ex integro occupata, vel ex parte saltem, nisi *Scelandica*, quæ Anglorum invasioni fuerat destinata; unde non tantum in iis, ad quas belli procella devenerat, sed etiam *Amstelodami* & *Roterodami* adeo fuit trepidatum, ut de cedenda certis legibus Republica jam deliberarent Ordines.

Quibus conditionibus pax promissa.

Missus in hanc rem ad Regem, in castris ad *Dœsburgum* versantem, *Petrus Grotius*, qui nihil jam amplius de multitudine Catorum in *Hollandia* loquebatur, sed supplici oratione pacem rogabat, ut mures cessent & feles & caseum rodere.

Rex istas condiciones proposuisse dicitur. Omnes extra septem provincias Regi tradant, cum Bomella, Crevicordio, & Löwensteinio: Coloniensi comitatum & civitatem Mœrsensem, Auriaco vero, ad quem spectat, alio modo jacturam compensent: Monasteriensi Grollam, Brevordam, Lichtevordam, Burcloviam in Zutphania, Schenckii & Neomagi munimenta diruunt. Gallicis navibus in portus Batavicos sine portorii sumptu intrare, licitum esto. Catholica Religio publice admittatur, & pro libero ac publico ejus exercitio in singulis Bataviæ civitatibus, ubi sunt plures Ecclesiæ, una Catholicis tradatur. Si autem una tantum fuerit, liceat Catholicis alteram pro se construere. Bona Ecclesiastica Melitenis, & Clero Catholico restituantur, non tamen fructus jam percepti. Catholici sine discrimine in senatum admittantur, neque ab aliis publicis muneribus arceantur. Omnia, Romano Imperio ablata, eidem redduntur, nominatim Principi Ostfrisæ Emda, & alia erepta. Gallix sumptus belli refundant, & quot annis oratorem Lutetiam mittant, gratias acturum pro hujus pacis beneficio. Ita Henricus Brewerius, scriptor Germanus ad annum 1672, cum quo finit decennalem suam Historiæ Brachelianæ & Tuldianæ continuationem.

Verum subito facta est magna rerum conversio. Sistebatur ulterior armorum progressus, erecti Batavorum animi. Causæ hujus tantæ mutationis variæ: in pluvias & imbres solutus Julius, *Rerum com- versio,* æggerum cataractis laxatis tellurem, alioquin paludibus plenam, inundabant Batavi: *Wittii* fratres, in quos culpa conjiciebatur, a furente populo atrociter discepti, Wilhelmus Auriacus dictus Gubernator: Gröningana, Ardenburgi, & Sylvæducis soluta obsidio: Coverda recepta a Batavis: imminentes cum exercitu Cæsar & Brandenburgus: quibus cum copiis selectis obviam missi Condæus & Turrenius, anima expeditionis Gallicæ, per tot etiam *Causæ,* urbium præsidia plurimum imminutus campestris exercitus, aliunde secundis quoque rebus accitus: ad proprios lares tuendos revocati Præsules.

Hac rerum facie sissi in medio cursu debuit victoria: Rexque in Galliam rediit; ubi triumphantis instar fuit exceptus. Exhibuit Hercules, Leonis Batavici testus exuviis, septicipitem Hydram ducens captivam, illamque, uno ictu decisis capitibus, conficiens.

Non multum recreabat Regem hæc imago, qui satis nosset, quam brevi exuviæ illæ sint detrahendæ, & Hydræ, si fas ita lo-

qui, capita sua sint renascitura. Nutabat foedus Anglicum, Parlamento bellum improbante, Cæsar, Hispanus, & Brandenburgus incumbabant humeris, periculumque aderat, ne & Danus, ac totum Imperium in se consurgerent.

Disceptatio
in Comitibus.

Quippe Ratisbonæ Cæsarei id non frigide urgebant: communem Imperio esse causam: Gallum per Leodiensem, Coloniensem, Juliacensem, Clivensem, Germaniæ terras, cum exercitu transiisse. Exceperunt Colonienfes & Monasterienfes, permittentibus harum provinciarum dominis id esse factum: Brandenburgicum vero se jam tunc Galliæ hostem fuisse professum. Batavos non transitum duntaxat aliquem copiarum innoxium fecisse, sed vi armata irruisse; invasas terras Imperii, captas urbes arcisque, & ultra seculum inique detentas. Si tanta cura terrarum Imperii, cur tanto tempore tolerati essent violenti incubatores Germaniæ, hodieum incubituros, nisi per Gallos fuissent depulsi, & sua Rhenanis Principibus restituta. Coleret pacem Imperium, aut, si tantus bellandi ardor, peregrinarentur arma, in Hollandos diuturnos Germaniæ hostes verterentur: sponsores se fore, nullum in terris Imperii hostem futurum: magnas jam res gestas in Batavia, venirent in partem optimæ victoriæ: Bataviæ provincias in foedere Anglo-Gallico alioquin jam Principibus potissimum Imperii esse destinatas: magnam enimvero rem in Germaniæ bonum præstiturum Cæsarem, si bellum & vastitatem e Batavia, aliena terra, in patriæ viscera & Belgium Hispanicum atrahat.

Eadem ferme Bavari, Juliacensis, Hannoverani erat sententia, imo & Brandenburgi, post transactionem, cum Rege initam, ut urbes Clivenses, prius a Batavis, postea a Gallis detentas, reciperet. Contra vero Danus, Cellenfis, Guelferbytanus, Hasso-Cassellanus in partes Cæsaris abeant, Hispano jam pridem foedere eidem adstricto; Anglo vero, armis positis, quiescente, Parlamento vero in Galliam armato.

Lud. Batavi-
am deserit.

Gallus, cum tanta in se foedera pangi cerneret, Cæsaremque priori jam anno ad Rhenum usque cum exercitu progressum, ut regni sui securitati consulere, Bataviam, remotam nimis, abdicandam censuit, eductisque ex quadraginta & ultra, quas ceperat, munitis urbibus arcibusque, prædiis, solam Graviam retinuit, cui Trajectum ad Mosam, anno 1673 expugnatam, adiecit, theatrum belli deinceps in Belgio Hispanico & Germania fixurus: ridentibus in sinum Batavis, mures Gallicos aliena ope
tam

tam cito a caelo suo devorando abstractos. Gallos vacuis manibus Batavia decessisse, utique non est credibile; quod autem crudelitate tam immani scivitum sit, qualem inter Christianos populos in nulla Historia sit legere, prout laudatus supra auctor scribit, alii scriptores non memorant.

ARTICULUS XVI.

Treviri Capti. Pugna ad Senefsam, ad Moncastellum, ad Montes.

Progressus Gallorum. Batavi pacis avidi, quam primi ineunt 32.

Neomagi. Acceperant Hispani, &

Cæsar.

Cum autem Galli cernerent, a Cæsare, & pluribus Imperii Principibus ad Rhenum bellum sibi moveri, limitaneas Germaniæ urbes, *Trevirim*, Alsatiæ civitates, aliasque occuparunt; exercitu sub Turrenio in Palatinatum & Franconiam infuso; ut Rhenum, Mænum, Mosellam & Mosam in potestate habeant. Unde irritati Imperii Ordines Cæsari plerique se addixerunt, prout in relatione Historica de statu Germaniæ prolixius disseruimus. Jam res Belgicas breviter persequamur.

Anno belli primo (1672.) Galli Bataviæ magnam partem occuparunt. *Alio*, ut milite prædiario adversus tot hostes uti possint, ex illa abscefferunt, *Gravia* duntaxat retenta & *Trajectum* multi sanguinis impendio expugnarunt. *Tertio* a Ludovico tota subacta Burgundia, confertaque, *Condao Dufore*, cum Cæsa neffani. *Pugna ad Senefsam*, quos Auriacus regebat, ad *Senefsam* in Brabantia tam atrox pugna, ut multa millia utrinque ceciderint. Non sanguinolentum prælium deremit, quo Galli, multis captivis & spoliis onusti, in castra recesserunt, fœderatis adhuc in acie stantibus: pars utraque victoriam celebravit. Alterum fœderati erant inituri prælium, nisi Souchius, natione Gallus, qui Cæsareos ducebat, se subduxisset. Exauthoratus propterea a Cæsare & in exilium missus, suffecto in ejus locum *Sporckio*. Auriacus vero post trimestrem obsidionem Graviæ cum multis, quæ Galli Batavia extulerant, spoliis recepit.

Quarto Gallis cessit Dinantum, Hujum, Limburgum, arx Gallie pro-Leodienfis, Thænzæ. *Quinto* Condatum & Buchainum Condæus gressus cepit:

cepit: eoque Turrenio, ad prosequendum in Germania bellum, fuspecto, Humerius Marechallus Ariam, Crequius arcem Bullioniam & S. Gilanum: Auriaco Trajectum frustra obsidente, damno maximo.

Pugna Mon-
castellensis.

Sexto in potestatem Gallorum venerunt Valencenæ, Cameracum, Audomarum: ad hujus obsidionem solvendam cum accurreret Auriacus, infelix bello Princeps, ab Aurelianensi Duce acie victus est, a Caroloregii etiam obsidione repulsus. Pugna illa, qua *Aurelianensis* Regis frater, *fœderatos* cecidit, omnibusque impedimentis exiit, *Moncastellensis* appellatur. Cæsi in acie 4000, capti 3000.

Pugna ad
Montes.

Nec fœderatis felicior Annus septimus belli (1678.) nam Galli jam initio Martii campum Martium ingressi Gandavum & Ipras, præstantes Flandriæ urbes, dum Batavi adhuc in hybernjs sternerent, occuparunt. Dum autem Galli Luxemburgio Duce Montes Hannoniæ obsidione cingunt, Auriacus, bellum, infelicitè gestum, magno facinore coronaturus, illos aggreditur. Pugnatum acriter dubio Marte in noctem: & recruduisset die altero prælium, nisi de pace, cum Batavis confecta, fuisset nuntiatum.

Dissoluto, propter interceptum maxime Fürstenbergium, Coloniensi legatorum conventu, jam anno 1675. *Neomagus*, sive Noviomagum, celebris Geldriæ provinciæ civitas, electus fuit paci sancientiæ locus. Cum Suecus in partes Galli secessisset, delatum conciliatoris munus Carolo, Angliæ Regi, qui neutras tunc partes sequebatur. Nec cunctanter, pacatæ Europæ gloriæ appetens, commissam sibi provinciam suscepit, misso Templo, viro acri & rerum agendarum experto, cujus industria pax etiam Bredana & Aquisgranensis coaluerat. Subsequitur Templo adjutor Arlingtonus, non minus Gallo quam Regi suo gratus.

Batavi pa-
cem qua-
runt.

Batavi, belli, ruinarum atque jacentis commercii pertæsi, cum cernerent, per immensos sumptus non aliud lucrum capi, quam ut quot annis Belgium magis magisque accidatur, Gallusque crescat, omni opera pacem sibi comparandam putabant. Obstitit Auriacus Gubernator, cui Rempubicam gerendam commiserant, sive quod nullam, sibi decoram, pacem iniri posse cerneret, sive quod gloriæ suæ vulneribus cicatricem obducendam speraret.

Ne tamen, aut apud Britanniarum Regem aut Batavos, in quorum animis propter tot clades jam viluerat, offensionem incurreret, tales pacis condiciones proposuit, quas a Gallo non admittendas

mittendas, videbat. Hispaniæ Rex Ducis Aurelianiensis filiam conubio sibi jungeret, cui Ludovicus Rex omnia, quæ a Pyrenæa pace de Belgio abstraxerat, in dotem traderet. Anglorum Regi, si talem pacem procuraret, ducenta librarum Sterlingarum millia præmium fore.

Sed non ea erat rerum facies, ut Gallus aliquid amittendi animum induceret. Ad causam insuper Fürstenbergii capti & Lotharingi, cui Gallia Ducis titulum negabat, negotium adhasit.

Annus 1676 Neomagi in determinandis ceremoniis fuit consumptus. Electores Imperii contendebant, legatos suos eadem solennitate, obviam procedendi, salutandi, sedendi, ac Venetæ Discepra- Reip. Regumque adeo legatos, excipi, & *excellentiâ* titulo honora- nes Neoma- ri; ut adeo Cæsari nulla honoris prærogativa relinqueretur. geses.

Similibus contentionibus annus sequens absumptus Neomagi. Angliæ legati, tanquam conciliatores primum, etiam ante Cæsareos, locum postulabant. Brandenburgico legato titulum Excellentiæ negabant. Hinc evitatus congressus, & per solos ferme Batavos internuntios omnia agebantur. Aderat etiam legatus Pontificis, quem Conciliatorem Anglis addi Cæsar volebat, prout in pace Monasteriensis factum: nec abnuerunt Gallus & Hispanus, ejusque opera sunt usi, quamvis, reliquis Protestantibus non admodum invitis, vehementer se opponerent Batavi.

Ventum tandem, suspensis contentionum parergis, ad rei summam. Damnorum compensationem pars utraque petiit. Galli Cæsari ac Brandenburgio pacem Westphalicam offerunt, Dano Hafniensem, Batavis Trajectum, cum Hispanis ex Interdicto *uti possidetis*, agere volebant.

Displicere vehementer hæ conditiones reliquis foederatis: solis Batavis placuerunt, Trajecto, maximi momenti ad Mosam urbe sic potituris, quam, si armis eripienda esset Gallis, ex foedere Hispanis tradi oporteret. Tegebant tamen adhuc silentio sua pacis consilia. Et sic dum Cæsar Lotharingiam, Alsatiam, Brisacum, Friburgum, restitui peteret, Hispanus nihil amittere vellet, Gallus omnia retinere, Suecus recipere omnia, Brandenburgus nihil reddere, actum est nihil.

Tandem anno 1678. quod dudum meditabantur Batavi, in privatam cum Gallis pacem consenserunt, melioris conditionis fore rati, qui primus paciscatur, quam qui ultimus. Quia vero magnam se apud confœderatos suos offensionem incursum fore

Parti IX.

A a

vide.

Batavorum
querelæ.

videbant, acerbe conquesti sunt, Cæsarem, Danum, Brandenburgum, Imperii Principes privatis suis rationibus consulere: Hispaniam inertem torpere, ab Anglia in illis Regem inter & Parlamentum motibus: nihil sperandum: totam ferme belli molem humeris suis incumbere: nonaginta armatorum millia Batavo stipendio ali: septenne hoc bellum pluris sibi, quam septuaginta annorum cum Hispanis bellum constitisse, nec alio operæ pretio, quam ut singulis annis propiorem finibus suis hostem haberent. Res ita esse comparatas, ut æstas imminens Flandriæ atque Brabantiae fatalis, perruptis jam aggeribus, merito timeatur: Brugas, Bruxellam, Lovanium, Mechliniam, Antverpiam, complementum Gallicæ victoriæ fore: præstare partem servare, quam totum amittere.

Primi pacem
ineunt, ut
Trajectum
recipiant.

Igitur Batavi ultima Julii, abrupto fœdere primi, ut *Trajectum* reciperent, subscripserunt paci, quam fœderati ut injustam, pactis juratis, Divinis humanisque juribus pugnante, sunt execrati: fœderatos, ac maxime Cæsarem unice propter Batavos gravissimum hoc bellum suscepisse, suaque omnia discrimini obtulisse, ut ab extremo exitio servarentur; jam vero hanc gratiam rependi, ut in socios fœderes telum retorqueatur, ab eorum cervicibus aversum. Ecqua hæc gratitudo? quæ fides? quæ san-
ctimonia fœderis? quæ sacramenti religio? documento id memo-
ri fore posteritati, quid spei reponendum in iis, qui fidem jura-
tam tam turpiter infregerunt: si annus 1672 rediret, quem ami-
cum habituros?

Querelæ fœ-
deratorum.

Sed quam justæ, tam inutiles erant hæc querelæ. Dicuntur legati Batavici, instigantibus Hollandiæ provinciæ statibus, & maxime Amstelodamensibus, Löwensteiniæ factionis, adhucdum gliscentis, consulibus, insciis statibus Generalibus, Hagæ Comitibus congregatis, hanc pacem præcipitasse. Sed hoc videtur incredibile. Si enim displicuisset, cur eam habuissent ratam? Cur acceptassent & confirmassent?

Amstelodami
descriptio,

Quamvis enim Hollandiæ provincia tantum dicatur ad onera publica contribuere, quantum omnes reliquæ sex provin-
ciæ, & Amstelodamum, mundi compendium, omniumque Natio-
num commercantium emporium, 50000 ædificiis, 200000 incolis,
4000. lapideis pontibus, interfluenti Amstelæ & canalibus imposi-
tis frequens, curia, qualem orbis non vidit, collybistarum men-
sis, portu, mille navium capace, immensisque opibus superbum,
quantum omnes reliquæ civitates ad Rempublicam conferre, eam
tamen

tamen ipsis esse auctoritatem, ut invitis reliquis provinciis, quæ etiam suas formant Respublicas liberas, & inficiis statibus Generalibus, qui ex singulis provinciis sunt delecti, atque Hagæ suos conventus habere solent, invito quoque Gubernatore, cui tanquam supremo terra marique Præfecto rerum agendarum clavum committunt, magni momenti negotia, quæ universam Rempublicam concernunt, qualia sunt belli pacisque arbitria, sua auctoritate possint tantam potestatem exercere, nemo est, qui crediderit. Sic enim reliquæ provinciæ non amplius essent liberæ, sed Hollandicæ subjectæ, aut isti duntaxat a consiliis, si penes solam essent rerum arbitria. Et Hollandicæ.

Imo, tamen omnes Batavi vulgo *Hollandi* appellantur, tamen in Comitibus Generalibus provincia Hollandica ne quidem primum locum occupat, sed sedent hoc ordine: Geldria, Hollandia, Zeelandia, Ultrajectum, Frisia, Transiselandia, Græninga. Ubi illud adhuc notari potest, tres esse Frisias, quæ confundi inter se nullatenus debent, *Occidentalis* nempe, quæ ad septentrionem projecta, est appendix Hollandiæ, eique situ adhærens unam cum illa provinciam constituit, sicut Zurphania cum Geldria. Altera est Frisia *Orientalis*, Principatus videlicet in Germania, ad Rom. Imperium spectans. Inter has media Frisia est una ex septem Batavorum provinciis, quæ longo tempore peculiarem Gubernatorem ex Domo Nassovio-Dieccensi habuit, qui propterea *Friso* cognominabatur, & Leovardix, provinciæ metropoli, sedem fixerat. Tres Frisias.

Sic neque cum memorata Geldria, Batavorum provincia, *Dux Geldria* quæ inferior dicitur, confundi debet Geldria superior, cujus diversa omnino est ratio. Etsi enim olim ad unum Geldriæ Ducatum utraque spectabat, superior tamen remansit in Hispanorum potestate usque ad hoc sæculum XVIII. quo inter Austriacos, Borussos & Batavos fuit divisa; primis cecit Ruremonda, secundis Geldria, tertiis Venlona, principes provinciæ urbes.

Confectam Gallos inter & Batavos pacem acceptare coacti sunt Hispani, in ea rerum suarum infirmitate tanto hosti sine Hollandis impares. Relinquere igitur in Galliæ manibus debebant totum comitatum *Burgundia*, & in Belgio nobilissimas urbes ac munimenta, *Cameracum*, *Valencenas*, *Ariam*, *Tornacum*, *Ipram*, *Audomarum*. Gandavum vero, Limburgum, Condatum, Buchainum cum reliquis hoc bello captis, exceptis memoratis urbibus, acceptare, quamvis metram,

bibus, restituta sunt a Gallis, optimo consilio multa occupantibus, ut pauca restituant.

Et Cæsar, desertus a sociis.

Sequenti anno 1579. etiam Cæsar, desertus a sociis, pacem *Neomagensem* iniit; cujus epitomen supra, ubi de statu Germaniæ, dedi.

ARTICULUS XVII.

Monumenta quadam, bella ista Belgica & Burgundica concernentia, ex actis publicis deprompta.

33.

§. I.

Q U Æ S T I O :

An Cæsari & Imperio fas sit, Circulo Burgundico contra Gallos succurrere?

Cum Galliæ Rex gemino bello post pacem Pyrenæam Burgundiam Belgiumque fuisset aggressus, quæstio in Comitibus Ratisbonensibus fuit agitata, an Cæsari & Imperio circulo Burgundico liceat succurrere? Affirmabant Cæsarei, negabant Galli. Sparsi ab utrisque in hanc rem libelli.

Galli ad Instrumentum pacis Monasteriensis, ejusque Art. III. appellarunt, ubi dicitur: *Circulus Burgundicus sit maneatque membrum Imperii, post controversias inter Galliam Hispaniamque sopitas in hac pacificatione comprehensus; bellis tamen in eo jam vertentibus nec Imperator, nec ullus Imperii status se immisceat. In futurum vero, si inter ea regna controversia oriantur, firma semper maneat inter universum Imperium & Reges, regnumque Gallia de mutuis hostibus non juvandis supra dicta reciproca obligationis necessitas.*

Supra dicta autem obligatio habetur Art. II, ubi sancitur, ut alter alterius hostes, præsentis & futuros, nullo unquam titulo, vel prætextu quocunque modo juvet, aut ullis copiis, quas contra aliquem hujus pacis consortem duci contigerit, transitum indulgeat.

Ex his, dicebant Galli, manifeste patere, Cæsari aut Ordinibus Imperii fas non esse, Hispanos aut Batavos adversus Galliam

lia Regem, pacis consortem, juvare. Cum clare statutum sit, ut neutra pars alterius hostes, præsentis aut *futuros* , quocunque titulo juvet: ut hoc locum etiam habeat, si *in futurum* inter ea Regna (Galliæ & Hispaniæ) controversiæ oriantur: ut bellis, in circulo Burgundico vententibus, nec Imperator, nec ullus Imperii status se immisceat.

Perspectum id satis fuisse Hispanis, qui propterea sint protestati contra II & III Articulum, conquestique, sic Burgundiam & Belgium solummodo nomine tenus haberi pro circulo Imperii. Ea tamen protestatione non obstante, paciscentes ad conservandam pacem inter Imperium & Galliam, eam cautelam esse necessariam judicasse, ac proin Instrumento insertam.

Ad hæc Austriaci respondebant, clarum esse sensum Instrumenti Monasteriensis: in eo transactum id tantummodo, ut in præsentis bello, hoc est, quod pacificationis tempore, & postea etiam cum Hispanis continuabatur, Cæsar aut Imperii status Hispanum non juvent. Perspicue hoc significari per verba: *Bellis jam vententibus* : sensum ergo dilucidum esse: durante quidem bello tunc Galliam inter & Hispaniam vertente (quod per pacem Pyrenæam finitum fuit) non esse assistendum Hispanis: at vero bello illo finito, sicut alios Imperii circulos consortem hujus pacificationis fore circulum Burgundicum, adeoque sicut alios circulos a consortibus defendendum, & ad quid esset Imperii membrum & circulus, si nullus unquam esset effectus?

Verba autem illa: *in futurum vero, si inter ea regna &c.* interpretationem a prioribus, ne illis sint contraria, accipere, ita, ut verus eorum intellectus sit: si in futurum inter regna Galliæ & Hispaniæ, tanquam externos, bellum orietur, e. g. si Gallus Cataloniam aggrediretur, quæ cum Imperio nihil commune habet, neutra paciscentium pars alterius hostibus opituletur: Burgundiæ vero circulum non esse exterum, sed membrum Imperii; ac proin, si ille invadatur, non inter regna, sed inter Imperium & Regnum Galliæ rem agi.

Hunc sensum aperte declarari per capitulationem Cæsaream, in qua Leopoldus Imperator Art. XIII promittit, in quantum circulum Burgundicum, & bellum, in eo *tunc, tempore inita pacis existens & adhuc durans* , concernit, Westphaliæ paci conformiter se gesturum, nec coronæ Gallicæ præsentibus ac futuris hostibus *exteris* auxiliaturum. Et Art. XIV nullatenus nos miscebitur in bella, quæ in Italia & circulo Burgundico *nunc* geruntur.

Duo hic dilucide contineri: primum, Cæsarem nunquam Galliarum hostes *exteros* adiuturum: secundum, neque Burgundiarum circulum (qui respectu Imperii non est Galliarum hostis exterus, sed ejus membrum) quamdiu hæc bellum, anno 1635 cœptum, durabit.

Et sane recta ratione suaderi, eum, qui promittit alterius hostes non juvare, non promittere, quod se ipsum, aut sua membra nolit defendere. Tale autem membrum esse Imperii circulum Burgundicum, jam a Maximiliano I. anno 1512. inter circulos comprehensum, & a Carolo V in Recessu Imperii 1522, maxime vero in *Transactione Burgundica*, anno 1548 Augustæ inita, atque in Recessum Imperii relata, per quam Imperator & Imperii ordines se obligarunt, ad Belgicas & Burgundicas circuli Burgundici provincias, tanquam membra ejusdem Imperii, non minus ac alios circulos, *defendendas, conservandas, fovendas, ac fideliter juvandas.*

Per Pacem dein Monasteriensem, centum post annis cum corona Galliarum confectam, hanc defensionem tantisper, quamdiu nempe bellum illud cum Hispania, tunc vigens, duraret, fuisse suspensam, sed nequaquam ultra finem illius belli, quod anno 1659. per pacem Pyrenæam fuit terminatum; tum vero, secundum expressum Instrumenti Monasteriensis tenorem, in pace comprehendendum, hoc est, sicut alios consortes pacis & Imperii circulos defendendum, & contra hostes quoscunque adjuvandum; prout in eodem Instrumento Art. III. sancitur: ut neutra pars alterius hostes juvet, *salvo asservationis Articulo infra* (num. 117.) *descripto.*

Eundem Instrumenti intellectum adhuc magis declarari, dum sexennio post (1654.) dum ipsi paciscentes adhuc vivebant, quibus mens instrumenti in recenti erat memoria, Cæsaris totiusque Imperii consensu civitas Bisontina Regi Hispaniarum pro Franckenthaliò fuit tradida, ea conditione, *ut inter circuli Burgundici provincias pari protectionis ab Imperio jure, vigore antiquorum patrum, possidenda existat, & comprehendatur.*

Quod autem ab adversa parte dicatur, Burgundicum circulum esse aridum & inutile membrum Imperii, id a veritate omnino alienum videri, cum non raro Rex Catholicus inde eduxerit exercitus, quibus res Imperii dubiæ sint stabilitæ, urbes, provinciæ, circuli integri aut servati Imperio aut restituti, nummi vero longe ultra Matriculam collati.

§. 2.

Fœdus inter Cæsarem & Brandenburgum anno 1672 initum. 34.

Post irruptionem Gallorum in Hollandiam, primi fœdus inter se pepigerunt pro hac atque Imperio defendendis Cæsar & Elector Brandenburgicus, Fridericus Wilhelmus, cujus hæc erant capita.

1. Maneat constans amicitia (*ad annum duratura.*)
2. Confirmatur fœdus decennale, jam antea initum.
3. Pax Osnabrugensis servetur illæsa.
4. Paciscentes Osnabrugenses & Hispanus possunt accedere huic fœderi.
5. Pax Pyrenæa, Clivensis, Aquensis conserventur illæse, ad defendendum Belgium Hispanicum.
6. Uti etiam transactio Electoris Colonienfis, cum Colonia civitate inita.
7. Sociabit in casum necessitatis pars utraque arma.
8. Pars utraque in hunc finem paratum exercitum habeat, pro tranquillitate conservanda.
9. Cum Cæsar cum aliquibus Principibus jam fœdus inierit, dabit operam, ut huic accedant.
10. Pars neutra possit facere pacem aut inducias sine alterius consensu.
11. Durabit hoc fœdus minimum per decennium.

Articulus secretus 1. Provideatur civitati Colonienfi. Congreget Cæsar 12000 armatorum, & totidem Brandenburgus.

2. Nihil ad rei summam pars una faciat sine altera.
3. Quoad religionem omnia relinquuntur in statu præsentis secundum pacem Westph.
4. Civitati quoque Bremensi servetur libertas &c.
5. Cæsareæ dignitati nullum præjudicium inferatur. Circa transitum & hospitationem exterorum serventur Imperii constitutiones.
6. Pax Westph. decernens, quomodo statibus bellum liceat, servetur.
7. Hispanus pro conservanda pace Pyrenæa & Aquensi congruum subsidium Electori conferat.
8. Curet Elector, ut Danus, Domus Brunsvicensis, & Cassellensis huic fœderi accedant.

§. 3.

§. 3.

35. *Fœdus Hagense inter Cæsarem & Batavos Anno 1672.*

Batavi, a Gallo invasi, rogarunt a Cæsare auxilium pro pace Clivenſi & Weſtph. conſervandis. Unde hoc fœdus iſtum.

- 1 & 2. Promittit Cæſar, ſe ultra 12000, cum Brandeburgicis conjungenda, totidem additurum, ſed ſub ſtipendiis Batavorum, in quæ conferent in ſingulos meſes 45 Imperialium millia.
3. Batavi exercitui Cæſareo Brandeburgico addent octo peditum millia: nec pacem facient ſine Cæſaris & Electoris conſenſu (*quod vidimus, quam ſancte obſervaverint.*)
4. Etiam finito hoc bello, maneat fœdus inter Cæsarem & Batavos, atque pars quælibet 12000 habebit parata ad mutuam deſenſionem, impenſis petentis auxilium alenda.
5. Parti utrique liberum ſit, pauciores copias petere. Comuni conſilio omnia agantur.
6. Neutra pars poterit aliud fœdus inire, quod huic derogat.
7. Hoc fœdus ad decennium duret. Acceſſit iisdem cum Batavis conditionibus Elector Brandeburgicus.

Eodem anno paulo poſt initum eſt *fœdus Brunſvicenſe* in triennium; inter Cæsarem, Danum, Brandeburgicum, Luxemburgenſes, & Caſſellenſem, pro deſenſione pacis Weſtph. & quietis in Imperio, determinato copiarum numero, a ſingulis conſerendo ad mutuam auxilium.

ARTICULUS XVIII.

36. *Unionum Systema Belgium quoque infeſtat. Inducia vicennales. Bellum ob cauſam Palatinam. Lud. Rex in Belgium. Montes & Namurcum capit. Luxemburgi victoria. Namurcum redit ad Hiſp. Bellum incendiarium. Pax Rifiſcenſis, Hiſpanis favorabilis.*

Unionum Gallicarum ſyſtema, mox poſt pacem Neomagenſem erumpens, Belgium quoque, Luxemburgenſem maxime Ducatum, afflixit, pati coactis provincialibus, quidquid Tornaſenſe tribunal decreviſſet. Multum proin terrarum ſine intereſſione creptum, Luxemburgum oppugnatum, Auriaci bona occu-
pata;

pata; sed Batavis factionibus scissis, Brandenburgis Gallis favente, & ne bellum illis propterea fieret, obistente, Principibus Germaniæ inter se divisis, belloque Turcico flagrante, *Inducias Vicennes* inire necesse fuit. (*vid. Germanica.*)

Exorto ob causam Palatinam & Coloniensem anno 1688 bello gravissimo, Belgium pro more pars illius non parva fuit, Gallo haud alibi lubentius, quam in illa munimentorum catena theatrum belli aperiente.

Causam & occasionem Hollandis bellum indicendi dedit Wilhelmus Nassovius Princeps Auriacus, Belgii Fœderati Gubernator, qui auxiliantibus Batavis cum classe 65. navium bellicarum, alioque apparatu in Angliam trajecit, ductis secum 30000 hominibus, adversus Jacobum II Regem legitimum suumque socerum. Belli causa.

Batavi, ut inexpectati hujus consilii rationem orbi probarent, Principum legatis Hagæ significant, assistere se oportere Gubernatori suo, qui in Angliam navigaret, nequaquam ut regnum invaderet, aut Regem throno suo deiceret, sed ut Nationi, legibus, libertati, religioni reformatæ, quam Jacobus eversum iret, succurrat. Verum Rex Jacobus non eversum ibat religionem reformatam, sed libertatem conscientiarum, quam Protestantes olim toties appellabant, permissam voluit. Neque Wilhelmum religionem in Angliam egit, sed coronam, obtentu religionis quæsitam.

Anno 1689. Humierus Franciæ Marechallus ad Waleurium a Waldeccio Principe, Hollandorum Ductore, clade affectus est, Rex Lud. in 1200 Gallorum cæsis. Humiero surrogatus *Luxemburgus* belli Imperator in Flandria, qui anno 1690. Waldeccio vices reddit, prope Carolo Regium 6000 Hollandorum acie cæsis, 7000 captis. Rex Lud. in Belg.

A. 1691. Rex cum Principibus Regii sanguinis, Carnutensis, Borbonio, Contio, Mainio, Tholosano, Vendomio & Marechal-lis, Luxemburgo, Duras, Fevillada, in Belgium progressus, *Montes Hannoniæ* expugnavit, antequam Auriacus (Rex Angliæ proclamatus) suos Anglos & Hollandos ex hybernis educeret. Leodium, quia receperat fœderatorum copias, ignibus missilibus a Gallis impetitur.

A. 1692. Gallis cessit *Namurcum*, præsentem iterum Rege, Luxemburgo vero oppugnationem cum exercitu protegente, ne Elector Bavarix & Auriacus eam possent solvere. Secutum est prælium *Stenkecanum*, quo cæsi fœderati ad septem suorum millia amiserunt.

A. 1693. *Bufflerius* Furnas capit, captis 4000 Anglorum: Land. pugna. Hujum *Villaregius*. *Luxemburgus Landeufem* reportat victoriam, cæsis fœderatis, & opima præda reportata. Carolo Regium *Villaregio* se deditit: Hollandis vero *Ponticherium* in *India Orientali*, præcipuum Gallorum munimentum.

A. 1694. Variis itineribus & mutatione castrorum finita promodum fuit in Belgio expeditio. *Wilhelmus* tamen *Auriacus*, raro exemplo, Hujum & *Dixmüdā* recepit. *Diepam* vero & *Portum Gratia* Classis fœderata ignibus infestavit, magno privatorum damno, nullo ad rei summam emolumento; nisi quod animi ferme magis, quam ædificia inhumano hoc belli genere accendantur. In *Dunkercam* quoque & *Morclavium* igniarius hic imber defævit.

Luxemburgo
succedit *Villareg.*

Namurcum.

A. 1695. Mortuo *Luxemburgo*, heroi eximio, successit in supremo exercitus Belgici Præfectura *Villaregius*, minus felix quam artium bellicarum peritus. Elector *Bavariae* & *Auriacus* *Namurcum* expugnaverunt, Galli decem millia, fœderati dimidio plures amisisse scribuntur. Postquam residui de præsidio liberi fuerant dimissi, detentus est *Bufflerius* *Mareschallus*, quod Galli præsidium *Dixmüdæ* contra deditionis pacta retinuissent. Memorabile etiam videtur, quod, dum Galli anno 1692 *Namurcum* expugnant, portæ urbis inscripserint hoc lemma: *reddi potest, vinci non potest*: nunc vero, cum fœderati idem munimentum oppugnatione cruenta recuperaverant, substituerint hanc epigraphen: *& vinci, & reddi potest*. Galli dicunt, quod expugnatio *Namurci* sit præcipuum opus, quod *Wilhelmus Auriacus* tota vita sua patrarat. Verum in eo perficiendo socium habuit *Maximilianum Emmanuelem* Electorem *Bavariae*, Heroem toto orbe notissimum.

Obiit hoc anno *Maria*, *Jacobi II* filia, Principis *Auriaci* conjux; qui tamen perrexit, se Regem *Magnæ Britannia* gerere: sed quo jure in regno hæreditario?

Bellum in-
gendiarium.

Villaregius *Bruxellas* ignibus infestavit, quibus tria domorum millia conflagrarunt. *Larreyus*, *Wilhelmi Auriaci* panegyrista, in sua *Historia Angliæ* propterea scripsit, nullam amplius esse *Gallia* politicam. Sed responderent Galli, se secutos Anglorum politicam, qui *Dunkercam*, *Diepam*, *Maclovium*, *Portum Gratia*, aliaque *Francia* littora, quantum in se erat, in cineres redigissent.

A. 1696. Angli & *Hollandi* eandem politicam exercuerunt in *Caletum*, centum domibus combustis, in *Insulam Rheam*, immis-

missis 4000 ollis igniariis, totidemque in Olonnam. His gestis expeditio maritima anni istius stetit. Terrestris in Belgio adhuc fuit sterilior, aspeclibus mutuis absoluta.

Anno 1697. postquam Catinatus, confecta cum Sabauda pace, in Belgium translatus Athum expugnavit, Rîsvici Gallus etiam cum Hispano, Anglo, & Hollando in pacem convenit, interlocutore Sueco.

Hispanis Rex Christianissimus restituit Montes, Caroloregium, Cortracum, Athum, cum locis, post pacem Neomagensem reunitis. Hollandis impositum, ut Marchionatum Bergenlem Pax Rîsvic ad Zomam Comiti Arvernæ, quem hoc bello possessione dejectant, restituerent, prout etiam Ponticherium in India societati Gallicæ Orientali. In favorem Angliæ Wilhelmus Auriacus agnitus Rex Angliæ, destituto Jacobo II Rege. Loca, utrinque ablata, reddita.

Mirati sunt multi, Ludovicum victorem tot urbes terrasque restituisse. At ille altiori e specula prospiciebat; ea Caroli II infirmitate nodum magni fœderis scissum volebat, Hispaniam Domui suæ conciliatam, maris potentes amicos, ut consiliis suis de Hispania viam complanaret.

Quamvis autem magnum Protestantibus gaudium asferret, quod, defecto Jacobo catholico, suo de gremio Princeps in throno Britannico esset firmatus, lætitiâ tamen temperavit dolor geminus, & quod Edictum Nannetense non fuerit, prout petierant & speraverant, restitutum, & quod Articulo pacis IV fuerit inserta, invisâ sibi, de qua alias, clausula. Anni sequentes impensi sunt partitionibus Monarchiæ Hispanicæ. Et prima quidem Hagæ facta, tribuitur Carolo Archiduci Mediolanum, Delphino Neapolis & Sicilia cum portubus Hetruscis & Guipiscoa, reliqua Monarchia Principi Electorali Bavarix: hoc vero mortuo altera divisione, suscepta Londini, Delphino adjecta est Lotharingia, Duci vero Lotharingæ Mediolanum assignatum, reliquum Monarchiæ Carolo Archiduci.

Quantum in omnem partem fuisset auctum regnum Galliæ, si partitione stetisset!



CAPUT V. DE STATU HELVETIÆ SÆCULO XVII.

SUMMARIUM.

37. *Instituta Congregatio Benedictino-Helvetica. Fœdus cum Henrico IV. Sabaudus Genevam tentat. Bellum in Valle Telina. Turbæ Religionariæ. Bellum intestinum. Vilmergensis Catholicorum gloria. Pax. Lix Episcopi Basileensis cum urbe. Lites Glaronensium compositæ. Calumnia Hottingeri in Card. Sfondratum. Supplicatio processionis a Sangallensibus turbata. Calendarii correctio. Turbæ Grisonica. Abbas Murensis creatus S. R. J. Princeps.*

Congreg. Benedict. Helvet.

Anno 1601 erecta est congregatio Benedictino-Helvetica, consilio & opera Joachimi Beroldingeri, Decani Einsidlenfis, primum inter Abbates St. Gallensem, Einsidlensem, Mura- num, & Fischingensem. His accesserunt Falerianus, Disertinus, Rheinaviensis, Engelbergenfis, Steinenfis. Hæc congregatio a Clemente VIII. aliisque Pontificibus approbata, multisque privilegiis fuit ornata. Certe ab eo tempore Regularis disciplina & doctrina eximie floruit. Et vero zelo explicando vel ipsi A Catholicis campum amplum aperuerunt, contra quos tot invicti deinceps heroes prodierunt

Fœdus cum Henr. IV.

Anno 1602. Helveti fœdus cum Henrico IV. Galliarum Rege renovarunt Parisiis in Ecclesia B. V. super sacris Evangelis iuramento præstito. Rex eis confirmavit privilegia, quibus fruebantur in Francia. Cantones Protestantes eam adjecere conditionem, ne arma ferre cogantur adversus homines suæ religionis, Catholici vero, ut continuare sibi liceat fœdus cum Mediolano & Sabaudia, si illud non vergat in præjudicium Franciæ.

Sabaudus Genevam tentat.

Anno 1603. Carolus Emmanuel Dux Sabaudiarum missis tribus armatorum millibus Genevam, cum Helvetis fœderatam, & sub Galliarum

Galliae protectione stantem, noctu intercipere conabatur. Jamque plures superato vallo mœnia conscenderant, atque in urbem evaserant, cum cives strepitu excitati, armis correptis, hostem repulerunt, pluribus interfectis captisque, aliis in fossam desilientibus, & vicam sibi ipsis adimentibus. Genevenses in sabaudicum agrum effusi, incendia & populationem propagabant; jamque ad bellum res videbatur vergere, cum a Rege Galliae feroces animi sunt conciliati. Dux factum per suum apud Bernates legatum excusabat, non fuisse intentionis suae urbem retinere, sed Gallos praevertere, qui eandem per Lediguerium fuissent occupaturi. Ceterum eam civitatem Episcopus Genevensis dicebat suam, Sabaudus eam sibi vindicabat, Genevenses liberam asserabant.

Anno 1605. Genevæ interit Theodorus Beza, dignus Calvinio Discipulus & in cathedra pestilentiae successor. Plures sunt scriptores, qui mortem ejus plenam desperatione referunt.

Anno 1610. Episcopus Basileensis cum septem Cantonibus catholicis foedus renovavit, ad tuitionem maxime Religionis, a Zwinglianis undique impetitur, quam etiam ex Vallesia extrudere omni ope collaborabant, prout ex Grisonia, Turgovia, Valle Rhœni &c. Münsterthalensibus jus civitatis Bernates dabant, ut hoc eos titulo contra Episc. Basileensem, Dominum suum, possent protegere.

In Vallesia anno 1614 in Episcopatum suae factionis hominem intrudere conati sunt. Anno 1618 etiam ex 4 Zwinglianis Helvetiae civitatibus Prædicantes in Dordracena synodo comparuerunt. 1619. Plurimum oppidum cum Schilono a collabente monte *Conto* in Grisonia penitus oppressum est, lacu inde emergente.

Anno 1620. Catholici in Valle Telina, a Grisonibus severe habiti, Wormium occuparunt, omnesque Calvinistas occiderunt. Miserunt illico Grifones Judices, qui in fontes animadvertant; & sectae suae Ecclesias erigant. Dux de Feria novus Mediolani Gubernator, a Catholicis imploratus, misit illico copias. Gallia, Veneti, Helveti causam communem fecere, non passuri, ut Hispania cum provinciis hereditariis Austriacis, quae sunt in Germania, tam facilem communicationem nanciscatur, miscebant se huic negotio; unde ortum novum bellum, interveniente summo Pontifice sopitum, saepius rursus exarsit. Convenit denique, ut Hispani & Grifones ex Valle Telina suas reducerent copias, nova propugnacula solo æquarent, & quidquid in detrimentum Religionis Catholicae esset introductum, tollatur.

*Bellum Val-
Telinae.*

Anno 1623 cum turbæ Vallis Telinæ necdum essent compositi, Hispanis adhucdum ibidem morantibus, provincia illa tanquam sacrum depositum Pontifici a Gallis & Hispanis fuit commissæ. Sed cum neque hoc consilium haberet constantiam, unio inter Franciam, Sabaudiam, & Venetias in eum finem fuit concepta, ut Hispani cogerentur Valle Telina decedere; & munimenta, quæ crexerant, diruere.

Anno 1624. Cantones Solodori coram Galliæ oratore congregati, copiam fecerunt Gallis conductoribus, per omnes provincias habendi delectus, eum in finem, ut Hispani ex Valle Telina depellantur. Datus etiam a fœderatis, Gallo, Subaudo, Venetis, Mansfeldio nervus belli, ut vires Austriacas distrahat.

Cævres igitur Marchio cum copiis Vallem Telinam ingressus, plura munimenta expugnavit. Tandem vero post tot annorum turbas & bella, quæ minora hæc Europæ portiuncula Europæos inter summos Principes excitavit, confecta est pax, anno 1626. a Regibus Galliæ & Hispaniæ.

In ea confirmatur Jurisdictio suprema Grisonum in Vallem Telinam, Religio item Catholica cum exclusione omnium sectarum, tam in Valle, quam Comitatibus adjacentibus, Bormiensi & Clavennensi. Valtellini ipsi magistratus sibi eligant, & Gubernatores. In signum tamen subjectionis Grisonibus pendant annuatim 25000 Scutorum.

Quia autem occasione belli Valtelini contra Genuenses etiam, Hispanorum socios, fœderati, (Galli, Sabaudi & Veneti) bellum gesserunt, delatus est Carolo Emmanueli Sabaudiæ Duci titulus Regis Cypri. Catholici Helvetiæ Cantones pacem approbaverunt, Protestantibus vero articulus de Religione displicuit. Grisonibus summa annua justo minor visa est, sed cum pax a summis Principibus esset confecta, acquiescere oportuit. Anno eodem (1626.) Heterodoxis Vallsia excedendum fuit, adnente potissimum Hildebrando Jost Episcopo, formato in comitiis Sedunensibus Ostracismo.

Anno 1629, cum bellum ob successionem Mantuanam arderet, Imperator, capta Mayensfelda & Curia, per Grisoniam, Colalto Duce, traduxit exercitum, Venetis alteram per Tyrolin in Italiam viam præpedientibus. Translatus in Mantuanum agrum Germanus miles, urbem ipsam principem, non minus munitam quam opulentam, intercipit, paludibus glacie concretis, expilatque,

que, Nivernensi & Estræo legato Gallico in Romanæ Ecclesiæ terras se recipientibus, anno 1630.

Verum eodem adhuc anno conclusa est in Insubria suspensio armorum, & Ratisbonæ pax.

Tempore belli Suecici Helveti neutras partes sunt amplexi; quamvis Zwingliani non una occasione desideria sua prodiderint. Rottwilam Wirtembergicus Administrator anno 1631 occupavit, & a fœdere Helvetico, cui anno 1519. se adjunxerat, abstraxit.

Episcopus Constantiensis & Abbas S. Galli causas matrimoniales suorum subditorum, eorum quoque, qui a Religione desciverant, ad forum suum Ecclesiasticum pertinere, omni jure contendebant; sed ii sub Tigurinorum alas se abdiderunt, in gradibus prohibitis Tiguri copulati, competenti foro se subtrahere, usurpationibus hujusmodi longævam consuetudinem prætexentes. In communibus præsertim Præfecturis tales, aliæque lites quam plurimæ agitabantur; unde perpetuæ in comitiis Badensibus & Francofeldensibus querelæ, & Catholicos inter & Protestantés Ordines contentiones. O quam alia fœderatæ & intime unitæ Reipublicæ fortissimæ facies, dum esset unius labii!

Turbæ Religionariæ.

Anno 1633. Lucernæ, (ubi, cum quidam incaute in voluminum nidum sclopum solveret, Augusta ad S. Leodegarii Basilica ad muros usque conflagraverat) Catholici Cantones cum Victore Amadeo, Sabaudia Duce, fœdus renovarunt, cum patre ejus & avo initum, ad defensionem mutuam.

Tigurinis multiplex frequensque contentio cum Anabaptistis. Profelytos illos efficere laborabant; sed cum disputando nihil cum illis proficerent, quavis parte Scripturas ad suos errores absque judice detorquebant. Quare ad vim, ad carceres, mortemque ipsam ventum: Anabaptistis ad libertatem conscientia, more Zwingliani & Lutherani ante hac usitato, frustra appellantibus.

Anno 1638. Glaronenses A Catholicis circa scholas, causas matrimoniales, Præfecturas, peregrinationes sacras varia in præjudicium Catholicæ partis innovarunt. Novatores hæc licita sibi esse prætendunt, non autem Catholicis antiquas consuetudines retinere. Eodem jure Patres Capucini ex catholicis etiam in Grisonia locis, prævalente Calvinistarum potentia, per summum nefas expulsi sunt. In Turgoia Frauenfeldæ Zwingliani novum sibi templum construxere. Querulabantur nihilominus perpetuo, sibi ab agno

agno aquam turbari; quod etiam anno 1655. factum, cum Dux Szbaudix Waldenses, perveraces suos subditos, castigaret.

Bellum Religionis. Tandem Religionis dissidia adeo exarserant, ut anno 1666. in apertam belli flammam erumperent. Quippe, dum Arthi, oppido ad lacum Tugiensem sito, quidam a fide delicerent, & Tigurum profugissent, Suicenses, ad quorum cantonem Arthum pertinet, reliquos de defectione suspectos Suicium perduxerunt, contumacesque aliquos, pro suprema sua & independente potestate, capite multarunt, subditos etiam suos, Tigurum profugos, repocentes, ni venirent, bona eorum hsec addicturi.

Tigurini vero, quibus se Bernates adjunxere, hæc Suicensium acta injuriam suam interpretantes, atque jus emigrandi, quod probare non poterant, prætendentes, bona profugorum depoccebant: & cum Suicenses, Tigurinis nihil in ditiones suas juris esse rati, leges nollent accipere, Tigurini aggressores ad arma versi, Rappersvilam, rupta pace, oppugnarunt.

Vilmergensis victoria. Lucernates, Uranienfes, Suicenses, Subsylvania, Tugienfes, injuriam non ferendam existimantes, vim vi retundere statuunt, atque ad *Vilmergam*, oppidum in libera provincia, 24. Jan. cum hoste congressi, insignem ab eo victoriam reportant; in cujus memoriam & debitam gratiarum actionem 23 Januarii quot annis Lucernæ solennis per urbem supplicatio sub vesperum instituitur.

Difficile tunc non fuisset Catholicis tantæ victoriæ, quæ 2000 Bernatum in acie cæsa, 500 capti referuntur, fructus legere, nisi pacis & Reipublicæ universæ amor manum cohibuisset. Annitentibus igitur Cantonibus Friburgo, Solodoro, Basilea, Scaphusia, Glarona, Abbatiscela, quæ neutras partes fuerant secutæ, pax confecta est, ex qua victores victosque non dignosceres; neque enim Catholici quidquam aut terrarum, aut novi juris sibi vindicabant, sed pacem & quietem, toties ab A catholicis turbatam, respiciebant: digni profecto, qui versâ deinceps armorum fortuna eandem animorum æquitatem experirentur.

Pax. Sanctum, ut quilibet Canto in sua provincia & ditione suæ religioni & supremæ Jurisdictioni atque dominio, absque turbatione, quietus relinquatur. In communibus provinciis (uti Turgoia, Valle Rhenana, Comitatu Badensi & Sargentino) Religio *antiqua & vera* integra & illæsa conservetur. Si qui vellent in alium Cantonem, præsertim si ibi diversa est Religio, emigrare, integrum sit loci dominis, contra tales subditos discessuros pro arbitrio procedere.

Verum

Verum ea pax, Badenæ inita, impedire non potuit, quo minus Tigurini novas in Turgovia Catholicis, & Abbati præsertim S. Galli molestias facerent, civi quoque Frauenfeldensi, ad avita sacra reverso, liberos abstractos in suæ ditionis terram abducerent; quos tamen, intervenientibus Catholicis Cantonibus, restitui oportuit.

Lis Basl.

Major cum Basilea erat controversia; nam post Edictum Restitutionis a Ferd. II Imperatore anno 1629 promulgatum, Episcopus Basileensis Ecclesiam Cathedralem, a civitate injulie ereptam, repetiit; Cæsar vero Electori Bavaræ, & Archiduci Leopoldo executionem commisit. At mutata dein armorum fortuna negotium Edicti urgeri non satis poterat. Episcopi nihilominus justæ petitioni porro insistere; nam Joannes Conradus aliique anno 1663. rursusque anno 1672. tum Ratisbonæ apud Cæsareos & Gallicos legatos, tum etiam in ipsa urbe Basilea jura sua sunt persecuti. Verum urbs obtentu Pacis Westph. & possessionis vindicationem elusit; quamvis annus normalis, in pace West. fixus, ad sola membra Imperii, a cujus nexu Basileenses jam anno 1501 se absciderant, pertinere, possessio autem absque justo titulo mala fide cœpta continuataque, nunquam fuerit quieta.

Anno 1679 Chavignius, Gallicus Genève legatus, in suo facello Missam celebrari curavit, ad quam etiam exteris aditum concessit. Ingens mox in urbe fremitus: cingitur a furiosa plebucula Domus legati: exploduntur sclopi. Sed legati constantia se minime a sanctis & generosis cœptis absterri passus est.

Nec minus animose Catholici Glaronenses eodem tempore, Glaronensis ringentibus heterodoxis, Patres Capucinos introduxerunt. Cum autem varia etiam alia dissidia orirentur, Cantones sex sequentes articulos proposuerunt, anno 1683. 1. Pars quælibet in civilibus & criminalibus suæ Religionis subditos privative judicet. 2. Si lis vertatur inter Catholicum & Acatholicum, pari numero ex utraque parte sint Judices. 3. Glarona unus indivisus Canto permaneat, atque pro negotiis exteris, & communibus, cum locis confederatis, atque pro communibus dominiis curiam communem habeat, ibique votum commune concipiat. 4. In expeditionibus provincialibus pars utraque suos ducat. 5. Dies Dominicos & Festos pars utraque observet.

Quando Rex Galliarum & Dux Sabaudiarum Calvinistas ditionibus suis expulerunt, dici non potest, quantos conatus Tigurum & Berna, ut id impedirent, opposuerint: quot legationibus & interces-

Part IX.

C c

lion-

sonibus actum! quanta devotione hos, ut dicebant, pro Evangelio exules exceperint, foverint, atque Brandeburgo, Hollandis, Hassiæ Principi commendarint, armis & argento instruxerint, ut per stratas Domini sui copias vias ad reditum rimari possent. Nempe filii tenebrarum prudentiores &c.

Anno 1693. Bernæ Anabaptistæ invaluerant, prout ab uho errore ad alterum facilis est transitus. Verum senatus exilium, triremes, necem in eos decrevit, præsertim si sint prædicantes; nec proderat eis, quod ex Bibliis se vellent defendere.

Anno sequenti prope erat, ut ad arma veniretur; nam cum Wartavii, in Sargantino comitatu, qui ad septem antiquiores Cantones spectat, jam plures essent Catholici, Gubernator dedit illis sacerdotem Catholicum, jure vetustissimæ possessionis, & pacis tractatibus nixus; sed tota vi se opponebant Acatholici, donec tandem, Ameloto Gallico legato interveniente, lis fuit composita, reservato Catholicis suo jure.

Cum exeunte sæculo XVII. Cardinalis Sfondrati, viri doctissimi, qui Abbas & Princeps S. Galli ante fuerat, *Nodus Prædestinationis Dissolutus* in lucem prodiiisset, Præcones etiam Tigurini, fatali necessitate prædestinationis effectus definientes, nodum adhuc in scirpo quærebant. Hos inter Joannes Jacobus Hottinger, in Helvetica sua Historia, vel potius insulsa fabula, & calumniola in Catholicos satyra, quam Tomis quatuor est complexus, ad annum 1695. scribere non veretur, duos Archiepiscopos & tres Episcopos librum Cardinalis Sfondrati *ut gravibus scitentem erroribus* apud Pontificem accusasse.

Honesti scriptoris fuisset, Archiepiscopos istos & Episcopos in tam gravi accusatione nominare saltem, ut aliquid probaret; sed de probatione hic homo non est sollicitus; sufficit illi, ut in plurimis aliis, calumniari, ut aliquid hæreat. Dos insignis profecto Historici! vel citat Hospinianum aliquem mendacem, aut Henricum Hottinger venerabilem suum parentem, aut alium Prædicantem Tigurinum, cacabus ollam. Catholicos ubique ceu homines inquietos & pacis perturbatores exagitat, Patres præsertim Capucinos, quia in Helvetia & Grifonia fidem orthodoxam strenue propugnant; ipsum S. Franciscum Salesium ceu virum levissimum traducit. De Catholicorum Vilmergeni victoria vix mentionem facit. Militibus ante invasionem Genevæ extremam unctionem impertitam, promissumque, eos per eandem scalam, quam mœnibus applicarant, in cælum ascensuros nugarur.

Car-

Calumniæ in
Card. Sfondrati.

Cardinalem Sfondrati in suo Nodo Dissoluto docere ait, infantes in utero materno mortuos, majori frui beatitudine, quam si in cælum essent recepti: eos cælo excludi propter peccata parentum. Falsissimum autem est, tales doctrinas in Sfondrati libro reperiri. Aliud est, quod propter culpam parentum non perveniant ad Baptismum, aliud, quod propter illam cælo excludantur, cum propter peccatum originale excludantur; quæ certa Sfondrati & omnium Catholicorum doctrina est.

Postquam Cælestinus Sfondrati anno 1655 ad Purpuram Romanam advocatus, Principatum St. Gallensem deposuit, 10 Jan. 1696. in Abbatem electus est Leodegarius Bürgefer Lucernensis, Decanus antea Monasterii, cui mox urbs St. Gallensis, quæ minime debuit, molestiam intulit: & injuriam publicam, persimilem illi, quam olim Abbas ad S. Crucem a Lutheranis Donawerdæ est perpassus.

Cum enim anno 1697. Festo Inventionis S. Crucis Monasterium piam supplicationem pro veteri more per urbem S. Gallensem educeret, Zwingliani crucem deponi imperant, cumque Catholici nihilominus illam, aliquantum elevatam, præferrent, cives correptis armis processionem & Monasterium infestant.

Supplicatio
S. Gall. tur-
bata.

Graviter, ut par est, Abbas Princeps eam violentiam tulit, nihilque a vetustissima consuetudine alienum, nihil contra conventiones actum asserens, satisfieri sibi pro injuria petiit. At Zwingliani ad vim reversi, occluserunt civitatis portas, ac erectis novis operibus, mœnia machinis tormentariis armarunt, donec quatuor Cantonum Protectorum Legati arma poni jusserunt, atque deinceps crucem ante pectus erectam per urbem portari. Condemnata etiam est urbs in expensas.

Postquam Protestantes in Germania ultra centum annos adhuc errare maluerant in computo Ecclesiastico, quam correctionem Calendarii Juliani admittere, religioni sibi ducentes, aliquid, quod a Papa provenit, quamvis sapientissime esset constitutum, & necessitas publica exposceret, admittere; anno tamen 1699 30 Dec. vel invitati a Papa didicerunt, qua ratione quoad substantiam emendandum sit Calendarium, atque, ut exemplum suum sequerentur, hortati sunt A catholicas quatuor Helvetiæ civitates.

Calendarii
acceptatio.

At illæ, cum adhuc tenerioris essent conscientiæ, per annum salubre negotium distulerunt, donec omiſſis 11 diebus, annum 1701 a 12 Januarii sunt auspiciatæ. Glarona vero, Abbatiscella (quoad partem A catholicam) urbs San. Gallensis, & Grisones,

nes, Juliano aberrante uti perrexerunt, cum non modica rerum confusione.

Turbæ Rhodice.

In Grisonia Calvinistæ sub initium seculi XVIII. in apertam rursus viam adversus Catholicos eruperunt. Sagenæ, pago, horæ spatio distante Ilancio, plerique erant Catholici; sed Calvinistæ paulatim irrepentes, privato sectæ suæ exercitio non contenti, templum sibi construere moliebantur. Catholici, eam novitatem conventionibus patriis ac juribus suis pugnare, contestantes, se opponabant. Quare ad tria Novatorum millia, ex vicinis locis concursantium, armata manu Catholicos Sagenæ adorti ac direptione & cædibus sævientes, Catholicos incolas sedibus suis expulerunt.

Intervenere tamen Deputati ex utraque Religione, qui statuerunt, ut Acatolici intra privatum in domibus suis exercitium, sicut hæctenus, se continentes, a templi molitione desisterent, infantes, non baptizatos, in communi cœmeterio sepeliendi jus habeant, Parochus vero loci, cujus zelum Heterodoxi maxime accusabant, cum alio commutetur. Catholici Sagenenses hac transactione, in quam oborto velut collo essent rapti, enormiter se gravatos querebantur; multisque in aliis etiam locis erumpentibus discordiarum incendiis, in Comitibus popularibus, procellosi instar maris æstuantibus, non raro ventum ad verbera, manu, quam ad suffragium attollere debuerant, in cædes pruriente.

Murenfis Princeps.

Anno 1702 Placidus, ex Illustri Tugienfi Familia Zurlauben prognatus, Monasterii Murenfis Abbas, ab Imperatore creatus est S. R. J. Princeps. Displicuit initio hæc res Cantonibus Helvetiæ, maxime Acatolicis, quemcunque Catholicorum splendorem sibi umbram facere autumantibus. Respondit Placidus, hanc dignitatem a se nullatenus quæsitam, sed a comite Trautmansdorffio, Cæsareo ad Helvetos legato, Imperatoris nomine inopinato sibi fuisse oblatam. Monasterium Murense esse fundationem Domus Habsburgo-Austriacæ, repudiationem gratiæ, ultro oblata, ingratitudeinis & contemptus speciem præferre.

Cæsar Leopoldus amplum Diploma impertivit, in quo memorat, hanc Domum Dei, a suis Progenitoribus fuisse fundatam, dotatamque, atque ab ea insignia Familiæ suæ totique Romano Imperio obsequia fuisse præstita; dignum proin esse Placidum ejusque successores, ut Principum Imperii Dignitate ornentur, cum omnibus prærogativis & honoribus, huic Dignitati annexis, utque hæreditaria officia, Mareschalli, Camerarii, Pincernæ, Dapiferi possit erigere, & quidem Mareschalli munere semper senior Familiæ

liz Zurlaubianæ, Baronum ad Turrim & Gastellenburgum infeudetur. Assumit denique Cæsar Placidum ejusque Monasterium & bona sub specialem protectionem Romani Imperii.



CAPUT VI.
STATUS ANGLIÆ
 Ecclesiasticus & Politicus
SÆCULO XVII.

39.

ARTICULUS I.

Status Anglia sub Jacobo I.

§. I.

Jacobi Regis initia. Conciliabulum. Ejus Decreta. Persecutio Catholicorum.

Postquam anno 1603 mors sustulit Elisabetham Reginam Angliæ, Parlamentum Jacobum VI Scotiæ Regem, Mariæ Stuartæ filium, Henrici VIII Angliæ Regis ex sorore Abnepotem, Regem dixit, sub nomine *Jacobi I magna Britannia Regis.*

Catholici spem optimam de hoc Principe, e Catholicis parentibus nato, & a matre pie educato, conceperant; unde porrecta libello supplicii libertatem Religionis rogarunt.

At licet initio clementiam præstulerit, libertatem sacrorum pollicitus; quia tamen hæreticum virus jam imbiberat, qualis esset, brevi demonstravit.

Quia autem Episcopalia potissimum sectæ se addicebat, Conciliabulum eorum instituit, illique præfedit. 141 Articuli in eo sunt conditi, Presbyterianis & Puritanis in Anglia, Calvinistis in Gallia & Hollandia maximam partem contrarii. Quippe in illis statuabatur, Regem esse caput Ecclesiæ Anglicanæ, Episcopos, ^{Synodus Epi-}scopalia.

Presbyteros, Diaconos solenni ritu esse consecrandos, certos dies festos colendos, statuta jejunia servanda, Litanias cantandas, ad nomen Jesu genua flectenda, vestitum Ministrorum in Ecclesiis retinendum, in baptismo formandam crucem, confirmationem administrandam, confessionem auricularem adhibendam.

Sequenti anno idem conventus instaurabatur, in quo Rex proposuit 1. sibi videri, Confirmationem, velut complementum Baptismi esse retinendam. Respondit Archiepiscopus Cantuariensis, Confirmationem semper ab Apostolorum ætate in Ecclesia fuisse usitatam. Consentiebant alii Episcopi.

2. Absolutionem privatam a peccatis pariter retinendam, quia & ipsa ab Apostolorum tempore descendat. Episcopi rursus consenserunt. 3. In casu necessitatis etiam a laicis extra templum conferri posse baptismum. Responderunt Episcopi, antiquissimum hunc usum esse, *Act. 2*, dum uno die 3000 baptizarentur, exercitum.

Jacob. persecuitur Cath.

Murmurabant quidem contra hos articulos Calvinistæ, sed a Rege ipso confutabantur, qui addidit, ex omnibus Bibliorum versionibus nullam pejorem esse Genevensi, omnesque glossas, marginales & interlineares, plenas falsitatis & seditionis esse.

Ne autem Calvinistæ turbas cierent, gratum quid iis præstandum judicavit, gemino edito Decreto; quorum primo omnibus sacerdotibus Catholicis sub pœna capitis exilium indicitur: altero omnes Angli, qui extra regnum in Seminariis viverent, revocantur. In Jesuitas maxime inquiri jebetur, prohibeturque sub gravi pœna, ne quis eos tecto excipere audeat, cum severo mandato illos denuntiandi.

§. 2.

40. *Conspiratio Pulveraria. P. Garneti mors. Novum Juramentum, a Rege exactum.*

Conspiratio Pulveraria.

Cum Catholicis nulla superesset spes Religionis libertatem obtinendi, injuste se invasos belloque velut petitos rati, defensionem sui opponere decernunt. Octo præsertim Nobiles Juvenes, quorum Caput *Robertus Catibegus*, stirpe & corporis forma præstans, conjurant in facinus atrox, horrendum, impium, quod, eventum licet fuisset nactum, nemo sanus comprobavit.

Præ-

Præstituta erat dies frequenti in palatio Westmonasteriensi habendo regni senatui. Totam igitur subvertere ædificii molem statuunt. Vicinam in eam rem domum conducunt, indeque subterraneos ad palatium agunt cuniculos, eosque implent pulvere pyrio, quando Rex cum Parlamento collectus esset, incendiando, ut una omnes ruina contumulet.

At eventu intento caruit immane consilium; nam antequam Parlamentum conveniret, quidam ex conjuratis ad Montagium, senatorem Catholicum, scripsit epistolam, tacito nomine suo locoque, ac monuit, ne eo die in Parlamento compareret. Detegitur.

Montagius hanc schedam Comiti Sarisburio, intimæ admissionis Ministro, tradidit, & iste Regi. Qui pestem subodoratus inquiri iussit, deprehensoque opifice in cella, & in carcerem ducto, tota conjuratio fuit detecta.

Conjurati Londino diffugiunt, & Catholicos per provincias dispersos ad arma concitant; sed vix centum colligere poterant. Resisterunt tamen insequentibus Regiis. Sed Catisbeyo cum aliis quibusdam cæso reliqui Londinum victi abducti sunt, atque senatus sententia mortis supplicio affecti. (1606.)

Quamvis autem conjurati, severe examinati, uno ore negassent, nullum sacerdotem conspirationis fuisse conscium, atque ea per duos menses publica fuisset persuasio, Calvinistæ tamen nihil omiserunt, quo Jesuitas in suspensionem possent trahere. Tres autem ex illis, Garnetum, Grienwelum, & Odoenum, quamvis nullum sceleris indicium appareret, reos egerunt, parricidas reque proditores proclamantes.

P. Henricus *Garnetus* e latebra extractus Londinum capti- Garnetus.
vus abducitur, ibique, quamvis nulla ratione convictus aut crimen ullum confessus, ad mortem condemnatus, suspendio fuit enecatus: moxque per totam Europam fama dispersa, quod tanquam complex imo auctor meditati parricidii interierit. Verum Deus etiam miraculo innocentiam servi sui comprobavit; nam spica, sanguine ejus tincta, effigiem Garneti perspicue exhibebat; id quod multorum, ipsius etiam Hispanici legati oculis fuit subjectum, fatentibus pictoriæ peritis, nulla humana arte talem effigiem in festuca effingi posse.

Ad eandem mortem condemnatus fuit P. Edvardus *Olkor*. *Olkornus.*
nus, non alia ex culpa, nisi quod Jesuita fuerit; de cætero nullum indicium, nulla probatio delicti. Nicolaum *Odoenum*, Societatis *Odoenus.*
Fratrem laicum, gravi hernia laborantem, contra jurium placita
in

in equuleo suspenderunt, tantaque crudelitate torserunt, ut visceribus effusis exanimis concideret. Neque hic criminis alicujus fuit inventus reus.

Conspiratio illa, quæ *Pulveraria* dicebatur, sicut nefarie & insipienter fuit concepta, ita alios fructus non intulit, quam ut acerbiora in Catholicos decreta ferrentur. Ingens quippe multa iis fuit imposita, qui ad Cœnam non accederent, aut ad templa, aut preces publicas. Omnes Catholici arcentur a publicis muneribus, & ab ipso etiam Regis vel aulae accessu. Bona illorum, qui in ultramarinis seminariis educantur, ærario Regis addicuntur.

41.1. Hæc pluraque id genus alia minus adhuc gravia visa sunt, quam illa, quæ novo & inaudito juramento promittere jubebantur. Octo articulos illud complectebatur.

Juramentum novum.

1. Quod Jacobus sit Rex legitimus.
2. Quod nec Papa nec ullus alius possit eum deponere, aut subditos ejus a juramento fidelitatis aut subjectionis absolvere.
3. Quod, non obstante quacunque excommunicatione, aut absolutione Papali, fideles & obedientes esse velint.
4. Quod toto corde abominentur tanquam impiam, hæreticam, & execrandam doctrinam, Principes, a Papa excommunicatos, aut depositos, posse occidi, a subditis, aut juribus suis privari.
5. Quod nec Papa nec alius potestatem habeat, hoc juramentum relaxandi.
6. Quod hoc juramentum legitima auctoritate imponatur, omnisque contraria dispensatio & exceptio sit rejicienda.
7. Quod hoc juramentum emittant sincere absque ulla reservatione aut restrictione mentali.
8. Quod jurent libere, vere, fideliter, absque dolo.

Hoc Juramentum grandes difficultates, discordias, turbasque inter personas Ecclesiastici ordinis excitavit. Quidam enim cum Patribus Societatis illicitum dicebant: quidam in medio consistebant; potissima vero eorum pars licitum putavit, & duce ac hortatore Georgio Blackvelo, Archipresbytero, illud præstitit.

Improbatur.

Blackvelus.

Paulus V. ad Catholicos in Anglia rescripsit, hoc juramentum nullatenus edi posse sine læsione Divini honoris & conscientiæ. At *Blackvelus* Pontificis litteras promulgare recusavit, ceu sub- & obreptitie a Jesuitis impetratas, sed Papa alteras addidit; Bellarminus etiam & Suarez scripserunt contra Regem Angliæ, atque juramentum istud. Verum Rex ipse aliique replicarunt, non satis at-

tenden-

rendentes potestatem clavium, a Christo concessam Petro ejusque successoribus, & ipsos etiam Principes esse inter oves Christi, pastoralis baculo Petri subiectos. Atque has inter controversias annus 1607 fuit evolutus.

Juramentum, quod diximus, cum emittere detrectaret *Thomas Garnetus*, Henrici nepos, ad furcam ductus est; ubi Societatis Jesu sacerdotem se professus, atque Catholicos ad constantiam adhortatus, gloriosam mortem pro fide subiit. At non se continuit intra Angliam tyrannis atrox, in Hiberniam quoque progressa & Scotiam complures e Clero sæculari & S. Francisci Familia Martyres cælo transmisit. Thom. Garnetus.

§. 3.

Heroicum certamen P. Joannis Ogilbæi.

Verum illustrius nihil fuit, quam Joannis Ogilbæi fortitudo intrepida, primæ Christianæ ætatis heroem referens. Natus is erat in Scotia nobili genere, atque in patriam redux, cum aliquanto tempore conversioni animarum insudasset, proditus caputque ad Archiepiscopum Glascoviensem ductus est; a quo examinatus, variaque interrogatus, tanto ingenii excitati acumine, tanta prudentia, eaque in gravissimis quoque tormentis infracta constantia respondit, ut vel ipsos hæreticos in admirationem raperet, & pudore suffunderet. Inter alia quærebant, cur in Scotia Ogilbæi exitium venisset? ut illam ab hæresi revocaret, responderet. *Ille*, quam authoritate id faceret? Divina, sedisque Apostolicæ, inquit. *Ille*: crimen esse læsæ Majestatis, asserere, quod Papa Romanus potestatem hanc habeat. *Ille*: Articulum fidei esse, quod illam habeat. *Ille*, an Papa possit Regem deponere & dignitate sua privare? *Ille*, legitimum Regem sanctæ Ecclesiæ obedientem non posse deponi respondit. *Ille*: quid autem, si fieret hæreticus? *Ille*: ad hoc se nolle respondere: Doctores consulere. *Ille*: ediceret, quid ipse sentiret. *Ille*: se non esse Judicem inter Papam & Regem, reponit.

Ad conspirationem deinde pulverariam delapsi, quid de ea sentiret, interrogant. Se illam detestari, respondit. At Jesuitas fuisse complices, inquirunt. *Ille*: malignarum mentium figmentum hoc esse, nullo teste probatum, ab omnibus reis negatum. *Ille*: ex Jesuitarum doctrina sequi patricidia, negavit Ogilbæus; & ex Wiclephi aliorumque hæreticorum doctrina illa sequi asse-

Part IX.

D d

ruit:

ruit: addiditque, conſpirationem Londinenſem fuiſſe paucorum Nobilium: at vero inſtinctu Miniſtrorum Regem, quod in Catholicos videretur clementior, in curia Edenburgenſi occidendum fuiſſe a populo Calviniano, niſi Prætoriani milites eum defendiſſent.

Episcopuſ poſt hæc ejuſque aſſectæ plura de P. Henrico Garneto ingerunt; & quid Ogilbæuſ de illo exiſtimet, interrogant. Reſpondit ille, inſontem ſibi videri, quia nec debuit nec potuit ea revelare, quæ non niſi ex confeſſione ſacramentali ipſi fuerant cognita.

Generoſa reſponſa.

Ductuſ inde ludibria inter populi Edenburgum, novis quæſtionibus fuit vexatuſ: uti, cur in Scotiam veniſſet? *Ille*: ſine culpa ſibi non poſſe patria interdici. *Illi*: apud quos divertiſſet? *Ille*: nunquam ſe hoc dicturum; quia in perniciem aliorum cederet. Cum autem dein eum vehementer torquerent, ut confeſſionem exprimerent, reſpondit: tametiſi ante voluiſſem vobis aliquid fateri, jam non facerem, ne videar ſenſu vinci. Expedite cataſtas, equuleos, ferrum, ignes, tormenta, & quidquid tyranniſ crudelitatiſ invenit, experimentum dabo, an plura voſ & atrociora inferre, an vero ego ſuſſerre cum gratia Dei poſſim. Corpus in veſtra eſt poteſtate, animuſ liber eſt.

Raptuſ inde ruruſ eſt Edenburgo Glaſcoviam, ubi Præſectuſ urbiſ inter minas ad eum: ſi Rex ego forem, liquato te metallo excoquerem. Cui Ogilbæuſ: ſi Deus te Regem facere voluiſſet, magiſ te prudentem & minus barbarum feciſſet. Andreas Knoxi, cum vidiffet, heroem iſtum nulliſ miniſ, nulliſ tormentiſ ſecti poſſe, blanditiis & promiſſiſ agendum ratus, dignitateſ & divitiast obtulit, dummodo animuſ induceret, ut patriam religionem amplecteretur.

Quænam hæc eſſet patria religio, interrogavit Ogilbæuſ: antiquiſſimam per multa ſæcula continuatam religionem patriæ eſſe Romano-Catholicam: novitiã, nuper inductã, eſſe verſatilem, inſtantem, in dieſ mutabilem, in plureſ ſectãſ diffuſã, ut adeo ſciri nequeat, quænam hodie ſit religio patria.

Paucos ante annos vobis articuluſ fidei erat, Chriſtuſ ſolum eſſe caput Eccleſiæ; jam vero jurato aſſeritiſ, Regem eſſe caput Eccleſiæ. Tu ipſe, Knoxi, publice contra Episcopuſ & Episcopatuſ prædicabaſ, diaboli membrum eſſe, qui Episcopatuſ ſuſcipiat, omni contumelia afficiendum. Paulo autem poſt ipſemet plureſ Episcopatuſ aſſumpſiſti. Similitèr Couperuſ contra ſtatutuſ Episco-

Episcopalem librum edidit. Jam vero ipse Episcopatum amplexus est.

Imo Concilium Ministrorum (pergebat) statum Episcopalem abominandum & nullo modo tolerandum graviter definivit. Jam vero docetis peritus contrarium. Profundius se modo inspicere veritatem dicebant. Ita est, reposuit Ogilbaeus, nam prius ceu pauperes Ministri vix centum videbatis, nunc autem in Episcopali censu videtis millia. Prius, dum in Episcopatus invecisti es, verbum Dei vos prædicare jactabatis; nunc hoc verbum falsum esse dicitis. Quid tum? modo pinguius fumet culina, & cucula lautius saginetur, & splendidius exornetur.

Mihi sic loqueris? quarit Episcopus; sape tandem, & consilium meum sequere: blandiri nescio, reponit ille, præsertim in hac causa. Malim licetorem ad patibulum sequi, quam tuum consilium, quod recta ad infernum ducit.

Tandem postquam multæ id genus quæstiones & responsiones, quæ diversis linguis prolixius sunt typis editæ, fuerant propositæ, mortis in eum sententia fuit pronuntiata. Cum ad patibulum educeretur, prohibitum ei fuit, ne quid ad populum loqueretur. Verum cum per Præconem publice ediceretur, Ogilbaeum non propter fidem, sed propter seditionem & rebellionem adversus Regem damnatum fuisse, alto clamore id negavit. De Rege suo etiam apud exterarum nationes honorifice semper ex innato amore patrio fuisse locutum, eique optima quæque peroptasse. Id unum esse, quod dixisset, Pontifici Romano in his terris potestatem Ecclesiasticam competere, Regemque hæreticum excommunicari ab eo posse. Pro hac veritate lubenter se mortem subiturum. Atque mox subiit animo prorsus imperterrito.

§. 4.

Regis Jacobi mutatio. Carolus ejus filius abijt in Hispaniam adducendam Philippæ III. filiam. Sed ea relicta ducit Ludovici XIII. sororem.

44.

Rex Jacobus, uti pacis amans publicæ, ita in privatos etiam, si indoli suæ relinqueretur, mansuetus, alieno potius ductu quam suo per plures annos in Catholicos sævit; tandem ^{ve. Catholici} anno 1621. five eventis quibusdam insaustris territus, five spe carcere liberospondandi Carolo filio suo Hispanam Principem, five singulari ^{rati} Dei,

Dd 2

Dei, in cujus manu sunt corda Regum, instinctu, Catholicis conciliatus, omnes carceres aperiri iussit.

Ægre hæc Regis mutatio hæreticos Angliæ habuit, qui publico etiam in senatu nuptiis cum Hispana se opponebant. Eadem erat Hollandorum machinatio, qui gubernationem uniti Belgii Carolo offerebant, si ab eo recederetur consilio. At Rex propositi tenax, nec Regi patri nec filio Regis adimendam esse libertatem asserbat, quam vel ipsa natura intimæ etiam hominum sorti communem vellet.

Paſſa con-
nubialia.

Actum proin inter Reges de pactis connubialibus, videlicet 1. ut liberi, ex hoc matrimonio nascituri, Catholica Religione a matre imbuerentur ad decimum usque ætatis annum; tum vero libertati suæ relinquerentur.

2. Ut liberis istis asseratur successio hæreditaria in regno, absque discrimine Religionis.

3. Ut haud procul a Regio palatio futuræ sponsæ sacellum ædificetur pro Religionis Catholicæ exercitio, utque illud toti illius aulæ ac domesticis pateat, absque omni impedimento.

4. Sponsa Episcopum Londini habeat, cui 24 sacerdotes assistant in sacello aulico.

His conditionibus Pontifex motus dispensavit, ut Princeps Catholica cum alienæ religionis Principe matrimonio jungi possit: moxque Carolus in Hispaniam navigavit, ut sponsam suam videret, magnoque apparatu anno 1623. Madriti a Philippo III. Rege totaque aula Hispana exceptus fuit.

Verum siue sponsa non placeret, siue Buckinghamus, qui cum comitatus fuerat, animum averteret, Carolus amores suos in Henricam, Ludovici XIII. Galliarum Regis, sororem convertit, eandemque iisdem ferme conditionibus & pactis nuptialibus, assentiente Pontifice, duxit, in calamitatum abyssum ituram.

Obit Rex.

Mortuus est paulo post (1625.) *Jacobus Rex* anno ætatis 59. Regni Anglici 22. Scotici 58. quia Scotiam cum Anglia conjunxit, primus *Rex Magnæ Britannia* fuit appellatus. Pacis & tranquillitatis publicæ adeo erat amans, ut ad nullum bellum permoveri posset; licet Fridericus Palatinus ejus gener proscriptus Electorali Dignitate & Provinciis fuerit privatus.

ARTICULUS II.

Status Angliæ sub Carolo I.

§. I.

*Præcluditur immani tragœdiæ morte Ducis Buckinghami, Proregis
Hibernia & Archiepiscopi Cantuariensis. Galli expelluntur. Rex
fugit. Hiberni Catholici ei assistunt. Scoti captivum Angliæ
tradunt. Judicio sistitur,
accusatur.*

45.

Turbuleatum sane fuit Caroli I. Imperium, Senatu Regni, quem *Parlamentum* vocant, in Regem insurgente. Prima tempestas in Ducem Buckinghamum detonuit, accusatum in senatu, quod Regem, tunc Walliæ Principem, in Hispaniam abduxerit, Papiſtica fide imbuendum: quod ibidem Catholicum ſimularit, & Principem induxerit ut Papæ ſcriberet, eique propenſionem ſuam erga Catholicam Religionem conteſtaretur, atque *Sanctiſſimum Patrem* compellaret. Quod ſponſalia illa contraxerit ex privatis rationibus in præjudicium regni. Quis jam non videt, per latus Buckinghami Regem ipſum fuiſſe petutum, apud quem Buckinghamus ſingulari valebat gratia; quam ob cauſam etiam brevi poſt a milite neſarie fuit interemptus.

Apertius autem Parlamentum averſum ſuum a Rege & Regina animum demonſtravit, dum Gallos, qui Reginæ erant ab obſequiis, ex Angliâ amandarunt. Quod acerbè adeo tulit Rex Galliæ, ut Angliæ legatum ab acceſſu arceret, & per Baſſompetrium de injuria quereretur. Reſponſum a Senatu, propter Gallorum exceſſus id factum: Catholicos per eos confirmatos, adoleſcentes in Seminaria extra regnum tranſmiſſos, ruri variis in locis conventus habitos, diſſam Miſſam, eonciones &c. palatium Reginæ commune eſſe Jeſuitarum diverſorium, ab iis perſuaſam Reginam, ut pedes exiret, ad locum ſupplicii, ut ibidem Catholicos, ob prodicionem & inobedientiam morte punitos, tanquam Martyres coleret, aliæque plura eſſe patrata regni legibus graviter vetita.

Recruduit diſcordia anno 1629. cum Rex pontibus veſtigal quoddam vellet imponere; nam Parlamentum in faciem reclamavit; nec paruit, cum Rex illud vellet diſſolvere; ſed ſcriptum publicavit, in quo ſancivit, pro hoſte Regis regniſque habendum, qui

Catholicam religionem conaretur introducere, uti etiam, qui Regi suaderet impositionem vectigalis, aut illud præstaret sine consensu Parlamenti.

Amici Regis
occiduntur.

Nec hoc contenti senatores, postquam Buckinghamum sustulerant, Thomam Wentworthum Staffordiæ Comitem, Proregem Hiberniæ, singulari amicitia nexu Regi conjunctum, quod minus in Catholicos crudelis esset, magisque, ac vellent, Regi charus, ad mortem condemnarunt. Omnia tentavit Rex, ut Ministrum fidissimum liberaret: sed incassum omnia. Comes publico in foro carnificis manu capite plexus est. (1641.) Fulera nimirum erant subtrahenda, ut Regem ipsum subruerent.

Quapropter in tertium quoque Regis amicum, Archiepiscopum Cantuariensem, sævitum. 14. erant accusationis capita: inter quæ præcipua, quod Pontificiam velut potestatem exerceret, in Regis Ecclesiæ Capitis præjudicium. Quod Papisticam sectam reducere tentaret, atque ad Ecclesiastica officia assumeret homines, Papistica labe infectos; quod nifus esset Anglicanam Ecclesiam cum Romana conjungere, eumque in finem consilia cum Papa & Jesuitis contulisset. Nulla valuit defensio; sed homo infelix, quod videretur velle sapere, securi ictus periit. (1645.)

Rex fugit.

Prælusum sic fuit graviori & inaudita tragoediæ; nam omnis propemodum Anglia in Regem surrexit. Quapropter sui non amplius Londini securus, Eboracum fugit, ubi portæ ipsi fuerunt præclusæ. Arrepta ab utraque parte arma. Nomine Parlamenti copias in Regem duxit Comes Essexiæ. Sed brevi post Thomas Fairfaxius & sub eo Oliverius Cromwellus exercitus Duces sunt electi.

Rebellio.

Pugnatum sæpius, Regiis plerumque victis. Nec Rex duntaxat habebatur despectus, sed in ipsum Parlamentum irrupit discordia. Dominatum quippe invasit ex mercatoribus potissimum constans *Domus Inferior*, & Archiepiscopos, qui primas sedes obtinuerant, penitus extruxit; diramque in Catholicos persecutionem instituit, ea crudelitate, ut Elisabethæ tempora redire viderentur. Satis erat ad mortis sententiam, sacerdotem esse.

Crudelitas.

De hoc crimine accusati plures ex Clero seculari, ex S. Benedicti, S. Francisci, & Societatis Jesu Religiosis Familiis, suspendio vitam finierunt; quantumvis Catholicorum Principum Legati pro eis intercederent. Quippe Domus Parlamenti Inferior, quæ summam & independentem potestatem usurpabat, magnamque partem ex Calvinistis Puritanis constabat, invisam sibi Religionem funditus excisam volebat.

Reten-

Retentæ ad id usque tempus fuerant pleræque Catholicorum ceremoniæ, vestimenta, altaria, imagines; at nova hæc potestas, plus quam Tribunitia, omnia hæc aboleri præcepit. Intentio erat, omnia ad Calvinismi normam reducere, & detrusa Monarchia populare regimen introducere. Qua de causa præcipuus Londini Advocatus capite luit, quod ausus fuisset dicere, Regem esse supra Parlamentum.

Quantum autem Calvinistæ Regiam Majestatem oderant, tantum Catholici in Hibernia pro illa defendenda certabant. Concursum infestis armis, Catholicis strenue pro Rege (adversæ licet religionis esset) dimicantibus.

Impedire tamen non poterant, quo minus Rex a Fairfaxio obsideretur Oxfordiæ. Ne autem in manus hostium delaberetur, mutata veste ex urbe fugit, atque in Scotiam evasit, ea spe fretus, se in patria sua securum asylum, & apud populares coronæ suæ defensionem inventurum.

At spe sua vehementer falsus est; nam perfidi Calvinistæ An A Scotis tra-

glicano eum Parlamento tradiderunt, a quo ab una custodia ad al- ditur Rex. teram traductus, demum in insula Wichta fuit conclusus.

Cum populus Regem suum captum audiret, pacem cum eo sanciri petiit. Igitur Parlamentum articulos quosdam, in odium maxime Catholicæ Religionis, atque ad stabiliendum Calvinismum conceptos, subscribendos eidem proposuit.

1. Catholicos exarmandos, exercitus utrinque abdicandos. Calvinista-
2. Potestatem & authoritatem Parlamenti, præsertim quantum rum acro-
ad executionem justitiæ & puniendos delinquentes (Catholicos mata.
nempe) pertinet, illæsam conservandam. 3. Catholicorum libe-
ros Anglicana religione imbuendos, atque in ea educandos. 4.
Papisticam Religionem cum suis Doctoribus penitus eliminandam.
5. Fœdus ineundum cum Batavis aliisque Protestantium Principi-
bus & Statibus.

Respondit Rex, sibi non minus ac Parlamento curæ esse, ut vera Religio conservetur, & quamvis Majestatis juribus non possit decedere, pacis tamen amore concessurum Parlamento omnia, quæ fas esset concedere. Domus superior erat ad pacem prona, sed Inferior omnia intervertit. Quippe Fairfaxius, castris ad Londinum locatis, Parlamento libellum, querelarum adversus Regem plenum obtulit.

Bellum civile a Rege concitatum, inquebat, subditos op-

pressos, Parlamenti jura succisa, per ejus Episcopos abusus Papi-
sticos

Fairfax. &
Cromwel.
surores.

sticos introductos, Germanos equites, & Hibernos pedites urbium prædiis impositos, Catholicos Hibernos conductos & sub signa vocatos, a Rege Daniæ belli apparatus petitus, Anglos Scotosque ad defectionem sollicitatos.

Rex captus.

Mox Fairfaxius & Cromwelus Londinum invadunt, expugnantque, Senatu expellunt, quos Regi faventes crediderant, & Calvinistas, juratos ejus hostes, intrudunt. Rex vero captivus Londinum perductus per quatuor dies examini Judicium fuit subjectus.

Examinatus.

Cum ad tribunal fuisset pertractus, accusator Judicii Præsidem allocutus, nomine populi Anglicani, inquit, sisto tibi & accuso Carolum Stuartum de crimine perduellionis & prodicionis patriæ, & ejusdem populi nomine peto, ut accusationis capita ipsi prælegantur. In his eum compellabant tyrannum, proditorem, latronem populi, hostem Reipublicæ. Præses vero subdebat: Carole Stuarthe! nomine Parlamenti & populi tibi præcipio, ut respondeas & rationem reddas. (anno 1649)

§. 2.

46. *Carolus Rex a Parlamento condemnatur, & occiditur. Scoti & Hiberni pro Wallia Principe arma capiunt; sed a Cromwelo prælio victi profligantur. Tristis fuga Principis. Parlamenti crudelitas. Prædicantium discordia.*

Rex ad mortem
condemnatur a subditis.

Anno 1649. vidit Anglia spectaculum, horrendum, immane, inauditum, cujus exemplum, si totam retro antiquitatem excutias, nullum invenies, & ad cujus aspectum ipsa barbaries inhorrescat. Captus coram subditis ceu reus adit Rex, ceu reus criminis capitalis per sententiam judicalem ad mortem a subditis condemnatur Rex trium Regnorum.

Mactatur a
earnifice.

Ante ipsum palatium Regale Witehalense erigitur ferale pegma, funesta securi & atro apparatu horridum. Hunc thronum Majestas scandit Regia; verticem coronatum imponit truncus; carnificis manum expectat unctus Domini; relecatur caput Regium, quod omnibus gentibus sanctum habetur.

Sic vitam finiit Carolus I. Rex Magnæ Britannię anno 1649. æt. 49 Regnorum 24. defuncti Manibus immolabantur tristes reliquię

quæ Dux Hamiltonus alique amici trucidati Regis; Regina vero cum filiis, scepro natis, exulatum abiit.

Ethoc est æternum monumentum Calvinianæ hæresis, truculentæ, sanguinariæ, impiæ. Legite, si lubet, annales mundi. Multas ille cruentas tragœdias lustris; tam funesta Catastrophe nullam clausit. Multi Imperatores, Reges, Principes, aut insidiis, aut latrocinio, aut furore militum, vel ab hoste violenta morte sublati sunt; at per formam judicialis processus, per juris ordinem, ut illi præterebant, a propriis subditis per tam atrocem & barbaram sententiam damnatum, atque carnifici publice mactandum nullum unquam coronatum caput traditum legimus.

Calvinianæ modestiæ hoc debetur portentum, quod vel Scythæ & Brasilia terrorem incutiat. Per insignem calumniam Regicidas Calvinistæ compellant Catholicos; dum ex illorum manibus digitisque Regius cruor defillat. Injuriam faciunt, mentiunturque, dum facinus suum, in oculis orbis patratum, nobis imponunt. Propria hæc est Calvinistarum indeoles, dejecta Regum Majestate ad popularem regiminis formam gubernationes reducere, prout factum in Hollandia, & Anglia.

Quippe post nefariam Regis cædem ejus interfectores sub pœna capitis vetuerunt, ne quis regium nomen usurpet, aut Monarchiæ formam reducere attentet. Carolus Walliæ Princeps & Respublica Jacobus Dux Eberocensis, Regis interempti filii, ab omni jure Calvinianæ ad coronam excluduntur: Superior Parlamenti Domus exauktatur: ex Inferiori 40 Regentes electi, quos inter primus Cromwellus, Fairfaxius vero armis fuit præfectus. Cusa moneta cum inscriptione: *Respublica Anglicana*: sigilla vero regia fuerunt confecta: bona regia sub hasta vendita. Si quis contra hæc vel mutaret, actus in exilium.

Hiberni interea, maximam partem Catholici, in partes Caroli Walliæ Principis transierant, duce Ormondo Comite. In Scotia divisi erant animi. Missi a majori parte Bredam ad Carolum legati, qui cum eo tractarent de regno recipiendo. Carolus ipse in Scotia magna cum veneratione fuit receptus & Rex salutatus. At Parlamentum Anglicanum Cromwelum (Fairfaxio præfecturam abdicante) cum valido exercitu misit; qui & Scotos & Hibernos vicit. (1650.)

Anno sequenti Carolus iusto cum exercitu in Angliam penetravit, multique ei se jam conjunxerant, sed a Cromwelo rursus acie victus ad Woreestriam, a Catholicis subtrahus, rusticatus.

Part IX.

E e

que

Fugit.

Walliæ Princeps victus a Cromwelo.

que veste indutus, & in excavata quercu custoditus, per varias tandem ambages in Galliam evasit, atque Parisiis a matre sua totaque aula amicissime fuit exceptus.

Corbæus &
Morseus tru-
cidati.

Parlamentum tantis victoriis rerumque successu ferox crudelissimam in omnes, qui regias partes fuerant secuti, aut adhuc sequi videbantur, tyrannidem exercuit, feralibus instrumentis ubique stridentibus. Vehementius nihilominus in Catholicos sæviebatur; quorum plures cum Rodulpho *Corbæo* & *Henrico Morseo*, Societatis Jesu Sacerdotibus, ferali e trabe pendere jussi sunt.

Synodus De-
ninghenfis.

Minus crudeliter sæminæ in Ministros Prædicantes sæviebant. Res lepida est, quæ hac tempestate in Scotia contigit. Calvinianos inter Prædicantes ortum est schisma. Pars una celebravit *Synodum Deningba*, atque ad hanc citavit confratres sibi adversos, rationem reddituros, &, nisi comparerent, excommunicandos & officiis privandos.

Uxores Prædicantium, qui fuerant ad Synodum citati, collato inter se consilio, 120 numero, præfixa die ad Concilium, maritorum loco, iter ineunt, fustibus armatæ, præeunte tibicine. Cum ad templum venissent, in quo Synodus celebrabatur, mulieres in cœmeterio circumstantes templum cingunt.

Exterritus pro periculi magnitudine venerabilis Patrum chorus, cum Amazones istas cerneret, quærit, quid sibi velint, & an earum mariti ad Concilium sint venturi? Fœminæ agminatim in templum irrumpunt: clamore & fustibus circumtonant; cum, ecce! Patres congregati, viri gravissimi, cursu incitato, qua data porta, quisque diffugiunt, ut fustigationem evadant, reliquis in manibus mulierum 12 equis & omnibus impedimentis. Atque sic per sacrilegam imbellis sexus audaciam sacra ista Synodus dissoluta fuit, earumque mariti ab excommunicatione liberati. (*Hazart in Hist. Eccles. Anglia part. 9. cap. 16.*)

ARTICULUS III.

Status Anglia sub Cromwelo Protectore.

47. *Cromwelus Angliæ Protector: suprema cum potestate. Agnitus etiam ab exteris. Ejus agendi ratio cum legatis. Obit. Succedit filius & abdicatur. Quackerorum secta.*

Postquam Cromwelus Scotos & Hibernos acie victos dissipavit, Regiamque Dignitatem antiquavit, inducitur est quædam Reipublicæ

publicæ forma, quam rectius Anarchiam aut tyrannidem dixeris, a Parlamenti Inferiore Domo constitutam. Non diu popolare hoc regimen viguit; quippe Cromwelus ad supremam potestatem aspirans, simulavit, velle se armorum præfecturam abdicare; nec id ingratum fuisset multis. Alii vero aut beneficiis deliniti, aut amittendi officia, quæ obtinuerant, periculo impulsæ, aut pretio, vel promissis empti, *Protectorem* illum *Angliæ, Scotiæ & Libæriæ* proclamaverunt, porrectis regni sigillis, ense, & *Altitudinis* titulo attributo. (1653)

Itaque Regis instar palatium Witehalense ingressus legem ^{Cromwelli} tulit, qua perduellionis reus denuntiabatur, qui negaret, summam potestatem penes ^{potenda.} *Protectorem* & Parlamentum esse, aut ulum cum Domo Stuarda commercium haberet; simulque acerbissima in Catholicos edicta instauravit; tantamque potestatem exercuit, quantam vix ullus ante eum Regum.

Mirum sane, ab Europæ Principibus agnitus *Protektor*, & *Altitudinis* titulo honoratum, quin imo pensatam adeo illius amicitiam, ut, quis legatorum alterum præveniret, esset contentio; quamvis vili & detrito satellitis instar vestitu indutus cum fastu & despectu illos eo majore exciperet, quo majorum Principum erant legati. Vilibus vero personis insolitos honores exhibuit.

Absona & paradoxa hæc agendi ratio multos Nobilium offendit, qui veterem splendorem Regum, sub quo Nobilitati & Illustribus Familiis sua dignitas constabat, revocare nitebantur. Unde frequentes conspirationes, & appulsus Colonia, ubi exulaverat Carolus Walliæ Princeps, cum aliqua copiarum manu in Scotiam, curas *Protektoris* intendebant. At Scotticam tempestatem facile discussit per Monchium, dum Angliam & Scotiam unam esse Rempublicam declaravit, & 30 Scotos in Parlamentum assumpsit, Carolus vero successu desperato Coloniam rediit; ubi etiam Henricus frater ejus natu minimus Dux Gloucestræ degebat; aliis Statibus, ne Anglos offenderent, hospitium negantibus. (anno 1655.)

Quamvis autem multi præsentis regiminis in Angliæ pertæ- ^{Regium titu-} si, varias turbas & seditiones excitarent, structis etiam, Cromwe- ^{lum recusat.} lo (pulvere nitrato palatio Witehalensi supposito) vitæ insidiis, Parlamentum tamen anno 1657. coronam illi & sceptrum cum regia dignitate offerebat. Verum Cromwelus, probe gnarus, quantam inde apud populum invidiam sibi conflaret, veritusque, ne inimici sui eum apicem in præcipitium verterent, regium nomen, ut Julius olim Cæsar, recusavit. At, sicut ille, supremam abs-

que provocatione potestatem sub Protectoris titulo, per omnia tria regna publicato, exercebat.

Obit. Nihil proin Cromwelo felicius. Verum dum maxime blandiebatur infida fors, ut serunt res humanæ, subito vitam finiit, & quidquid contulerat ampullata vanitas. (*anno 1658. post 5. annos usurpati imperii.*) Successorem & hæredem testamento scripsit Richardum, filium suum natu maximum; qui etiam mox Protector est renunciatus, tametsi nec ingenio, nec calliditate, nec belli peritia, aut rerum experientia ullo modo comparandus patri. Unde Britannia procellosum mare, turbinibus in fluctus agitatam, referebat.

Angliæ suæ. Quatuor autem potissimum, quibus æstuabat, erant factiones. Duces militiae regimen ad Reipublicæ formam, qualis in unitis Belgii provinciis, aut apud Venetos visitur, reduci postulabant. Alii cum Lamberto, Richardo patris potestatem ex integro tribui volebant: alii maris eum Præfectum constitui, Succisque succurri; alii denique Regiæ Stuartorum familiæ adhærebant cum Monckio, Scotici exercitus Ductore.

Richardus filius Cromw. exautoratus. Istos inter dum disceptaretur, militares Duces *Pledwodum* sibi elegerunt supremum belli Præfectum, fractis Cromweli insignibus, coactoque Richardo ejusque fratre Henrico, quem pater Hiberniæ Protectorem constituerat, dignitatem Protectoris abdicare, palatium Witchehalense cum aliis Regiis ædificiis vendiderunt in stipendium militum: Parlamentum vero exauctore conati sunt.

Interea vero multi, dum patriam susdeque verti cernerent, fœdere inter se inito, pro *Carola Stuarto* Rege constituendo conjurant; at isti ab exercitu, a Parlamento immisso, victi fugatique sunt. Tandem vero Superis placuit, quod amici Regiæ familiæ non poterant, felicem ad exitum perducere, Regemque exulem revocare. (*anno 1660.*)

Quackeri. Dum Olivierus Cromwelus in Anglia potestate plus quam regia dominabatur, sectæ omnes impunes erant, præter Catholicam. Sub annum 1655. orti sunt *Quackeri*, qui etiam *Trementes* appellabantur, novum & absurdum prorsus hæreticorum genus. Nudi propemodum per plateas cursitabant; in triviis, Angiportibus, pontibus concionabantur, & somnia sua atque phantasmata cœlestes velut revelationes palam exponebant. Interrogati de Secta sua hanc confessionem edebant.

1. Scripturas novi & antiqui testamenti non esse verbum Dei, aut lumen ad salutem. Nec refutare eos poterant ex suis principis alii hæretici.
2. Omnes homines per se ipsos jam esse illuminatos.
3. Hominem non indigere alio lumine.
4. Nec cælum esse nec infernum pro hominibus.
5. Nullam resurrectionem mortuorum fore.
6. Bona omnia debere esse communia.

Cromwelus prohibuit quidem phanaticis istis novatoribus concionari; noluit tamen molestiam ipsis facessi, quamdiu regimini se non opponant.

Verum tanta erat eorum insolentia, ut *Nailotum* eorum caput, sub Fairfaxio & Cromwelo militem, capi, & excisa propter blasphemias lingua, flagris cælum, carceri mandari oportuerit. Quamvis autem ridicula prorsus sint, quæ de hac sæce hominum narrantur, ita tamen in Anglia aucti sunt, ut in hanc diem extirpari nequierint. Quin imo in Hollandiam quoque, Galliam, Germaniam digressi, sectam suam propagare laborabant. Cum aliis hæreticis vix aliud commune habent, quam pertinaciam.

ARTICULUS IV.

Status Angliæ sub Carolo II.

43

Monckius Scotorum Dux pro Rege feliciter laborat. Missa legatione revocatur ad regnum. Magno apparatu excipitur, & coronatur. Iudices iniqui puniuntur. Bellum cum Hollandis. Oates persecutionem excitat in Catholicos. Seditiones & insidia Regi & Eboracensi structæ. Rex obit Catholicus.

Postquam per decem annos sub Parlamento primum, sub Protectore deinde fluctuavit Imperium Magnæ Britannię, turbas inter, cædes, seditiones, tumultus, bella civilia, fessis tandem rebus succurrit providum Numen, quod ab exilio revocandi Regem suum animum ingessit subditis.

Plurimum ad eam rem momenti attulit Monckius, Scoti-
carum copiarum ductor; qui tandem in partes regias transgressus, tur Monck
Lamberto & Fledwodo, Protectoris in Republica Dignitatem am-
bientibus, fortiter se opposuit, & primum gentis suæ animos ex-
pugnavit, tum vero in Angliam profectus Londini in Parlamento,
opera.

quod novum fuerat constitutum, expulsa face, quam Cromwelus intruserat, pro reducendo Rege adeo potenter peroravit, ut legatione honorifica Bredam, ubi Princeps tunc versabatur, missa, ad capeffendum regnum eundem invitaret. Inter legatos novi Parlamenti erat Fairfaxius, Dux olim exercitus contra Regem, qui tamen belli præfecturam brevi deposuit, & nunc in genua coram Principe provolutus, veniam rogavit, non ante surrecturum se professus, donec illam obtinuisset.

Hagæ Comitum Hollandiæ Ordines Carolum convivio Regali honorarunt. A dextris ipsi assidebant Elisabetha amita, Frederici V. Electoris Palatini vidua, prætenfa olim Regina Bohemiæ, & Jacobus Dux Eboracensis frater: ex parte læva Maria soror, Wilhelmi II. Auriaci vidua; Dux Glocestrensis frater, cum Wilhelmo III. Principe Auriaco nepote.

Antequam autem Carolus II. navem Regiam conscenderet, Londini Rex Angliæ, Scotiæ, Franciæ, Hiberniæ, atque Protector fidei fuit proclamatus, contractis Cromweli, Fledvodij, & Reipublicæ insignibus. Regiæ domus atque palatia, Westmonasteriense, Wittehalense, Somersetense, San- Jacobæum, reparata, Regio rursus splendore exornabantur, bona regia reducta, Regicidarum vero Fisco addicta. Liberati e carceribus, qui Regi adhæserant, Cromwellistæ officiis publicis privati. Reposita Statua Caroli I. cum inscriptione: *Carolus I. secundus Monarcha Magna Britannia, Rex Francia & Hibernia*. Regi viginti Sterlingiorum millia a Parlamento decreta, Jacobo vero Duci Eboracensi, ejus fratri, totidem floreni.

Regicidæ pun-
kti.

Excitabant equidem turbas, qui Cromwelo, Fledvodio aut veteri Parlamento erant addicti, sed multitudine bonorum facile comprimebantur, Judices vero & interfectores Regis Caroli I. ex Anglia fugerunt, aut publicatis bonis ad carceres & mortem sunt damnati.

Anglia sic ad excipiendum Regem suum Carolum II. undecim annorum exulem, præparata, ineunte Junio 1660. in Regnum suum venit; quanto autem apparatu, solennitate, & pompa, Londinum fuerit deductus, ibique coronatus, haud facile, quin majora & augustiora fuerint omnia, describi possunt.

Regnum auspicatus, religionem, ab avo & patre ceremoniis & ritibus externis cultam, a Calvinistis vero sub Cromwelo dejectam, instauravit, Episcopis, organis, aris, imaginibus, superpel-

perpelliceis restitutis. Quackeris tamen etiam sectæ suæ libertatem fecit, dummodo non turbarent quietem publicam.

Monckius porro, primus Regiæ restitutionis motor, præcipuis muneribus & dignitatibus a Rege auctus est. Contra vero in eos, quos culpa cædis patrata gravabat, severa fiebat a Parlamento inquisitio. Alios inter Hugo Petersius, Calvinianus Præco, auctor & incentor, laqueo periit. Cromwelli cadaver e sepulchro effossum, & e patibulo suspensum est. *Lambertus & Fledvodus*, quorum uterque Protectoris dignitatem prensabat, & populum in partes traxerat, capitis damnati sunt.

Dum Carolo II. serenior jam dies affulgeret, nubes aliqua plenum gaudium temperavit, dum mors illi hoc eodem anno 1660. Henricum, Gloucestræ Ducem, Principem omnibus dotibus ornatissimum, fratremque charissimum abstulit anno ætatis 20.

At solatium rursus attulit Catharina, Joannis IV. Lusitanæ Regis filia, anno 1662. eidem conjux data. Vixit illa ad annum 15. hujus sæculi: sed, quod dolendum, thoro sterili.

Quamvis autem Rex magna populorum gratulatione fuerit receptus, multique adversæ factionis publico supplicio fuerint sublati, frequentioribus nihilominus conspirationibus & seditionibus in Anglia & Scotia fuit tumultuatum, tum a Calvinistis, quietis impatientibus, tum a Quackeris aliisque fanaticis, qui a Deo se missos dicebant, ut Monarchicum regimen subvertant, & populare introducant. Aliqui horum audaciam capite luebant, alii exilio. Reducti in Scotiam quoque Archiepiscopi & Episcopi non sine tumultu Calvinistarum.

Anno 1665. Rex Carolus Batavis bellum denunciavit, quod navigationes & commercia turbarent, ac gravia Britonibus damna intulissent. Prætextus hic videri poterat, re ipsa a domesticis turbis subditos avertere fuit animus. Batavorum classis a *Jacobo Duce Eboracensi* Angliæ Archi-Thalasso gravi clade affecta est. Triumphavit Londini victor, quamvis ob religionem multis exosus esset. Promota insuper in Africam & Americam temporali Anglorum felicitate, Rex discordias, superiorem inter & plebejam Parliamenti Cameram exortas, composuit, melior Christianus quam Politicus.

Cum anno 1672. Galliæ Rex Hollandis bellum denunciasset, Britannia Rex in partes venit, a sorore sua Henrica, Aurelianensi Duci nupta, quæ in Angliam transmiserat, ut creditur, persuasus. Anglica classis, cui rursus Eboracensis præerat, cum Gal-

Jacob. Dux
Eboracensis
triumphat de
Batavia.

Alterum cum
his bellum.

Gallica, quam Elstræus ducebat, conjuncta, Hollandicam, a Rui-tero gubernatam, fuit aggressa. Æquali ferme Marte bis terve dimicatum; donec Rex Angliæ anno 1672. cum Batavis pacem ini-re a suis subditis, id bellum agre gerentibus, fuit compulsus. Oderat nempe Gallos Natio, quos Carolus Rex amabat. Atque inde turbarum semina; quarum tamen præcipua causa fuit Religio Catholica, cui Rex favere visus est, liberam permittendo; Eboracensis autem ejus frater etiam amplexus fuerat.

Religio invi-
sa.

Hinc Parlamentum ægerrime tulit, quod hic Mariam Eleo-noram, Alphonſi IV. Mutinæ Ducis filiam duxerit conjugem, at-que adeo exarsit, ut a Rege importune postularet revocationem facultatis liberæ, quam Catholicis dederat. Imo nedum officiis eos privari, sed & exilio multari voluit, qui alienam ab Anglica-na religionem profiterentur. Quo factum, ut multi, præcipuæ etiam Nobilitatis viri, regno excederent. (1673.) Quin imo vix non coactus fuit Rex, ut Gallis bellum indiceret.

Oatis perfi-
dis.

Recruduit persecutio anno 1679. propter hominis unius vi-lissimi mendacium impudens. Erat is Titus Oates, a Calvinistis ad Catholicos transgressus, atque a Patribus Societatis Jesu in se-minarium Vallisoleti primum, dein sancti Audomari in Belgio ad-missus, sed ob perverſos mores inde dimissus. Hic homo nefari-us, vindictæ cupiditate flagrans, Catholicos meditatur in Regem Carolum preditionis reos egit, & calumnias suas atroces juramen-to confirmavit, atque apud plebejum Parlamenti ordinem id ef-fecit, ut septem Societatis Patres, quos inter Provincialis Angliæ & Rector Londinensis, ad mortem fuerint condemnati, cum Staf-fordix Comite, & multis aliis Catholicis, partim morte affectis, partim in exilium ejectis. Sed brevi post fraudes Oatis & perju-ria detecta sunt; propter quæ publica fustigatione aliisque probro-sis pœnis correptus est. Crimina sua & machinationes in mortem Regis, quas hæretici bene multas adornaverant, Catholicis intor-serunt.

Quare Ebo-
racensis fu-
git.

Vix enim unquam conquievit rebellionis in Anglia spiritus; sed duce Salishuriensi Comite multi, Calvinistæ præsertim, in vi-tam Regis & Eboracensis conspirarunt; sed dum a Catholicis indi-cia ad Regem deferuntur, conjurationis auctore in Hollandiam profugiente, suffocata sunt machinationes parricidales. (1682.) An-no nihilominus sequenti instaurata a conjuratis bis fuerunt inſi-dia. Sed illis detectis, Regis vita provide fuit servata. Eboracensis

cenſi tamen Duci in Belgium diſcedendum fuit, ut furori ſe ſubtraheret.

Foris etiam rei Chriſtianæ perniciem Angli attulerunt; nam Tingitanam in Africa arcem prævalidam, ſuperioribus annis ſtrenue deſenſam, munitionibus exutam barbaris reliquerunt, qui tamen munimenta mox reſtituerunt. (1684.)

Proprius quoque Regis filius inſurrexit adverſus patrem & patrum. Erat in Dux *Montmutbius*, qui ſequiori licet thoro progenitus, regnum tamen affectavit, conſiſus Calvinistarum ope, quorum ſectam profitebatur. Nec ſpes erat inanis; nam multos ex illis ſibi adhærentes habuit. Rex autem natalium vitio infectum a regno arceri profeſſus, Eboracenſem fratrem publico in Parlamento ſucceſſorem promulgavit, addita Proregis Scotiæ dignitate, & Vicaria per omnes terra marique ditiones procuratione.

Sed Rex cum ſucceſſorem promulgat.

Frendebat invidia, odiumque Catholicæ nominis, quod proſiteri Jacobum non ignorabant hæretici, quæ una cauſa fuit, cur Montmuthium multi Regem optaſſent; ſed Carolus Rex conſpirationes, conjurationes, ſeditiones prudentia ſua ita fregerat, ut non auderet amplius rebellio caput attollere.

Sequenti anno 1685. mortem, quam prævidiſſe viſus eſt, oppetiit Londini, ætatis 55. regni vero 25. Fuit Carolus II. prudentia, manſuetudine, charitate in rebelles toties ſubditos, amore pacis, aliisque regiis virtutibus Princeps clariſſimus. Duo tamen vitio dabantur; quod in Gallos propenſior Dunkercam eis vendidiſſet, nec obſtiſſet creſcenti Ludovici XIV. potentia, & quod voluptatibus deditus plures proles, nullam tamen ex legitimo thoro ſuſcepſiſſet. Catholicis quod eſſet indulgentior, multas paſſus eſt injurias, ſeditiones, inſidias. Proſcripſit quidem illos, ſed a Parlamento coactus. Cæterum pro occulto Catholico ab Anglis habebatur, certumque ex documentis relictis videtur, de peccatis conſeſſum & reliquis ſacramentis perceptis Catholicum obiiſſe.

Obit Rex.



ARTICULUS V.

Status Angliæ sub Jacobo II.

SUMMARIUM.

49.

Quamvis aperte Catholicus Rex renuntiatur. Montmuthii in Regem rebellio. Querelæ Prædicantium, quod Rex Catholicis faveret. A Wilhelmo Auriaco, genero suo & nepote accito, deturbatur throno. Desertus a suis in Galliam fugere cogitur. Trinam in Britanniam expeditionem tentat, at conatu irrito. Obitus.

Jacobi fata.

Jacobus Dux Eboracensis communia ferme cum fratre Carolo facta habuit. Erat uterque fortunæ pila, jactatus in altum, rursusque decidens. Sceptro uterque natus, ad coronam educatus. At patris ruina utrumque involvit. In toto regno suo nec male ipſis supererat. Fuga in exilium morti utrumque subtraxit. Carolo fratri in Regnum reducto ibat comes frater, fortis prosperæ deinceps & adversæ socius. At fratre Rege satis defuncto majora multo utriusque fortunæ ludibria tulit.

Nam imprimis, quamvis propter fidem Catholicam, quam etiam publice professus fuerat, vivente adhuc Carolo fratre, multas magnasque persecutiones tulerit, bis electo exilio, ut patriæ quies redderetur; nihilominus tamen post illius mortem ab omnibus regni Proceribus Magnæ Britanniæ Rex fuit salutatus, in Oxoniensi quoque Academia, Angliæ præcipua, Doctoribus omnibus in eam euntibus sententiam, discrimen religionis neminem, sceptro natum, a regno arcere, neminemque propterea, sine perduellionis crimine subtrahere posse obtemperandi obsequium.

Montmuthii rebellio.

Sed aurora ista, splendore fulgens, nubilum brevi diem traxit, in imbris denique, turbine & procellas abiturum. Prima tempeſtas a Jacobo *Montmuthio* Duce, Caroli II. filio naturali primogenito intonuit. Is etenim vivente adhuc patre, dum Jacobus patruus successor in regno fuisset denuntiatus, tumultum concitavit, sed compressus sanguine luisset scelus, nisi Regem habuisset patrem. Exilii tamen, ne porro turbaret, pœnam tulit.

At vero mortuo patre in spes pristinas assurgens, Britannia se Regem dixit; habuitque, quod hæreticus esset, non paucos affectas. His igitur confusus, præmisit ex Hollandia Argylium Comitem

mitem in Scotiam cum copiarum manipulo. At victus a Regiis, captus, & ultimo supplicio cum aliis rebellibus affectus est Edæburgi.

Non desperavit ex iniquo eventu Montmuthius, sed collecta alia turma in Scotiam, & Angliam veniens, idem fatum expertus est, Londini carnificis manu cadens; ubi Regni Comitia Majestatis reos dixerunt, qui publicam quietem turbarent. (1685.)

Verum non diuturna fuit malacia, in horrendam brevi tempestatem, pro variabili gentis indole, exæstuans. Quippe, Jacobi fervor dum Jacobus edita, contra Catholicos lata, abrogaret, ad publicam religionis. ca officia illos adhiberet, libertatem religionis concederet, Castellmenium Romam ad Pontificem mitteret, suo & aliorum Catholicorum nomine obedientiam contestaturum, atque majori, quam tempora & hæreticorum genius ferret, ardore Religioni Orthodoxæ possiminius jure reducendæ studeret, gentis, errori suo pertinaciter in hærentis, animos a se avertit.

Episcopi & Prædicantes de pinguedine sua & uxoribus actum rati, si avitæ religionis rigor restitueretur, conferre inter se capitæ, murmurare, ex suggestibus contra Regem & Catholicos detonare, ferendum non esse, ut Romana supersticio dominetur: Missas vix non palam dici, erigi scholas, capellas aperiri, Jesuitarum turmas impune circumvagari, Regem ad hæc non modo connivere, sed exemplo præire, & superstitionem, legibus damnatam, civitate donare; quorsum hæc alio spectarent, quam ut everta religione patria & Ecclesia Anglicana, invisus rursus Papatus in throno collocetur.

Hi Prædicantium, & iis incentoribus, plebis clamores, ac Quærelæ dispersis variis etiam libellis, quærelæ erant. Nobilitatem insuper us. ambitio, & rerum novandarum pruritus accendit. Parlamentum denique Regibus, nisi eos ad omnia obsequentes haberet, semper infestum fuit.

Quod autem mireris, Rex Jacobus nullos majores hostes experiri debuit, quam Clarendonii & Rochestriæ Comites affines suos, & quod adhuc indignius, Wilhelmum Arausicanum Principem, uniti Belgii Gubernatorem, generum suum, & ex sore nepotem, in quem Britones, ut Catholicorum hostem, oculos suos reflexerant, quin ad regnum capeffendum invitarant. Neque is (ex Calvinique disciplina) veritus est, contra Jacobum, & Regem legitimum, & Avunculum, & Socerum suum, quem ut patrem colere debuerat, hostilibus armis insurgere.

Præmissio igitur in Britanniam edito, venturum se ut religionis atque libertatis, quas Jacobus eversum iret, defensorem spondebatur. Nec minus male, quam promisit, implevit. Quippe anno 1688. cum classe, 13000 Hollandis militibus instructa, ex Hollandia solvit. Verum, indignantibus elementis, cum jam in altum provectus esset, ventorum turbine ad lictus Batavum rejectus est.

Felicior illi fuit altera navigatio; nam pelago transmissio, nemine prohibente, in Angliam appulsus est, & velut Rex exceptus.

Hæc ubi ad Regem Jacobum fuerant perlata, pro periculi magnitudine territus, quo se verteret, ignorabat. Habebat quidem sub signis suis navalem & terrestrem exercitum, sed cui fidere non poterat; Londini autem ea erat rerum conditio, quæ præsentiam ejus requireret. Statuit tamen ad exercitum se conferre. Prius tamen convocatis aulae suæ Ministris, aliisque, quibus munera publica commiserat, exposuit, convocatum fuisse a se Parlamentum, quod esset omnino liberum: libertatem Anglicanam religionemque omnino tutam fore. Si quid ultra a se desideretur, paratum se esse, in vota Parlamenti populi que concedere. Oblatas sibi a Rege Galliarum copias, sed, ne videretur subditis suis diffidere, eas non esse acceptatas.

Ab Arausico
genero suo
Regno pellitur.

Quis non credidisset, tantam Regis optimi demissionem ferreos-etiam animos expugnaturam? At Proceres, multis licet gratiis acceptis devincti, liberaliter quidem omnia promiserunt, sed fide Punica. Nam occultis tunc consiliis cum Arausicano consentiebant, & parum absuit, quin Churchillius, grandium beneficiorum debitor, Regem in ejus manus traderet.

Dum autem Rex cum exercitu usurpatori obviam prodiret, plerique, eo deserto, ad Arausiacum defecerunt. Quare Londinum regressus, conjugem cum filio Jacobo in Galliam velut asylum misit. Obtulit dein genero suo Wilhelmo optimas condiciones pacis, sed despectus, gratiæ loco habere debuit, quod e regno suo per magna pericula fugæ locum tandem invenit in Gallia, ubi, instructo ad S. Germanum palatio, Rex Christianissimus eum excepit, non ut fugitivum, sed Monarcham.

Sola ferme Hibernia, ex Catholicis potissimum constans, in fide Regis persistebat, atque exercitum aliquem constabat. Unde Jacobus cum Gallicis suppetiis trajiciens Dublini receptus fuit; Londonderium tamen frustra obsedit, (1689.) Schombergio urbi succurrente.

• Anno

Anno sequenti Wilhelmus ipse in Hiberniam exercitum, quadraginta millibus numerosum, duxit, ut Jacobum Regem, vix *Victus* viginti millibus instructum, ejiceret. Confectum prælium, quo Jacobus victus multitudini cedere, & in Galliam redire debuit. Hibernia vero tota propemodum victoriæ præmium fuit. (1690.) Solum Limericum diuturnam sustinere oppugnationem est ausum.

Copias amisit Jacobus & urbes, sed non animum. Quare cum classe Gallica reversus, in Angliam, ubi apud plures adhuc causæ melioris sectatores habuit, penetrare tentavit. Verum a Rysselio Angliæ Archithalasso navali prælio victus, ad internecionem prope cæsus est. (Anno 1692.)

Ultimum conatum adhibuit anno 1696. quo Anglorum quidam pro reducendo eo clam laborabant. Instruxit iterum eum in finem Gallia classem. Ipseque Jacobus, illam conscensurus, Calcutum jam pervenerat; sed detecto consilio ad S. Germanum rediit, ubi anno 1701. pientissime obiit, atque ad regnum in cælis certius *Obit* meliusque transit, cujus non erit finis. 68. ætatis annos inter ærumnas implevit, quatuor duntaxat in regno, jure Natalium sibi debito, sed iniquissime erepto. Victima religionis fuit, aut martyr: regnum temporale reliquit, ut æternum consequeretur.

ARTICULUS VI.

Status Angliæ sub Wilhelmo Auriaco.

SUMMARIVM.

Articuli a Parlamento eidem propositi. Jacobi filius per calumniam dictus illegitimus. Wilhelmus in Belgio Fœderatorum Dux. Ejus gesta, & obitus.

Postquam Wilhelmus III. Princeps Auriacus (*Arauscanus, Oranienfis*) uniti Belgii Gubernator, Wilhelmi I, qui Author fuerat defectionis Bataviæ, abnepos, Jacobum II. natalium jure legitimum Britannæ Regem, locerum suum & avunculum, Regno expulerat, Thronus vacuus ab Ordinibus Angliæ declarabatur, atque ad Mariam, Jacobi spoliati filiam, Wilhelmi conjugem devolutus; Wilhelmus vero titulo uxorio Rex Magnæ Britannæ renuntiabatur.

Antequam autem inauguraretur, sequentes articuli fuerunt *Novæ leges* propositi. 1. Dispensationem in legibus, aut dilationem executionis

nis esse invalidam, nisi consensus Parlamenti accedat. 2. Potestatem Ecclesiasticam Regi non competere (*sic Papam suum & Caput Ecclesiæ Anglicanæ venerantur.*) 3. Non posse Regem sine consensu Parlamenti exercitum colligere, aut populum tributis onerare. 4. Singulis minimum trienniis Parlamentum congregandum. 5. Nullam personam regii sanguinis Catholicæ personæ matrimonio jungendam. 6. Officia non esse vendenda.

Hæc postquam Wilhelmus confirmaverat, una cum conjugē coronatus est. Nec multo post etiam Scoti eundem Regem renuntiarunt, missa per legatos corona. Ac proin soli ferme Hi-berni Jacobo Regi suo constanti fide adhæserunt, donec a Wilhelmo armis subacti, ad indebitum obsequium adacti sunt.

Ex quibus toti orbi manifestum est, Jacobum II. unice propter Religionem regno fuisse spoliatum. Et cur alias Jacobum Edvardum, legitimum ejus filium, ex Eleonora Estensi Mutinæ Ducis filia anno 1688. susceptum, exclusissent? Cur sorores, multo inferiori matre natas, prætulerunt? Cur in extraneæ stirpis Principem hæreditarium Stuartæ Familiæ regnum devolverunt?

Fabula de
natalibus Jac.
III.

At ecce commentum, uti multo levissimum, ita Nationi honestæ turpissimum! Absque ulla causâ, contra omnem veritatem, per injuriam & calumniam atrocissimam finxerunt, Jacobum Edvardum illegitimo thoro fuisse prognatum, ac proin successio-nis hæreditariæ incapacem, ut hoc mendacium propaginem omnem Stuartam etiam in radice extirpent, atque a successione remove-ant. Dignum profecto Calvinistis inventum; quod si locum in-veniat, Principibus omnibus est exitiale.

Wilhelmi
gesta in Bel-
gio.

Porro Wilhelmus III. modo, quo dictum, creatus Rex, devicto fugatoque Jacobo, rebusque suis in Britannia compositis, neminem timebat, nisi Ludovicum XIV. Igitur accedens magno contra eundem fœderi, anno 1691. in Belgium, pecunia & milite a Parlamento liberaliter instructus, abiit, ibique fœderatorum Dux Montes Hannoniæ obsidione Gallorum liberare frustra tentavit, prout etiam postea Namurcum.

Anno 1692. virtuti suæ & copiarum multitudini confusus, ut nomen suum æternitati consecraret, Luxemburgum Gallorum Ducem in castris ad Stenkirchium aggressus est; sed adveniente cum suppetiis Boufflerio, fugam arripuit.

Sequenti anno Luxemburgus vices reddidit, & meliori fortuna Wilhelmm, castris munitum invasit, atque post per-tinacem pugnam victum in fugam compulit.


Anno

Anno 1697. Namurcum deditione recepit; Gallis Duxmudam aliaque oppida expugnantibus.

Denique anno 1697. a Gallis quoque in pace Risvicensi Rex Magnæ Britanniæ fuit agnitus, & Gentilitium suum Principatum Arausicanum in Gallia recepit. Jacobi vero Regis exulis in pace illa nulla est ratio habita, Gallis propria commoda alienis præhabentibus.

Ne autem per mortem Caroli II. Hispaniarum Regis, quæ magnis passibus imminere cernebatur, novum gravissimumque bellum exardesceret, Wilhelmus cum Anglis & Batavis partitionis Hispanicæ (de quo in Hispanicis) tractatum iniiit anno 1700. At vero Hispaniarum Monarcha eodem anno decedente, Gallia illius testamentum, spreta divisione facta, apprehendit. Wilhelmus vero inito cum Cæsare & Batavis adversus Franciam fœdere, cum Obit. equo in venatione lapsus, accedente febri in Anglia extinctus est, anno 1702. ætatis 52. regni 13.

Creditur in Hollandiam Belgiumque reliquum sæpius ex Anglia discessisse, atque fœderati exercitus præfecturam assumpsisse, ut Britannorum effugeret insidias, quas pro mobili gentis indole, vitæ ipsius struxisse feruntur.



CAPUT VII.

STATUS TRANSYLVANIÆ SÆCULO XVII.

ARTICULUS I.

Bethlemus, inito cum Bobemis fœdere, Hungariam discerpit: Cæsus Ragozi, Dux Bethlemi; qui a seditiosis Rex proclamatur. Tampiér & Buquojus cadunt. Bethlem pacem init, quam mox frangit. Turcas evocat. Rursus pacem obtinet.

Compositis anno 1606. cum Turca induciis, quieta utcunque mansit Dacia atque Pannonia: donec novi tumultus orirentur a Transylvania, flagris, ut solet, sanguineis furente hæresi.

refi. Plures in ea brevi tempore Principes, aut tyranni potius dominabantur.

Transylv.
Principes.

Quippe post Sigismundum Bathorium, varium atque versatilem Principem, ditione pulsum, frater ejus Andreas primo Regiminis anno a rusticis est interemptus (1599), Stephanus Botskaius altero anno Principatus occubuit (1606), Sigismundus Ragozius non ultra annum fasces tenuit. Gabriel Bathorius quinto anno a subdito suo *Gabriele Bethlema Gabore* fuit obtruncatus (1613.)

Bethlemi per
fidia.

Hic autem *Bethlemus Gabor* per multos nimium annos turbulentum actorem egit in mundi proscenio, dolis ac fraudibus summos quoque Principes involvens. Nam primo fœdus petiit a Mathia Cæsare, obtinuitque ea lege, ut Hungariæ rebus se non immisceat, eosdemque (Turcam exceptis) cum Cæsare hostes habeat. A Bohemis autem rebellibus, religionis fociis sollicitatus, numerosum scripsit militem, evulgato rumore, adversus Bohemos pro Cæsare Ferdinando II. (cum quo fœdus renovaverat) bellum parari.

Cruelitas.

At ille ambitione elatus, Regnoque Hungariæ inhians, percusso clam cum Bohemis fœdere, junctusque cum rebellibus Hungaris, repente in Hungariam irruit, admotisque ad Cassoviam octodecim millibus, eandem extorquet: Boczio Præfecto capto, & in Transylvania misere pereunte.

Hungariam
diripit.

Hæc irruptio ingenti terrore Catholicos perculit, sectariis vi, cædibus, rapinis sævientibus. Fit passim fuga, sacrorum maxime hominum: in quos atrocitas & fœda dicta facinora barbarorum more edebantur.

Ita Hungaria turbinis instar decursa, patentibus ubique ferme portis, quas aut metus, aut hæreticus favor reseraverat. Resistentibus Jaurino & Comorra; partem exercitus in Moraviam, Bohemiamque Palatino misit (nam in Monte Albo octo Hungarorum millia pro eo pugnabant) parte altera Posonium expugnavit, subsidiiis trium millium a Buquoio ex Bohemia missis, ferme deletis.

Jamque Bethlemus ad Viennæ usque mœnia exercitum & terrorem spargebat, provinciis omnibus hæreditariis exitium minatus, cum subita Ragozii Ducis sui clades in Hungariam eundem retraxit.

Cæsus Rago-
zius Dux
Bethlemi.

Quippe *Humanajus*, Hungariæ Dynasta, sub adventum Bethlemi in Poloniam abierat, ibique collecto exercitu in patriam rediit. Occurrit illi Ragozius, quem Gabor Cassoviæ præfectum reliquerat, pellitque Humanajum, sed cum is cum validioribus

copiis

copiis rediret, committitur rursus praelium, quo in biduum extracto, simulant Poloni fugam: cum autem Hungaros ordinibus solutos ad praedam discurrentes adverterent, regressi incompósitos aggređiuntur, magnaue clade afficiunt. Peditatus omnis ferme deletus: equitatus cum Ragozio in fugam coniectus.

Hac suorum clade nuntiata, Bethlemus, ex Austria redire coactus, Redejum Ferentium, rebellem Hungarum, adversus Humanajum cum parte copiarum misit, ipse vero cum altera Posonium contendit, coactisque Comitibus Hungariae Principem se ipsum renuntiat, (1619.) eo ipso tempore, quo Ferdinandus II. legitimus Hungariae Rex Francofurti dictus fuit Imperator.

Cum autem ea res multos, fidos adhuc Ferdinando Hungaros, graviter offenderet, timeretque, ne plures a Rege Poloniae venirent copiae, ad simulationem compositus, inducias inquit cum Caesare, ut Polonos, sui securos, eo certius opprimeret, resque suas interea firmaret. Nam sollicitato Turca, renovatoque Bohemis sedere, Neosolium comitia indixit, in quibus a rebellibus sectariis Rex Hungariae est proclamatus, postquam Bohemi Palatinum Regem dixerant. (anno 1620.)

Caesar, tot hostibus undique obsessus, Tampierium ex Bohemia adversus Bethlemum in Hungariam misit: ubi, dum Posonium oppugnat, glande ictus occubuit. Caesarei autem casu Duceis perculsi, re infecta discesserunt. Fuit Henricus Comes Tampierius, seu Tempetrius, gente Lotharingus, militaribus artibus celebratus belli Imperator, Domuique Austriae in paucis fides.

In supremum jam felicitatis apicem elatus sibi videbatur Bethlemus, solio sublimis, diademate redimitus, sceptrique potens. Sed aliam mox fortunam expertus, fatale sibi nuntium de Palatini & Bohemorum, in quibus spei summam collocaverat, clade accepit. Versis igitur alio consiliis, Turcas & Tartaros invitavit in communem adversus Austriacos societatem: opimas Hungariae Germaniaeque provincias patere in praedam. Litterae hae in manus Procerum Hungariae sunt delapsae, quibus illi gravissime offensi, deserto, quem Regem paulo ante dixerant, Bethlemo, privatim cum Caesare sunt conciliati. (1621.)

Adhuc Buquojus, Bohemia subacta, cum exercitu in Hungariam profectus, Bethlemum in Transylvaniam repulit, majoremque Hungariae partem recuperavit. At, dum Posonio recepto Neosolium oppugnat, ab hostibus est interemptus. (1621.) Natione Belga, patrem habuit Longevallium Vauxii dominum, Alexandro

andro Farnesio comprimis charum; cujus commendatione comitis dignitatem ex Bucquojo, gentilitia in Artesia ditione, a Philippo II. Hispaniarum Rege accepit. Mortuo patre, Alexander Wallonum turmæ Carolum præfecit, atque ad militiam ita excoluit, ut celebres inter heroes bellicque Imperatores censeretur mereretur, virtute, fide, continentia, rerumque gestarum gloria inclitus.

Datum tunc fuit mox perspicere, quantum momenti viri unius auctoritas & secunda fama in bello possit. A morte Bucquoji retrolapso Cæsaris in Hungaria fortuna Bethlemum, jam ferre prostratum, denuo erexit. Is quippe cum novo exercitu e Transylvania progressus, cum Turriano & Jägerndorfio populationem late per Hungariam circumtulit. Expugnata Tyrnavia, tentatoque necquicquam Pofonio, in Moraviam effusus, truculenti instar Tartari sæviit.

Sed cum audiret, viginti Tartarorum millia, auxilio sibi ventura, a Polonis esse cæsa, Jägerndorfium, maxima copiarum parte a Cæsareis & Saxonis intercepta, tota Silesia ejectum, adhæc Esterhasium, Wallensteinium, Donavium, Tribunos Cæsareos valido cum milite sibi imminere, ad pacem respicere coactus, legatos ad Cæsarem misit.

Gabor pacem init.

Cæsar, bellis in Germania novis novisque succrescentibus, alienus non erat a pacis consiliis, quin pinguorem etiam, quam expectare debuerat, Bethlemo concessit. Nam *Nicolopoli* transactum in has leges: retenta Cassovia, septemque in Hungaria ditionibus, atque nonnullis in Silesia, Principis Imperii titulo contentus, depositaque corona, cæteris Hungariæ urbibus cederet. Status vero Religionis ac Patres Societatis in eum locum restituerentur, quo ante bellum fuissent. (1622.)

Quam mox frangit.

Verum Bethlemus Gabor pro ambitione sua & versatili ingenio quiescere non diu potuit: addentibus, ut turbaret, stimulos Mansfeldio & Brunsvicensi, aliisque Germaniæ Protestantibus. Cum propriæ vires non sufficerent, ut bellum inferret Cæsari, grandi usus mendacio Portam Ottomannicam pulsavit: fingit ad ordines Hungariæ litteras, velut ab Imperatore Romano scriptas: quod victo Palatino ejusque Ducibus, in Valachiam, Bosniam, Græciam, & si cederet, Thraciam, ipsamque Sultani regiam, bellum sit illaturus. Has a se fictas, ceu interceptas mittit Sultano; & crebris Ferdinandi victoriis accensa invidia fidem fecit.

Turcas mendacio evocat.

Quapropter Mustapha, quamvis alias pacis amantior, misit in Hungariam sexaginta Turcarum & Tartarorum millia: quibus

bus Bethlemus cum sectariis se junxit, atque Hungariam rursus Moraviamque miserum in modum devastavit. Sed affuit causæ meliori Numen propitium: barbarus exercitus ter cæsus ab Esterhasio: atque Mustapha, de impostura Bethlemi certior factus per Legatum Cæsaris Curtium, suos revocavit, factasque cum Cæsare inducias in plures annos prorogavit. (1623.)

Gabor, ubi se desertum vidit, Mansfeldium insuper & Brun-Rurhus pascuicensem socios cæsos, pacem rursus a Cæsare petiit. Et obtinuit ea conditione, ut Hungaria abscedat, captivos, & ablata restituat.

ARTICULUS II.

Ferd. II. Religioni consultit. Ejus filius Rex Hung. Bethlem tertium bellum inchoat, juvante Turca. Cæsus iterum, pacem obtinet. Moritur. Ragozi invadit Hungariam.

Cæsus Principatu deponitur, Redajo suffecto.

Pacata tantisper Pannonia, ea Cæsari cura fuit, ut Ferdinandus filius Rex Hungariæ renuntiaretur. Poscebat eam provisionem eo temporum statu & Religionis incolumitas, & Domus Austriacæ salus. Quippe Bethlemus Religionem Catholicam, sacrosque ejus cultores, gravissime est persecutus. Neque procul erat ab interitu, nisi pietissimus Cæsar in ejus conservationem curam omnem intendisset.

Auxilio comprimis fuit Petrus Pazmannus, Cardinalis & Rex Ferd. Archiepiscopus Strigoniensis: qui erectis Viennæ, Strigonii, Tyrnaviæ, aliisque in locis Collegiis, in quibus juvenus Hungarica litterarum disciplinis erudiretur, id effecit, ne animabus amplius idonei deessent pastores.

Cum Religione rediit Hungarorum in Cæsarem, Regem suum, ejusque Domum amor, ut adeo Procures quidam mentionem de filio ejus in Regem & successorem cooptando ingererent, ut Religione successore jam certo, nemini spes esset novandarum rerum. Indicta igitur a Cæsare regni comitia Edenburgum. Ad quæ ipse cum conjugæ & liberis atque Carassa Nuntio Apostolico, qui hæc scripsit, se contulit.

In Comitibus inquisitum de fonte tumultuum, qui hætenus regnum tantopere concusserant, atque de eorum remediis. Deinde,

de, cum plures Christiani, inductis pluribus uxoribus, Mahometanorum more matrimonii sanctitatem temerare non erubescant, quomodo hoc probrum coercendum.

Ferd. II. filius
electus Rex
Hung.

Tum vero a Strigoniensi, Esterhasio, aliisque paucis ad Regni successorem deflexa oratio. Acatolici palam repugnabant, maxime, qui præsentes aderant, Legati Bethlemii: rationem electionis ad modum libertatis Polonicae reducendam contententes. Sed cum Legati Slavoniae, Croatiae, & Dalmatiae, Catholici prope omnes, advenissent, per majora suffragia fuit decreta electio. Hoc cum cernerent reliqui, unanimi omnium ordinum voto dictus est Rex Ferdinandus, atque allata singulari prorsus cum pompa Posonio S. Stephani corona a Strigoniensi Archiepiscopo ornatus. Eodem tempore Esterhasius electus fuit Palatinus seu prorex Hungariae. (1625)

Ussit Bethlemi invidiam hæc coronatio, cum ipse eandem ambitione jam præcepisset. Adhæc amplissimæ nuptiæ cum Electoris Brandeburgici filia, sumptuosissimo apparatu, Orientis & Occidentis Imperatorum Legatis præsentibus, celebratæ, spiritum hominis, alias arrogantem, & quiescere nescium inflaverant. Denique incitabant Christianus IV. Daniæ Rex, qui bellum Cæsari indixerat, cæterique fœderati, cum Budæ Præfecto, Cæsari inenso.

Horum singula poterant hominem levem nulliusque fidei ad tertium bellum Hungariae inferendum permovere: præsertim cum Austria tumultuantem, Cæsaremque gravissimis procul a Pannoniciis abstractum bellis videret.

Tertium
Bethlemi bel-
lum.

Juventa Tur-
ca.

Irrupit igitur rursus valido cum exercitu in Hungariam, in qua multos amicos habebat, quos aut hæresis aut novandi cupiditas ei conjunxerat. Nec regni hujus rapinis satur, in Moraviam quoque & Silesiam, ubi conjunctionem cum Mansfeldio condixerat, populationem extendit. Ex altera parte Turca Hungariam invasit, Damascchio expugnato, & Novigrado obfesso. (anno 1626.)

At Cæsar, Dano jam fracto, Wallensteinium cum copiis in Hungariam misit, qui nominis sui terrore, & Turcas Novigrado depulit, & Bethlemum, cum Mansfeldio & Vinariensi conjunctum, in fugam conjecit.

Ad Tartaros pro more recurrens Bethlemus, 40000. millia sibi promissa exspectabat, sed ii in Polonia ita sunt contriti, ut non nisi cladis nuntium acciperet. Turca, Babylonico bello involutus, suos retraxit. Mansfeldius & Vinariensis privatas prædas agebant.

agebant. Brevisque Mansfeldius, funestus Germaniæ, Bohemiæ, & Hungariæ titio, Budæ inter Turcas extinctus est.

Bethlemus undique desertus, spe abjecta, in Transylvania-Cæsar pacem
am suam recessit, obnixque a Cæsare pacem petiit. Concessit il-
le homini, quamvis toties perfido & perjuro, his legibus: Hun-
garia cedat. Belli concitatores aperiatur. Mansfeldium & Vinarien-
sem dimittat: Tartarico aliisque fœderibus renuntiet. Restitutio-
nem Damaschii a Turca impetret. Captivos, & a Turcis in ser-
vitutem abstractos, reddat. Promisit Bethlemus prolixè omnia,
quasvis conditiones bello, toties infelicitè tentato, potiores, du-
cens. (1627.)

Biennio post turbulentus hic actor de theatro vitæ humanæ
abscissit: postquam 16. annis fraudibus, insidiis, perfidia involu-
tam tragediam ludit, totique Europæ illudit. Natus est in Tran-
sylvania loco nobili anno 1580. in aula primum Gabrielis Bathorii,
dein Constantinopoli aliquot annis educatus: ac inde redux, ope
Turcarum dejecto atque interempto Bathorio altore suo ac domi-
no, Principatum Transylvaniae invasit, conspiransque cum Domus
Austriacæ hostibus, quas diximus, tragedias dedit, personam
etiam Hungariæ Regis agens. Uti fidei, ita Religionis nullius fuit,
nisi ea dicenda sit Religio, quod Catholicos immani odio sit per-
secutus. Obiit anno 1629. ætatis 50, regiminis 16, prole nulla re-
lictæ.

Successorem in Transylvania habuit *Stephanum Bethlemum*
fratrem, sed eo mox dejecto, Georgius *Ragozius* electus est, cu-
jus jam pater Principatum gesserat. Is cum Bethlemo Gabrielis
fratre inimicitias primum, dein bellum gessit. Bethlemus modicis
a Turca auxiliis instructus, atque bis victus, in Thraciam rejicitur.
Denique amicorum opera conciliantur. (1636.)

Anno 1644. idem Ragozius, haud dubie a Suecis incitatus, Hungariam
cum 70000 Armatorum in Hungariam irruit: causam præferens,
Hungariæ libertatem violatam a Cæsare: multa contra priorum
annorum pactiones immutata. Cassoviam itaque aliaque nonnul-
la loca invadit. Ejus impetum Comes Bucheimius cum Cæsareis,
& Hungarorum fida manu strenue sustinuit, donec anno sequente
pacem petiit, quam eo pronius Cæsar concessit, quo majore Suedici
Gallicique belli pondere premebatur.

Ejus filius regni cupiditate pariter ebrius, cum Hungaricam Filius a Po-
non posset, Polonicam coronam prensavit. Accendit spem Caro-
lonis cæsus,

Ius Gustavus Rex Sueciæ, ut ad societatem belli Polonici eundem attraheret, promissis large omnibus, quæ ambitio petebat.

Dehortabatur eum non modo Cæsar cum Proceribus, sed ipse adeo Tartarorum Chamus, ne huic bello se immisceat: noratque, quam severis minis Aula Ottomannica Georgium parentem a Suecorum societate bello Germanico abstraxerit. Sed ne salubri monito aures daret, Barzajus, primæ admissionis Aulicus, effecit. Dudum homo versipellis principatum ambiebat, consiliis id agens omnibus, ut præcipitem indole Principem deturbaret.

Sueci vero missa Bizantium Legatione acriter Turcam incitabant, ut Cæsari in Hungaria bellum faciat: ferro & igne excindendos, qui lignea ac triticea simulacra pro Numinibus colant. Sed æquior Sultanus extrema minatur Ragozio, si quid in Poloniam fulcipiat, quacum ipsi amicitia intercederet. Verum obscuruit ad hæc miser, regnandique insania sui impos, fœdus percussit, sibi, Cæsari, Hungariæ, reique Christianæ exitiosum. (1657.)

In afflictam
Transylvani-
am fuga eva-
dit.

Nam Poloniam multo cum exercitu ingressus, ingenti clade prostratus est, amissis in acie quinque suorum millibus, pluribusque in fuga a Polono equite trucidatis. Quapropter traditis Keminio cladis reliquiis, in lucro ponere debuit, quod caput, quod coronæ insertum ibat, acinaci Sarmatico potuerit subtrahere, atque per invios calles & montium prærupta in Hungariam præcipiti fuga evadere.

Nec Keminio fortuna melior. Per Valachiæ alpes fugam rimatus, a Tartaris captus est, exercitu ejus aut trucidato, aut in servitutem abstracto. (1657.)

Quibus animis a Transylvanis exceptus sit infelix Ragozius, cogitatu pronum; cum nemo ferme esset, ad quem non pars aliqua cladis pertineret: auctusque dolor, cum immensa auri vis pro captivis redimendis a Tartaris exigeretur. Nihil certe propius erat, quam ut in ipsis comitiis a Keminii filiis trucidaretur.

Turcarum
minis a Prin-
cipatu depo-
nitur.

Verum longe atrocior tempestas misero Principi incubuit a Mahomete IV. Sultano, quod se Suecico fœderi illigare, & Poloniæ coronam ambire sit ausus: nec iram barbari placabat, quod fugitivus, rebus exutus, domi invisus, foris spretus temeritatem lussisset: sed funditus illum perditum ibat. Atque e vestigio Budensi cæterisque limitum Præfectis mandat, ut ad Temesvarinum copias ad expeditionem paratas habeant. Renningerum vero Cæsareum Constantinopoli oratorem monet, nuntiaret Viennam, non alio hæc arma, quam ad castigandam perfidi hominis con-
tuma-

tumaciam spectare. Securum Hungariæ, atque amicitie esse ju-
beret Cæsarem. Mittitur & ad Transylvaniæ Ordines, Albæ Co-
mitia habentes, qui denuntiaret, Ragozium illico provincia ex-
pellerent, Turcicumque præsidium Jenæam admittant: secus ex-
trema omnia expectarent. (1658.)

Facile advertit Ordines, quo hæc irarum in Ragozium simulatio collimaret: Principatum potius, quam Principem a Turcis peti. Sed quid facerent terrore attoniti, milite, fœderibus, opibus, amicis, fide, rebus omnibus destituti? Monent Ragozium, cederet tantisper tempori, atque, ne furens Turca libertatem adimat, patriæ dignitatem condonet.

Abdicat se haud gravate. Moxque Franciscum *Redajum* Redajus su-
Principem renuntiant, virum primæ inter suos Nobilitatis, egre-
gia & pacata indole, dignumque meliori tempore.

At Ragozius privatam vitam non ferens, solutis vixdum comitiis, & dimisso Bizantium Legato, egentium ac perditorum hominum delectibus habitis, brevi tempore decem hominum milia collegit. Permulti Nobiles, pro mobili Nationis genio, eos conatus clam promovebant. Redaii modestiam pro ignavia carpunt. Ea fiducia, crescente in dies adhaerentium numero, datis ad Ordines litteris postulat restitui. Mittitur ad eum, quæ dissuaderet, legatio, at incassum. Vi doloque intrusum Redajum clamat. In vitis etiam Ordinibus & ringentibus Turcis se Principem fore. Nec intra minas hæsit, sed Comitii copias admovet. Quare perterriti Proceres, in ejus verba denuo jurant: Redaiò æquabili animo Magistratu abeunte. (1659.)

ARTICULUS III.

Ragozi a se ipso restitutus; sed a Turcis Barzajus intruditur. Ragozi Casarem implorat. Barzajum dejicit. A Turcis occiditur. Varadinum a Turcis expugnatum.

Gravissime Turca id accepit, nullis muneribus a Ragozio se placari passus, Legato illius obruncato. Quare Ragozianus in Vindictam Turcicam ditionem progressus, populationibus late omnia cas. implevit, donec Budensis Prætor, quem *Bassam* vocant, cum 15000 occurreret. Configitur mox acri prælio; victus castrisque exutus Turca.

Sed

Sed Turcæ
aucti Bar-
zajum intru-
dunt.

Sed victoriæ læticiam absterfit nuntius de adventu 45000 Turcarum. Tradita jenæa Turcis, *Barczaji* fraude, ut ea ad Principatum sibi viam sternat. Missus idem ad Vezirium Legatus, apud quem valebat gratia, ut pacem ab eo exoret. Avocato in Orientem opportune Turcarum exercitu, ubi Aleppi Prætor gravi seditione Syriam miscebat, datæ induciæ hac lege: *Barczajus Principatum obtineat, at Caransebiam & Lugosum (duas munitas urbes limitancas) Turcis traderet: Ragozium, vivum aut mortuum, cum Valachia & Moldavia Principibus, Sultano transmitterent. Duplum tributum annuum pendant. Nobiles quatuor obsidum loco apud Vezirium maneant.* Atque ita Barczajus Principatum, tot sceleribus quæsitum, est consecutus, execrabilis patriæ, & Religionis proditor. (1659.)

Auxilia a Cz-
zare frustra
petit Rago-
zius.

Ragozius, spe necdum dejectus, a Leopoldo Imperatore rogat auxilia, Barczaji impietatem, Turcarum incrementa, & despoticum in Transylvaniam dominatum, ferendum non esse Cæsari: summum inde Hungariæ rei que Christianæ enasci periculum. Decem modo Germanorum millia sibi mitterentur, retrudendæ in Thraciam Turciæ se parem fore. Asiaticis turbis satis negotii Vezirio objectum iri. Affore Moldavos, Valachos, Cosaccos, Hungaros; neque ob missas auxiliares copias pacem a Cæsare violandam.

At Cæsar, sparsis per Dániam adversus Suecos copiis, non id esse tempus existimabat, quo cupidam belli Turciam irritaret. Ungaro militi parum tribui posse, qui multus quidem affluat, sed facile rursus disfluat, velitationibus, quam statariæ pugnæ aptior. Cæterum in ambiguo esse, an Barczajo, an Ragozio plus fidendum: parem utriusque ambitionem, utrumque imperandi vesania abreptum, quidvis admissurum.

Cum igitur nihil opis expectare juberetur Ragozius, cum Barczajo transegit: securam in Transylvania habitationem, sessionem & votum in Comitibus, regressum ad dignitatem, cum per Turcam licuerit, pactus.

Neque his pactis Vezirium emolliit Ragozius, neque Mayenbergii legati Cæsarei ad Sultanum oratio. Variæ tam implacabilis iræ causæ ferebantur. Verissima fuit cupiditas Turcarum, subigendi penitus Transylvaniam, arque invadendi Hungariam; unde minaces illæ Sultani ad Cæsareum Legatum voces. Ut quid Cæsar in terris suis hominem, *Eulgida Porta* adeo invisum, sustineret. Sibi eum bello persequendum, ubicunque eum morari contingerit.

Nequ

Neque latebat Leopoldum, bellum a Turcis quæri. Quare, ut Hungarorum animos pertentet, coactis Comitibus, quid ab illis expectandum foret, explorat. Magno consensu non modo annonam Germano militi, verum & regnum omne in armis fore, prolixè promittunt. Sed promissis exigua postmodum fides respondit.

Cæterum ea fuit Barczajæ vœcordia, avaritia, & servilis erga Turcas subiectio, ut Transylvanis jam vilis & exosus, Ragoz-^{Ragozium} zius contra, ceu liberalis & splendidus, in pretio esset & amoribus. Preparatis ita animis, Ragozium cum milite in Transylvaniam profectus, magna ab omnibus voluntate jam tertium Princeps acclamatur. Barczajus vero arrepta fuga Temeswarinum ad Bassam evasit, de Ragozii & popularium injuria multa conquestus.

Ragozium
Barczajum
deiecit Prin-
cipatu.

Ea rerum conversione Constantinopolim nuntiata, Sultanus Transylvanis servitutem & ultimam vastitatem comminatur, nisi recepto protinus *Barczajo* Ragozium expellant: Casari vero per Legatum scribi petit, pro belli denuntiatione se habiturum, si vel tantillum opis rebellis præstaret. Temeswarini Præfectus cum 15000 reducere Barczajum jubetur, qui magna clade Ragozium affligit.

Tum vero is, sumpto a desperatione consilio, ut Princeps non inultus moriturus, cum 6000 suorum ad Claudiopolin incredibili ferocia in numerosum Turcarum exercitum irruit, ingenti-^{Vulneratus} que strage illorum edita, in confertum hostium globum se injicit, a Turcis obit^{Varadini Ca-} multisque vulneribus acceptis concidit, atque spirans adhuc ^{tholicus.} Varadinum deportatur: ubi, ejurato Calvino, magno pietatis sensu Catholicus obiit: felicior morte quam vita.

Familia natus fuit nobilissima ac perverusta, avo & patre Transylvaniz Principibus. In bello fortis potius miles, quam Dux providus. Initio Principatus Basilium Moldaviæ Regulum ditione exuit. Polonica vero expeditio perniciem ei attulit. Felicit esse licuisset, nisi perdidisset ambitio. Filium ex Sophia Bathorea reliquit Franciscum, in Hungariæ hæreditarios fundos cum matre se recipere coactum. (1660.)

Ragozii morte necdum quies Transylvanis reddita: Quippe dum, Jani Keminii, Principatum ambientis, machinatione, detrectant Barczajum recipere, Sultanus Halyum Bassam ad Varadinum oppugnationem dimittit. Sufa, Dux Casareus, quanta cuperent, Varadinensibus auxilia offert. At illi satis sibi propugnatorum esse respondent, Calviniano Præcone pro concione clamanti-

Part. LX.

Hh

te

te, ne se arcemque Papistis Germanis crederent, satis animorum viriumque ad defensionem esse Hungaris.

Responsio hoc abrupto ad Susam delato, convocatis Hungariæ Ordinibus deliberatum, qua ratione occurrendum periculo. Una fuit omnium sententia, non committendum, ut tanto præsidio Turcæ potiantur: cum non Hungariæ modo sed Christiani orbis sit propugnaculum. Quippe Transylvaniæ, Valachia, Moldavia salutem unius Varadini mœnibus contineri, frænūque Turcis injici, ne in provinciæ formam eas regiones redigant. Hactenus procul, atque in ipsam adeo Asiam ad stativa deducendum fuisse Turcis militem, capto Varadino, ex provinciis istis, frumenti feracissimis, sustentandos. Rudolphum Casarem ad hunc locum conservandum gravissimo bello se implicuisse, eumque vindicasse. Et quamvis utriusque Imperii consensu is ad Tibiscum & Samosium tractus Transylvaniæ Principibus sit concessus, non tamen propterea a suprema Regum Hungariæ, in cujus solo est situs, fuisse subtrahitum. Ipsam Transylvaniam semper Hungariæ partem fuisse habitam, Principibus fidem Regi jurantibus. Quod Turcis tributum pendant, tyrannide potius quam jure fieri.

Varadinum
a Turcis ex-
pugnatum.

Verum, ut inquit ille, dum Romæ deliberatur, Saguntum perit. Varadinum, ob præsidii paucitatem, machinatorum imperitiam, prodiones incolarum, magna Christianæ rei jactura, 47. oppugnationis die Turcis est traditum, Bizantio magnis plausibus excipiente victoriæ nuntium, & clavem in Christianorum terras ab Halyo inventam gratulante. Susæ autem Halyus denuntiat, nisi finibus protinus excedat, venturum se cum victore exercitu, & pauculos Germanos internecioni daturum.

ARTICULUS IV.

*Barczajo deposito Keminius intrusus: hoc pulso Abassius. Pax cum
54. Turcis. Abassi invadit Hungariam. Transylv. ad Casarem.
Herbevill Ragozianos cadit. Hung.
vastata.*

Dejecto ite-
rum Barczajo
Keminius
Princeps.

Majori interea, quam unquam, intemperie æstuabat Transylvania. Durante Varadini obsidione Barczajum, ne quid turbaret, in custodia tenebat Halyus: tum in Principatum remisit ea lege, ut Turcis cedat Claudiopolim, & 500 æris millia numeret. Cumque impotentius pecuniam exigeret Barczajus, Transyl-

Transylvani eo deserto *Keminium* Principem renuntiarunt. Barczajus vero, cum Turcam per litteras invitasset, oblati rursus duabus, quas vellet, urbibus, Ordinum voluntate cum fratre est interfectus, belli calamitatum Princeps auctor. Ragozium herum, ut ejus dignitatem obtineret, in pernicioſa conſilia præcipitavit, ſpem Regni Polonici injecit: Turcas in vindictam concitavit, Jenam pollicitus, Caranſebiam, & Lugofium tradidit; Varadinum machinationibus ſuis perdidit. Ante mortem monetam cudit, cum lemmate: *ſalva nos: perimus.* Et in parte averſa: *de profundis clamaſi.* Deleta ſtirps omnis. Uxor mendicato vivere coacta.

Barczajus interfectus a ſua.

Amoto hoc probro Chriſtiani Nominis, Halyus, agni veſlere vulpem teſturus, Keminium Temesvarinum amice invitat, ut ſolenni inauguratione Principatus inſignia capiat. At non ita ignarus erat Turcicarum artium, quin reſtim ſibi paratam intelligeret. Viennam igitur legatos mittit, rogatum auxilia, ſe, totamque Tranſylvaniam Cæſaris fidei permittens.

Benevole accepti ſunt legati, atque ſpe pleni remiſſi. Ad Sultanium & Halyum directi Legati a Cæſare, tentaturi, ſi qua ratione abſque bello conſuli Keminio & Tranſylvaniæ poſſit. Uterque reſponſum accepit, Keminium vivere amplius non poſſe: ſi ejus cauſam Cæſar ſuſcipiat, pacem violatam videri. Itaque jam ſerio bellum apparatur.

Interim vero, dum Cæſarea auxilia, & modica & lenta, conveniunt, Keminius Tranſylvania a Turcis pellitur. Michaël *Keminio* pulſo *Abaffius* vero, qui ruri vitam degebat, ab iisdem accitus, ad mortem ſe duci credebat, cum Princeps Tranſylvaniæ renuntiat. (1661.) Keminius collecto milite contra eum, comitantibus 2000 Cæſareorum, duxit, ſed affluentibus Turcis, & Tranſylvanis prodentibus, victus eſt, & trucidatus.

Keminio pulſo Abaffius Princeps.

Ex quibus apparet, omnes illos Principes Tranſylvaniæ, ex Calvini diſciplina homines fuiſſe ambitioſos, turbulentos, & ſanguinarios, qui vix Principatum adepti Rempublicam tumultibus, ſequè ipſos alternis veſt cædibus involverunt, aut Turcis per factiones ſuas maſtandos præbuerunt.

Devoluto ad Abaffium Principatu per interitum Keminii, ſolliciti erant Tranſylvani, qua ratione Germanos, quos enixis precibus paulo ante advocaverant, ex urbibus denuo, quas præſidiis tenebant, expellerent, prout a Sultano imperatum fuerat Abaffio. Et miſerunt eam in rem Legatos ad Cæſarem, qui ſe abducturum copias recepit, niſi in manus Turcarum venirent.

Tranſylvani Turcis mixti Claudiopolim obſident, & Cæſaris ſæpe defendunt.

Cum igitur hoc metu Cæsarei in munimentis persisterent, Transylvani Turcis mixti Claudiopolin oppugnant. At Cæsarei Redano Præfesto, civibus Calvinicis exarmatis, adeo strenue urbem defendebant, ut hostis re infecta abscedere fuerit coactus. (1662.)

Pace cum
Turcis inita
Abaffius con-
firmatus.

Grave dein bellum Cæsar cum Turcis gessit propter Transylvaniam, ne tanta provincia in eorum potestatem laberetur. Parta Cæsari *Sau-Gotbardana* victoria, Vezirius pacem petiit, qua conventum, ut uterque Imperator copias suas Transylvania deduceret, liberamque Ordinibus potestatem Principem sibi eligendi relinquat. Keminii & Ragozii hæredibus armatus in Transylvaniam ingressus interdictus: Abaffio sua relicta dignitas. (1664.)

Abaffius in
Hung.

Porro Abaffius & Transylvani, quacunque ope poterant, rebellibus Hungaris succurrebant, atque asyllum præbebant. Anno 1675. Kaloum, Tokainum, Zatmarinum, tanquam veteres essent Principum Transylvaniæ possessiones, reperebat, velut inique a Ragozio in Cæsarem alienatas; cum tamen ab omni ævo in Hungariæ Regum ditione fuissent, atque ad tempus duntaxat fiduciario jure Ragozio concessæ.

Igitur cum 12000 Armatorum movet in Hungariam, auri-feris montibus inhians, omnemque late regionem devastavit, Scepusiensem præsertim agrum.

Cum dein *Pedipolius* ad Transylvaniæ Principatum aspiraret, bellumque inferret, totum se Abaffius ad rebelles Hungaros applicuit, eorumque opera victoriam retulit; cumque Pedipolius, instaurato e Valachis exercitu, novum prælium pararet, mandatum cum minis a Sultano accipit, ut arma ponat. Abaffius vero, ut Hungaris pro submissis subsidii gratiam referret, totidem ad fovendam promovendamque rebellionem, Töckelio ductore, consignat milites, atque acceperat. (anno 1678.)

Turcia se ad-
jungit.
Transylvania
in provinci-
am a Cæsare
redacta.

Exorto subin bello Turcico, totum se Ottomannis applicuit Abaffius, donec anno 1687. prævalentibus Cæsareis armis, a Leopoldo Cæsare in provinciæ formam redacta est Transylvania. Quippe Carolus, Dux Lotharingiæ, parta *Mobacensi* victoria, susceptam in Transylvaniam expeditione, Claudiopolin, Cibinium, Hebam Juliam, totumque Principatum deditione accepit, his legibus; munita provinciæ loca præsidium Cæsareum reciperent, illudque alerent. Abaffio ærarie ac civilis rei administratio, fundi, jurisdictio, comitia convocandi autoritas salva maneat. Religionum libertas ne turbetur. Magistratus suis legibus moribusque vivant.

vivant. Si Turcæ aut Tartari transitum extorqueant, gubernatoribus id mature significarent, & Christianis opem ferant.

Tentata quidem est postea sæpius a Turcis Transylvania, sed armis Cæsareis strenue vindicata, in fide persistit ad initium usque hujus sæculi: ubi occasione belli Hispanici Hungarica seditio denuo exarsit. Nam eo ex incendio in Transylvaniam quoque flamma sparsa est; quam tamen *Rabutinius* Gubernator cura sua vigili tantisper compressam tenuit, senatoribus Cibinio conclusis. (1703.)

Verum anno sequenti Ragozium, missis in Transylvaniam sex Hungarorum millibus, pleraque ad defectionem prona invenit. Volitabant mox per provinciam perduellionis vexilla. Rabutinius, interclusis omnibus subsidii, *Claudopolim*, quia servari non poterat, dejecta muri parte, deseruit, atque Cibinium residuas vires collegit. Indeque prorumpens grandi clade Transylvanos Hungarosque multavit.

Ragozium nihilominus sub initium anni 1705. Ductore Forgasio Hungarorum ad 40000 immittit, quibus ad 10000 Transylvanorum se adjunxere. Obsessa mox Deva, Fogarasia, Corona, Mediesinum, & ipsum denique etiam Cibinium, triginta hominum millibus urbi circumfusus.

In arcto res erant positæ; tota ferme provincia in hostium potestate; Varadinum & Giula, Transylvaniæ claustra longa obsidione ad famem redacta; viæ cæsis arboribus, objectis aggeribus, ductoque perpetuo vallo præpeditæ; omnia ad exitium, quod Rabutinius, Felsius, Beckerus virtute, fide, constantia morabantur, inclinabant; cum Herbevillius longo & difficillimo itinere ducto in Transylvaniam exercitu, tutelaris velut genius, rebus afflictis succurrit.

Vallo adhuc aggerique struendo intentum hostem *Herbevillius* ad Siloam aggreditur. Difficilis pugna: hostis & numero multo superior, & aggere valloque defensus. At enisæ Germanorum virtus plenam victoriam retulit. Cæsi 4000, tormenta 28, signa 50, annonæ & impedimentorum currus omnes victori in prædam cessere. Enituit virtus Schlickii, Glöcklspergii, Langleti, Drascovicii.

Mox alia tum rerum facies. Peramplius & quæstuosus Principatus a præsentissimo exitio servatus, atque in fidem Cæsaris asserutus. *Claudopolis* jam stabant triumphales arcus, magnificis epigraphis, *Victori, Patriæ vindici, Germanorum Domitori*, insi-

gniti, multusque apparatus cernebatur ad solennem pompam; quarta post die Ragozius inaugurandus erat Transylvaniæ Princeps. Jam vero cives urbis claves obviam victoribus supplices tulerunt. Vis annonæ grandis reperta; captivi Germani signis suis redditi, rapti ad supplicium transfugæ. (1707.)

Vastata ab
Hungaris
Hungaria.

Restitutam sibi Rempublicam, coactis more veteri comitiis, sapientissime Rabutinus gubernavit: cum accipit Vienna literas, quibus cum majori legionum parte in Hungariam superiorem justus est migrare, Stahrembergio futurus auxilio. Difficillima erat profectio; quia perduelles omnes regiones, quibus trans-eundum erat, igne ferroque vastaverant, cibariis aut avectis, aut desossis, aut corruptis, ut Cæsareis desertam solitudinem relinquerent. Debresinum, urbs amplissima, inventa est hominibus & rebus penitus vacua: ardentis vici & tristia busta ubique visabantur. Adeo nempe boni isti cives in patriæ suæ, veluti matris viscera, grassabantur.

Remisso cum 2000 equitibus in Transylvaniam *Tigeo*, qui vicario nomine provinciam regeret, post anni dimidii miseram peregrinationem Budam tandem Rabutinus attigit: sub finem vero anni 1707. in Transylvaniam, graviter laborantem rediit; postquam de ea deferenda jam plures in Senatu Aulico sententiam dixerant, de inhibendis excursionibus in Austriam & Moraviam solliciti.

Visa proin est hæc sententia privata potius spectare comoda, quam bonum publicum Josepho Cæsari, qui tam amplam pinguemque provinciam, tantis impendiis partam, licet longinqua sit, & nova supplementa exigat, neutiquam omittendam censebat, eaque perduelles aut Turcas potiri; maxime, postquam Rabutinus & Tigeus eam totam ad obsequium Imperatoris reduxissent.

Rabutino

Laborabat tamen Rabutinus, Gallicæ originis homo, post res tam præclare, tantaque fide, solertia, constantia, & bellica virtute gestas, apud Proceres Viennenses invidia. Quapropter, missione impetrata, Viennam concessit, æticulari etiam morbo afflicto, nactusque est in Transylvania successorem *Kriechbaumium*, qui domitam equidem provinciam accepit, sed brevi expertus est, quam ardua gubernatio sit demandata, Karolyo irruente, supplementis, vestibus, annona deficientibus, incolis vero, qui mollissime erant habendi, parum contribuentibus. (1708.)

Subrogatur
Kriechbaumius.

Hei-

Heistero, copias Transylvanicas ad Tibiscum in Hungariam duci cupienti, mos geri non potuit, Ragozio & Carolyo, 14000 armatis circumtonantibus per provinciam, Varadino ab iis obsesso, cui annuis subsidii succurrendum. Et, si cætera abessent, in illa gentis mobilitate, Nationum ac Religionum colluvie longius a specula abesse non licuit.

Ad hæc Rascianis, partes licet Cæsaris sequerentur, confidi non potuit, utpote qui, sibi relicti, amicos juxta hostesque spoliabant, dicente Willsono Hyberno, Aradiæ Præfecto, Rascianum, si vel ad inferos prædam videat, adequitaturum. Nec puniri poterant, ne in seditionem agantur, essentque in illa Germanorum paucitate necessarii. (1709.)

Sequenti anno, gravi per Transylvaniam pestilentia sæviente, nihil ferme belli fuit; nisi, quod Rabutinus, paternæ legionis Pro-Tribunus, populatorium Baloghi agmen oppresserit, captis signis 10. equis 153. Ragozianis 40.

Kriechbaumio, curis & laboribus immortuo, in Transylvaniæ Præfectura surrogatus Steinvillius Lotharingus: qui multos Nobilium, ad Cæsarem redeuntes, benigne suscepit. Illud autem suspectum atque periculi plenum videbatur, quod Protestantes Transylvaniæ Ordines viginti aureorum millia obrulerint, si Abasius & Bethlemus Comes e Viennensi custodia domum remitterentur.

Et hunc
Steinvillius.

Alter metus a Turcis erat, qui Russorum victoriis commoti, tam potentem vicinum crescere nolebant, Regemque Sueciæ, Benderi post Pultawanam cladem exulem, restitui postulabant. Quapropter omnia ad bellum apparabant. Timebatur proin, ne flamma in vicinam Transylvaniam & Hungariam erumperet. Nec vanus omnino metus, ne Turcæ, a Ragozianis & Legato quodam (ut fertur) interpellati, aliud simularent, aliud acturi essent. At metum absterisit Thalmannus, Cæsaris Byzantii Interpres, suspicionem de invadenda Hungaria nullam apparere. Et sane mirum est, Turcas in illis Hungariæ, sursum deorsum euntis, turbis Carolvicenses inducias servasse, nec ullis precibus a Ragozianis exorari se passos, datam ut fidem rumperent: exemplo sane, Christianis imitando.

Turcæ Hun-
garorum tur-
bis se non
miscent.

Anno tandem 1711. Transylvania quoque Hungariæ paci inclusa est: ejuratus cum factione sua Ragozius. Magnates ac Nobiles, ejus partes secuti, atque in Moldaviam profugi, restituuntur. Leges & statuta pristino loco stare jussa. Captivis libertas asserta.

Pax.

CAPUT

CAPUT VIII.

STATUS HUNGARIÆ

SÆCULO XVII.

ARTICULUS I.

Seditio Calvinistarum. Bellum Turcicum. Cum Vicarino multa loca amissa. Sant-Gottbardana victoria. Causa propevata pacis.

155.

Susa in Transylvaniam,

Transylvanica bella Hungaricum cum Turcis post se traxerunt. Nam cum isti nihil æqui admitterent; Cæsari autem committendum non videretur, ut Sultanus pro arbitrio Transylvaniam, Hungariæ Regno veteri jure innexam, versaret, bello decreto, *Susam* Hungariæ rebus præfecit, Montecuculum vero supremum belli Imperatorem in Transylvaniam misit, ut Keminio novo Principi adversus Ottomannos assistat.

Invitus omnino Dux sapiens eam expeditionem suscepit, probe gnarus, quantis cum difficultatibus per ardua tot itinera, ob annonæ defectum, Turcarum frequentiam, suorum paucitatem, Transylvanorum inconstantiam, depugnandum foret. Et revera nullo confecto negotio, cum interea Transylvani a Keminio ad Abassium, novum Principem, ab Halyo datum, defecissent, in Hungariam, cum acciso morbidoque exercitu redire coactus est. (1661.)

Sed neque in Hungaria meliores successus habuit Susa. Ad decem Hungarorum millia coegerant Esterhásius, Nadaástius, Bathianus, Bucheimius Comites: sed præter inutiles excursiones, & Palankas aliquot (exigui operis munitiones) exustas, nihil admodum actum. Quid? Ne hyberna quidem Hungari concedebant Cæsareo militi, sed ex sua gente Regem deposcentes, in ejus perniciem conspirabant. Calvinistæ potissimum, *Vesselinio*, Hungariæ Palatino incentore, has turbas machinabantur, Ministellis pro concione oleum flammæ non perfunditorie infundentibus: Papistas præ Mahometanis expellendos. Quapropter Leopoldus Cæsar in superiore

Sed redire coactus. Calvinistas in Hungaria rebelles habuit.

riore Hungaria, majorem partem Orthodoxa, hyberna Montecuculo assignavit.

In Posonienſibus quoque Comitibus, ad ſanandos regni morbos, & bello Turcico apparando, a Cæſare indiſtis, nihil ex æquo decerni poterat, ob indurataſ Proteſtantium repugnandi voluntatem. Detreſtabant illi ulla de re prius conſulere, quam omnia In ipſis etiam templa, ab anno 1619. ſibi ablata, reſtituta forent. Diſtinctum regni Comitum præterea a cæteris regni Ordinibus collegium poſtulabant. Neque Catholici omnes erant integri. Ut Germani ex Hungaria abducerentur, omnes poſtulabant, privilegia pro more ingeminaſ nantes.

Cæſar, qua erat facilitate, partem copiarum quamprimum in Aſtriam reduci jubet. At illi audaciores depoſcebant, Regiis litteris reſtaretur Cæſar, præter jus ſaſque abs ſe actum, quod contra Comitiorum authoritatem exercitum in Hungariam duxiſſet. Denique inſalutato Cæſare ſe omnes ſubduxerunt. Unde Cæſar quoque, graviffime offenſus Viennam rediit. Nec mitius actum cum Germano milite, aliis, quod teſtis excluderentur, frigore pereuntibus, aliis a ruſticis trucidatis.

Hoc animorum habitu eo ſollicitius, miſſo Conſtantinopolim Perſio, de pace agebat Cæſar. Duo potiſſimum Turcæ oppoſiebant: Quod Cæſar necdum Tranſylvania deduxiſſet copias: novumque Zrinius exſtruxiſſet propugnaculum. Cæſar vero petiit, ut ſecundum pacta, a Solymanno cum Ferdinando I. inita, libera Tranſylvanis eſſet facultas Principem ſibi deligendi.

Moram inſecit mors *Cbiuperlii* Vezirii: qui præcipuus fuerat belli incensor, Ragozii Keminiſque juratus hostis: homo adeo truculentus, ut ſex eminentiorum capitum millia a ſe reſecta gloriari ſit auditus: Sultano autem mire charus, ut, quod rarum, Vezirii dignitatem etiam in ſilium transferret. Qui Aſtologiæ hæcenus impenſus, bellique imperitus, ratas inducias mox habuit: pacificatione ad Halyum, Temelvarienſem Baſſam, rejecta.

Chriſtianis pacis exſpectatione otio torpentibus, Turcæ bellum ſtrenue præparabant. In exteris Principibus, bellis ubique ſerme flagrantibus, ſpes nulla. Comitibus Ratiſbonenſibus more ſuo lente incedeſbant: nec deerant ex civitatum legatis, qui dicerent: Hungariam & Tranſylvaniam nihil pertinere ad Germaniam: ſua oportere quemque defendere; ſatis albere illas regiones Germanorum offibus: nec æquum, ut unius utilitati omnes militent. Paſſim etiam lentitudo Portæ, & Aulæ Vienneniſis frigus accuſabatur.

Part. IX.

L i

tur.

tur. Tandem 6000 militum decreta, sed 4000 tantum sub finem Novembris, ad hyberna videlicet, in Hungariam venire: Cæsarei vero ad variarum urbium & provinciarum defensionem adeo sunt distributi, ut Montecuculo non plures, quam 4000 equitum, & 2000 peditum superessent. Hac modica manu contra 100000 Turcarum Christianorum causa erat agenda, ut adeo Mantecuculus ad Cæsarem scriberet, se post 36. annos militiæ eo redactum, ut 4000 equorum cursoria acie Croatam velitemque agere necesse habeat. Id saluti fuit, quod barbari tantam debilitatem aliquamdiu ignorarent.

Miseri con-
ditio Hun-
gariz.

Neofolium
amissum.

Vezirius, cum Leopoldus in tributum, a Ferdinando I. Turcis depensum, consentire nollet, pacis tractatione abrupta, grandi cum exercitu movens in Hungariam, Vivarinum (Teubus-
tel) oppugnare decernit. At vero Forgatius, munimenti Præfec-
tus, cum intellexisset, tria Turcarum millia appropinquare, ob-
viam illis egressus ad 20000 invenit, consertoque, cum evitare
non amplius posset, prælio, victus est fugatusque, multis suorum
in acie amissis, multis captis, & barbara crudelitate trucidatis, di-
cente Vezirio, sibi non esse panem pro canibus.

Partitis inde agminibus, alii Hungariam populati, alii in Moraviam effusi, cultissimam provinciam, 14000 in diram servi-
tutem abductis, solitudinem fecerunt: alii Vivarinum oppugna-
bant, orta que in urbe seditione militum, deditionem deposcen-
tium, expugnarunt.

Graviter perculit tam muniti loci jactura, quibus Christia-
na res curæ erat. Acerbe laceratus Aulæ Viennensis tepor, Legio-
nes velut alta pace alio mittentis: Ministrorum genius, qui gran-
dia bella cum potentissimo hoste suscipienda suadeant, nec tamen
necessaria provideant. Quasi vero cum sex millibus adversus cen-
tum & ultra millia bellum administrari queat. At facilius erat con-
vitiari, quam opitulari.

Et alie mul-
tæ urbes.

Eodem post Vivarinum captum impetu Nitria, Leva, No-
vogradum, aliæque urbes arcesque occupatæ, Turcis immani bar-
barie populationem & provinciarum vastationem circumferentibus,
ut adeo quidam ex Hungaris, jugum subire & Sultano tributum
pendere cogitarent. (1663.)

Superioris anni languor intendit utcumque fervorem sequen-
tis. In comitiis Ratisbonensibus triplum Romani mensis decretum,
in subsidium belli Turcici. Octo Equitum, quadraginta peditum
millia hoc juxta computum Imperii conscribiebat. Sed statim mul-
torum

torum ortæ querelæ, nimium se prægravari, temperandam prius pro ratione facultatum matriculam. Ardua magis hæc erat postulatio, quam ut ea tempestate perfici posset. Satiùs visum Cæsari connivere, ut vix tertia pars fuerit exhibitæ.

Neque tamen illa etiã Cæsaris voluntati permissa, sed lecti Duces, qui Imperii auspiciis copias ducerent. Rhenani maxime fœderis Principes consiliũ hoc urgebant, Gravello Franciæ legato annitente, ne Cæsari libera esset potestas utendi Imperii auxilii. Ea tamen fuit Ludovici XIV. magnanimitas, ut Duce ^{Lud. XIV. 6000. militum.} Colligitur Duce. ^{Colligitur Duce.} gnio sex Gallorum millia, ex Italia, quo adversus Pontificem missa fuerant, ob violatum, ut credebatur, Legatum, in Hungariam adversus Turcas melioribus auspiciis dimitteret.

Decem millia Pontifex coegerat, illaque, cum Franciæ Rege conciliatus, in sacri belli subsidium destinaverat. Sed cum tempore convento nemo Cæsareorum Romæ aut Anconæ esset, qui eas suppetias exciperet, Itali omnes missione donati sunt. Grandi tamen ære Pontifex rei Christianæ subvenit, data etiã potestate, ex Ecclesiarum fundis amplam pecuniam colligendi. Eo liberalitatis exemplo excitati Italiæ Reguli varia subsidia contulere.

Media hyeme Zrinius expeditionem suscepit in Turcas, quam ^{Subsidia Pontificia.} Zriniſſ expeditionis. ^{Summis alii laudibus; vituperiis alii, præsertim Montecuculus, Gonzaga, Susa, & peritiores belli Duces exceperunt.} Obscuriora non pauca oppida interceptit, aut flammis delovit, Essekium pontem exussit. Quinque Ecclesiis primum, dein ipsi etiã Canisæ oppugnationem admovit. Sed grandibus sumptibus impensis, terris vastatis, ad rei summam vix aliquid effecit.

Susa vero majori cum emolumento suscepta expeditione, Nitriam primo expugnat; victis dein ad Csernicium acie Turcis, duorum millia cecidit. Victoriæ fructus Leva fuit, deditione accepta. Mox tamen rursus ventum ad manus. Susa Ordines obequitans hortabatur, quam nuper pauci & debiles inchoassent victoriam, nunc aucti firmitque absolverent: framearum fulgore, & incondito barbarorum clamore ne percellantur: hostium quidem plures esse, sed Tartaros, Moldavos, Valachos, coactum militem, numerum duntaxat facere. Perferrent fortiter primum impetum: tum vero confertis ordinibus strenue signa inferrent.

Pugna ad Levam felix.

Septem solummodo nostrorum millia erant, Turcarum viginti. Dextrum cornu Valachis & Spahiis attributum, Moldavis & Tartaris sinistrum: Janitſari in medio stabant. Anceps diu erat prælium, nostri que victis propiores, cum Ducum virtute restituta

acies barbaros in fugam coniecit, cæsis eorum, ut fertur, octo millibus.

Strozzius quoque ad Muram tria Turcarum millia interne-
cione delevit. Sed parva victoria subita glande petitus victor oc-
cubuit, tristis silentio castrorum communis velut omnium pater de-
ploratus.

Expugnato dein Neozrinio Vezirius, multitudini suæ con-
fissus, decretoriæ pugnæ fortunam committere statuit. Nec abnu-
it Montecuculus. Quapropter ad San - Gothardum congressus est
uterque exercitus.

Turcarum copias, 60000 æstimatas, ducebant, præter Ve-
zirium Imperatorem, Damasci, Aleppi, Armeniæ, Bosniæ, Præ-
tores. Nostorum haud plures 30000 erant, ex variis nationibus
collecti. Univerſo exercitui præerat *Montecuculus*: equitatui Adol-
phus Sulzbacensis: peditatui Cæsareo Sabaudus Marchio Pio: Im-
perialibus copiis Leopoldus Marchio Badensis, cui Legatus Comes
Waldeccius, &c.

Wagn.

Initio Imperiales Tyrones, qui ad eam diem Turcicum aci-
nacem non viderant, terrore percussi, solvere ordines, fugam
circumſpicere, arma abjicere, in genua procumbere, supplicum
gestu manibus elevatis vitam deprecari. Plerisque, quo erant ha-
bitu, in genua provolutis, demessa capita. Submissis mox a Mon-
tecuculo veteranis subsidiis, repressoque hostium impetu, restitu-
ta acies.

Sanct - Got-
hardana vi-
ctoria.

Sex horis acerrime dimicatum: cum pactis velut induciis
utrinque respiratum tantisper. Tum vero Montecuculus animato
milite copias simul omnes in hostem duxit, tanta fortitudine irru-
entes, ut prima statim impressione loco mota hostium acies, at-
que missilium pilarumque grandine in effusam fugam sit coniecta.
2000 Turcarum aquis hausta: in ipso campo 6000 interfecta. Alii
16000 occisa tradunt. Signa 140 capta, cum ingenti præda.

Montecuculus *Generalis locum tenentis* dignitate ornatus.
Badensis, Waldeccius, Holachius, Colygnius cum suis Gallis,
summis laudibus celebrati, atque a Cæsare aurato torque donati.
Quo minus fugientibus insisteretur, grandes imbres, inundationes,
defectus pulveris bellici, & annonæ obstiterunt.

Articuli pa-
cis.

His aliquantum provisi, cum de novo prælio cum Turcis
conferendo, ageretur, stupentibus nuntiatur, pacem per Rennin-
gerum cum Vezirio, illam petente, in pago *Vasvarino* esse com-
positam: & quidem in has leges: In 20 annos induciæ tenento.
Transyl-

Transylvania uterque miles deducitor. Antiquum Principis eligendi jus penes Ordines esto. Zeckelhyda diruitor. Keminiique Ragozii hæredibus, proprio vel alieno milite armatis, Transylvaniam ingredi nunquam fas esto. Zatmariensis, & Zabolciensis, comitatus sit penes Cæsarem. Loco Vivarini novum munimentum extruere Cæsari liceat. Nullus ad fines exercitus consistat. Solenni legatione robor pactis & celebritas addatur. Dona utrinque, tantis Principibus digna, afferrentur. (1664.)

Cur pacem Vezirius festinaret, nemo mirabatur. Nam Germanorum virtutem expertus, totque præliis victus, verebatur, ne sinistra ulteriori belli alea Sultani gratia excidat, amplum belli præmium ratus, quod Varadinum & Vivarinum retinere queat.

Causæ pro-
perate paciæ.

At vero, cur Cæsar victor inopinatam adeo pacem concesserit, magnæ vulgo admirationi erat. Vivarinum certe, quod & Viennæ mœnibus prospicere propemodum liceat, in Turcarum manibus relinqui non debuisse. Verum illi, quibus notum erat, quot difficultatibus obnoxium hoc bellum fuerit, quot tædia Cæsari absorbenda, quot querelæ ad eum delatæ, quanta Ratisbonæ tergiversatio, quantæ exceptiones & oblocutiones, quæ spes in Tyro-ne milite, aut Gallicis copiis, quis Hungarorum in Cæsarem animus, quantæ tot inter Duces, pro arbitrio bellum gerere volentes, discordiæ & contentiones, quantæ commeatum difficultates, quamque immania ærarii exhausti onera, quibus, inquam, hæc erant perspecta, non admodum videbatur mirum, quod Cæsar tot difficultatibus per honestam pacem se expediret.

Missus dein a Cæsare Constantinopolim Legatus Comes *Leslaus* *Leslaus*, nobilissima in Scotia familia natus, sed Religionis causa *Cpottm.* exul, comparatis in Styria amplissimis fundis, domicilium fixerat: toga sagoque clarus, per 30 jam annos trium Imperatorum fidesimus Minister. Complures e prima Nobilitate ibant comites. Strigonii, Budæ, Belgradi, Adrianopoli, Constantinopoli magnis honoribus exceptus. Multi ab eo servitute redempti: commerciorum ratio inita: Jesuitis, ne Præfectorum injuriis exagitentur, publicis litteris cautum: Franciscanis sacrorum Jerosolymis locorum possessio, unde a 30 annis exacti fuerant, in integrum restituta. Turcici legati Viennæ multo alia erat vivendi ratio, cruda, avara, sordida. Cæterum Sultanus Cæsarem *Imperatorem Germanorum* compellabat; nam *Romanum Imperatorem* se ipsum esse prætendit.

ARTICULUS II.

SUMMARIUM.

Hungaria fertilitas, genius, querela. Heresis fax turbarum. Profect. Intercessiones. Perfidia. Vesselenii artes seditiosae. Ragozium & Nobilitatem ad rebellionem concitat. Zrini, Nadasti, Frangipani, Tattenbachii in Leop. Caesarem conjuratio. Detecta. Capti. Ultimo supplicio affecti.

56.
Hung. ferti-
litas.

Quod de Gallis dicitur, aut foris bella quærentibus, aut domi habentibus, id de Hungaris militari & acrioris indolis natione, spiritu armorum, cholericò sanguine, & generosa quadam ferocia ad inquieta & turbulenta quandoque consilia impellente, dici posset; præsertim cum incredibilis soli fecunditas, in vinea præstantissima, armenta bouum, piscium abundantiam, altissimum, ferarum, fructiferarum arborum luxuriam multo fertilissima, & quod consequi inde necesse est, victus levissimo parabilis, ingentem otiosorum hominum multitudinem, paratam semper miscendis regni materiam, nutriet.

Indoles.

Quippe miranda patriæ glebæ clementia quam abundantes earum rerum, quas natura profert, tam earum, quæ laborè & artificii parantur, inopes facit. Raræ artificum officinæ: præter vini, tritici, salis, pecorum nativa commercia, vix aliud negotiationis genus: nec egrediuntur, ut vendant, sed expectant, donec veniant, qui emant. Agriculturam ipsam ignave, & per solos ferme Sclavos, quos servorum instar habent, exercere solent. In tanto autem desidiosorum hominum numero nihil pronus, quam ciendo turbas, rapinarum occasionem & impunitatem quærere.

Querela.

Nec defuerunt Nobiles, qui spiritu elati, tumultuum auctoribus multitudini se præberent, aut officio se præteritos indignati, aut aversione & odio in Domum Austriacam turgentibus ferendum non esse jugum dominationis extræ, nec extra Regnum Regem quærendum. Barbaros velut & Scythas haberi Hungaros, quod immolles & voluptuarios aliorum mores immigrare nolint. Austriæ consiliis de capite & fortunis suis decerni: opulentissimas Præfecturas a Germanis occupari: præter leviora quædam munia nihil administrationis sibi concedi, nec præter obsequii & cæcæ servitutis gloriam quidquam esse reliquum: ferenda Reipublicæ onera, nec sentiri ejus commoda: exedi sibi medullam, ut exteri pinguescant.

Info-

Insolens id genus murmur ambitiosorum & turbulentorum hominum calidioris sanguinis nationem facile in iras & conspirationes movere poterat: maxime, cum cuilibet comitatu fas sit, privatim in concilium coire, in quo tributorum, litium, Regionum mandatorum ratio ineatur. Sit, qui in tanta loquendi libertate querelas ejusmodi publice proponat, aut injuria quapiam, seu vera seu ficta, se affectum lamentetur, jam ad vindictam accenduntur omnes, privatam etiam causam suam faciunt: velut in copia, & accendi facili materia, serpit flamma, conferuntur capita, jaciuntur conjurationum & seditionum fomites, exterorum etiam Austriae hostium flabellis non raro in apertum incendium eventilati. Quibus si accedat insita pectoribus a Germanis, lingua, habitu, moribus tantopere discrepantibus, animorum aversio (cum alias usvenire soleat, ut limitanei populi ac finibus proximi, animis longissime distent, atque convitiis se mutua dicacitate insectentur) cogitatu pronum est, in populo facile irritabili facile cieri turbas.

Sed inter tot seditionum incentiva, nullum tamen hæresi, ^{Hæresis fax} face illa Regnorum, & formidanda imperantibus furia, potentius. ^{turbarum.} Hæreses quippe omnes alienæ natæ sunt sanguine: nec ullum Principem in solio suo securum relinquunt. Cum enim sacra magnam Reipublicæ partem constituent, nunquam illa sola convelluntur, sed in coronata etiam capita furor grassatur, ex ipsa hærelis indole, rebelli, turbulenta, sanguinaria, sua.

Ludovico jam Rege in Hungaria gliscere cœpit exitiale hoc malum. Primus Franciscus Perenius hospitium illi præbuisse fertur. Ingentibus deinceps sub Austriacis Regibus incrementis diffusum, in Transylvania maxime, quod alias memoravimus, sedem fixit, sectarum colluvie ad omnem scditatem contaminata: Tibisci quoque in Hungaria tractu præ reliquis infecto, eo majori contagii pertinacia, quo major accolarum ruditas, morumque distortio.

Hac usi Ministrelli, ab stiva ferme & aratro ad Regnum illud animorum emergentes, feram illam ac prope barbaram Tibiscanam gentem fraudibus suis aptam nacti, turbulentis suis concionibus, magicis velut incantationibus adeo dementarunt, ut pro oraculis haberentur. Calvinī affectu hi erant potissimum, cujus secta dominationis ferme impatientes facit, & nescio, quam majorem impietatem, audaciamque sanguinariam suis cultoribus inspirat. Anabaptistæ pauciores, & opificiis intenti, sunt quietiores.

Allaboratum equidem a Ferdinando I, ut Catholicissimum olim Regnum pristino Religionis nitore reddatur, sed, prout est
in

Protest. Prin-
cipum inter-
cessionibus.

in perniciem suam ingeniosa improbitas, imploratis Principum Protestantium intercessionibus, elusa prope sunt pientissima Cæsarum consilia; cum ea tunc essent tempora, quibus tribui haud parum oportebat iis, sine quorum auxilio ægre stetisset res Austriacæ. Certe vix ad bellum Turcicum aliquid contulerant, cum graviter instarent, ut Hungaris credendi libertas concedatur. Quæ in re plus sibi, quam Cæsari, potestatis esse volebant.

Ferro denique, quo prece aut pretio pervadere non poterant, extortis variis permissionibus, penetrarunt, templis occupatis, constitutis scholis, petere etiam ausi, ut separatim a Catholicis statum ipsi constituerent. Turcarum dein auxilium implorare, imperia contemnere, vicinos populos ad pervaciæ societatem invitare: opprimi libertatem, retento post bella in Hungaria Germano milite vociferantes.

Præsidia hæ-
ret.

Indignissime siquidem Acatholici ferebant, iis excubiis licentiæ suæ effusæ frenum injici, neque tantum a se fieri posse, quantum hæreticus spiritus ausus fuerat. Verum hi ipsi conatus impii id effecerant, ne Cæsares faciles aures refractariis darent: præsertim ubi Leopoldus per Leslæum ex Budensi Prætoro, Christianis parentibus olim nato, intellexit, infidos omnino Christiano Cæsari esse Hungaros, ut a quorum nonnullis arces aliquot & præsidia Sultano sint oblata, si in clientelam reciperentur. Promississe insuper filios obsides missuros Budam: consilium ab iis sibi suggestum, ut montibus auriferis & tractu Neosoliensi potiretur. In hac autem prodicionum atrocitate privilegia nihilominus sua jactabant, in perfidiæ videlicet instrumenta ea vertentes, quæ olim ob fidem erant concessa.

Vesselenii
artes.

Propius jam ad ipsas conjurationes adversus Cæsarem Domumque Austriacam, quæ ex obtentis his causis descenderunt, accedendum. Turbarum præcipuus author fuit *Vesselenius*, Hungariæ Palatinus, seu Prorex, homo simulandi & dissimulandi artibus, calliditate, popularitate, omnibus acceptus, sed clam Domui Austriacæ insensissimus. Ejus instinctu oblata velut Ordinum nomine querelæ, quod infidelis Hungaris pax cum Turca esset inita. Sine Regni consensu tantum negotium confici non debuisse. Quæ autem hæc pax esset, per quam tanta spolia in hostium manibus essent relictæ? Germanum militem ex Hungaria deducendum: sibi que regni custodiam permittendam: nisi forte contra suam libertatem ea comparata essent militum præsidia.

Respon-

Responsum per Lobkovicium, supremum post Portiam Augusti Cæsaris Præfectum, mansuete. Non tamen acquievit Vesselenius, ejus prima erat cura, Principes Regni familias in conspirationem attrahere. *Ragoziani* nominis magna ex opum amplitudine apud Hungaros erat Authoritas. Surculus supererat unicus, *Ragozium & alios Nobiles ad rebellionem concitabat.* *Franciscus* sub matris tutela: huic unicam Nicolai Zrinii filiam junxit, eumque ad seditionem concitat, ingerens, quo patre, quibus avis natus esset: num pateretur, a Germanis se velut captivum teneri? Hungariæ oculos in eum, velut liberatorem verti: esse opes novasque cum sponsa amplissimas clientelas, quibus magna ad posteritatis omnis memoriam possit agere. Aggressus dein Zrinium, Nicolai in venatione occisi fratrem: utrumque verborum lenicinio in casses egit: adjectis Tibiscanis Calvini asseclis, ad omnia audenda projectis. (1665.)

Zrinius igitur, Banni Croatiae dignitate negata æger, coëptis insistent, socios conquistavit, quos ad rebellionem proniores existimabat. Hos inter erat Comes *Nadastrus*, pollens opibus & audacia, iratus Cæsari, quod, mortuus nuper Vesselenio, quem primum conjurationis incentorem diximus, Palatini dignitatem, effusam ambitam, non sit consecutus. Statuerat quippe Cæsar, eum Magistratum, nomine tuendi leges, Regibus gravem, antiquare.

Collatis consiliis, statuunt, Cæsari insidias struere, eumque, cum comitantibus paucis Nobilibus Schottviennam ad salutandam sponsam, ex Hispaniis adventantem, dissimulata persona, alieno habitu esset excursurus, per locatos in insidiis Portendorfseni ex arce milites intercipere.

Saluti Leopoldo fuit, quod ante Schottvienna discesserit, quam 500 sclopetarii, quos inter arbuta abdere constituerant, essent collecti. Latuit hoc scelus, donec conjurati postea, antiquam de iis supplicium sumptum, confessione sua illud vulgassent: prout etiam, quod fontem aulicum, unde aqua in cibaria petebatur, veneno infecerant. (1656.)

Frustrato hoc ictu, non tamen finit conjuratio, sed machinatore Zriniò majora multa incrementa sumpsit, adeo quidem, ut de bello Cæsari inferendo grandes apparatus fierent. Tentata Ragozii mater, quæ in arce Mongatsiensi se tenebat, quo mariti, Transylvaniæ olim Principis, amplissimas opes, vel justo exercitui pares, congesserat. Dudum huc oculos verterant conjurati, unicum velut factionis nervum: stimulabantque Ragozium, quem jam

Pars LX.

Kk

ante

ante in partes suas pertraxerant, ut hæreditatem paternam matri extorqueret. Jamque vi armata arci immincebant; cum mulier, fida Cæsari, disponi tormenta in subeuntes jubet. Filio vero cordate denuntiat, spem omnem potiundæ hæreditatis ponat, donec conspirationi nuntium mittat: nolle se esse proditoris matrem. Non tamen ille a turbulentis consiliis pedem retraxit, sed Tokainum, Germanorum præsidio occupatum, expugnare est conatus.

Ejus molli-
minia.
Frangipani.

Crescebat in dies factio, Ministrorum seditiosis concionibus ad arma excitata. Sed multo maximum incrementum ex *Frangipani* Comitis accessione accepit. Opes juveni nobilissimis natalibus orto, fundique in Croatia ad Dalmatiæ fines amplissimæ. Nulla in injuria accepta, a Zrinio in eundem vorticem abreptus, Monachum Constantinopolim ablegat, quanta maxima posset auxilia a Turcis petiturum: atque, ubicunque poterat, rebellionis semina spargebat. (1667.)

Cæsar, allaturus publico jam malo remedium, comitia cogit. Sed irrita fuit oblata clementia, vanus labor: Ordinibus aperte clamantibus, nisi creato Palatino haberi non posse comitia: neque admittendos Germanos Præsides. Protestantes restitutionem sanorum, & libertatem religionis regerebant: moxque domum redierunt. Effectum proin nihil, nisi quod in plures sit propagata rebellio, atque totum denique regnum pervaserit.

Quin de industria Turcicis finibus cum Ragozio populationem intulerunt, ut irritati arma in Hungariam Turcæ convertant. Ut autem argentum pro milite parent, opulentissimos ex Catholicis diripiunt.

Neque Germania immunis fuit a contagio. Erasmus Comes *Tattenbachius*, amplis in Styria opibus fundisque locuples, atque in sacratiori ibidem consilio locum obtinens, Ravesteinii item comitatus in Franconia potens, eo vassanæ devenit, ut, Cillejæ provinciæ spe ostentata, in rebellionis societatem a Zrinio se trahi sit passus, sacramento etiam fidem obligans.

Progressus
conjuratio-
nis.

Factione sic roborata, missa rursus legato ad Turcas, promissum tributum annuum. Consultatum in Divano. Petitiæ a Vezirio Rakotianæ arces: promittunt. Sed cum illæ Germano defenderentur præsidio, sicque promissis stare non possent, Vezirius rem totam Casanovæ, Cæsareo legato aperuit, qui illico Viennam nuntiavit.

Nec tamen omissa a Cæsare leniora remedia, oblata ad obsequium redituris præteritorum venia. At incautum omnia. Conjuratio-

jurationis capitibus & Ministrellis faces subdentibus, in omne nefas laxata audacia. Jamque 8000 equitum, & 4000 peditum, e Valachia, Moldavia, Transylvania, & Ragozii fundis collecta convenerant, pluresque in dies prædandi licentia aggregabat, cum Proceres propria autoritate Cassoviæ comitia agunt, de belli ratione consuluri. Missus Rothaldus ad disjiciendum hoc comitium: fas non esse absque Regis consensu comitia cogere. Quid eæ copias sibi vellent? Responsum ferociter, patriæ causa se convenisse: nec pro pecudibus haberi se passuros. Copias ad limitum custodiam ductum iri. (1668.)

Cum rebellio jam undique in apertum prorumperet, Divini factum providentia Numinis, Austriacam Familiam in Leopoldo Cæsare (præter bimum infirmumque in Hispania infantem) unico superstite conservantis, ut periculosissima conjuratio in tempore degeretur.

Primus Tattenbachius, qui ultimus accesserat, in casses Detecta incidit. Habebat domi hominem rei conscium. Hunc furti insinulatum carceri dedit. Is aut vindictæ aut poenæ vitandæ causa, seriem conjurationis aperit, productis binis commentariis, Tattenbachii manu scriptis. Willius, Urbanus Gracii Judex, re Vienne delata, & accepto inde mandato, consilium ingressurus, ut gladium ponat, & custodiam subeat, Cæsaris nomine mandat. Captivus in arcem ductus: excussa domus, arma pro 6000 hominum inventa. Rogatus, cui fini sint destinata, sine ambagibus cum gemitu execranda consilia facitur.

Non minus liquida in Zrinius indicia in scriniis Tattenbachii exstabant. Præterquam, quod palam in armis esset: frequens ejus palatium Turcis. Frangipanium quoque propriæ litteræ prodiderunt, ad Csolnitium eenturionem scriptæ, quas iste, sceleris immanitate coherescens, protulit. Inter alia hæc verba erant inserta: *multis Zrinius me evocat, statuendo tempori, quo auspiciemus expeditionem. Ego sane milite accinctus, jam nunc pileum Cydari Turcica mutare exspecto impatiens. Volitabunt Germanorum capita, pœnasque diuturnæ tyrannidis dabunt. Hodie jacienda alea dies constituetur. Si vacaverit, Bosnia Bassum coram inuisam, digesturus, quæ abhucdum ambigua.* (1669.)

Cæsar iterum iterumque, litteris toto regno sparsis, veniam Cæsar vent-
offert omnibus, qui uti velint. At superbe responsum, ab armis anu offert.
neminem discessurum, nisi Germani tota Hungaria æternum arceantur: Calvinistis cederentur templa: Hussaris solvantur stipendia.

Sed bellum
reponunt.

Desperata igitur saniore mente Spankavius cum sex Germanorum millibus veteranae militiae adversus octo Zriniana millia in Croatiam progreditur. Sed non opus erat multo certamine. Zriniani viribus diffisi, ad Herbersteinium, Carlostadii Gubernatorem plerique transeunt. Turcarum nemo comparuit, neque Croatarum, qui semper Austriacis Regibus fidi manserant. Rakotianis satis negotii Sporckius cum altera exercitus parte faciebat.

Vincuntur.

Profligatus igitur, pene antequam in acie consisteret, Zrinius, arci invalida se inclusit cum Frangipane: sed Spankavio arcem acriter verberante, desperata defensione noctu per averfam portam in fugam erumpunt, atque rerum omnium nudi per sylvas errantes, quo se verterent, ignorabant. Viennam tandem recta petere, & rogata suppliciter veniam se totos gratiae clementissimi Caesaris permittere decernunt. Sed male provisi ad Kerium comitem ex via declinant, qui eos captos inter armatos Viennam deducit, superum hominumque fidem nequidquam inclamantes.

Ragozio da-
tur venia.

Eadem velocitate in superiore Hungaria debellatum est a Sporckio, veteri ac multarum palmarum Duce contra Ragozium, qui, matre bene merita apud Caesarem intercedente, in gratiam fuit receptus, traditis tamen omnibus suis arcibus, Mongatfino quoque ipso, Caesari, veniam vitamque solam precatus. Capitibus rebellionis fractis sequebatur vulgus. Recepta passim in urbes & munimenta Germanorum praesidia: iis, quos male conscius animus in desperationem egerat, primo in Transylvaniam ad Abasium, non obscurum rebellium Patronum, dein vero, prohibente Turca, ne rebellibus asylum praeberet, in Moldaviam & Poloniam exulatum euntibus.

Muranum supererat, arx Vesseleniae gentis, situ inexpugnabilis, totius conjurationis officina, in qua & consilia cudebantur, & literaria monumenta asservabantur. Datum ejus expugnandae negotium Carolo Lotharingo, rudimento hoc grandibus heroum facinoribus praesuluro. Inerat Vesselenia, Palatini vidua, omnium mariti scelerum complex. Territa illa arcem, re omni bellica multo instructissimam Lotharingo tradit, seque Caesaris clementiae permittit. Reliquos rebellium nidos Heisterus excussit.

58.
4. Comites
capti.

Inventa in arce Murana litterae, totius conspirationis indices, quibus maxime convictus *Nadassius*: exaratæ ejus manu epistolæ ad Ragozium, quibus Hungariae coronam pollicebatur: ad Vezirium item, quibus auxilia urgebat. Cum Pottendorffii securus sui dormiret, ab Ursembeccio subito cum militibus irrumpente captus,

captus, Viennam in custodiam abductus est: Zrinus vero & Frangipanes Neostadium, proditi iisdem litteris alii quoque rebellionis complices, Töckelius, Petrocius, &c.

Indicta componendæ Hungariæ alia rursus comitia: sed agi Comitibus tunc pacate nil poterat. Audiebantur effusæ Protestantium voces: Re-bida. religionis & regionis libertatem everti: iudicium captorum comitum ad Ordines regni pertinere, bona eorundem arbitrio distribuenda. Quietam non fore Hungariam, dum Germanica præsidia superessent. In id videlicet Acatholici collaborabant, ut, subtracto fræno, pro libidine grassari, omniaque miscere queant. (1670)

Causam interea suam agebant capti comites. Sed difficilis erat defensio criminum, quæ propriis eorum litteris, confessione sociorum, & moto aperte bello erant manifesta. Annus tamen pene integer concessus. Consultæ Academiæ, Ingolstadiensis, Tu-Consultario bingenfis, Lipsiensis, Spirensis tribunal. Concessi reis Jureconsulti, Academia- quos vellet, causæ suæ patronos, non quod res esset dubia, sed rum. ut obstruant obrectantium voces, opes captivorum præcipuum eorum crimen esse.

Zrinus, conjurationes ignorari ratus, prolixum commen-
tarium Cæsari obtulit. Hungaros indigna multa perpeffos. Oc-
cupata regni præsidia Germano milite. Tribuit exhaustam ple-
bem, conculcatam nobilitatem. Negatos ad regem accessus. A
ministis Viennensibus, odio nationis flagrantibus, alto supercilio
contemptos rejeçtosque. Sumpta tandem, consumpta patientia, Actio in rebus
arma, non adversus Majestatem Regiam, sed regni legumque ne-
cessariam defensionem. Præterquam quod lege publica, jam inde
ab Andrea illo Hierosolymitano lata, Hungaris concessam sit,
etiam adversus ipsum Regem arma capessere, si leges aut privile-
gia nationis violatum eat. Turcas a se accitos pluraque alia ne-
gavit.

At ubi Frangipanis confessione, productisque ab eo litteris,
aliisque instrumentis, ac testibus se convictum vidit, longe alios
vultus induere, confiteri, quæ inficiatus fuerat, ad solam clemen-
tiam appellare, Ministros aulæ, quos acerbè antea perstrinxerat,
in commiserationem afflictæ fortunæ vocare. Tattenbachius quo-
que, non uam se mortem commeritum dicere, a Deo, Cæsare,
Græcensi urbe, quam prodere decrevisset, veniam precari.

Nadausius contra negare omnia, imo jus sibi dici postulare.
Verum, postquam suas ad Turcas & Ragozium litteras in mani-
bus iudicum vidit, in gemitus effusus, non jam justitiam, sed

misericordiam imploravit: quæque in vitam Cæsaris & Imperium delignasset, distincte fatetur. Nec desistebant captorum uxores precibus ac lachrymis Cæsarem thronum pullare. Pontifex ipse intercessit, pro Zrinio maxime & Nadaſtio, de re Christiana in Turcas æque ac sectarios optime meritis.

Et certe vix a Clementia sua obtinere poterat mitissimus Cæsar, ut mori eos juberet, qui Imperium vitamque ipsi eripere attentaverant. Sed urgebant constantem Imperii Principes, legatus Hispaniæ, Ministrorum fidissimi. Præposteram hanc clementiam Austriacæ ac Christianæ rei exitialem fore, tam atrocium scelerum impunitate audaciam armatum iri: feras magnas nec claustris miscere, nec concludendas, ut emittantur. Quem Principum securum fore, si Majestatis crimina non vindicentur. Hæsurum captivitatis sensum, in exulceratis pectoribus, perenne irarum molitionumque irritamentum.

Sententia
mortis.

Lata tandem mortis sententia, ut capite manuque dextra truncarentur. Bona fisco addicta. Atrociores multo sententiæ ab Academicis conceptæ. Nadaſtius ferale nuntium fortiter excepit: ex Nobilium albo deletus, senatu & provinciæ curia motus: confecta gentis insignia, erasi tituli: filiis, quos undecim numerabat, Dominorum de Cruce nomen inditum. Tum vero in lachrymas effusus, eripite, inquit, honores, famam, vitam: at liberis innocuis parcite. Facta supremum filios alloquendi copia uti noluit, ne sibi illisque dolorem intenderet. Nocte dein tota tractandis cum Deo animæ rebus insumpta, ad ferale pægma deductus, summa pietatis in Deum ejusque matrem atque fortitudinis laude securim excepit.

Idem supplicium eadem die Neostadii Zrinius & Frangipanes subierunt. Tristior huic nuntius mortis accidit, quod veniam adhuc speraret: ætati quid & judicii infirmitati condonandum ratus. Quas ad Csolnitium dedisset litteras, juvenilis potius levitatis quam perduellionis reas. Fortior Zrinius fatalem sententiam excepit, positaque rerum humanarum cogitatione, totum se expiandis confessione peccatis, Deoque placando dedit. Idem factum a Frangipanio. Facta pridie mortis mutuo salutandi copia, neque enim se hætenus viderant, in genua provoluti, veniam mutuo rogarunt, Zrinio se authorem tantæ calamitatis profitente. Remissa dein dextræ abscissione, tristibus ceremoniis nobilitate exuti, in urbis armamentario carnificis manu capite plexi sunt, magna animi, in Deum erecti, constantia. Corpora in principe templo condita.

Suppe-

Supererat Tattenbachius, cujus supplicium per semestrem adhuc fuit dilatum, donec lis de Reinsteinensi comitatu Brandenburgum inter & Brunsvicensem finiretur. Mortis nuntium adeo molliter accepit, ut incondita vociferatione & informi gestu mente motus videretur: quare humi se volutans laniatus potius est, quam obtruncatus. (1671.)

Atque hunc tandem vitæ exitum fortiti sunt quatuor viri, nobilitate, & opibus amplissimis primos inter spectandi, turbulentis consiliis in eam calamitatum abyssum præcipitati. Paternas opes plerasque Cæsaris liberalitas Zrinii & Nádasii liberis concessit. Hujus vero arx Pottendorffiana Montecuculo donata. Zrinii filius in parentis prope miseriam postea successit.

ARTICULUS III.

SUMMARIUM.

Antiquata Palatini Dignitas. Prædicanum calumniæ & rebellio incensore Witmedio. Convicti. Majestatis damnati. Cæsaris Clementia. Eorum furor. Principum Protestantium querelæ. Cæsarea responsio. In apertum bellum prorumpunt Calvinistæ. Insurgit Töckelius. Electus rursus Palatinus.

59.

Refectis licet Principum capitibus, non tamen tristis hæc scena Necdum quiescedum tragœdiæ finem imposuit, sed, uti ex Egmontii quondam Horniiq; cæde auctum Hispani nominis odium, firmatumque sœdus Batavicum, ita per Hungariam diffusa rebellio: haud paucis tristem telam pertexere laborantibus, grandi Christianæ rei detrimento, quod civiles Hungariæ turbines in Turcica bella definire consueverint.

Publicata a Cæsare condonatio omnium, quæ in eam diem fuerant patrata. Rediere ad obsequium multi: aliis, quibus in turbido piscari volupe, veniam periculosam dicentibus, quod a Palatino, Magistratu ordinario non esset subscripta.

Viennæ deliberatum, qua tandem ratione Hungariæ firma Antiquatum reddi posset quies. Decretum, penitus antiquandum Palatini officii: quis enim esset, qui non abuteretur, justisque Regum decretis, tribunitiæ instar illius potestatis, non intercederet, ejus loco nominandum Regni Gubernatorem, cui adjungendum e viris primariis consilium, absque tamen potestate quid gravius decernendi

nendi absque Regia autoritate. Novo muneri delectus Ambrigenius Teutonici ordinis Magister. Sancita Regni sumptibus stata ac perpetua militia, quæ hyemem in prædiis, æstatem sub tentoriis ageret, in omnem partem, qua scintilla erumperet, occursura. Sapiens consilium & Austriæ salutare, si constanter fuisset servatum. Quoties enim amota hæc armorum repagula, in priorem ferociam rediisse experientia docuit.

Sic, ubi Cæsar anno 1672. bello Batavico fuit implicitus, copiasque ex Hungaria abduxit, tumultuari mox rursus indigenæ, conjurare, accire Turcas, cum Abaffio & Transylvanis societatem pangere, Cæsarem ac Germanos diris omnibus devovere.

Prædicanti-
um Calvin.
rebellio.

Ad sectarios potissimum continuata hæc rebellio pertinuit: fax & instrumentum furoris Ministrelli, maxime Calviniani, inquit semper & turbulenta natio: quæ non cessabat populum, præsertim Tibiscanum, erroribus suis involutum, ad seditiones & arma concitare. Id quod tum palam seditiosis concionibus faciebant, tum ex geminis epistolis *Witniedii*, nobili loco nati, & Catholicorum osoris accrimi, constat.

Duce Wit-
niedio.

Multum ejus vafricie usus est Nadaftius, quod autoritate apud sectarios valeret. Post illius necem totum Regnum oberravit: Pastoribus, jam alias currentibus, addit calcaria: consilia cum Gallis & Turcis miscet, rebellionem ubique accendit.

Scripserat, quod dixi, geminam epistolam, alteram ad Nicolaum Bethlemum in Transylvaniam, qua significat, certum esse Hungaris, communes cum Transylvanis rationes habere, Turcis tributum pendere: Franciam subsidiorum spem facere: admonendos Transylvaniæ Ministros, ut ad corripienda arma plebem excitent: Evangelicum statum rite esse dispositum, Sopronienses & Kösegienses Ministros Trans-Danubiam Hungariam in procinctu tenere: Eperiesinum, Leutsoviam, Trenschinum, Arvam, Liptoviam, Turoczium, a locorum Superintendentibus mire obsequentes haberi: Papias canes facile ad officium redigendos.

Continuata
Ministrello-
rum rebellio.

Altera, ad Kezerum Eperiesinum consulem data, scribit, eum Pastoribus rem ad amulum esse ordinatam: a Superintendentibus Ecclesias secreto armatas: fratres in Moravia, Silesia, Bohemia, Austria, cum Zolnensi Pastore consilia communicare: a Turaluckiensi tractu, Ministri opera, egregiam peditatum submitti: Posonium cum liberis civitatibus optime esse comparatum animis, armisque: Pappæ, Jaurini, Vesprinii, Sopronii, opus a Pastoribus strenue urgeri. Eadem ex superiori Hungaria ab Evangelicis per-

scribi:

scribi: a Pastoribus, ut in obsequio retineant plebem, rem verbo egregie geri: animandum pro concione populum, sed circumspice, idque Religionis & Reipublicae specie.

Ex his interceptis a Caesareis litteris sane videas, seditionum faces ubique a sectariorum Ministrellis fuisse praelatas, ut videlicet more Apostolico Religionem propagarent. Et consensiebant facta verborum petulantiae. Vocatus in subsidium harum machinationum Turca: Budensi Bassae 50000 aureorum promissa, ut sacerdotibus Catholicos quam plurimos interciperet. Cum autem pecunia barbaro non representaretur, litteras, ut erant Ministrorum nominibus ac sigillis signatae, ad Comonae Gubernatorem misit. Detegitur.

Caesar, seditione tot indicii manifestisque documentis comperta, sectariorum Ministellos in quaestione vocari voluit. Illi inficiari omnia: nil de Witniedo, nil de Turcis scire. At fuisse Rebellionis litteris, sociorum fassione, factique evidentia convicti, a Protestan-convicti. tibus etiam Judicibus variorum criminum sunt condemnati, rebellionis fovenda auxilia a Turcis petiisse: Levam, Jaurinum, Vesprinum prodere iisdem ineditatos: traditis in perfidia pignus sacrosanctis hostiis, e Catholicorum templis furto subductis. Juramento in Catholicorum & Germanorum eadem se mutuo obstrinxisse: ad externos Caesaris hostes velut legatos commeasse: plebem fidei sacramento solutam seditionis concionibus ad perduellionem incitasse: clandestina conventicula cum rebellibus de caedendis toto regno Germanis habita: infames libellos in Caesarem sparsos: pluribus in locis Magistratus abrogatos: carceribus effractis captivos liberatos. Et horrendum. Milites ac Praefectos Regios ex insidiis trucidatos: novem Catholicos sacerdotes interfectos, alios Turcis venditos. minum. Tempora plurima per vim Catholicis erepta: alia sacris vasis contractis, disceptis imaginibus foede vastata. Atque his tot criminibus perduellionis ac laesae Majestatis reos, mortemque commertos videri.

Aequissimam hanc Judicum sententiam multum lenivit Caesar: nempe, Ministrorum, Pastorumque nomine se abdicarent, damnati. nec scholas publicas aperirent, neque de Religione clam aut palam verba facerent: manu propria delicta fateantur, quod conspirationis in Caesarem convicti, veniam ab eodem petierint, & imperarint, ut in Hungaria tuto vivere sibi liceat. Caesaria in reos confecta. Huic clementissimae sententiae 236 Ministrelli nomina sua subscripserunt: uti in P. f. clementia. P. f. clementia.

Refractario-
rum furor. Refractarii vero, alii proscripti, alii in carcerem coniecti, alii triremibus additi. Horum 29 Tergestum milli. Tempa, Catholicis erepta restitui iussa. Usurpata hæc esse, non ulucapta, cum toties a Catholicis sint in Iudicio repetita, & per vim mala fide retenta. (1674.)

Posonientes sectarii templum ac Gymnasium ædificabant. Nuntiavit novum opus Episcopus: inhibita a Cæsare fabrica: illa nihilominus absolvitur. Cæsar Catholicos in possessionem mittit. Sectarii, campanæ sonitu conglomerati, arma corripunt, mandata Cæsaris discerpunt, omnia tumultibus implent. Verum a superveniente Cæsareo milite exarmatus furor. Templum ac Gymnasium Jesuitis datum, pietatis & bonarum artium futura sedes. Habito Tyrnaviæ iudicio 30 Authores turbarum Majestatis rei, capitis damnati. Quam pœnam Cæsar mitigavit, injuncta multa pecuniaria. Similem armatam seditionem sectariorum Spankavius Cassoviæ compescuit.

Principum
Protestanti-
um querelæ.

Tot scelerum rebellionumque sectarii luce palam cum essent rei, mirum profecto, Principes Regesque Protestantem eorum suscepisse patrocinium: quos inter Suecus Aulæ Viennensis crudelitatem, illatasque injurias acerbis scripto accusavit adversus Osnabrugensem pacem actum videri.

Cæsarea re-
sponsio.

Responsum Oxenstirnæ Legato, Cæsarem neque, quid in Suecia fiat, sollicitum, neque res Hungariæ ad alium pertinere, neque de illis in pace Osnabrugensi quidquam actum, cum nihil commune habeant cum Germaniæ negotiis. Propter Religionem nemini vim illatam: in perduelles legibus actum: nemini tamen propterea rationem redditurum, quam parum Rex Sueciæ, Angliæ, aut Batavorum Respublica Cæsaris referre arbitrentur, quid in ditionibus suis cum Catholicis agent.

Paradoxum.

Et sane mirum, quod Protestantes in Suecia, Anglia, aliisque suis terris Catholicos sacerdotes gravissime sint persecuti, nemine Catholicorum se contra movente: quamprimum vero Cæsar aut alius Catholicus Princeps in rebelles sectarios Regni sui agit, mox capita & consilia conferant, precibusque, etiam armatis, intercedant.

Nova Cæsa-
ris indulgen-
tia.

Saxonis, Brandeburgi, Luneburgicorum interventioni datum, ut abducti nuper Tergestum ad Triremes Ministelli libertati ac patriæ redderentur. Ut autem Protestantium legatis locus esset, quo sacrorum causa Vienna excurrerent, data est temporaria facultas.

facultas, ut Sopronii seu Oedenburgi in ædibus privatis duo Ministri ritus suos obirent.

Edito subin de restituendis, quæ a Protestantibus ablata fuerant, templis decreto, 20000 eorum e Tibiscano tractu coorta, Eperiesinum, Sendream, Castoam, civium A catholicorum prodicione ceperunt. Sed Coppus, collectis 14000 armatorum, cæsis 800, reliquos in fugam coniecit. Receproque Eperiesino, iterata clade eos affligit ad Cassoviam. Animadversum in rebelles & proditores, alii adacto per medium corpus palo hamato sublatis, ferreo alii unco suspensi. Nec tamen posuit ferocia. Conglobati rursus ter mille, directis pagis atque dirum in modum afflictis Catholicis, in Turcicam ditioem, cum multis Calvinianorum familiis se receperunt. Atque ex eo asylo perpetuis latrociniiis regionem infestam habuerunt. Oppressa 4000, cæsis 800. e Töckelii cohorte. Plura alia commissa a Cæsareis secunda prælia: sed, velut Lernæ illa hydra, reflectis capitibus alia succrescebant.

Sed rebellio Calvinistarum non quievit.

Cæsar, bello Gallico abstractus, imposito munitis locis præsidio, paucos in campum poterat educere. Rebelles vero, Parthorum more pugnantes, atque equorum velocitati, insidiis, subitis procurSIONibus confisi, cum vis ingrueret, in Turcicum agrum, aut Transylvaniæ latibula refugi, nullo loco consistebant. Atque hac ratione bellum volatile ad decimum usque annum produxerunt.

Sed in speratum bellum erumpunt.

Anno 1676. viribus aucta crevit rebellio, & sopita alicubi flamma, erumpebat alibi. Strafoldus, qui Spankavio, forti ac felici duci, curarum mole oppresso, successerat, cladem a rebellibus accepit. Reddita illis a Bargozio, & Coppo, Ducibus Cæsareis. Vidisses pernicibus equis undique stricto acinace circumvolitare rebelles, atque cædibus, populatione, incendiis omnia complere: *Labanzios* ubique immani rabie persequentes. *Labanzii* & autem vocabantur, qui in civilibus bellis Regias partes sunt secuti, cum contra rebelles *Curuzii* dicerentur.

Labanzii & Curuzii.

Anno 1677 sex millia Polonorum, a Bethunio conducti, Bohamo comite ductore, cum Tartaris & Transylvanis, rebellibus Hungaris venerunt auxilio, ut adeo 20000 sub signis haberent. Schmidius Tribunus octo homines, fide accepta, in eorum castra ablegat, veniam & præmia Cæsaris nomine oblaturus. Accepti humaniter convivio omnes obruncantur.

Romanitas.

Schmidius, temere cum Bohamo pralio congressus, ex modico, quem habebat exercitu, plus 1500 amisit. Quibus sane

calami-

calamitatibus factum, ut promptius Cæsar Neomagensem pacem iniret.

Töckelius
insurgit.

Töckelius interea, qui nova e Transylvania supplementa recens adduxerat, totius exercitus Dux & Imperator a rebellibus proclamatur. Fuit Emericus Töckelius, de quo plura nobis deinceps memoranda veniunt, Nobilis Hungarus, animo vivaci & prompto ingenio. Parens ejus Nadaſtiani conjurationi adhaſerat, eique continuandæ reliquum poſtea ætatis exegit. Emericus filius fuga in Poloniam ſe ſubdixit; indeque in Transylvaniam delatus, atque in Abaſſii amicitiam receptus, copias ab eo ad perdendam patriam accepit.

Dux totius exercitus creatus, viginti facile millium exercitum circumducebat, atque arces complures expugnavit, tentato nequidquam Mongaſſio. Eperieſinum cum Neſolio civium A-catholicorum conſpiratione traditum recepit: adjunctoque ſibi, quem Bohamus ducebat, Polono milite, mira celeritate Hungariam percurrit: incolis lapſum velut cælo genium, & patriæ liberatorem ſalutantibus.

Auxit fiduciam hominis, armorumque ſecundos progreſſus, Cæſarei militis paucitas, & imperii militaris a Coppo, experto ac forti Duce, in Würmum primum, dein Leſſlaum, felices minus Ductores, translatio. Cum igitur, abducto necdum a Rheno milite, tantæ multitudini ſe objicere non auderent Cæſarei, legatione ad Töckelium miſſa inducias offerunt.

Arrogans e-
jus reſponſio.

Reſpondit ille, ſe ſuosque in Cæſaris fore poteſtate, ſed ferri non poſſe, ut novi Magiſtratus legesque, abrogatis antiquis, patriæ obtrudantur; niſi Palatinus crearetur, libertas religionis & templa reſtituantur Proteſtantibus; & certum ſacerdotum genus (Jeſuitæ) regno pellantur, Rempublicam conſtitui non poſſe. Simul tamen eodem tempore cum Budenſi Baſſa conſilia contulere. Viſti autem mox prælio a Würmio, inducias admiferunt. Quas tamen Leſſlæus ſucceſſor reſcidit. (1678.)

Ambringe-
nus Guber-
nator Hung.
obit.

Anno ſequenti gravis peſtilentia Hungariam afflixit, quæ tactas velut inducias imperabat, & *Ambringenium Gubernatorem*, (inviſum Hungariſ nomen) diſcedere coegit. Is, translato in Ludovicum, Ducem Neoburgicum, ſupremo Ordinis Teutonici Magiſterio, rebus præclare geſtis, haud multo poſt obiit, vaticinari auditus, fore, ut Cæſar, domita rebellionē, totam Hungariam, alioquin ſuam, novo belli jure ſibi aſſereret.

Cum Turcæ magnos belli apparatus facerent, & palam etiam Hungarorum rebellionem foverent, Cæsar Comitibus Sopronium indixit, ibique ad Ordines latina lingua facundam orationem habuit; atque, ut gentem placaret, Esterhásium regni Palatinum ^{Palatinus} eligi indulſit. Duo maxime capita movebantur, alterum de Reli- ^{rursus elo-} gione a Protestantibus, alterum de educendis ex Hungaria Ger- ^{aus.} manicis copiis, ab omnibus.

Ministros suos indigne habitos proſcriptosque querebantur ſectarii. Reſpondebant Catholici: Judicum, quorum dimidia pars ^{Furor Præ-} ex Protestantibus delecta, æquiſſima ſententia fuiſſe condemnatos, ^{dicanum.} non propter Religionem, ſed flagitia. Conjuratiōnem nullam fuiſſe, nullas domi forisq; turbas, quarum non auctores aut participes fuiſſent. Nullum crudelitatis, ſacrilegii, perſidiæ genus nimium iſtis videri, modo Catholica ſacra everſum eant.

Tandem Cæſar liberum A. C. exercitiū permiſit, atque ut Poſonii, ſingulisque comitatibus ſanum pro eo ædificetur. Reliqua vero templa ea conditione, qua anno 1670 fuiſſent, relinqui voluit.

Reprehendebant Catholici hanc inexpectatam Cæſaris indulgentiam, velut ea in re a Majorum ſuorum, Religione nihil antiquius habentium, Inſtituto reſceſſiſſet Leopoldus. Querebantur, hoc pacto plus 70 ſana, publico ære conſtruenda, ſectariis concedi: ægreque adduci poterant, ut ſubſcriberent. Wagn.

Reducta per Cæſaris clementiam, varia indulgentis, ad concordiam videbatur Hungaria, cum Töckelius, ad Regnum ad- ^{Töckelli} ſpirans, omnia rursus turbavit. Miſit ad eum Cæſar Legatū, ^{perſidia & ambitio.} ut amplis promiſſis pertinaciam frangeret. Simulat obſequium. Sed imbibita penitus Turcia, cum Budenſi Baſſa in Cæſaris perniciem conſpirat: ductaque juniore Ragozia, Montgaſinum, ſedem ſuam veluti regiam, ingreditur, eamque multo belli apparatu implet. Auget exercitiū, Hungaris ad eum, præſertim Calviniſtis, magno numero conſtuentibus.

(1681.)



ARTICULUS IV.

S U M M A R I U M.

Töckelii grassatio. Velut Rex comitia celebrat. Hungariam Turcis prodiit. Bellum Turcicum. Viennam obsidet Turca. Vincitur. Vezirius strangulatus. Turca sapius caesi. Amnestia in Hungaria. Buda frustra obsidetur. Töckelius a Turcis in carcerem. Seraskierus relegatus. Buda tandem expugnata. Victoria ad Mohazium. Expeditio in Transylvaniam, & Sclavoniam. Hungaria Regnum hæreditarium: quod præstat Electivo.

60.

Ejus progressus.

Coharil virtus.

Töckellus
velut Rex
Comitia celebrat.
Turcis illi tradit.

Anno 1682. dum Caprara, legatus Cæsaris, Constantinopolim missus, de induciis, in vicennium producendis, tractat, Töckelius cum Turcis, Transylvanis, Valachis, Moldavis, & rebellibus Hungaris, Zattmarinum, Cassoviam, Onodium, Tokainum, Scepulium, Leutsoviam, Zendream, aliasque urbes & arces occupat, ut adeo Cæsari in Hungaria parum admodum maneret reliquum, Germanis induciarum spe suspensis, & Reunionum causa, captaque Argentina attonitis. Enituit tamen *Coharil* virtus excellens & fides infracta. Is quippe, defenso fortiter Tillekino, Bassæ traditus, & ab hoc Töckelio donatus, nullis promissis, minis, arumnis, carcerumque squaloribus ad defectionem permoveri poterat. Quin Töckelium proditorem patriæ, & Mahometanorum mancipium in os compellavit. Duobus post annis, capto a Cæsareis Pattakino, e profunda turri effossus, ad novam veluti vitam est renatus.

Töckelius interea, velut Hungariæ Rex Cassoviæ Comitia habuit, Transylvano & Turcico legato ad utrumque latus assidentibus. Orationem ad Proceres rebelles habuit, de Religionis, legum, privilegiorum, libertatis excidio, de Germanorum crudelitate, Turcici Imperii suavitate. Applauditur; Sultano se regnumque dedunt: & adduntur deditionis pacta. Töckelius, e Bethlemiorum stirpe oriundus, sit Princeps Hungariæ, Sultani tamen tributarius: ejus legati more Regio habendi: mortuo sine hæredibus Töckelio, integrum sit Hungaris, alium Principem sibi deligere, talem tamen, qui Turcis non displiceat. De cætero ex captis Hungariæ locis Turca nihil retineat: & Hungaros suis legibus & moribus vivere permittat. Pax San-Gothardiana suo loco relinquatur.

Cum

Cum igitur bellum evitari non posset, & Turcæ immanem copiarum multitudinem ex toto Imperio Ottomannico cogerent, Cæsar id Cæsar quoque, conquisitis undique fœderibus atque auxiliis, ad bellum sep- bellum se comparavit. Elector Baviaræ cum 12000, & cum toti- rat. dem Saxo se assuturum promissit. Suevicus, Franconicus & Rhe- nani circuli magnos delectus habuerunt. Pontifex, Hispanus, Ita- liæ Reguli haud parum contulere. Summi insuper momenti erat novum, fœdus, cum Joanne Sobieskio Rege Poloniæ idum, vi cu- jus Cæsar 80000, Rex 40000. educeret.

Mahometes IV. Sultanus pacis equidem quam belli erat amantior, quia tamen, a Janitis maxime (selecto peditatu Præ- toriano, & Effendiis (sic Jureconsultos & litteratos appellant) insinu- labatur, quod voluptates inter obtorpesceret, & Kara Mustapha, qui in Vezirii dignitate Chiuperlio successerat, bellum vehementer suadebat, in Divano illud, licet finitæ necdum essent induciæ, fuit decretum, Mustio licet, ob violatas juratas inducias, Divinas iras intentante.

Equi proin cauda ad palatii fores pro more appensa, ultra 230000 Belgradum, indeque per Hungariam Viennam usque mo- Viennam ob- verunt, non aliud tanta populorum mole dignum præmium rati. fident. 14 Julii 1683 universus hostium exercitus Viennæ se circumfudit. Ad 12 usque Septembris tenuit obsidio, cruenta sane ac vehe- mens. Sed Rudigerus Starembergius cum valido præsidio strenue ac fortiter urbem defendit: Cæsare cum familia jam ante digresso.

Jamque haud procul ab expugnatione urbs aberat, cum op- portune Rex Poloniæ, adductis 15000 armatorum cum Lotharin- Vincuntur. go & Electoribus, Bavarò & Saxone, se conjunxit, atque Turcas aggressus, celeberrimam victoriam reportavit. (1683.)

Turcarum tum in obsidione Viennæ, tum in pugna 70000 occubuisse feruntur. Castra, omni opulentia plena, direpta. Quod Turcarum reliquum erat, pleno impetu in Hungariam fuga elapsum est. Victores insequi veriti, in ipsis hostium castris no- stem ovantes exegerunt.

Capta 30000 Papilionum: Vezirii tentorium Regi Poloniæ Præda. obtigit, cum grandi Mahometis vexillo, & aureorum nummorum duobus millionibus. Præterea victoribus cesserunt 3000 tormenta bellica, Camelorum 5000, boum 10000, equi innumeri, supellesti- lis & annonæ vis ingens.

Sultanus Belgradi tristem cladis nuntium accepit: majori iterum ad terrore perculsus, cum intelligeret, suos iterum 9 Octobr. ad Bar Barcanum canum cæsi.

canum ingenti cæde prostratos, multosque Danubio haustos: ut adeo ex 14000 Spahiis, & 12000 peditibus, non nisi 3000 evaserint. Et hac ratione affatim vindicata est clades, quam pridie Poloni ad idem Barcanum acceperant.

Præmium victoriæ fuit *Strigonium*, ab exercitu Cæsareo Polonico expugnatum. Tum vero in hyberna concessum, quæ, variis locis interceptis, ampliora sibi fecerunt Dünewaldus & Heisterus. Rex Poloniæ vero, postquam irritò conatu perduelles Hungaros conciliare cum Cæsare satagebat, in Poloniam gloriosus cum suis rediit, relicto in Germania perenni fortitudinis & beneficii monumento.

Vezirius
strangulatus.

Kara Mustapha Vezirius autem, qui plurimos crudeliter occiderat, & totum Occidentem sub jugum mittendum credebat, Belgradi zonam e serico, a Sultano sibi missam, collo inseruit, & fervorum opera se sustinuit. (1683.)

Anno sequenti Veneti ad fœdus accesserunt, ea lege, ne bello ante absteretur, quam Cæsar Hungariam, Poloni Caminicum, Veneti Moream receperant: nec pax fiat, nisi communi consilio.

Annestia
Hung.

Nec parum res nostras adjuvabat perduellium Hungarorum ad obsequium reditio; quippe Cæsar, indidit Posonium comitiis, universalem amnestiam, fundos, honores addixit omnibus, qui veniam pererent. Amplexi sunt gratiam plerique, licet Töckelius, Turcarum & Tartarorum turbam secum trahens, vehementer obstitit.

Turcæ bis
cæsi.

Turcæ, magnopere licet fracti, impigre tamen bellum perabant. 50000 in Poloniam, 20000 in Peloponesum, 70000 in Hungariam destinantes. Sed a Cæsareis gemino prælio, altero ad Strigonium, ad Vaciam altero cæduntur.

Ad Budam
impegit for-
tuna.

Tum vero, ut tot tantisque victoriis dignum præmium referrent, Budam oppugnare decreverunt. Verum, prout expeditio prioris anni tristissimum initium, jucundissimum autem finem habuit, ita posterioris principia secundissima in calamitatem magnam, pro variante belli fortuna, desere. Ad Viennam conquesta Otomannica ferocia: ad Budam Christiani exercitus gloria impegit, dum eandem incassum oppugnavit, amissis viginti ferme hominum millibus.

Felicius bellum in Sclavonia administravit Leslaus contra Bassam Bosnia, & Schulzium in superiori Hungaria adversus Töckelium & perduelles. (1684.)

Anno

Anno 1685 prospera magis fortuna usus est Christianus miles. Nam reportata insigni ad Strigonium victoria, capta sunt 11000 Papilionum, majores machinæ 25, signa militaria 50, omnisque generis ingens præda. Cæsa Turcarum 12000, partim in obsidione Strigoniensi, quam tentaverant, partim in prælio.

Fructus victoriæ fuerunt, liberatum Strigonium, expugnatum *Vivarinum*, in quo præter alium bellicum apparatus ingentem inventæ sunt 98 machinæ. Maximilianus II validissimum hoc munimentum anno 1573 intra ambientes paludes construxerat, adversus Turcarum incursiones, quibus superiori bello cum Varadino relinqui debuit.

Seraskierus (sic appellatur Turcici exercitus Imperator, qui in absentia Vezirii copias ducit) ad Budam sparsi exercitus reliquias collegit: multis, qui primi in fugam se dederant, pro more trucidatis: & sibi rebusque suis diffusus pacem petiit, Töckelium captum tradere pollicitus. At Cæsarei illam in medio victoriarum cursu denegandam existimabant.

Turcæ vero Töckelium, ceu belli infelicis facem, in vincula conjectum, Adrianopolim abduxerunt. Qua re commoti plures ex rebellibus Hungaris, ad obsequium reduces, *Cassoviam* Capraræ dederunt: expugnato jam antea per Schulzium *Eperiesuo*: pluribus aliis munitis locis cum Onodino & Zolnokino aut vi aut deditione occupatis: adactis pariter *Abassio*, Transylvaniæ Principe, qui cum Turcis hætenus colluserat, ad tributum servitutem.

Nec hyberna quieta erant. Nam Heislerus, Varadinensis & Temesvariensis Bassis, qui Christianos imparatos opprimere tentaverant, certamine victis, *Aradinum*, grandi præda locuples, intercepit.

Nec minus felices erant Herbersteinus, qui cum Croatis, fida Cæsari gente, complura oppida cepit, & Leslaus, qui Essekino ponte exusto, Turcisque certamine victis, magna præda Essekini potitus est. Seraskierus vero ob rem male ad Strigonium gestam, capitis primum damnatus est; tum autem, quia biennio ante Budam strenue defenderat, vita donata, ad insulam deportatus.

Anno 1686 Lotharingus Oeniponto, quo, tradito Capraræ imperio, excurrerat, redux, de futura expeditione cum Cæsare contulit. Visum, expugnationem Budæ, ante biennium frustra tentatam, esse suscipiendam. Conquisita igitur a Germaniæ Principibus auxilia. Venerunt cum lectissimo milite Elector Ba-

Part. IX.

M m

variaz,

variaz, Brandenburgici sub Schöningio, Luneburgici, Hassi, Svevi, Francones. Lustrato exercitu censa sunt Cæsareorum & sociorum octoginta ferme millia, non numeratis Hungarorum & Croatarum viginti millibus. Scherffembergio, Piccolomineo, & Veterano decreta 12000 ad redigendam in ordinem Transylvaniam: Carassæ & Heislero 10000 ad præsidium superioris Hungariæ: Schulzio 7000 ad rem agendam in Sclavonia. Reliquus exercitus sub Lotharingo & Bavariz Electore ad *Budam* ductus.

Buda expu-
gnata.

Dictu incredibile, quantæ molis fuerit scopuli istius expugnatio: quanta fortitudine a 12000 Turcarum defensûs, atque a Cæsareis expugnatus: quanto utrinque sanguine steterit: quot cuniculis, tormentis, eruptionibus actum: quoties assultum, quoties vis repressa.

Accurrebat cum 60000 exercitu Vezirius, ut urbem obsidione liberet. Ter castra Cæsarea invasit, ter grandi cum suorum strage rejectus est. Tandemque post bimestrem acerrimam oppugnationem cruento assultu capta est, præsidariis prope omnibus cum Gubernatore concisus.

Cum Segedino.

Appendix Budæ *Segedinum* fuit, a Valissio deditione acceptum, postquam Veteranus gemino certamine Turcas fregit; & Quinque Ecclesiæ, cum Siclosio, & Caposvarino, a Ludovico Badensi occupatæ.

Victoria ad
Mohazium.

Fœcundior adhuc erat anni 1687 expeditio. Quippe, castigata per Carassam Hungarorum nova conjuratione, quam Töckelius, a Turcis in hunc finem liber dimissus, denuo excitaverat, & proditione Finkiana Budensis civitatis per Christianum adolescentem, apud Turcas servientem, feliciter detecta, Lotharingus cum Maximiliano Bavariz Electore præclaram de Turcis ad *Mohazium* victoriam retulit, geminis eorum castris expugnatis.

Vezirius, qui nuper minabatur, se Christianos canum instar abacturum, horum morsibus ita est laceratus, ut tum in pugna, tum fuga, tum rupto Dravi ponte, viginti suorum millia amissa doleret. A liberata Viennâ nulla hac victoria clarior. Præda ingens relicta, tormenta variæ formæ 80, alia spolia ultra quinque milliones æstimata. Vezirii papilio, cum tabulario, & ærario castrensi, Electori, qui pars magna fuit victoriæ, obtigit. Id unum ad gloriæ fastigium defuit, quod Turcæ nunquam aut ignavius aut imperitius pugnarint, dum Janitlari & Spahii ne primum quidem nostrorum ferrent impetum.

Uc

Ut Lotharingus amplum victoriæ, Turcis timore & viribus fractis, fructum legeret, Sclavoniæ provincia Dünewaldo decreta, arduam expeditionem in Transylvaniam, Turcis hæctenus ^{Expositio in} vestigalem, magisque, quam Christianos decet, animo manibus-Transylva- que inhærentem, suscepit: ubi ad Tibiscum perventum, Prote- niam, stantes progredi ultra reculabant, piaculum rati, si in fratres suos irent. Relicti igitur in Hungaria, Veteranii agmine Cæsareo exercitui adlecto.

Cum copię Transylvaniam fuerant ingressæ, veniunt obviam Abassii & Ordinum legati, aurum quidem polliciti, sed urbium præsidia, & stativa suo in agro deprecantes. At ubi vim admoventi senserunt, conditionibus, quas supra recensuimus, se dederunt, admissio præsidario milite cum stativis, ingenti certe Hungariæ levamento; pars tamen exercitus Tockainum, Zattmariam, & Debrecinum, tunc temporis pagum, decem domorum millibus frequentem, in hyberna concessit. Lotharingus vero tot tantisque rebus gestis Oenipontum rediit.

Non minori felicitate in altero Danubii litoris fines protu- ^{Et Sclavo-} lit ^{niam felix.} *Dünewaldus*. Siquidem post Mohaziensem cladem tantus barbaros terror invaserat, ut *Essékium*, urbem ad Danubii & Dravi confluentes, munitam, Sclavoniæ principem, Belgradi & Sirmii clavam, 161 annis possessam, Turcæ desererent, absque ulla vi admotam, imo ne quidem ullo præsentis hoste. Reperta in ea 50 tormenta ænea, annona pro 10000 sufficiens.

Secutæ mox sunt *Petrovaradinum*, *Carlovicium*, *Illokia*, ac denique etiam *Possëga*, cum tota Sclavonia (excepta Gradiſca) unius mensis intervallo: ut adeo unius victoriæ fructus fuerint duæ amplæ provinciæ, longissimo inter se tractu distantes, Cæsari assertæ, una cum *Agria*, longæ obsidionis fame debellata. 4000 ^{Hungaria} Turcarum Temesiâ migrarunt. 600 Christiana Religione initiati, ^{hæreditaria.} Nihilque ex Hungaria reliquum mansit barbaris, præter Varadinum & Temesvarinum.

Magna hæc erant Domus Austriacæ incrementa, sed stabi- liorem multoque amplissimum ex tot victoriis fructum iade est consecuta, quod Hungariæ Regnum, per electionem ad Austriacos ^{Wagnerus.} hæctenus delatum, in hæreditarium stabili lege transierit, Josepho Archiduce, Leopoldi Cæsaris filio per solennem inaugurationem hæreditatem amplissimam adeptunte: atque hoc pacto Regnum ad primævam suam naturam rediit.

Quippe regnum istud a prima sua institutione per hæreditariam successiõnem ad proximos semper decedentis consanguineos fuit devolutum, donec Mathias Corvinus novo exemplo fuit electus, Ordinibus liberæ electionis jus deinceps sibi arrogantibus.

Hæreditarium regnum præstat electivo.

At vero anno 1687, cum Leopoldus Cæsar Hungariam victricibus armis e barbarorum manibus eripuisset, Posoniensibus in Comitibus Strattemannus, Cæsaris Cancellarius, facundam ea de re ad Ordines orationem habuit, nascique Regem, quam eligi ad salutem Reipublicæ præstare persuasit.

Tum enim felicia esse regna, cum supremi eorum moderatores Rempublicam non vaga duntaxat & fluctuante possessione velut rem alienam, sibi comodatam & creditam ad tempus, sed certo & stabili patrimonio, tanquam rem suam ad posteros transmittendam intuentur; inde etenim consequi, quod studio intentione stabilem ejusdem felicitatem consecutentur, subditos tanquam filios sincerius teneriusque ament, eorumque commoda, ceu propria, porrecta in omnem partem paternæ sollicitudine, contra adversos incursus tueantur protegantque.

Constantius etiam, procul habitis factionibus, ambitu, privatisque affectibus, quæ regna illa ambulancia non raro versant, regnatricem diligi a civibus familiam; atque hoc pacto mutuo nexu colligatos Imperantem & populum certare officiis, illum beneficiis & mandati suavitate, istum obsequio: amore & publici boni studio utrique.

Hoc & rei natura & experientia adeo persuasum gentibus, ut florentia magis per orbem terrarum regna nativos Reges, quorum Majestatem vel in cunis jam adorarunt, adscititiis, & post noxia sæpe atque turbulenta interregna per emptâ, aut extorta suffragia evectis, præferendos putarint.

Idem inclitæ Hungarorum nationi jam inde a condito per Divum Stephanum regno sanctum fuisse: injuria dein temporum interruptum, barbaris gentibus aperuisse januam, & decumanis patriam calamitatibus opplesse.

Jam vero si bene de Hungaria, sibi restituta, meritam, si potentem, si suavi imperio gubernantem familiam cupiant, quam aliam mallent hæreditariam præ Austriacâ, præque Leopoldo, ejusque filio natu maximo Josepho? Nullam prope munitam esse urbem, quam ille de barbarorum manibus non vindicarit; ut adeo, licet ex Annæ Reginæ sanguine non esset prognatus, jure belli suum posset regnum dicere. Nolle autem hoc uti nomine, sed hæ-

redi-

reditarii regni declarationem liberis Ordinum voluntatibus deferre.

His dictis datum deliberationi spatium. Pauculi quidam ex Statuum hac Protestantibus, quibus Austriaca pietas sudes in oculis, repugnare de re Decretum. ausi, miro cæterorum omnium consensu obruti conticuerunt. Conditumque decretum hujus sententiæ. *In perpetuam porro recolendorum beneficiorum tantorum memoriam Regni Status declarant, quod in posterum neminem alium, quam S. Majestatis propriis ex lumbis descendendum masculorum baredum primogenitum in perpetuum, id ipsum etiam statuentibus articulo V. anni 1547. aliisque superinde extantibus, pro legitimo suo Rege & Domino sint habituri.* Idque in casum deficientis prolis masculæ ad Hispani etiam Regis natu maximum extenderunt. Wagn.

Postmodum anno 1723. cum extincta jam Hispanica progenie, Carolus VI. timeretur absque prole mascula decessurus, Etiam ad foeminas devolvendum. in publicis Regni comitiis statutum, ut Hungariæ regnum Domui Austriacæ absolute esset hæreditarium, post emortuos masculos ad foemineum sexus Archiduces devolvendum.

Abrogatum quoque in comitiis anni 1687. (in quibus hæreditariam regni successionem stabilitam diximus) Andreæ II. Regis decretum, quo concessa fuerat Hungaris facultas, resistendi & contradicendi Regi, si leges violaret. Facile enim advertebant Ordines, quam periculosum telum turbulentis hominibus daretur in manus, regnumque cum Majestatis contemptu, pro libidine miscendi occasio, violatarum legum obtentu, si multitudini censoria & judiciaria in Regem ipsum detur potestas, nemo tamen unquam perduellionis postulari, aut puniri queat.

His rebus ita compositis, Josephus Archidux anno ætatis nono solitis ritibus hæreditarius Hungariæ Rex est inauguratus.



ARTICULUS V.

SUMMARIUM.

Constantinopolitanae turbæ. Sultanus depositus. Captum Mongazinum, Belgradum, Sigetbum. Bellum Gallicum. Badensis belli in Hungaria Imperator. Salankemensis victoriam & tres alias reportat. Dinevaldi fatum. Pax Turcis improvide negata. Res retrolapsæ. Belgradum ad Turcas. Languentium expeditio. Turcæ pacem respuunt. Badensi succedit Croynus, huic Caprara, huic Augustus Elector Saxonie, huic Eugenius. Veteranius in Transylvania casus. Eugenii victoria ad Zentham. Pacificatio. Fructus belli.

61.
Turbæ Cpo-
litanae.

Triumphis Vienna exultante, cædibus ac seditionibus mistum est Byzantium. Strangulantur Vezirius & urbis Præfectus. Mahometes IV. Sultanus, postquam 46 annos Imperio præfuerat, a furenti milite depositus in carcerem mittitur; Solymannus ejus frater e carcere ad solium evehitur. Sed necdum posuit seditio. Janitsari Spahique velut lymphati arma, rapinas, cædes per captam veluti urbem circumferunt. Immanem pecuniæ summam exigunt, quam ærarium, bellis exhaustum, sufficere non poterat. Novus Vezirius cum aliis Proceribus frustratim dissecatur. Hanc pœnam dedit proditor Sultani, qui seditionis auctor fuerat. Placari non poterat rabies, nisi producto Mahometis, quod Divinitus ipsi datum existimant, vexillo, atque ad palatii fores a Mustio suspenso. Duo tamen adhuc interempti Vezirii, quibus Mustapha successit. (anno 1688.)

Mongazi-
num ca-
ptum.

Quamvis autem turbæ istæ Byzantinæ opportunam rem bene gerendi occasionem suppeditarent, languidius tamen a Polonis & Moscis bellum administrabatur: Veneri autem in obsidione Corynthis militem & pecuniam frustra consumpserunt. At vero Cæsarei occasione utendum rati, rigente hyeme arcem *Mongatfinam* receperunt. Francisco, Ragozii filio, Cæsar factus tutor. Töckelii bona in fiscum redacta. Capta subin a Caprara *Alba Reguli*, & a Carassa *Lipa*. consultatum est, an Temesia, an vero Belgradum expeditionis fructus statueretur; posterius placuit, ut via in Turciam, Epirum & Macedoniam aperiretur. Certe in tanta Imperii Ottomannici perturbatione ex Europa submoveri potuissent Turcas

Turcas est creditum, nisi lentus copiarum adventus, annonæ & vecturarum defectus ultiores progressus inhibuissent.

Lotharingus febris detinebatur. Igitur Maximilianus Emanuel Bavaricæ Elector supremus belli Imperator, trajecto summa arte & fortitudine Savo, *Belgradum* oppugnat, tantaque virtute & constantia operi instat, ut breve intra tempus celeberrimum dunt. hoc monumentum ac Turcicæ clavam magnanima irruptione cepit.

Accessit deditio *Sigetbi*, aliorumque locorum munitorum, Cum Siget quæ fame potissimum expugnabantur. Ulteriusque progressura fuisset victoria, nisi & annonæ curruumque inopia, & ortus ad Rhenum bellicus turbo spes nostras evertissent.

Orto quippe bello Gallico, Lotharingum cum magna copia-Bello Galliarum parte ex Hungaria Serviaque recedere oportuit, *Ludovico* Baco exorto, *denfi* ad bellum Turcicum relicto. Is, licet in toto exercitu non plures quam viginti quinque millia haberet, hostem nihilominus, quamvis numero multum prævalentem, trino prælio fudit, ad *Moravam* primum equestri certamine, dein ad *Patoßinum*; ad *Nissam* denique, cum 40000 hosti essent, nostris vero tantum 16000, celeberrimam reportavit victoriam, *Nissa* mox in præmi-um cedente, strangulatus Vezirius, quod prælio abesset. Suffe-ctus Cuproglus. *Nissæ* deditioem secuta est *Orsova* & *Vidinum* expugnatio, multa cum Turcarum caede. Perfracta Bosniæ clau-stra, Rasciani & Epirotæ, ob copiarum paucitatem, in legiones lecti; *Canisa* tandem debellata. (anno 1689.)

Turcæ, tot cladibus afflictæ, altera iam vice, quod ab ortu Turcæ ite-Ottomannici Imperii inaudicum, pacem flagitant, & quidem ex rum pacem formula *uti possidetis*: id solum rogantes, ut *Belgradum* *Temesia* petunt. permutetur. Sed prout anno 1630. continuata Ferdinandi II. felicitas pacis consilia interruptit, ita hoc quoque tempore relatæ a modico exercitu victoriæ spes ampliores suggerebant.

Sed fuit, quod pœniteret. Nam imprimis *Strasseri* teme-Male nega-ritate magna clades accepta, erectique Turcarum animi. Töcke-tam. lius dein, cum viginti Turcarum & Tartarorum millibus in Transylvaniam irrumpens, Heislerum profigavit. Ejectus quidem inde a Badensi, sed interim, armis in Transylvaniam & superio-Nam res re-rem Hungariam, ære vero in bellum Gallicum & comitia Augu-tro lapsæ. stana averfis, Vidinum, Orsova, Nissa, imo & *Belgradum* ad Turcas redierunt. Quippe, cum nostræ copiarum morbis & secundis etiam præliis adeo essent accisæ, ut princeps exercitus vix decem millia

Ingens Tur-
carum exer-
citus.

millia expleret, Mustapha Cuproglus, novus Vezirius, vir sagax & industrius, negata a Cæsareis pace, ingentem ex Asia, Ægypto, & Turcia Europea exercitum collegit, eumque, contra morem Turcarum, in tres partes divisit, quarum primam ipse in Serviam ducebat: alteram Töckelius in Transylvaniam, & superiorem Hungariam, tertiam Seraskierius cum instructissima classe ducebat, ut hac ratione Christianus exercitus, quem ad manipulum quodammodo redactum noverant, in totidem partes divisus resistendo impar esset.

Belgradum
perit.

Ita enimvero evenit. Hinc tantæ acceptæ clades. Quamvis casus Belgradi maxima ex parte casui aut prodicioni debebatur. Nam quo die Croyus Aspremontio Gubernator urbis successerat, pluribus locis in pulveraria conditoria ignis illapsus totam vix non urbem evertit, ædiumque ac murorum ruinis tot milites oppressit, ut ex quinque præfidiariorum millibus vix quingenti superessent, qui, qua cuique patebat via, diffugerunt: tantusque metus fuerat diffusus, ut etiam Viennæ trepidaretur. Leopoldo Cæsari non tam urbis, licet summi esset momenti, jactura doluit, quam *Veterani*, Turcarum hætenus toties victoris, & Hungariæ liberatoris militis. Aspremontius in suspensionem tractus, quod dolore amissi imperii ignes injecerit. Absolutus tamen Viennæ ab ea ignominia.

Wagu.

Hunc exitum habuit annus 1690. quam disparem a superiorum annorum fortuna! *Sed quid aliud expectandum ab exercitu tenui, suisque sine nervis flaccido*, interrogat Wagnerus, *avario per voracissimas Augusta solennitates in eam penuriam redacto, ut nec Strasserianus ille biatus expleri, nec tempestivis supplementis refici legiones, neque Buda, Essekium, Belgradum paulum communi possent.*

Feliciores Venetis fuit expeditio, nam navali prælio victores, *Naspliam*, Peloponesi civitatem principem, expugnaverunt. Tartari vero Poloniam crudeliter sunt populati, & injectis Camenecio com meatibus obsidionem difficilem fecerunt.

62.

Stankemen
ta victoria.

Plus Christiano orbi latitæ attulit expeditio anni 1691; nam *Guidobaldus Staremburgius*, præclaris in hoc bello gestis celebratus, Essekium virtute non minus, quam astu strenue defendit, & Badensis belli Imperator cum 100000 Turcarum ad *Salankemenum*, iniquissimum licet sibi locum, congressus, eximiam prorsus retulit victoriam: de tanto numero hostium non nisi 30000 Belgradum evasisse scribuntur. Cecidit ipse Vezirius *Cuproglus*, anima & spiri-

spiritus Ottomannici Imperii, superioris anni calamitatum auctor. ^{Cadit Ca-}
Sed neque nostris incruenta fuit victoria, dextro cornu, dum si- ^{progius,}
nistrum tardius pugnam inchoat, jam pene fuso. Magnum ad
victoriam momentum attulit, quod Hoffkirchius comes, tradu-
ctis clam in averfam partem duabus dimacharum legionibus cum
Hussaris & Rascianis, Barbarorum castra, ea ex parte aperta, a
tergo sit adortus. Quæ res novi speciem exercitus ingessit, &
Turcas, duos inter ignes attonitos, in fugam compulsit.

Præerat sinistro cornui *Dynewaldus*, Saxo genere, gestis *Dunewaldus*
clarus, & summis belli Imperatoribus comparandus, sed antiqua ^{accusatus}
cum Badensi æmulatione collisus, accusatus fuit, quod de indu- ^{obit.}
stria tardius militem in pugnam duxerit: evocatus Viennam, in
itinere obiit.

Turcæ Christianos a Mahomete excæcatos prædicabant,
quod non illico levem equitatum cum castrensis machinis ad
impediendum Savi trajectum miserint: tum enim omnes Turcas
deleri potuisse: quin tanta in perturbatione triginta millibus Ger-
manorum Belgradum ipsum potuisse recuperare.

In Transylvaniam cum prædatore exercitu sæpius irrupit
Töckelius, captivum secum Heislerum trahens, sed strenue a Ve-
teranio retusus est. Croyus vero, quæ post Belgradi casum amissa
fuerant in Slavonia, fortiter recuperavit. (anno 1691.)

Toto hoc bello nunquam minus ad rei summam actum est,
quam anno 1692 propter morbos in utroque exercitu grassantes.
Unde *Languentium expeditio* appellabatur. Ab Heuslero tamen ^{Languentium}
liberato *Paradinum*, superioris Hungariæ caput, & Transylvaniæ ^{expeditio.}
clavis, post lentam obsidionem expugnatione occupatum. Dedi-
ticii Turcæ retenti sunt, donec Christiani, a Turcis contra pacta
capti, libertati fuerint redditi. *Fleurius* quidam, homo Sabau-Fleurii clas-
sus, inquit, & insignis pyrata, classulam construxit, qua Da-
nubio potiretur, ad arcendos Turcas, ripas defendendas, atque
ad militem, annonam, aliumque belli apparatus devehendum.
Explosum initio consilium, postea ex parte executioni datum non
omni commodo caruit. Sed Fleurius, qui classulam illam supre-
ma cum potestate regere volebat, invidiæ tandem victima ce-
cidit.

Neque a Turcis aliquid majoris momenti actum. Cupro-
glio ad Salankemenum caelo surrogatus Vezirius *Halyus*, Bassa ^{Turcæ pa-}
Messopotamiæ; qui cum Kara Mustapha Viennam ^{cem respu-}
oppugnaverant. Sed brevi deposito successit *Caimacanus*.

Pars IX.

N n

Anno

Croſus ſuc-
cedit Baden-
ſi.

Anno 1693, cum per Angliæ & Hollandiæ legatos pax peteretur, Turcæ cum acerbo ſcomate illam negarunt. Victos Germanos nunc pacem petere, quam nuper tanto cum ſupercilio reſpiſſent. Niſi Buda reddita nullam eſſe cogitationem pacis.

Suſcipienda igitur nova expeditio, pro more tamen ſera, quia pecunia deerat ad emendum panem.

Belgradum
ſuſtra op-
pugnat.

Ludovico Badenſi ad Rhenum translato, Dux *Croſus* Panonicis copiis præficitur, e Mareſchallis vetuſtiſſimus. Is dignum ſe tanto munere monſtraturus, rem magnam ſuſcipit: trajecto quippe Savo Belgradum oppugnat. Sed magna cum clade rejicitur: rebus noſtris ad tantam urbem. a Turcis interea munitam, vindicandam non ſatis præparatis, id tamen fructus tulit hoc conſilium, ut Vezirius, in Tranſylvaniam magno cum exercitu irrupturus, retraheretur.

Caprara ſuc-
cedit Crojo.

Anno 1694 Hungaricum exercitum *Caprara* regebat, qui triginta quinque millia armatorum complectebatur. Septembri primum menſe in campum prodibant. Brandeburgici vero, Dani, & Luneburgici incunte primum Octobri, ad hyberna nempe, veniebant.

Ad Petrovaradinum Vezirius caſtris caſtra oppoſuit, noſtraque adortus, tempeſtate tandem, inundatione, frigore, reſtractus eſt. Tota expeditione noſtra in deſenſionem abeunte.

Giula ca-
pta.

Ad deditionem tamen fame compulſa eſt *Giula*, ultima civitas, quam Barbari in Hungaria occupatam tenebant, probe munita, ad Varadini & Tranſylvaniæ ſecuritatem, atque coercendas perduellium evagationes, opportuna. Præſidio Temeſiam abire permiſſum.

Diſplicuit Cæſari, tam exilem fructum expeditionis hauſtum eo tempore, quo Turcicum Imperium vehementer turbatum fuerat ſeditione Arabica. Quippe ex regionis *Emiris* ſeu regulis quidam eminentior finitimos Turcas aggreſſus prælio vicit, atque Baſſorum, Arabiæ deſertæ provinciam, ſubigit, Byzantio non levi terrore concuſſo; eoque magis aucto, quod Babylonix, Meſopotamiæ, ac Syriæ deſectio timeretur.

Jamquæ Emir ſuſ plures victorias Imperatorem ſe dixerat, cum Muſtius cum ſacrificulorum choro legatus ad eum decernitur. Is argumento a religione ducto, rogabat, ut parceret Mahometiſ aſſeculis, quorum tot millia à Chriſtianis quot annis martyres mactantur, ni arma poneret, certam exſpectaret a Mahomete vindictam. Mirum! ferocem victoriis barbarum tumentes

adeo

adeo deposuisse istum telo illo spiritus, ut velut fascinatus lupum rapacem in agnum mansuetum muraret; grandi certe Christianis documento, ut Religionem suam sanctam Divinamque sanctius colant.

Singulis prope annis optima rei bene gerendæ occasio fuit elapsa ob tardum nimis copiarum adventum; unde adulta primum æstate, aut incunte autumno, dum altero jam oculo hyberna respiceret miles, inchoanda fuit expeditio. Ut tanto malo obviam iretur, cogitatio de construendis ad Savum castrisibus tuguriis est suscepta. Cum enim Rasciani, alique ad Savum populi, nullas domus ædificent, sed æstate & hyeme in specubus subterraneis habitent, copiæ in remotiores Hungariæ plagas erant reducendæ, non sine finium periculo & expeditionis sequentis retardatione. Sed cum materia deesset, ædificii forma induci non potuit.

Anno 1695 aula Turcica magnam mutationem subiit. Mortuo *Achmete* Sultano nepos ejusdem *Mustapha*, Mahometis IV. de *Mustapha* positi, & in carcerem detrusi filius, ad solium evectus, Martio Sultanus in vir spiritu, emissis quaque versum ad provinciales litteris, gran- *Transylva-* dem exercitum evocavit, quem ipse, deposito *Vezirio*, in *Transyl-* sylvaniam duxit, raptaque *Lipa* cum aliis quibusdam munitis locis, ac dirutis, *Veteranium*, *Transylvaniæ* Gubernatorem, quin, *Veteranium* que duntaxat millibus stipatum, oppressit. Cæsi plerique, atque *caedit.* inter eos *Veteranius*, summis belli Imperatoribus suppar, magno cum Cæsaris & Christiani orbis luctu. Sultanus, velut ingenti parta victoria, relicta in manibus Christianorum *Transylvania*, nullaque re alia gesta, *Byzantium* triumphans regressus est.

Christiano exercitui præfuit hoc anno *Electo Saxonia*, cu- *Electo Sa-* jus consilia, de *Temesia* aut *Belgrado* expugnando, varii dubique *xoniæ belli* hostium motus everterunt. Nam cum ambiguum esset, quo *Imperator.* *Otomannicus* turbo irrupturus esset, Cæsareus exercitus ad *Petro-* varadinum primo castra fixit, ut hostium motus, an in *Sclavo-* niam, *Hungariam*, vel *Transylvaniam* tenderent, observaret. Magnis dein & incommodis itineribus ad *Tibiscum* & *Transylva-* niæ fines movit; serius tamen advenit, quam ut *Veteranio* posset succurrere.

Cum Sultanus *Valachiam* incendiis vastatam cerneret, & *Töckelium* calamitatis auctores intelligeret, *Töckelium* Con- *Töckelli fa-* stantinopolim abduci jussit, ubi in obscuro *Judæorum* vico dein- *tum.* cepse contabit.

Anno 1696 consultatum rursus Viennæ, quæ demum ratio iniri posset, ut hyberna prope hosticum solum figi possent, ne immentis itincrisibus fessus miles autumnales duntaxat expeditiones susciperet. Typum Aurspergius exhibuit: sed in æris præsentis ac commeatumum penuria, superius remedio malum fuerat.

Augustus Saxoniz Elector, supremus denuo belli Imperator, 14000 adduxerat; jamque Temesiam adortus, a Sultano in pugnam abstrahitur. Hæc promiscua adeo turbataque fuerat, ut velitationum potius congeries, quam justum prælium videretur. Cæsi utrinque multi, relicto dubio, quis vicisset, victusque fuerit. Cecidit alios inter *Heisterus* (quem Heidershemium quidam appellant) per omnes militiæ gradus ad summos honores eluctatus heros: militibus juxta ac provincialibus multo acceptissimus. In ejus locum *Vorsterus* successit. Elector, tradito Capraræ Imperio, Viennam abiit, Polonicæ coronæ felix Candidatus.

Eugenius
belli Imperator.

Vincit ad
Zentam.

Præda ingens.
Pugna.

Anno 1697 Hungaricæ militiæ Imperator a Cæsare dictus Princeps *Eugenius*, Dux Sabaudiz, qui ad triumphos natus, jam antea ad Budam, Belgradum, Mohazium illustre documentum dedit, quantus Dux esset futurus. Et profecto sensit mox malo suo Ottomannica potentia præsentem Eugenium. Quamvis enim accisum, rerumque penuria laborantem accepisset Christianum exercitum, Sultanus vero ingenti, ex Europa, Asia, & Africa collecta multitudine, eaque rebus omnibus instructa, superbiret, ad *Zentam* nihilominus inaudita ab hominum memoria clade Turcæ sunt profligati, viginti minimum millibus eorum cæsis.

Quippe, dum imposito Tibiscum ponte, in superiorem Hungariam & Transylvaniam irruere conantur, superveniens trajicere parantibus Eugenius, vallo, quem tumultuarie construxerant, superato, incomparabilem victoriam refert, ad noctem usque cadendo & mactando continuatam, multis quoque millibus in Tibiscum præcipitatis, ut adeo tellus & undæ cadaveribus tumerent.

Capta præda ingens & penus bellica: centum tormenta, duo bubalorum millia, cameli, verveces, boves, equi, immani numero, caudæ equinæ, Prætoria nempe insignia, septem, signa majora 60, cum principe Janitarorum vexillo: Sultani papilio, cum innumeris tentoriis. Cæsos inter Vezirius, & multi Bassæ inventi. E Christiano exercitu pedites 473 occubuerunt, equites 140, plures gloriosius vulneribus fuerunt ornati.

Sultanus, immanitate cladis amens, ejulansque, cum equitatu, qui jam ante Tibiscum trajecerat, citato cursu primum Temesiam, dein Belgradum fugit.

Pote-

Poterat tunc, concusso tam vehementer Ottomannico Imperio, peditatu ad internecionem conciso, hærente in ossibus terrore, Temesia aut Belgradum victoribus præmium cedere, si argentum, vecturæ, machinæ, aliaque ad oppugnationem necessaria præsto fuissent. Horum autem inopia, ne nullus legeretur fructus, Eugenius in Bosniam irrupit, atque per illam, interceptis multis oppidis, populationem late circumtulit, pingui inde præda reportata.

Gemina hoc anno seditio orta est; altera Asiatica, brevi composita, quæ Turcas exercuit; altera Tibiscana, quæ non modico Cæsareorum & Hungarorum sanguine stetit, a Vaudemontio denique compressa, ultra millenos e rebellibus cæsis.

Vihaczium, Croatiae Turcica caput, a Bathianio Croatiae Banno & Aurspergio nequidquam oppugnatum, Croatis & Cæsareis non levi accepta clade repressis.

Pössi, Zenta diei itinere distante vico, Deiparæ Virginis, Divinum infantem gestantis, rudi penicillo depicta effigies per duos menses lachrymas visa fundere. Ad miraculi novitatem infinita hominum multitudo confluit: coactique sectarii vel invitati facti veritatem, quæ nonnullos ad Religionem nostram convertit. Leopoldus Cæsar prodigiosam iconem, solenni cum veneratione Viennam translata in S. Stephani Basilica publico cultui exposuit.

Anno demum 1698 *Carlovinii*, ignobili ad id usque tempus Sirmii vico, pax iniri cœpta. Legati eo abs Cæsare Wolfgangus Comes Oeringanus, Aulici Consilii Præses, & Leopoldus Comes Schlikius. A Polonis quoque, Moscis, & Venetis legati adfuere. Anglus & Batavus, volentibus etiam novo exemplo Turcis, pacis conciliatores sunt delecti. Missi a Sultano *Reis-Effendi*, seu Imperii Turcici Cancellarius, atque Maureordatus, Græcus genere.

Polonum inter & Moscum importunum de loci prærogativa dissidium longiorem rebus gerendis moram iniecit, non sine Turcarum risu, & reliquorum impatientia. Hoc utcumque composito, uterque conciliatores, & fundamentum pacis, quod formula *uti possidetis* definiebatur, admittere recusavit. Quippe Polonus *Camenecum*, quod pluribus annis frustra oppugnaverant, repetebat, Mosci *Kerczam*, munitam ad Borysthenein arcem.

Cum Cæsareis oratoribus dein contentio. Nam Turcæ Transylvaniam in eum, quo ante bellum fuerat, statum reponi volebant, ut scilicet Princeps sub utriusque Imperatoris clientela

Nn 3

pro-

Imago Deiparæ lachrymans.

Legati ad pacem Carlovinensem.

Varie contentiones.

provinciam regeret. Verum cum hoc postulatum jam structum pacis fundamentum eversum iret (nam Cæsar totam Transylvaniam tunc possidebat) præcise negatum est, prout etiam tributum, quod Sultanus inde petebat.

Præsertim de
Temesiensibus.

Acrior de Temesiensis Bannatus finibus servebat disceptatio. Nam Cæsar Caransebia, Lugosio, Almafiensi agro, Lipa, Clana-dia, Sablia, Bötisio, aliisque oppidis & arcibus Temesiensem provinciam undique circumseptam tenebat. Intolerabile hoc visum Turcis; quapropter loca ista, velut ad Temesiensem ditionem pertinentia, cedi sibi postulabant. Verum hoc pacto fundamentum pacis, possessione præsentis circumscriptum, subruere, opponebant nostri. At illi, sententiæ suæ inhaerentes, dissolutionem totius negotii minitantur, atque e loco congressus se proripiunt. Vicit tandem pertinacia; atque Cæsarei memorata superius oppida arcesque diruenda concesserunt, nulla unquam ætate restauranda.

Cedunt Cæsarei.

Quia pax
necessaria.

Fundamento, *uti possidetis*, semel labefactato, audaciores Turcæ, plura contra jus fasque in Syrmio quoque, Croatia, & Bosnien-sibus limitibus exigebant, tandemque obtinebant. Siquidem Cæsar, ingravescente in dies Caroli II. Hispaniarum Regis afflictâ valetudine, utroque oculo Monarchiam illam respiciens, pacem cum Turcis necessariam sibi existimabat, eaque propter nolebat, minoris momenti controversiis obicem eidem & moram poni. Factum inde, ut, cum de limitibus postea definiendis per Marsilium comitem, & Effendium quendam (ita Jurisconsultos suos Turcæ appellant) ageretur, varia indulgerentur.

Verum minora hæc erant, quam ut negotium pacis, eo usque provectum, deberent evertere, & continuatum per viginti jam annos sumptuosum bellum protrahere. Si decem ante annos, dum Belgradum, Nissam, Vidinum, Orsovam &c. occupata tenebamus, pax Turcis petentibus data fuisset, pinguiorum haud dubie accepissemus, atque immensis sumptibus fuisset parsum. Sed reservata fuit Eugenio illa gloria, ut Temesiam & Belgradum in triumphum duceret.

Ingentes ta-men relictus
fructus belli.

Licet autem minutiora quædam, quæ ad rei summam non multum adeo facerent, Turcarum pertinaciæ sint remissa, ingens tamen fuit hoc bello Leopoldi Cæsaris felicitas, qui tot gloriosis partis victoriis captisque provinciis Domum suam in immensum auxit. Nam tum ante e Viennæ mœnibus prope conspicerentur lunata vexilla, tota exactus Hungaria atque Transylvania, quibus occupandis ducendos annos impenderat, in Serviam atque Valachiam

chiam bello uno retusus est Turca. Quæ sane gloria nulli ante Leopoldum Magnum Cæsari obtigit, secuturo exemplum Carolo Hungaria, ad filio, ditionemque in amplius multo spatium exporrecturo. Liberata Transylvania.

Missus denique Byzantium legatus, qui pacem Carlovizii compoluerat, Comes Oetinganus, cum donis amplissimis. Cautum captivis & Religioni, etiam in Palæstina. Ibrahimus, ortu Genuensis, a Sultano vicissim orator Viennam missus.

Dum tractatus pacis cum Cæsareis Legatis conficiebatur, vehementior adhuc Turcas inter, Moscos, Polonos, & Venetos Moscos bien. fervebat disceptatio. Moscus relicto sibi, quod occupaverat, Asnes inducias sovio, Kerczam, in Crimæa, seu Taurica Chersoneso munitam urbem, ad Tartarorum Chamum, sub Sultani clientela constitutum, spectantem frustra repetiit. Unde relictis sociis biennes inducias pactus, rem omnem in statu, quo tunc erant, reliquit. Polonus Camenecum obtinet.

Difficultatem summam attulit res Veneta, adeo quidem, ut commotis vehementer animis semel iterumque conventus sit solutus. De Peloponeso maxime erat contentio, Venetis ad fundamentum pacis, fixamque in præliminaribus normam provocantibus, Effendio oppida quædam reposcente, itaque obfirmato, ut cedere oportuerit Venetum, ne totum negotium obrumpatur. De Morea contentio.

Superatis tandem innumeris difficultatibus, 26 Januarii 1699. pax ab omnibus legatis fuit subscripta, in 25 annos porrecta: atque 14 Martii a Principibus ratihabita: universo simul operi manus suprema imposita. Juvat, ejusdem summam hic breviter in synopsin colligere.

ARTICULUS VI.

Pax Carlovicensis.

1. Transylvania Austriaci juris esto, cum veteri Valachiam versus & Podoliam limite. 63.
2. Temeswariensis vero civitas Sultano maneat: circumscita vero munimenta diruuntur. Usus fluminum communis esto.
3. Regio Danubium inter & Tibiscum Cæsaris esto. Novæ tamen Tituli urbe munitiones ne eriguntur.
4. Trans Tibiscum Titulo ad Istrum, indeque ad Savum linea ducatur, quæ utramque ditionem definiat.

f. Savus

5. Savus utrique genti sit communis.
6. Commissarii terminos figant; qui nunquam moveantur.
7. Urbes suas munire utrique parti fas esto: iis exceptis, quæ expressim sunt nominatæ.
8. Omnes direptiones severe prohibentor.
9. Neutra pars alterius rebelles foveat.
10. Moderni tamen Cæsaris rebelles, qui veniam non consequentur, habitare poterunt in Turcia, remotius tamen ab Hungaria: a qua perpetuo proscripti sunt.
11. Si controversiæ inter subditos ratione limitum oriantur, per Deputatos deciduntor.
12. Captivi vel lytro soluto, vel commutatione restituantor.
13. Hominibus sacris in templis & monasteriis Jerosolymæ & per totam Turciam pristina libertas salva esto.
14. Commercia utriusque Imperii ad pristinum statum, qui fuit ante bellum, reducuntor.
15. Omnes antiquæ pactiones, nisi quid hic sit immutatum, ratæ habentor.
16. Utraque pars, in amicitie testimonium, legatos mittat.
17. Quibus more pristino honor deferatur. Nec ad certum vestimenti genus sint adstricti.
18. Commissarii 22 Martii conveniant, & intra bimestre fines determinent.
19. Pacis hujus articuli 30 intra dies ab utroque Imperatore subscripi, ratihabentor.
20. Hæ induciæ ad 25 annos extenduntor, & Tartaros pariter obligantor.



CAPUT IX.
DE
STATU BOHEMIÆ
SÆCULO XVII.

ARTICULUS I.
Status sub Rudolpho II.

SUMMARIUM.

Ultimis vitæ annis magnas faciunt molestias Rudolpho II Frater Mathias, & Protestantes, barbarum auctores. Litteras Majestatis extorquent. Eorum furor. Leopold. Archid. in Bohemiam. Fabula de armatis Passav. in Clementino. Obitus Rud. II. ejusque Elogium.

Quam læta erant atque angusta prima mediaque Rudolphi II Cæsaris tempora, tam tristia & acerba ultima. Gemino ex fonte malum profluxit: ex Hussitarum & Protestantium tumultibus, atque ex Mathiæ fratris inquieta indole, & regnandi cupiditate.

Illi, prout alias per Europam provincias seditione & rebellionibus miscebant, ita etiam Bohemiam; acsi idem esset, a Catholica Religione deficere, & patriæ ac Reipublicæ quieti bellum denuntiare. Et quidem immanem Hussitarum furorem ex iis, quæ ad sæculum XV. retulimus, abunde licet perspicere. Cum autem illi ad pacem aliquam & obsequium se viderentur componere, Lutherani & Calvinistæ, ad tumultuandum semper accinctum hominum genus, incendium excitarunt, quod per omnem deinceps Europam est propagatum.

Atque imprimis ægerrime illos habuit, quod Archiepiscopus anno 1605 in Synodo Pragensi Canones & Decreta Concilii Tridentini promulgarit. Cumque hoc ad negotium Rudolphus Cæsar operam suam & auctoritatem attulisset, & alias novis lectis,

Pars IX.

○ ○

quan-

64.

Protestantes
barbarum
auctores.

quantum poterat, obstitisset, ab eo averſi Proteſtantes, ad Archiducem Mathiam, Rudolphi fratrem, quem indulgentiorem ſibi fore credebant, reſpexerunt.

Mathias in
fratrem.

Quamvis autem Mathias optimo eſſet in avitam Religionem animo, quia tamen ægre ſecundo loco conſiſtebat, & dominari quam parere mallet, Proteſtantium favore utendum ratus, iniquius, quam pro fratre, cum Rudolpho egit. Nam, licet ab eo adminiſtrationem Hungariæ, Austriæ, & Moraviæ, cum ſuprema belli Hungarici Præſectura, accepiſſet, quia tamen alieno nomine atque auſpiciis fratris omnia poſſideri gerique non ferebat, ac inſuper ea imbutus erat ſuſpicionem, id agi, ut in Ferdinandum patrualem, Styriæ Ducem, Hæreditariæ Domus Austriacæ provinciæ tranſferantur, non deſiit inertiam Rudolphi, abjectis ſerme Imperii curis, intra Pragenſe palatium otioſe deliteſcentis, apud fratres, Maximilianum & Albertum, atque alios traducere.

Quapropter, inita licet anno 1606 cum Turcis pace, copias tamen armatas retinuit, permiſſaque in Comitibus Poſonienſibus Religionis libertate, anno 1608 cum Proteſtantibus Hungaris, Austriacis, & Moravis ſœdus percuffit, rectaque cum hoſtili exercitu adverſus fratrem inermem ad Pragam movit, eique Hungariam, Styriam, Carinthiam, & Moraviam extorſit. Nec multo poſt Rudolphus Hungarici Regni inſignia eidem in caſtra miſit, Bohemiæ quoque ſucceſſionis ſponſione facta.

Proteſt. in-
ſolentia.

Proteſtantes vero in Bohemia, cum deſertum prope Regem ſuum viderent, ferocius elati, præter autonomicam Religionis libertatem, ne Eccleſiaſtici ad regni negotia adhiberentur, poſtularunt, ne matrimoniales cauſæ eorum judicio definirentur, ne bonis immobilibus fruantur: ne in conferendis regni & provinciarum Præſecturis Religionis ratio habeatur, atque, ut, ſi Regni Burgravius ſit Catholicus, Judex Regni ſit A catholicus: Neque enim ſubſidia ſe collaturos, niſi hiſce poſtularis annueretur.

Conſtantia
Rud.

Sed ea erat Rudolphi conſtantia, ut neque precibus neque minis adduci ſe paſſus ſit, quo in eorum vota concederet, per integrum adhuc annum, cum Majeſtatis, & vitæ etiam periculo, cum illis colluctatus, abſque exercitu, ſenio fractus, ſolo Deo, & Religionis ſanctæ zelo munitus Preces publicas junxerunt Præſules cum ordine Eccleſiaſtico, inſtituta quoque Pragæ ſacra ad conſultandum rebus in archiſ Synodo. Decretum voto unanimi, concedendum nihil A catholicis; quo plura indulgeantur, hoc plura poſtulantibus, ad Religionis & Majeſtatis detrimentum. Privilegia,

gia, si quæ per Concilium Basileense & compactata Hussitis sint concessa, ad Lutheranos & Calvinistas nihil pertinere, utpote alterius sectæ homines.

Verum sequenti anno 1609 majori longe furore tumultus recrudit. Plura armatorum millia per urbem discurrebant, supremum Catholicis exitium minitanti, Societatis Jesu præsertim Patribus, per quos Regem a Protestantium postulatis aversum putabant.

Rudolphus itaque ab A catholicis undique circumseptus, ac ^{Litteræ Ma-} necessitati parendum ratus, Religionem secundum Bohemicam ^{jestatis.} Calixtinorum seu Hussitarum confessionem, Diplomate, quod *Litteras Majestatis* appellant, permisit, cum facultate, suo in fundo erigendi templa, utendi Consistorio, & Academia Carolina, *Directores* item & *Defensores* ex tribus Regni Ordinibus sibi constituendi. Nullis tamen minis adduci potuit Lobkovicus Regni Cancellarius, ut subscriberet, salva id fide se facere non posse, palam testatus.

Prospectabat nempe vir sapientissimus, quod secuta mox ^{Constantia} temporis atroci scena exhibuerunt, rictum hæresis non satari, sed ^{Lobkovicis} in Religionis Regisque perniciem irritari. Quippe mox, licet se vere cautum esset, ut religio *sub utraque*, & Religio *sub una*, prout in litteris Majestatis appellantur, quiete inter se viverent, nec altera alterius homines turbaret, A catholici tamen omni ope collaborarunt, ut Regis latus fidissimis Ministris, quos Catholicæ fidei additiores credebant, nudarent, proscripto etiam Heideio veteris urbis Primate, & Jesuitas, quos rebus suis minime opportunos existimabant, bonis spolia os toto regno ejicerent. Mirum, ^{Protest. fa-} quos direptiones, calumnias, atque calamitates sint perpeffi, præ- ^{ror.}sertim a Calvinistis, eorumque Symmystis Picarditis.

Quantumvis enim sola confessio Bohemica, quam Calixtini seu Hussitæ sequebantur, fuerit permissa, tamen, sicut sub nomine confessionis Augustanæ variæ sectæ se occultaverant, ita etiam sub eo nomine confessionis Bohemicæ. Appellati sunt etiam *fratres Boleslavienses* a Boleslavia Juniore, ubi Picardi principem suam Synagogam habebant: ac si fratres essent Hussitarum, qui in Regno tolerabantur.

Anno 1610 celebratus Pragæ conventus Electorum, & quorundam Principum, ut ineator ratio concordiæ Rudolphum inter Cæsarem & Machiam fratrem. Conclusum inter Principes, ut hic per Legatum flexis genibus a Rudolpho fratre veniam actorum, du-

Atque per tumultum in Bohemiam exercitus, precaretur. Deprecatores a Mathia rogati sunt, Maximilianus frater, & Ferdinandus patruelis, Archiduces.

Mathia deprecatur. His in conspectum Cæsaris venientibus, stabat ille sub conopæo: cumque hi procidere in genua coram eo pararent, detracto galero obviam eis processit, dixitque, nolle se, ut exstet exemplum, quenquam de Austriaca Domo eo devenisse, ut coactus sit flexis genibus a Cæsare veniam precari. Tum vero latus ac hilarius, ac si nihil fuisset offensus, perhumane & amice habitos, magna cum honoris significatione dimisit. Honoribus Principum ab Academicis producta in Theatrum pro genio illius ætatis Eliæ Prophetæ vita, & in cælum raptus, tragædia, summa omnium voluptate spectata.

Quies tantisper videbatur reddita; cum anno sequenti (1611) major subito procella incubuit, quæ rem Catholicam, ipsumque Rudolphum Regem supremo discrimini exposuit. Et quidem, quod mireris, ab ipsis Catholicis, dum vel maxime & Regi & Religioni consultum volebant, initium duxit, a tumultu videlicet, uti appellabatur, *Passaviensi*.

Leopold. Archid. in Bohemiam.

Quippe Leopoldus Archidux, Passaviensis & Argentinenfis tunc Episcopus, Ferdinandi (postea Cæsaris) frater, quem Rudolphus in Regno Bohemiæ successorem sibi optaverat, ut spes suas promoveret, atque provincias, a Mathia Archiduce abstractas, ad Cæsarem reduceret, cum novem peditum, & quatuor equitum armatorum millibus per Austriam superiorem, transmissis ad Lincium Danubio, in Bohemiam repente se infudit, occupatisque Crumlovio, Budovicio, Berauna, aliisque oppidis, militari præsidio munitis, ad Pragam ipsam exercitum admovit, atque effractis portis urbem Minorem cepit.

Sectariorum rabies.

Tum vero sectarii, quasi cœnobitæ cum Passaviensibus conspirarent, iis direptionibus, cædibus, laniis sacrorum hominum per veterem novamque civitatem sunt grassati, ut Zisca ac Tabornitarum tempora revocasse viderentur. Nihil crudelitatis & contumeliæ omissum; perque obvias Religiosas domos sparsus furor.

Conventum de armatis Passav. in Clementino.

Et imminabat Clementino Societatis Jesu Collegio exitium: cum diffusus esset rumor, trecentos Passavienses milites in eo latere absconditos, cum grandi bombardarum, pulveris igniarum, & bellici apparatus copia. Et irruisset plebs effera, nisi Vratislavius furori se opponens, nostros servasset; hortatus tamen amice: sinant inquiri, secus salvum esse collegium non posse: se quidem

dem alienæ esse Religionis, memorem tamen beneficiorum, quæ scholas nostras frequentando perceperit, vel capitis sui periculo cautum, ne ea investigatio fraudi esset.

Bis excussum totum collegium, omnesque latebræ examinatæ. Sed cum armorum nihil esset inventum, frendens recessit plebeja rabies, quod sæviendi & prædandi spe fuisset dejecta. Cum autem illa de latentibus in collegio armis fabella per alias etiam late provincias fuisset disseminata, Regni ordines, quorum plerique erant Acatolici, publico Instrumento commenti vanitatem, Patrumque innocentiam sunt contestati.

Miles Passaviensis, qui Rudolpho Imperatori opitulatum venerat, majorem in eundem tempestatem concivit. Nam Bohemiæ Ordines Mathiam Archiducem, Leopoldo patrueli alioquin Mathiæ in fratrem Imp. sœvicia. intensum, vocarunt in auxilium: qui collectis ex Hungaria, Austria, Moravia, Silesia, octodecim armatorum millibus, Ductore Herbersteinio, in Bohemiam movit. Subsecutus mox ipse, summa Ordinum gratulatione Pragæ fuit exceptus: cumque fratrem Rudolphum Imperatorem desertum passim ab omnibus cerneret, eo usque, quamvis renitentem, compulit, ut non modo consentiret, Mathiam Regem quoque Bohemiæ coronari, sed id ab Ordinibus etiam peteret.

Eo videlicet redacta fuerat summa per orbem Majestas, quam & Turcæ, & Tartari, & Musci, & Persæ legationibus honoraverant, ut, relicto solo Imperatoris nomine, provinciis omnibus nudaretur, ac ipse sibi viventi & videnti velut funus maneret superstes. Rex autem Mathias, ordinatis Bohemiæ rebus, progressus primum in Lusatiam, Budissinæ, tum in Silesiam, Vratislaviæ juratam provincialium fidem recepit.

At Rudolphus Imperator fatis suis & calamitatibus non diu Obiit Rud. Imp. vixit superstes, anno sequenti (1612.) ineunte apoplexia tactus, animi tamen rationibus pridie rite initis, Pragæ occubuit anno ætatis sexagesimo. Natus quippe fuit Viennæ anno 1552 ad omnem vitæ probitatem educatus in Hispania; ubi eum Catholicæ Religionis fervorem imbibit, quem tota dein vita nunquam sibi est passus eripi, Austriacæ pietatis monumentum perpetuum.

Septem & triginta annos Regnum Bohemiæ est moderatus, sede perpetua collocata Pragæ, quam ædificiis variis ita exornavit, ut dicerent Bohemi, Pragam, quam Libussa ligneam considerat, Carolus IV. marmoream effecerat, a Rudolpho auream propemodum fuisse relictam.

Elogium.

Gloriosissimus certe, si quis unquam, fuisset Imperator, dummodo ultima tempora respondissent primis. Quantus fuerit litterarum artiumque æstimator & amator, alias diximus. Propter sapientiam, aulæ splendorem, peregrinorum, doctorum præsertim hominum, ex tota Europa affluxum, auri gemmarumque copiam, Salomon Bohemicus dicebatur. Sed vergente in senium ætate, nihil quidem de studio virtutis & Religionis, cui omnia posthabuit, remisit, documento tamen fuit, nihil in mundo esse stabile, summamque etiam gloriam esse mortalem.

ARTICULUS II.

Status sub Mathia.

SUMMARIUM.

Mathias Rex. Scismatici templa construunt in alieno solo. Tres Ministros Regis ex arce præcipitant. Jesuitas proscribunt. Arma corripunt Turriano ductore. Moravos, Lusatos, Silesios ad defectionem trahunt. Mors Mathiæ.

65.
Sub Mathia
Rege.

Mathias, superiore jam anno coronatus Bohemiæ Rex, quietum tantisper auspicatus Imperium, magna sapientiæ laude gubernabat Rempublicam. Sed cum inquieta & turbulenta sit adeo Novatorum indoles, ut tranquilla diu non possit subsistere, jam anno 1614. in atras nubes coit, eamque parturit tempestatem, quæ non modo in Bohemiæ stragem, sed Germaniæ, quin Europæ omnis ruinam se se effudit.

Templum
construunt
Acath. in a-
lieno solo.

Cœperunt videlicet Acatholici eo, quem dixi, anno templum ædificare *Clostergrabii* in Archiepiscopi Pragensis solo. Nuntiavit is novum opus ceu loci Dominus, atque Præcones inauspicatos expulit. *Defensores* contra fabricam jubent prosequi: publica orbibus affigunt decreta, violatas *litteras Majestatis* proclamant: querelas ad regni Moderatores deferunt. Quasi vero litteræ illæ aliena invadere, atque infantes spoliare permittant.

Verat Rex.

Alterum templum collatitio ære moliantur in oppido ad abbatem Brunoviensem spectante. Cum autem moniti non desisterent, deferitur querela ad Mathiam Regem: sed neque hujus jussu cœptum opus intermiscere. Quapropter cives aliqui Brunovientes in custodiam dati sunt, & templum Brunovienſe vi injecta occlusum.

Commo-

Commoti ea re Proceres Acatolici, magno numero in Academia Carolina conveniunt. Deliberatum de conservatione privilegiorum, exstruendi ubique templa, ut dicebant, libertate, & dimittendis e custodia Brunoviensibus, quos injuste attineri querebantur. Reprehensi a Rege, quod se infcio invitoque seditiosos conventus agerent, iussique abstinere, adeo non acquievere, ut anno 1618. cum turbulentis concionibus populum ad libertatem & estranem licentiam vocassent, in ipsam arcem irruerint, in qua de publicis tum Regni negotiis consultabant Ministri Regii. Cum Eius Ministros ex arce tam, Martinizium, & Fabricium, violente arreptos per fenestras precipitantes in subjectam arcem dederunt præcipites. Ubi nihil lapsu præalto læsos animadvertunt, sclopis petiti, Divina rursus ope incolumes sunt servati, & amicorum dein opera furori hæretico subtraciti.

Mox rebus novandis factum initium. Electi triginta *Directores*, qui Rege absente habenas capefferent. In horum verba civis & prædiarius miles sacramento adactus. His arcis & portarum claves traditæ. Aperti carceres, & dimissi Brunovienses. Inclusi, qui his se opponebant. Conclamatum denique ad arma. Collecti undique milites, pecunia, bellicorum apparatus.

Edito interim in lucem scripto contestantur, nihil se adversus Regem suum moliri. Quod tres pacis publicæ turbatores ex arce dejecerint, more Majorum esse factum. Quæ mutassent, ad suam defensionem & regni quietem pertinere.

Addita proscriptio Patrum Societatis Jesu e regno Bohemiæ. Jesuitæ ex-
Intra ostiduum finibus jussi excedere. Sancita capitis poena in re. *pulsi*.
gressos, eosque, qui pro illis auderent intercedere. Crispini datum, quod pacem turbent: impugnent privilegia Religionis data, immensas corradunt opes; Regum vitæ insidias struant: concionibus seducant plebem: odium ingerant Religionis Evangelicæ, omniaque sub jugum Pontificium mittere nitantur, consiliis & conatibus omnibus in perniciem Evangelicorum directis.

Hæc aliaque Patres, postquam violentiæ temporumque iniquitati cedentes, Regno exceßerunt, modesta apologia confutarent: nunquam se contra pacem & privilegia quidquam dixisse aut egisse: Religionis Catholicæ veritatem atque summi Pontificis Apologia in Ecclesiasticis auctoritatem, publice privatimque asserere, ac contra heterodoxos defendere, sui muneris esse & Instituti: neque ulla Regni lege hoc esse vetitum. In concionibus suis damnaſſe Religio-

ligiones contrarias sine adhærentium contumelia. In toto Regno quinque esse Collegia, ære alieno omnia gravata, quorum annui proventus decem aureorum millia non excedant: has esse immensas illas opes, quæ publicam invidiam mereantur. De cædibus Regum & Principum antiquam esse calumniam, multorum jam scriptis confutatam, atque adeo ipsorum etiam Principum, quorum vitæ insidias struxisse per summam contumeliam arguerentur, testimonio.

Arma corripiunt rebelles.

Cæsar intellectis, quæ Pragæ acciderant, Turrianum autem Comitem, rebellium caput, volitare per provincias cum militum turba, atque ad defectionem omnes sollicitare, cum admonitiones & lenia remedia frustra consumplisset omnia, cœpit & ipse ad arma respicere: scriptoque ad Ordines Imperii libello, mandat, rogatque, ne per duellibus milite aut subsidii ullis opitulentur.

Silesi, Moravi & Lusatii ad defectionem trahiti.

Mox Henricum, Comitem Tampierum, cum aliquot copiis mittit ad fines Bohemiæ, ac postea majori cum imperio Carolum Longuevallium Comitem Buquoyum: cui Albertus Belgarum Princeps, Mathiæ Cæsaris frater, duo equitum, sex millia pedum addidit. Verum Bohemorum exercitus ad 30000 jam excreverat, trahitis in armorum rebellionisque societatem Silesiique, Moravis, & Lusatiis. Ernestus insuper Mansfeldius, a militia Sabaudica exauthoratus, suam secum legionem ad Bohemos traxit: primoque Pilsam expugnavit. In fidem Bohemiæ Directorum sacramento adacti cives.

Doluit Cæsari jactura fidæ urbis, atque post Pragam ferme præcipuæ: respexitque rursus pacis consilia: Polonum, Bavarum, Saxonem, conciliatores ejusdem adhibuit. Sed jam latius grassatum fuerat incendium, quam ut facili opera restingui posset, hæresi pro more suo ventilante sanguineas faces, quibus omnia conflagrarent. In Austriam quoque, atque ad ipsam adeo Viennam, Cæsaris regiam, illata flamma: Protestantibus Austriacis, cum Bohemis non segniter illam spargentibus.

Spiritus Protest. non est Evangelicus.

Num spiritum istum Evangelicum dicam? Num ita Apostoli prædicarunt Evangelium? An primi Christiani ita in Imperatores Ethnicos insurrexerunt? Num Thebæa illa Mauritiî legio hac defensione est usa? Quinam unquam ex Catholicis adversus Principes & Dominos suos propter Religionem arma corripuerunt? Est profecto, est hæc nota hæresi omnino propria, prout universim fæva est & turbulenta, ita in Dominos suos & summos etiam Magistratus solet insurgere. Tellis Germania, Gallia, Belgium, Pedemon-

dementium, Anglia, Hungaria, Bohemia, Moravia, Silesia, Lusatia. Animadverterunt pro officio omni ætate legitimi Magistratus Catholici in Novatores, qui hæresin in Ecclesiæ agro disseminare nitebantur. Sed, quod Catholici armis adversus legitimum suum Dominum ac Magistratum correptis Religionem suam aut propagarint, aut defenderint, exemplum nullum in orbe terrarum exstat. Proprius omnino, quod dixi, hic spiritus est hæresis: sed quam diversus a spiritu Evangelico!

Sicut autem Rudolpho Imperatori, sic etiam Mathiæ hic spiritus vitam elisit: dum ob eam Bohemorum rebellionem animo æger anno 1619. Viennæ decessit, ætatis 62. Deversa jam ætate matrimonio sibi junxit Annam, Ferdinandi Archiducis Oenipontani filiam, patruelem suam: liberos tamen nullos suscepit. Junior Belgicis se tumultibus immiscuit, suscepto contra Hispani & Cæsaris Rudolphi voluntatem Gubernatoris officio. Alençonii artibus inde amotus, vitam privatam dominandi desiderio ægre tolerabat, nec destitit fratrem persequi, donec provinciis eundem exueret.

Has adeptus, creatusque Imperator, fortitudine, magnanimitate, pietate, Religionis studio, cæterisque Regiis virtutibus, superioris vitæ maculas prorsus delevit.

ARTICULUS III.

Status sub Ferd. II.

SUMMARIUM.

Ferd. II. Rex agnitus & coronatus. Protest. per Boh. Moraviam, Austriam ad Viennæ usque mœnia armis grassantes. Mansfeld. a Buquoio victus. Frid. Palatinus Rex intruditur. Maxim. Dux Bavaria in Austriam & Boh. Pugna Pragensis. Fructus Victoriæ. Exacti Ministrelli. Reducta Religio. Mansfeld. & Jägerndorff. Rebellionum Ductores. Recepta Bohemia.

Mathias Imperator, cum senium & corporis infirmitas haud longam amplius vitam promitterent, de successore sollicitus, jam anno 1617 Bohemiæ Ordines Pragæ convocaverat, iisque Ferdinandum Archiducem, patruelem suum, quem in filium adoptaverat, successorem proposuit: cedentibus jure suo.

Pars IX.

P p -

Maxi-

66.

Ferd. Rex
renuntiatus.

Maximiliano & Alberto, Mathiæ fratribus. Paucis quibusdam primum refragantibus, postea vero silentio probantibus, majore haud dubie suffragiorum numero Rex dictus est Ferdinandus, atque corona Regumque insignibus magno plausu & celebritate ornatus.

Turriani fu-
ror. Ferdinandus II. igitur Regnum Bohemiæ atque Imperium post mortem Mathiæ Cæsaris undique turbatum adeptus, ut rebelles Bohemos placaret, privilegia sua mox illis confirmavit. At illi multo vehementius bellum continuabant. Quippe *Turrianus*, multitudo & unione Protestantium fretus, in Moraviam irruens, plures in ea urbes cepit. In Austriam Inferiorem deinde irrupens, ad Viennæ suburbia duxit exercitum.

Victus a Du-
quojo
Mansfeld. Nunquam majori in discrimine fuit res Austriaca: Proceribus & civibus Lutheranis cum Turriano conspirantibus. Sed opem promissit e cruce Deus. Victus acie in Bohemia a Buquojo Mansfeldius. Revocatus a Regni Directoribus Turrianus. Tempestas ab Austria averfa.

Verum eo gravius Bohemiæ incubuit, quæ, machinam totam versantibus Acatolicis, Imperium Austriacum penitus evertere nitebatur. Disceptatum, num Batavorum Helvetiorumque exemplo, Republicam liberam, an Regiam, cui hæcenus consueffent, gubernationem mallent.

Friderici Pa-
latini intru-
fo. Vicit hæc sententia: eligendum Regem, qui gratus sit multitudini, propriis quoque viribus Regnum tueri possit. Propositi Danus, Sabaudus, Saxo, Bavarus, & maxime Palatinus: simulque Ferdinando abrogatum Imperium, quod a Mathia intrusus, litteris quidem confirmavit Religionis privilegia, re ipsa autem everterit. Jam vero inducto peregrino milite hostilem in modum Regnum persequatur. Nec mora: Bohemiæ, Moraviæ, Silesiæ, & Lusatiæ Proceres diem novæ electionis decernunt.

Electus Fridericus V. Elector Palatinus, magni Regis gener, & unionis Protestantium Princeps. Is, dehortantibus frustra variis Principibus, electionem acceptavit, atque cum conjuge & liberis abiit Pragam, ubi novo ritu inauguratus est Rex Bohemiæ, suisque insulus, quibus deinceps oppressus est, calamitatibus.

Max. in Bo-
hem. Quippe sequenti mox anno (1620) folio dejectus, exulatum abiit. Maximilianus etenim Dux Bavarix, asserta Cæsari Austria, cum exercitu in Bohemiam movit, Saxo vero Cæsaris nomine in Lusatiam. Cæptum ab utroque bellum expugnatione urbium. Sed cum hæc ratio belli gerendi lentius procederet, simulque cum ma-
jori

fori provinciarum strage esset conjuncta, nihil visum expeditius Maximiliano, quam praelio de rei summa decernere. Una victoria inultas urbes & arces capi, ad quas, divisis accessisque copiis, circumduci lente deberet bellum. Adhuc hyems instabat, comatus autem procul ex Bavaria petendi: Austria aut exhausta, aut in partes Bohemorum proclivis.

Statutum igitur Bavaro, Buquoio non nihil dissentiente, ipsum Bohemice caput, Pragam petere; quo haud dubie colligenda essent hostiles copie. Itum igitur ad illam, progredientibus ad latus Bohemis; qui dein montem ad Raconitium leniter acclivem, sed fossa operibusque munitum, occupaverant. Cum autem Cesarei ad Pragam tenderent, Montem Album Bohemi stationi sue delegerant. Constituerat autem Maximilianus eo ipso in loco, quamvis arduo, hostes aggredi.

Pugna Pragensis.

Æquo primum Marte pugnatum: tum vero capto juniore Anhaltino, Hungarisque, qui Bohemis subsidio venerant, in fugam conjectis, nutare Bohemorum acies, & instantibus acriter Cesareis, qua via patebat, in fugam effusa est: unius horæ spatio exercitu admodum numerofo plenam Cesareis victoriam relinquire.

Patuit mox ingens fructus victoriæ. In Silesiam profugus Palatinus: Praga victoriis dedita; reductæ ad obsequium Provinciæ: restitutus clerus, restaurata templa, cultusque sacrorum postliminio reductus: Moravia, Silesia, & Lusatia, a Saxone domita, exemplum Bohemice sequente. Prolixiorem horum tractationem parte VIII. dedimus.

Fructus victoriæ.

Interim vero, dum Palatinus etiam ex Silesia profugeret, Mansfeldius res ejus prolapsas in Bohemia utcunque sustentabat, astu maxime, dolisque, quibus valebat. Nam cæteris ferme urbibus ad Dominum suum redeuntibus, Pilsam adhuc & Taborem præsidio tenebat, multis e fuga eo dilapsis. Dumque Cesareis spem facit, accepta pecuniæ summa, tradendi eas urbes, atque relinquendi Bohemiam, pactus eam in rem aliquot hebdomadam induci, totum illud tempus reparando bello solerter impendit.

Mansfeldii fraudes.

Tum vero, dispositis per hyberna Cesareis, repente provolans, Schlackenvaldam, Tachaviam, aliaque oppida invadit. Ejusque exemplo excitatus Jägerndorfensis, Brandenburgicus Marchio, Silesiam Moraviamque crebris incursionibus infestam habuit, nihil territui edictis, quibus Cæsar utrumque prosperaret.

Jägerndorf. si rebellio.

Interim autem Princeps Liechtensteinius, Bohemice Gubernator a Cæsare dictus, in rebellionis auctores inquisivit.

Citati Rebellis puniendi.

edicto absentes, & ubi præfixo die se non stiterant, contumaciæ damnati, omnibusque officiis & bonis privati sunt. Ad Directores maxime iudicium illud pertinebat: qui munere illo abusi, rebellionis incentores, & promotores, in potestatem Cæsaris venerunt, atque habita quæstione, morte scelus lucrunt. Tres & quadraginta hac poena Pragæ sunt condemnati, quorum aliquos Cæsaris Clementia supremo supplicio exemit. Ex directoribus novem capite plexi. Idem supplicium Oeniponti subiit Tieslenbachius, Moravicæ rebellionis reus.

Ministrelli
exadi.

Religio resti-
tuta.
Carassæ ope-
ra.

Insuper Præcones, qui multa indigna in Catholicos ipsumque Cæsarem ad populum dixerant, ac etiam scripserant, Regno pulsi; Catholici vero sacerdotes reducti, vineam illam horrescentem cultu impigro fertilitati reddiderunt, instaurata, Josæ exemplo, a pientissimo Cæsare per omnes provincias re Divina, & animarum cultura. Nec sanctum illum Religionis avitæ zelum ullæ, magnorum etiam Principum, intercessionibus sufflaminare poterant. Insignem in hanc rem operam præstitit Carolus *Carassa*, Episcopus Aversanus, summi Pontificis ad Cæsarem Legatus, qui non modo res Ecclesiasticas præclare ordinavit, sed erudite etiam scripsit, edito opere, quod *Germaniam sacram & restauratam* inscripsit.

Tabor re-
cipitur.

Sub finem anni 1621. tota Bohemia ad fidem Cæsaris reducta est: expugnata ad extremum Tabor. Urbem hanc profundo vallo ac triplici muro Zisca circumdedit, indito nomine a monte Tabor; unde & *Taborita* dicti, qui ejus factioni adhærebant. Mansfeldiani locum, spe liberationis, diu defenderant. At Mansfeldio in Palatinatum digresso, præsidarii, bimestre stipendium passi, munimentum tradiderunt. Cives pecunia multati, Nobiles iudicio Cæsaris reservati. Taboris deditionem residua castella secuta sunt.

ARTICULUS IV.

Saxo invadit Bohemiam. Expellitur. Wallensteinii cædes. Pax Pragenfis. Sueci Bob. Moraviam, Silesiam vastant. Pragæ Minorem capiunt. Major ævenue defenditur. Pax West. Restorescit Religio. Elector Bohemia ad Comititia receptus.

Saxo Bohemiam invadit.

Fruebatur posthac Bohemia per decennium pace, quoad sacra & politica a Cæsare sapientissime ordinata, donec post pugnam Lipsiensem Saxo per *Arubemium* eandem invasit, capto Leutomeri-

comericio, Praga, Egra, aliisque minoribus oppidis. Ad Budovicum hæsit victoria, a Marrodio strenue defensum. Superveniens, restituto militari Imperio, Wallensteinii, Saxonibus pulsus, Wallensteinii cædes, Bohemiam liberavit. At biennio post contigit Egræ Wallensteinii cædes. Post victoriam vero Nordlinganam pacificatio Pragensis Pax Pragæ cum Saxone. Expellitur.

Anno 1639. Bannerius, Suedicæ militiæ Imperator, arma Sueci Bohemiam circumtulit, intercepto Leutomericio & Brandisio. Ejectus inde a Leopoldo Archiduce, Ferdinandi III. Cæsaris fratre.

Sed Torstensonus, Bannerii successor, anno 1642. cum exercitu rediit, percursumque Lusatia, in Silesiam irrupit, atque Glogoviam majorem, in quam Cæsarei magnam frumenti bellicique apparatus vim comportaverant, expugnavit. Cæsi præsidarii prope omnes, & magna civium pars. Urbs ipsa hostilem in modum direpta. Victo dein Lavenburgico, tota propemodum Silesia a Torstensono est subjugata.

Flexa mox in Moraviam expeditione, illam quoque provinciam cum Olomucio omnem ferme occupavit, grandi ubique præda potitus. Brinna stitit volantis victoriæ impetum, a Souchio strenue defensa. diripiunt.

At anno sequenti, cum Torstensonus arma in Danum avertisset, Silesiam atque Moraviam, Glogovia & Olomucio exceptis, Cæsari recuperandi spatium dedit. Verum cum ille, Dani ad pacem compulso, in Silesiam rediisset, Jankoviensi victoria elatus, Silesiam, Moraviam, Bohemiam, ipsamque Austriam cum victore exercitu percurrit. Iterum Brinna saluti fuit, a Suecis frustra oppugnata.

Anno 1646. ut tristibus læta inferantur, Ferdinandus, Cæsaris Ferdinandi III. filius, solenni ritu Rex Bohemæ est coronatus. Præsentibus ipso Imperatore, & magno Procerum numero. Pridie Imperii Ordines in arce novo Regi juramentum fidelitatis præstiterunt. Die ipsa Cæsar eum Rege inaugurando, omniumque Ordinum comitatu ad templum princeps progressus, sacro Missæ officio, ab Harrachio Archiepiscopo & Cardinale, assistentibus 16 Episcopis & Prælatibus, celebrato, interfuit. Sub ipso sacro Rex ad pedem summæ aræ in genua procumbens, ab eodem Archiepiscopo veteri more inunctus est, & coronatus. Tum vero supremus Regni Burggravius ad populum conversus Regem coronatum alta voce denunciavit. Sacro peracto Rex in solio collocatus aliquot,

educto ense leviter tactos, Nobiles creavit. Solennitatem finit convivium, Legatis datum atque Nobilibus, inter applaudentem tormentorum fragorem, ignes artifices, aliaque publicæ latitiæ signa.

Sueci Prag-
gam mino-
rem capti-

Sed brevi versa iterum rerum scena, Pragæ gaudia excepit tristis aspectus; dum Königsmarckius, cæso ad Augustam Melandro, Imperatore Cæsareo, in Bohemiam irrumpens, captis aliquot urbibus, assumptisque mille ac ducentis peditibus cum turma equitum, 26 Julii 1648. sub diluculo repente Pragam minorem, arcemque Regiam, in ea sitam, aggreditur, & priusquam pauci, qui aderant, præsidarii concurrerent, in potestatem redigit. Capti præcipui e Nobilitate Bohemica: quibusdam, qui resistere conabantur, interfectis. Urbs militi, præter paucas domos, in prædam data, opulentam omnino & præpinguem.

Major stre-
nue defen-

Coloredu præsidii præfectus ægre per pontem in urbem verterem se subtraxit, omniaque ad defensionem comparavit: cives & Academici ad arma vocati; suæ quibusque stationes distributæ. Tantaque alacritate ab omnibus suscepta propugnatio, ut, licet Wittenbergius, Dux Suecus, ex Silesia propere cum auxiliis accurreret, & Carolus etiam Gustavus numerosa ex Suecia subsidia adduxerit, magno tamen animo & memorabili virtute conatibus omnibus itum obviam; donec tandem sub initium Novembris de pace inita nuntiatum est: relicto dubio, an ferocia oppugnantium, an virtus oppugnantorum vicisset.

Usque ad pa-
cem West.

Quamvis autem Protestantes in pacificatione Osnabrugensi vehementer instarent, ut Bohemis Religionis libertas permitteretur, nunquam tamen piissimus Imperator Ferdinandus III. adduci potuit, ut consentiret. Leopoldi autem Magni industria ager hic latissimus ita cultus est, ut, suffocatis zizaniis, in lætissimos Orthodoxæ Religionis fructus effloresceret, prout hodie cum omnium, recte sentientium, solatio est cernere.

Religio re-
floreſcit.

Tempore Josephi Imperatoris Bohemiæ Regnum aliquam mutationem subiit. Nam ab antiquissimis equidem temporibus Rex erat Elector Imperii, sed diversa a cæteris Electoribus ratione, artisque potestatis finibus. Si quando duas in partes æquales ibant suffragia, cui is accedebat, hujus rata erat electio. Sed per Bullam auream Cap. 4 §. 3 votum absolutum eidem in omnibus electionibus Cæsareis est datum, & quidem loco tertio, post Trevirensensem & Colonienſem, inter Electores sæculares primo.

Electoꝝ Bo-
hem.

De cætero a collegio Electorali habebatur exclusus. Ne-Suffragii ab- que ad conscribendas capitulationes aderat, neque in comitiis ses- soluti jure sionis & suffragii jus, aut pro Camerali Judicio deputandi assesso- gaudet. rem, dabatur. At vero anno 1708. omnia reliquorum Electorum jura, atque in omnibus conventibus, tam Electoralibus, quam Comitialibus Statuum Imperii, sententiam dicendi potestas est concessa, æquato per omnia cum reliquis Electoribus jure. Hæc res equidem jam anno 1699. cum de nono Hannoverani Electoratu tractaretur, a Leopoldo Cæsare est agitata, sed eo demum, quem dixi, anno perfecta.



CAPUT X. DE STATU LOTHARINGIÆ SÆCULO XVII.

SUMMARIUM.

Lotharingia vetus. Media. Nova. Caroli III Ducis fata. A Gallis & Suecis invaditur. Plures cum Gallis tractatus init. Ducatum fratri Nicolao Francisco cedit. Interest prælio Nördlingano. Nicolæam repudiat. Sociat se Hispanis. A quibus in custodiam abducitur. Obiit Colonia. Carolus Leopold. reservato jure suo relinquit Ducatum in Gallorum manibus. Jos. Leop. restituitur.

De Lotharingia in partibus præcedentibus sparsim dicta sunt aliqua; hic autem juvat pauca colligere. Divisa olim fuit in *superiorem*, quæ ad Mosellam sita hodiedum Lotharingiæ nomen obtinet, & *inferiorem*, quæ in Brabantiam, Leodien-
67.
Antiqua Lo-
 tem, Mosæ & Scaldis tractum excurrebat. Utraque ex Albero-
 ne descendens Mærovingicis Franciæ Regibus parebat, donec Infe-
 rioris Lotharingiæ Duces, inter quos Ansegisus, Pipinus Heristal-
 lus,

lus, Carolus Martellus, Pipinus Brevis, Majores Domus, tanta Auctoritate increverant, ut scturbatis throno Mærovingicis Regibus, Carolingicam Regum stirpem fundarent.

Lotharius I. Ludovici Pii filius has ad Mosam & Mosellam provincias in partitione obtinuit, & post eum filius Lotharius II. a lite cum Theutberga conjuge, & Waldrada concubina satis notus. Ab ejus nomine *Lotharingia* est appellata. Carolus III. Lotharii Franciæ Regis frater ab Ottone M. Imperatore Inferiorem Lotharingiam in feudum accepit, exclusus propterea a corona Galliæ.

Post extinctam stirpem Carolingicam Lotharingia Inferior ad Bullionios pervenit, quos inter gestorum gloria eminuit Godofredus Bullionius Rex Jerosolymæ. Ad Lovanienses dein comites devoluta est Lotharingia Inferior, qui deinceps Brabantix Duces sunt appellati.

Lotharingia superior, cum Mærovingici Reges Franciæ Regnum inter se dividerent, ad *Austrasia* regnum pertinebat, sede Regia Metis locata. Sub Carolingicis spectabat ad Regnum *Lotbavicum*; magna autem tunc contentione disputabatur, an Lotharingia ad Germaniam, an vero Galliam pertineat, donec Imperatores prævaluerunt, qui pluribus viris nobilibus illum tractum in feudum concesserunt, quibus Ducum *Mosellanorum* nomen adhæsit.

Denique Gerhardus, Landgravius Alsatiæ anno 1048. superiorem Lotharingiam obtinuit, in cujus familia ad nostra usque tempora permanfit. Sæculo XV. Jolantha; Renati I. Ducis Andegavensis Regis Neapolitani filia, matrimonio juncta Friderico Valdemontio ejusdem familiæ nupsit; per quod matrimonium sublata est de successione contentio; nam Renatus II. ex eo matrimonio natus, Domus Lotharingicæ, Valdemontix, & Andegavensis in Gallia bona conjunxit, cum prætensione in Neapolim, Siciliam, Arragoniam, Jerosolimam.

Hic Renatus II. victo Helvetorum opera Carolo Audace, potente illo Burgundiæ Duce, duobus filiis suis *Antonio* & *Claudio* ineunte Sæculo XVI. ditiones suas ita distribuit, ut priori obveniret Lotharingia, Valdemontium, Barrum, Mussipontum, alteri ditiones Andegavenses in Gallia, videlicet Guisfa in Picardia, Aumalia & Ellebovium in Normannia, Meduana (*Mayenne*) in Insula Franciæ. Unde Antonius deinceps lineam Lotharingicam, Claudius vero plures Gallicas, in Historia notas, propagavit, *Guisiam* videlicet, Meduanam sive *Mayennam*, *Aumaliam*, *Elboviam*, *Harcuriam*, *Lillebonam*, & *Harcuriam Armanach*; ex quibus, extinctis reliquis, sola Elbovia & Armacana supersunt. Perro

Media.

Porro Henricus Dux Lotharingæ anno 1624 sine prole mascula mortuus, reliquit duas filias, *Nicolaam* & *Claudiam*. Cum Nova. autem haberet fratrem Franciscum, comitem *Valdemontium*, orta est controversia, an ultimi possessoris filia, an vero frater succederet. Dirempta lis est per nuptias inter duas filias Henrici, & duos filios Francisci, Carolum & Franciscum. Quia igitur Nicolæa fuit primogenita Henrici Ducis Lotharingæ, & Carolus primogenitus Comitis Valdemontii, cessavit quæstio, an foemina in Lotharingia succedant.

Si quis unquam Princeps fatis asperis fuit jactatus, is certe fuit *Carolus III.* Dux Lotharingæ. Et quidem anno 1631. Gal- Caroli III. li, irruptione in Lotharingiam facta, Moyenvicum expugnarunt, fata. quod Dux asylum præbuisset Matri Regis, Duci Aurelianensi, & omnibus, qui Galliam deseruissent, quodque arma sua Casari adversus Suecos sociasset. Dux igitur, ad avertenda majora mala, tractatu inito promisit abdicare omne commercium, quod Regi aut Suecis, Galliarum foederatis, posset esse præjudicio, solisque Gal- A Gallia in- lis liberum per terras suas transitum concedere, atque iis copias vaditur suas conjungere, Marfaliæ munimentum in fidei pignus tradere. Rex vero Duci protectionem spondet, & intra triennium restitutionem Marfaliæ.

Cum autem anno 1632 Sueci fines Lotharingæ urerent, & Sueci. Dux armatus adversus illos processit, sed interdictum a Gallis accepit, ne quid moveret. Cum illi Barleducum occupassent, & Nancæjo jam imminerent, Dux novo tractatu promisit, priorem ad amicum observare, & Claremontium cum arce & Stenæo Franciæ cedere, ratione Barrensis Ducatus Regi homagium præstare, nullaque in re rationes suas a Gallia disjungere.

Anno 1633. Dux Parisios in jus vocatus est, quod homagium ratione Ducatus Barrensis Regi non præstitisset. Sunt, qui scribant, Ducem id non recusasse, nisi, quod simul a Nicolæa conjuge esset petiitum, cum tamen foemina in Lotharingia, vi testamenti Renati II. successionis sint incapaces. Parlamentum pronuntiavit, occupandum esse Ducatum. Dux Lunevillam ad Regem profectus, ubi vidit, libertatem suam periclitari, Nancæjum, urbem suam principem, Gallis tradidit, 4 annis depositi instar tenendam.

Anno 1634. Dux Carolus, turbarum pertæsus, Lotharin- Fratri Duca- giam in fratrem suum Nicolaum Franciscum Cardinalem transtu- tum cedit. lit, qui, deposita purpura, Claudiam, Nicolææ sororem, sibi de-

Pars IX.

Q9

spon-

spondit, ut gemino jure se tueretur, & suo & Conjugis. At novi Conjuges Nancæi in custodiam a Forcæo perducti, mutato habitu evalerunt, primum in Burgundiam, tum Florentiam, denique Viennam. Carolus vero, relicta in manibus Gallorum Lotharingia, cum copiis in Germaniam abiit, ubi pars non parva fuit

Nördlingæ pars victo-
riæ. Nördlingenſis victoriæ, & aliarum expeditionum ſocius.

Anno 1637. prout erat verſauili in omnes partes ingenio, Repudiat Ni- repudiata uxore ſua Nicolæa duxit Beatricem Cuſſantiam viduam, ſe a patre ſuo Valdemontio coactum Nicolæam, a venefico baptizatam, ſibi deſpondiſſe. Nicolæa ad Urbanum VIII. querelam detulit, qui ſeparationem imperavit, donec cauſa eſſet diſcuſſa; cum autem Dux non pareret, excommunicationis ſententia in eum fuit pronuntiata (anno 1642.) Tandem vero Innocentius X. matrimonium poſterius irritum declaravit.

Anno 1641. Dux Carolus, inſtigante Cuſſantia, Pariſos abiit, cum Rege de reditu ſuo in Lotharingiam tractaturus. Præſcriptæque illi hæ leges: Dux homagium præſtet: Nancæjum, Clermontium, Stenæa, Jameicum, Dunum, cum omnibus eo pertinentibus in proprietatem & dominium Regis tranſcant. Marſaliæ munimenta diruantur: reliqua Duci reſtituantur, qui toties arma ſua cum Regiis conjunget, quoties requiſitus fuerit: donec cauſa matrimonii finita fuerit, ſolvat annuatim Dux Nicolææ 120000 librarum: juramento confirmet hunc tractatum in Capella Regia.

Redux in Lotharingiam ingenti ſubditorum gratulatione & acclamatione exceptus eſt; verum, cum videretur, fidem datam non ſatis liberare, vim rurfus inferente Gallia, iterum exulatus ivit, relictiſ tamen urbium Præſectis, qui, quantum poſſent, Gallis reſiſterent; quod maxime factum, dum turbæ domeſticæ Galliam miſcerent, miſſo etiam Lignevillio cum copiis, quæ Ducatum tueantur.

Ad Hiſpanos.

Post pacem Weſt. cum in ea Lotharingia non eſſet comprehenſa, Dux Hiſpanis ſe addixit, & cum prædatorum exercitu Imperii etiam Principibus gravis exſtitit, ut adeo vix non bellum decernerent. Tandem vero, cum Hiſpanis, ne ad Gallos ſe applicaret, & pro arbitrio copiis uteretur, non ſine variis contra eum querelis, Bruxellis detentus, primum Antverpiam, Toletum dein in Hiſpaniam fuit deportatus, ubi 6 annos velut captivus hæret, ad pacem videlicet uſque Pyrenæam.

Captus.

Franciſcus Dux fratris Caroli libertatem ab Hiſpanis petiit; ſed cum eam non obtineret, offeſus ad Gallos tranſiit. Secutus eſt

est post pacem Pyrenæam Carolus, novamque cum Mazzarino tractationem suscepit. Convantum in ea, ut Nancæjum munimentis nudetur, nunquam amplius reparandis: Rex retineat Moyenvicum, Clermontium, Stenæum, Jamecium: Barrensis Ducatus Carolo reddatur, exceptis 30 locis; salva etiam via, duabus leucis lata, per Lotharingiam. His conditionibus remissus est Dux in suas provincias.

Anno 1662. Carolus aliam cum Rege conventionem confecit, qua, nullo fratris Francisci respectu habito, Franciæ Regem Lotharingæ hæredem renunciavit, promissa Marsalia in pignus si-
 Novus cum Gallia tra-
 ctatus.
 Rex vero permisit Duci libertatem, de 100000 thalerorum redditibus annuis disponendi, in cujuscunque favore fuerit luitum; simulque omnes Principes Domus Lotharingicæ coronæ & sanguinis Principes declarat, successionis in regno Galliæ capaces in casum, quo linea Borbonica esset expiratura. Hinc Carolus ad Condeum Principem jocando dixit, se uno calami ductu fecisse 24 Principes sanguinis, Condeum contra unicum facere potuisse.

Tractatus iste vehementer displicuit Duci Vindocinensi, Domui Curtenacensi, Paribus & Ducibus Franciæ, atque ipsis etiam Principibus Regii sanguinis; quippe omnes isti existimabant, per tantam Domus Lotharingicæ, quæ in multos ramos, per Galliam maxime, erat diffusa, Dignitatis prærogativam obscurari suam, Regem Franciæ non posse facere Principem sanguinis, nisi cum Regina, legitima sua conjuge.

Neminem autem magis hæc tractatio afflixit, ac Carolum Leopoldum, Nicolai Francisci Valdemontii Ducis filium; siue enim Carolus Leopoldi, prole-
 Carolus Leopoldi, prote-
 statur.
 minæ succedant, siue non succedant, tanquam proximus agnatus unicus & Caroli, & Nicolæ jure proprio debebat succedere; utpote utriusque nepos, illius ex fratre, hujus ex sorore. Non poterat igitur Carolus III. Dux jure quæsito, & per pacta Familiæ, providentiam Majorum, sanguinem, & perpetuam consuetudinem roborato eum privare; prout etiam ex usu, in omnibus Regnis & principatibus hæreditariis elucet.

Videtur hoc attendisse Parlamentum Parisiense, quod eum tractatum noluit habere ratum, nisi sub conditione, si omnes, quorum interest, sint consensuri, probe gnarum, Carolum Leopoldum nunquam assensurum, ut hæreditate sua avita privaretur. Quod factò ipso mox ostendit, dum, ne cogeretur assentire, ex Gallia clam profugit ad Leopoldum Imperatorem, apud quem summi belli Imperatoris officio functus, ductaque ejus sorore, con-

seniuit, nunquam viso patrimonio suo, Lotharingia; quia pace Neomagenſi tales conditiones ei a Gallia ſunt propoſitæ, ut juſ potius ſuum reſervandum ſibi cenſeret, quam ut eas incundas ſibi putaret.

Cæterum nec Galli ipſi in eo, quem dixi, donationis contractu magnum ponendum eſſe momentum exiſtimarunt, nec Carolus Dux aliud, quam joci viſus eſt; nam eo titulo, quod non omnes, quorum intereſt, conſentiant, in patriam redux, Marſaliam tradere recuſavit, atque contractum, a ſe leviter initum, complere.

Interea autem Carolus III. Dux, quamvis jam prope ſexagenarius, de novis nuptiis cogitare cœpit; ſiquidem Nicolæa prima legitima conjuge anno 1657 mortua, a Cuſſantia concubina, quam antea deperierat, abhorruit tantopere, ut nec ad conſpectum eam amplius admitteret. Suaſerunt illi quidam Galli, ut quandam Pajotam duceret, humili quidem loco natam, ſed dotibus præſtantem; nec abnuît Dux, ſed Rex ſe oppoſuit, timore forſan, ne liberos ex ea gigneret, & ſic tractatus initus in majores adhuc difficultates devolveretur.

Rex enim ejus implementum urgebat, & cum Dux tergiverſaretur, Marſaliæ Gallicum præſidium recipere, Rex Forcæum cum exercitu in Lotharingiam miſit. Dux ſerio rem agi cernens, anno 1663. novum rursus contractum iniit, quo promiſit, Marſaliam intra triduum Regi tradere. Quod etiam factum.

Bello dein Belgico ſervente Dux copias ſuas Regi tradere coactus, ab Electore Palatino impetitus eſt. Carolus autem novis delectibus habitis, Principem Lillebonum miſit, qui victoriam retulit, ſed Elector fructum, Gallo ſe miſcente.

Anno denique 1670. Galli totam Lotharingiam occuparunt, perſcriptis ad comitia Imperii Ratiſbonam his rationibus: inconfiantia Ducis, mala fide, prævaricatione, tractatum pactorumque frequenti infraſtione, molitionibus contra Franciam, coactum Regem mittere cum copiis Crequium, qui ad tria capita eundem pro publica quiete obtinenda adſtringeret, 1. ut militiam dimittat. 2. Pro centum violationibus pactorum ſatiſfaciat. 3. Idoneam cautionem pro futuro præſtet.

Accuſabatur præterea, quod ſociare ſe voluerit Triplici Foderi: mercatores Gallos, per ejus terras tranſcuntes, veſtigaliſus oppreſſerit, aut eorum merces *arreſto* ſubjecerit: copias auxerit: in diverſis Germaniæ locis plures legiones habeat: propterea Regem

Loth. ad
Gallos.

Regem ipsi diffidere, ac provincias ipsius in tutelam recipere. Proxima causa videtur, quod Rex, præparans bellum adversus Batavos, ad Mosellam poneret aggerem iis, qui Hollandis auxilium essent allaturi.

Crequius voluit ipsum etiam Ducem comprehendere; verum ille quatuor duntaxat personis stipatus evasit in Germaniam, nusquam sui satis securus, Lotharingiam vero reliquit in Gallorum manibus. Bello Hollandico anno 1672 exorto, Cæsaris partes secutus, in Burgundia & ad Rhenum militavit.

Tandem vero, postquam varias urbes exul oberravit, mor-
 tuus est Colonia Agrippinæ, ubi publica pietatis vere Christianæ ^{obitus.} exempla toti urbi complura dederat, frequens in Ecclesiis sine comitatu; cum sacra Eucharistia ad ægros deportaretur, plebi se immiscere solitus, & Corollam Marianam recitare, vanitatem mundi, ut nemo alius, expertus.

Obiit autem anno 1675, æt. 71. Ex Nicolæa, legitima conjuge, nullam prolem suscepit, ex Cussantia vero Principe reliqui Carolum Henricum, Comitem Valdemontium, qui declaratus illegitimus, anno 1698 a Rege Hispaniæ designatus est Gubernator Mediolani; filius vero ejus Thomas, Cæsarem secutus, jam anno 1704. in pugna ad Ostiliam in Italia occubuit, pater vero primum anno 1723.

Quidam Genealogistæ notant, Carolum III. Ducem post mortem Nicolææ, & Cussantiæ duxisse Aspremontiam, nullos tamen ex ea liberos suscepisse.

Habuit autem, quod supra memini, Carolus fratrem Nicolaum Franciscum, qui primum Episcopus Tullensis, dein Cardinalis, denique Nicolææ sororem juniorem Claudiam sibi despondit, atque ex ea genuit Carolum Leopoldum, inter præcipuos bellicos Heroes numerandum, cujus illustria contra Turcas & Galliam gesta alias recensuimus.

Huic igitur (mortuo patre Nicolao jam anno 1670) post obitum Caroli III. debebatur Lotharingia, sed tota vita sua nunquam Carolus Leo-
 in possessionem venit. In pace Neomagensi anno 1679. restitueba-
 tur, sed iis conditionibus, quas, jure suo sibi reservato, non acceptandas putavit. Relicta quippe eidem optio, an juxta modulum pacis Pyrenææ veller restitui, relictis videlicet Galliæ Barrensi & Claremontano Ducatu, urbibusque munitis, Stenæ, Marsalia, Moyenvico, an vero Franciæ cedere velit Nancæjum cum suis confinibus, cum quatuor viis, Leuca dimidia latis, quarum una ducet

ceret Nancæjum, altera Nancæjo in Alfatiâ, tertia Nancæjo in Comitatum Burgundiæ, quarta Nancæjo Metas, ita, ut omne spatium, viis istis comprehensum, ad Regem spectaret, prout etiam Longvicum.

Utramque, quod dictum, respuit conditionem Dux Carolus Leopoldus, quarum prima absorberet dimidiam partem Lotharingiæ: altera præcipuam partem & communicationem Ducis cum suis terris, cum viæ illæ essent totidem aggeres, aut vincula, quibus esset ligatus.

Obiit Carol.
Leopold.

Obiit Dux Carolus Leopoldus anno 1690, Welsii in Austria, dum Oeniponto Viennam tenderet, ætatem, si annos spectes, non altam (47 agebat); si gesta, profundissimam implevit. Viennensis, Barcana, Strigonienfis, Mohazensis excellentes victoriæ, Buda expugnata, Transylvania & Hungaria Cæsari assertæ, perpetua sunt trophæa Lotharingiæ gloriæ.


Leopold.
Joseph.

Ex Eleonora conjuge, Leopoldi Cæsaris sorore, Regis Poloniæ vidua reliquit quinque præstantes Principes, quibus omnibus Josephi nomen impositum. Et quidem *Leopoldus Josephus*, natus maximus, successit in jura patris, restitutaque est ei Lotharingia per pacem Risvicensem in eo statu, quo Carolus III. ejus propatruus ante annum 1670 eam possederat. Josephus Ignatius Electoratum Trevirensis est consecutus. Reliqui tres Cæsari militabant.

Leopoldus Josephus anno post restitutam Lotharingiam matrimonio sibi junxit Elisabetham Ducis Aurelianensis filiam, ex qua 13 proles genuit. Reliquæ præmatura ætate sunt defunctæ. *Franciscum Stephanum* Augustissimum Imperatorem nostrum veneramus: Elisabetha Carolo Emmanueli, moderno Regi Sardinie fuit nupta. Carolus est Gubernator Belgii, & supremus Ordinis

Teutonici Magister. Anna Carolina cœlibem vitam elegit.





CAPUT XI.

DE

STATU POLONIÆ

SÆCULO XVII.

ARTICULUS I.

SUMMARIUM.

Suecos ad Rigam vincunt Poloni. Smolenscum expugnant: brevi tamen ad Russos rediit, & Cozimum ad Turcas. Obiit Sigism. III. succedit Ladisl. filius. Livonia ad Suecos. Casimiri Regis fata. Cosacci deficiunt. Pax sæpius illis data: sæpius fracta. Sueci discerpunt Poloniam, & Rogozius. Hujus fata.

Sigismundum III. Poloniæ Regem, Joannis Sueciæ Regis filium, a Carolo Sudermannæ Duce, patruo suo, throno Suecico dejectum anno 1600, indeque bellum diuturnum enatum esse, in Suecicis memoravimus. 63.

Anno 1605 Poloni Sudermannæ Principem, qui Carolum Polonorum IX se dixit, a *Riga*, quam obsederat, depulere, cæsis ad novem Suecorum millibus; tantaque fuit fugientium confusio, ut deleri ad internecionem potuissent, si Poloni alacrius acriusque suam essent persecuti victoriam. Polonorum pauci, si cum Suecis comparentur, fuerunt desiderati. victoria de Suecia.

Involuta dein Polonia etiam cum Russis bello, Demetrius, qui Joannis Basilidis filios se dicebant, throno Russico imponere conata est. Felix Sigismundo fluxit annus 1611, quo *Smolenskum*, Smolenskus ad Polonos. munitissimam in Lithuania ad Boristhenem urbem, post biennem oppugnationem expugnavit. Ultra centum Moscorum millia eo biennio periisse dicuntur. Mirum videri posset, quod Sigismundus hoc tempore Moscoviam sit adortus, & non potius, conciliatis sibi Russis, toto pondere in Sudermannum usurpatorem Suecosque incubuerit, ut Regnum avitum repeteret. At feliciores fuere Sueci, quod ipsi Russos nacti sint socios; quamvis Danus Polonis accesserit adversus Suecos.

Anno

Anno 1612, dum Sigismundus ceteronisi *Inveſtitura* Borussia, Brandeburgo impertiendæ otioſe immoratur, Poloni viſti ex Moſcovia pulſi ſunt; & quod dolendum maxime, Smolenskum, quod tanto ſanguine ſumptuque Poloniſ conſtitrat, milite & re armamentaria parum proviſum, in Ruſſorum manus fuit relapſum.

Ruſſus ad
Ruſſos.

Anno 1620 Poloni a Moldaviæ Principe, a Turcis depoſito, implorati, 8000 miſerunt, quæ tamen a Turcis & Tartariſ partim concifa, partim in fugam ſunt compulſa.

Turcæ caſi.

Anno ſequenti Oſmannus cum innumerabili exercitu Polonos & Coſaccos, caſtris munitis circumvallatos, eſt aggreſſus, ſed tanta fuorum ſtrage repulſus eſt, ut pacem reſpiceret, hac lege conſeſſam, ut Tartarorum & Coſaccorum procurſiones & rapi-næ ſevere cohibeantur. Vaivada Moldaviæ ſit Chriſtianus, ſed a Sultano nominandus. *Cbozinum* a Poloniſ eidem reſtituatur.

Chozim ad
Turcas.

Dum autem Polonorum arma in Turcas erant abſtracta, Guſtavus Rex Sueciæ, fractis induciis, Livoniam invaſit, Riga aliis-que locis expugnatis. Tum verò novas cum Sigismundo inducias pepigit.

Obit Sigism.

Anno 1636 obit Sigismundus III, Poloniæ Rex, & jure paterno etiam Sueciæ; ſed a patruo corona ſpoliatus. Unde bellum, quod diu, ſed ſatis frigide geſſit. Faſta cum Suecis pace, occaſionem Guſtavo dedit, in Germaniam irruendi. Vixit annos 66, rexit Poloniam 44, Sueciam 7. Duas ſucceſſive ſores habuit conjuges Annam & Conſtantiam, Caroli Archiducis filias, Ferdinandi II. Imperatoris ſores. Ex prima genuit Uladiſlaum IV, qui patri in Regno Poloniæ ſucceſſit: ex ſecunda Joannem Caſimirum, cui poſt fratris mortem ſceptrum obtigit.

Uladiſlaus
IV.

Uladiſlaus igitur, qui jam antea adverſus Ruſſos & Turcas præclara fortitudinis ſpecimina ediderat, Regnum adeptus, remiſſus illud, ac ſpem præbuerat, adminiſtravit; nam deſerto, cum maxime opus haberet, auxilio, Ferdinando Cæſare, avunculo ſuo, inducias, cum Suecis a patre initas, Sturadsdorfii in 26 annos prorogavit, ea quidem lege, ut Sueci Boruſſiam Poloniæ reſtitue-
rent, Livoniam autem retinerent ad tempus induciarum.

Livonia ad
Suecos.

Anno 1648 mortuus eſt Ladislaus IV, æt. 53, Regni 16. Duas conjuges habuit, primam Renatam, Ferdinandi II Cæſaris filiam, ſecundam Mariam Nivernenſis & Mantuani Ducis natam. Ex neutra reliquit liberos: unde ſucceſſit per electionem *Joannes Caſimirus* frater, qui duxit Mariam Nivernenſem, fratris Uladiſlai reli-ctam viduam, diſpenſante in impedimento affinitatis Pontifice.

Caſimiri fa-
ta.

Caſi-

Casimirus, optimæ quidem indolis Princeps, sed instantis, cum junior adhuc esset, a Rege Hispaniæ Prorex Lusitaniæ fuerat electus, sed in itinere a Gallis captus est. Ad fratris Uladislai instantiam liber dimissus, societati Jesu animum adjecit, Novitiatum Romæ ingressus. Inde vero extractus Cardinalium Collegio a Pontifice est aggregatus, & post mortem fratris a Polonis Rex electus.

Summum ei negotium fecerunt Cosacci, genx ferox & scutum haftenus Poloniæ adversus Tartaros Turcasque; nam, cum acerbius a Polonis, quorum erant subditi, se haberi crederent, *Kmielnicio* incentore defecerunt, vocatis in auxilium Tartaris, solitis ad hæc usque tempora suis hostibus. Ad Korfum Polonos, quos Potokius ducebat, profligant, rursusque ad Constantinovum. Ecce initium belli diuturni, Polonis funesti, & Casimiro Regi calamitosi.

Anno 1649. bis cruento prælio victa a paucis Polonis innumerabili Cosaccorum & Tartarorum multitudine pax confecta est. Casimirus solvet Chamo pensionem, quam Uladislaus negaverat: veniam dabit Cosaccis, privilegia confirmabit, augebit eorum millia ad 40000 capitum: permittet in Regno exercitium Religionis Græcicæ: Palatinus Kioviæ semper sit ejusdem ritus: Chamus defendet fines Poloniæ: Kmielnicius de genu rogabit a Rege rebellionis veniam. Hæc pax vix annum tulit; barbaris rursus contra Polonos coeuntibus.

Anno 1651. Casimirus Rex cum centum millium exercitu in campum Martium progressus contra trecenta Cosaccorum & Tartarorum millia, pugna, ad Bereteskolum commissa, eos vicit, & 6000 in acie cæsis, in fugam egit. Sed hydræ Erimanthæ instar succrescebant: licet paulo post iterum ad decem barbarorum millia sint cæsa, iterumque tria millia in Lithuania, in quam irruerant.

Concessa petentibus rursus pax: rursusque Kmielnicius veniam rogavit; sed eo animo, quo antea, nempe, ut, instauratis copiis, in aciem iterum prodire posset, isto etiam cum Moscis fœdere, qui una cum Cosaccis & Tartaris sequenti anno in Lithuaniam irruerunt, omnemque propemodum Poloniam barbarum in morem devastarunt.

Anno 1654. Mosci post trimestrem obsidionem Smolenscum expugnarunt. Anno vero sequenti, cum omnia in Polonia miscerentur, etiam Carolus Gustavus, Rex Sueciæ, ruptis absque causa

Part IX.

Rr

indu-

induciis, bello repentino eandem obruit, & jam alias laceram dilaniare non erubuit. (anno 1655.)

Sueci in Poloniam.

Jamque potissimam Poloniae partem victoriis emensus, Borussia quoque, Lutheranis scatentem, in potestatem redegit. At vero inclita natione Polonica se respiciente, & peregrinae dominationis pertæsa, Casimirus Rex e Silesia, quo confugerat, in Regnum suum rediit, accepto nuntio, a subditis in lavorem suum arma fuisse correpta.

At vero Suecus, ubi vidit, Polonos in se armatos, Electorem Brandenburgicum socium ascivit, concessa ei & confirmata Borussia Ducali, adjunctis ex alieno tribus Poloniae Palatinatibus. Portum autem Balthicorum proventus voluerunt esse utrique communes.

Calamitas Poloniae.

Sed Zarnescus, Polonorum Ductor, Suecos ad Jaroslaviam adortus, aciei campo & impedimentis exiit. Verum Posnaniam inter & Gnesnam Polonis clades est reddita. Illi nihilofecius Varsoviam receperunt. At mox caesi rursus amiserunt. Sueci vero Brandenburgicis juncti, Massoviam devastarunt, obliquis oculis eos progressus aspicientibus Danis, Moscis, & ipsis adeo Hollandis, qui classem Balthico immiserunt, pro libertate navigationum defendenda.

Ragozi caesus.

Anno 1657 Ragozius quoque Transylvaniae Princeps, Suecorum socius, cum 3000 in afflictam Poloniam irruit, injuriam se passum causatus, quod Casimirus in electione sibi esset prælatum. At vero, cum Polonia undique discerperetur, Moscus & Danus bellum Suecis denuntiarunt; Cæsar quoque copias auxiliares Polonis misit. Quare Suecus, relicta Polonia, in Danum, hostem sibi proxime imminentem movit, atque Ragozium Cæsareis atque Polonis cædendum permisit. Et sane casus est egregie, atque Moldavis & Valachis, Sultani jussu, eum deferentibus, ad pacem petendam adactus.

Pax ei data.

Data est hæc illi, ea lege, ut foederi Suecico renuntiet, a Casimiro Rege offensam deprecetur: quadringenta thalerorum millia Casimiro & Regi Hungariae solvat, & insuper 15.000 Tartarorum Chamo, qui & ipse, quod mirum, ex hoste amicus factus, Poloniae fatiscenti subsidio venerat: Ecclesiasticis Transylvaniae bona erepta restituat: Poloniae, quoties requisitus fuerit, succurrat. Atque sic Princeps iste, ambitione turgens, coronam somniatam, & denique, ut alias dictum, & Principatum Transylvaniae & vitam amisit, irato Sultano, vel iram simulante, quod se non consulto arma in Poloniam vertisset.

ARTI-

ARTICULUS II.

SUMMARIUM.

*Polonia respirat. Pax Olivenfis, victis Suecis fecunda. Cast-
mirus abdicat Regnum. Eligitur Coribut: post hunc Sobieski,
qui rem restituit. Viennam liberat. Irruptio in Turciam mi-
nus felix: obitus & elogium Sobieski. Eligitur Augustus.*

Inter hæc autem Sueco in Daniam averso, requiescere aliquantum 69.
Poloniæ licuit; ut adeo etiam in Daniam, cum reliquis fœdera- Rerum con-
tis, Cæsare, Brandenburg, & Batavis, copias auxiliares pos- versio.
set mittere, quibus ita contritus est Carolus Gustavus, ingens il-
lud belli fulmen, ut pacem petere, quin & mortem, rerum con-
versarum tædio, oppetere coactus fuerit.

Ad pacem dein serio respiciente Suecia, Gallia intervenien-
te, eam obtinuit. Electus illi consociendæ locus in Borussia Polo-
nica, Monasterium videlicet Olivæ, haud procul Gedano remotum;
unde & *Pax Olivenfis* dicitur.

Conventum in hos articulos, devictæ Sueciæ nimium pro-
pitios.

1. Sit amnestia perpetua inter Polonos, Danos, Brandenburgum, *Pax Oliven-
Batavos ex una, & Sueciam ex altera parte.* fis.
2. In civitatibus Borussia Regalis omnia sacra & profana in statu
antiquo conserventur.
3. Castimirus Rex Poloniæ renuntiat omni juri, quod habet in Sue-
ciam & Finniam.
4. Livoniam & Estoniam Poloni cedunt Suecis. Religio tamen *Polonis no-
maneat libera.* xia.
5. Sueci restituant Polonis loca, quæ in Borussia Regali præsidii
adhuc suis occupata tenent.
6. Curlandia Polonis maneat.
7. Spondent pro hac pace Principes contrahentes, & Gallus Me-
diator.
8. Si injuria inferatur, satisfiat; alias licebit armis prosequi.
9. Gallus præcipue est fidejussor, & obligat se ad defendendam
hanc pacem. (*anno 1660.*)

Multo non admodum placuit hæc pacificatio, quod Suecis
addicta esset Livonia, cujus partem ipse jam occupasset; unde Po-
lonos rursus est aggressus: sed a Zernicio & Sapieha, Polonis Du-
cibus,

cibus, gravi clade affectus recessit: alteram cladem anno 1661. accepit a Lubomirskio Principe, qui dein cum pluribus Magnatibus seditionem movit adversus Casimirum Regem, cum Moscis autem 30 annorum induciæ sunt contractæ, relictis illis interim Smolensko & Chiovia magno Poloniæ detrimento. Confecta etiam pax cum Tartaris.

Casimirus
abdicat Re-
gnum. Anno 1667. obiit Varsoviæ Ludovica Gonzaga seu Nivernensis, duorum fratrum, Uladislai & Casimiri successive uxor: quæ nativum suum affectum in Galliam nunquam deposuit.

Factus sti-
pendarius. Anno 1668. Casimirus Poloniæ Rex, rerum adversarum tedio, Magnatibus ab eo averfis, corona in comitiis Varsoviensibus deposita, in Galliam abiit, ubi a Rege, ut sustentari possit, plures Abbatias accepit, felicior futurus, si primæ vocationi insitisset, & extra rerum humanarum, sursum deorsum euntium, turbines, solum calorum Regnum, nullis curis, nullique mutationi obnoxium, quævisset.

Coribut. Anno sequenti Poloniæ Rex electus est *Michaël Coribut*, Wisnoviskius, præteritis magnis competitoribus, Philippo Wilhelmo Duce Neuburgico, qui Annam Casimiri sororem habuerat conjugem: & Carolo Leopoldo Lotharingo; magno bellatore.

Novo Poloniæ Regi nullatenus quieto esse licuit; nam Tartari rebellibus Cosaccis sociati Poloniam rursus invaserunt. Missus in eos Joannes Sobieskius, qui pluribus inclarescens victoriis coronæ præludebat.

Cameneo-
rum ad Turcas. Verum anno sequenti Turcæ quoque insurgentes, *Cameneorum*, Principem Podoliæ urbem, & unicum prope adversus barbarorum incursum in iis partibus munimentum, Polonis extorserunt: qui cessa Sultano *Podolia*, certaque annua pensione promissa, pacem emerunt. Verum probrosus hic tractatus executioni non fuit mandatus: mox enim bellum cum Turca, Tartaro, & Cosacco recrudit.

Obiit Casimi-
rus & cum eo
familia Ja-
gellonica Anno 1672. Niverni in Gallia turbis humanis exemptus est Joannes *Casimirus*, Rex olim Poloniæ, affabilis, ad omnium promptus obsequia, id velle solitus, quod alij, & præsertim uxor, eum volebant velle: extincta cum illo est Jagellonica Familia, per tria secula Poloniæ dominata.

& Coribut. Anno sequente Casimirum secutus est *Coributus* Rex Poloniæ, æt. 33, Regni 4. Ejus vidua Eleonora, Leopoldi Imperatoris soror, nupta postea est Carolo Leopoldo, Duci Lotharingiæ, præmium hoc decernente Cæsare Heroi iavisto: qui non procul abfuit

abfuit a corona Polonica, Imperatore & Lithuanis faventibus, at obfiftente Gallia.

Poloni vero inclinabant ad Joannem Wilhelmum, Ducis Neoburgici filium, crediturque, eligendum fuiſſe, ſi Eleonoram, Regis Coributi viduam, Polonis pergratam, naſtus eſſet conjugem. At illa ad Lotharingum reſpexit. Inter reliquos Candidatos eminebant, frater Regis Daniæ, Princeps Electoralis Brandeburgicus, filius Zari, Abaſſius Princeps Tranſylvaniæ, omnes pro corona Religionem Catholicam parati aſſumere. Mirum ſane, tot procos hanc coronam appetere tot ſpinis cinctam. Sed tamen corona eſt.

Tandem vero, cum in omnium recenti memoria eſſent *Joannis Sobieſki* grandia geſta & in Rempubliacam merita, maximeque *Sobieſki Rex* relata nuper ad Cozimum inſignis a Turcis victoria, ipſaque urbs Cozimum permunita ad Poloniam reducta, perorante pro eo Palatino Ruſſiæ, conſentientibus ſuffragiis Rex electus eſt. (anno 1674.)

Nec pœnituit Polono; quia novas Rex multas urbes & oppida Turcis extorſit, negato etiam tributo, quod Antecellores Sultano annuatim perſolverant. Coſaccos quoque ita atque Ucraniam prope totam ad Poloniam reduceret.

Verum Turcæ & Tartari, majori numero venientes, Straraſium obſederunt. Præſidio huic urbi erant impoſita 5000 Ruſſicorum, qui, cum Præfectus nollet eandem dedere, de mœnibus cum præcipitarunt. Baſſa, urbe dedita, immane hoc facinus eis exprobravit, & occiſis ſenioribus, reliquos in ſerviſutem abſtraxit.

Pax Regi erat neceſſaria; cum quinque duntaxat, dilapſis reliquis, ei ſuper'eſſent armatorum millia; ſed cum Turcæ Podoliam & annuum tributum peterent, Ucraniam Dorozensko, qui jam ante caput ſuſtulerat, tradi, tanquam ſeudum Portæ Ottomanicæ poſſidendam, omnes denique belli ſumptus ſibi reſundi, experrecti Poloni indignatique, collectis viribus in hoſtem ducti ſunt, atque Turca & Tartarus gemina clade aſſecti, ferocia poſita, haud paulo mitiores conditiones pacis, Zurani ad Borithenem conſectæ, admiferunt. Abolitum probroſum pactum tributum annui. Retenta Podolia, & Ucraina cis Borithenem; relicta Turcis pars altera, quam Dorofencus detinuerat. Promiſit inſuper gens Muſulmanna protectionem Religionis Catholicæ in terris ſuis, reſtitutionem Ordini S. Franciſci, cui Schiſmatici ſacrum ſepulchrum in Palæſtina eripuerant, aſſiſtere Polonis contra omnes eorum hoſtes. Detrectavit Sultanus hæc pacta confirmare, niſi poſt-

quam Vizirius ei persuasit, nihil prosperum agi posse contra Polonos, donec Sobieskium fortuna secunda deferat.

Viennam liberat.

Sed laudem omnem Regis Joannis superat liberata a Turcarum jugo *Vienna*; quippe cum Sultanus Hungariam esset aggressus, cum Imperatore Leopoldo fœdus pepigit, Bethunia conjuge, ut scribitur, quamvis Francica, persuadente, quod speraret, Jacobo filio archiducem nupturam. Quum dein Cara Mustapha Viennam arcta oblidione cingeret, quindecim aut (prout alii scribunt) viginti Polonorum millia selecti militis adduxit, atque junctus Lotharingo Turcam, prælio casum, Vienna depulit. Varii scriptores hic nescio quantum, beneficium, Cæsari impensum, memorant: & fuit; sed quid Polonia fuisset futurum, si Turca Austriam, aut etiam Hungariam tantum suam in potestatem redegisset, non satis considerant. Licet ergo Polonus magnum Austriacæ Domui beneficium contulerit, una tamen securitati Regni sui consuluisse, nemo prudens est, qui ambigat. Poloniam bello Turcico non adjutam a Cæsare opponunt; sed qui poterat, bello gravissimo in Occidente districtus? Cur silent de missis auxiliis, cum Polonia a Suecis opprimeretur? Caterum Papam Innocentium XI non parum contulisse, ut Polonus in hujus societatem belli veniret, apud omnes est omnino certum; nam pecuniam etiam non parca manu submisit, ut conscriberentur auxiliares copiæ.

Antigny.

Iniit etiam Rex Joannes anno 1686. fœdus cum Zaro, non satis ex usu & honore Poloniæ; nam pro duobus thalerorum millionibus cessit ei Ducatum Kioviensem, Zernicoviensem, Severiensem, cum Smolensko, sed tanquam depositum pro eo solummodo tempore, quo bellum contra Turcas esset gesturus, quos si aggrediretur ad Boristhenem atque in Tartaria Crimæa, mutuo sibi essent auxilia; Zarus invitaret etiam Franciam, Angliam, Daniæ, Hollandiam, ut junctis viribus adversus Infideles procederent.

Meditabatur nempe Rex in Moldaviam & Valachiam irruere, easque provincias Domui suæ hæreditarias reddere; quam in rem cum Cæsare pactum arcanum contraxerat. Displicuerunt Reipublicæ hæc pacta, prout etiam, quod in comitiis filium suum natu maximum proximo sibi loco collocaret, quæ res carebat exemplo, & cum libertate sua pugnare Magnatibus visa est, quasi Sobieskius eis vellet ostendere, quem post se Regem essent habituri. Quare Jacobo filio, ut animi pacarentur, Grodno recedendum omnino fuit.

Ut

Ut autem Rex consiliis suis effectum daret, anno 1686. Irruptio in mense Julio, quo solent Poloni ad bella procedere, expeditionem Turciam in Moldavicam suscepit, Jassoque, principe civitate occupata, a provincialibus fidei juramentum recepit. Cumque hostem nullum inveniret, statuit, per Bessarabiam ad mare usque nigrum penetrare. Verum cum procederet, alimenta omnia a Tartaris combusta vidit; quare iter reflectere coactus, nec leve damnum a Tartaris passus, in Poloniam pervenit, expeditione plus splendoris quam utilitatis nanciscente. Id tamen commodi attulit Cæsari, ut, Tartaro in Polonos averso, suas in Hungaria facilius posset profequi victorias.

Nec annorum sequentium expeditio venit feracior, deficientibus, milite, re armamentaria, machinarum magistris; unde Camenecum frustra obsessum.

Anno tamen 1694. propitium Polonis sidus affulsit, dum ad Boristhenem 70000 Tartarorum Turcarumque exercitum fuderunt, 4000 in loco pugne occumbentibus, & 5000 curribus intercepitis.

Sed annus 1696. grave vulnus inflixit Poloniæ, dum Joan-Obit Soblesnem III Regem, meritis in Regnum, & totam Christianitatem ^{ki Rex.} plenum sustulit, ætatis 72, Regni 22, Principem vivacis spiritus, bonarum artium sapientumque amantem, facundum, belli gnarum, fortemque, qui gloriosis, a Turca Tartaroque relatis vitam signavit victoriis. Vivet nomen Sobieskii, quamdiu Vienna stabit.

Ex Bethunia, quam in Francia duxit, genuit Parisiis Jacobum Ludovicum, quem, ut successorem haberet, omni studio curaque frustra contendit, gratitudine beneficiis non respondente. Jacobus porro, cum Imperatricis filiam non obtineret, sororem duxit ejusdem Hedvigem, Philippi Wilhelmi, Ducis Neuburgici Electoris Palatini filiam, ex qua suscepit *Clementinam*, Jacobo III. Angliæ Regi, quem *Pratendentem* appellant, collocatam. Jacobus porro, spe regni dejectus, excessit patria, & Olavii in Silesia sedem fixit.

Reliquit etiam Rex Joannes, præter duos filios, Alexandrum & Constantinum, Theresiam Cunigundam, Maximiliano Emmanueli Electori Bavarie nuptam anno 1695.

Anno 1697. Cardinalis Radsevicus Archiep. Gnesnensis, Primas Poloniæ, ad electionem novi Regis faciendam convocavit Nobiles. Ultra duo millia convenisse dicuntur in campo ad Varsoviam, oblatamque coronam Electori Bavarie, qui eam recusasset,

Augustus
Rex.

set, ne Belgio subtraheretur. Duo autem erant magni competitores, Augustus Elector Saxoniae, jam ante biennium ad sacra Catholica transgressus, & Franciscus Ludovicus Borbonius, Princeps Contius. Uterque se stitit, uterque Rex fuit proclamatus, favente Primatè Contio; sed prævaluit Augustus, ea tamen adjecta conditione, ut abdicet Ministros Lutheranos, munera publica Polonis conferat, Camenecum & Podoliam ad coronam reducat, libertates Regni *Electivi* conservet, pecuniam distributam ne repetat, damna per militem suum illata sarciat. Testimonium exhibeat, se coram Principe Saxo-Citico, Episcopo Javarino, professionem fidei Catholicæ edidisse, eamque deinceps omni studio conservet, atque etiam conjugem suam ad eandem perducere allaboret.



CAPUT XII DE STATU SUECIÆ SÆCULO XVII

SUMMARIUM.

Sigismundus ob Religionem Regno Sueciæ privatus. Bellum diuturnum. Gustavi Adolphi initia; progressus, finis. Christina filia succedit. Regnum abdicat, convertitur. Ejus elogium. Carolus X. Bipontinus in Polonos, Danos. Casus ubique pinguem tamen pacem Olivæ irvenit. Ejus effigies. Carolus XI. Gallia adhaeret. Omnia in Germania amittit bello: omnia recuperat pace. Ejus liberi.

70.
Sigismundus
Regno pri-
vatus.

Joanni Sueciæ Regi, in Religionis negotio nutanti, anno 1592. mortuo, successit filius *Sigismundus*, a Catharina, Sigismundi I. Poloniæ Regis filia, in Religione Catholica pie educatus. Sed

Sed quia is etiam Rex Poloniæ fuit electus, Carolus, Sudermannia Princeps, rebellionem adversus nepotem mota, Sueciæ Regnum eidem rapuit; accedente eidem populo, cui Sigismundus, Princeps optimus, propter solam Religionem fuit exosus. Enatum inde bellum grave ac diuturnum patrum inter & nepotem, qui tandem Regno & hæreditate paterna per insignem injuriam omnino excidit.

Anno 1601. Radzivilius Princeps egregiam a Suecis victoriam retulit, cæsis duobus eorum millibus. Dux Sudermannia, ^{Bellum.} ut se vindicaret, incendiis & rapinis in terras Polonorum est grassatus. Zamoscus autem expugnavit Volmerum, capto Carolo, Sudermanni notho, urbis Præfecto.

Anno 1604 Ordines Sueciæ Norköpingæ coronam detulerunt Carolo Duci Sudermannia contra jus manifestum Sigismundi nepotis, Regis legitimi, qui cum suis liberis in odium Religionis perpetuo fuit exclusus, statutumque, ut scæminæ potius Lutheranae, deficientibus masculis, succedant, quæ tamen nubant aut Sueco aut Germano ejusdem Religionis, cum assensu Statuum. Mirum profecto, quod avita Religio de throno deturbet, novella vero viam ad eundem sternat.

Anno 1605. Sueci magna cum strage ab obsidione Rigæ a Polonis depulsi sunt. Anno vero 1611. etiam Dania bellum indixit Sueciæ, illudque contra Carolum IX. tam feliciter egit, ut ad desperationem eum prope adigeret. Certe brevi post tædio, quod creditur, obiit 30. Oct. anno ætatis 61. dejecti nepotis & administrati Regni 11.

Magnus fuit in filio *Gustapbo Adolpbo*, quem in Regno & bello Polonico successorem habuit. Is, ut Polonos acrius posset opprimere, anno 1613. cum Danis pacem iniit. Hi restituant Colmarum & insulam Oelandiam. Suecus promittit abstinere titulis, qui in præjudicium Daniae Regis cedunt.

Anno 1617. Gustavus cum Russis quoque pacem pepigit. ^{Gustavi A. Cesserunt eidem cum Kexholmia urbe provinciam Ingridiæ: prote-} ^{dolphii initia.} ^{stante contra hanc cessionem Sigismundo Rege Poloniæ, quod Moscici res alienas donarent.}

Anno 1621. Gustavus, fracta cum Polonis pace, Livoniam invasit, rapuitque; Sigismundo gravi cum Turcis bello involuto. Initæ tamen rursus induciæ.

Verum anno 1626. inito cum Dano & Saxoniz Inferioris circulo foedere, Borussia Polonicam, trajecto exercitu est aggressus, directa Elbinga, Marienburgo, aliisque locis.

Visus jam tunc est agitare consilia adversus Ferdinandum Imperatorem, & crescentem in dies potentiam Domus Austriacæ; hinc obtulisse Sigismundo pacem dicitur, & consensisse, ut Regis Sueciæ titulum præferat, illudque Regnum ad filios Sigismundi transeat, si nullum ipse masculum hæredem relinqueret: at renuisse Sigismundum, ea spe fretum, se a Ferdinando Imperatore post devictos hostes adjutum iri, ut Regnum Sueciæ, patrimonium suum, consequatur.

Verum pariori adversus Suecos fortuna usi sunt Poloni, anno 1627. ad Casamartham cæsi a Gustavo. Prælium vero ad Gedanum, eo non leviter vulnerato, nox diremit. Tertia pariter pugna fuit anceps, parte utraque canente victoriam.

Cæsus.

Verum anno 1629. Gustavus Adolphus experiri debuit, neque heroes esse securos ab adversæ ictu fortunæ; nam prælio ad Maneverdam a Polonis, quibus Ferdinandus Imperator suppetias adjunxerat, profligatus, Marienburgum profugit in Borussia. Dissensio inter Polonos & Germanos spatium victo dedit, ut ibidem exercitum suum contritum repararet.

Birotus Baro, qui Regem Daniz in summum vitæ discrimen adduxerat, prope etiam erat, ut Gustavum, quem non cognoverat, sclopi explosione interimeret, fallente ictu equum, cui insederat, prostravit. Quidam scriptores referunt, Biroti glandem non aberrasse, sed incidisse in pileum Gustavi, qui tamen singulari virtute fuerit munitus, ut globus in caput non penetraret.

Non mediocrem fuisse Suecorum cladem, ex eo quoque elucet, quod Gustavus, Conciliatoribus Francia & Anglia, ingentes Imperatoris progressus obliquis oculis aspicientibus, in sex annorum inducias cum Polonis concesserit, fatales omnino Cæsari, totique Germaniæ.

Nam anno 1630. scripta ad Electores Imperii epistola conquestus adversus Imperatorem, quod Polonis hostibus suis misisset auxilia, postulavit, ut Cæsareæ copiæ ex Inferiori & Superiori Saxonia decedant, munimenta ad Balticum constructa diruantur: Megapolitani Duces restituantur: Stralsunda liberetur &c.

Verum, cum Cæsar, tot tantisque victoriis munitus, Suecos non admodum timendos putaret, negligi visa est ejus postulat. Quapropter Gustavus suum militem, & genio soli nativi & diu-

In Germaniam irruit.

Ejus postulat.

Inducias cum Polonis init.

& diuturno bello Polonico probe duratum subactumque, pulsis Cæsareis in Rügiam Insulam exponit, indeque in Pomeraniam, isto cum Bogislao fœdere, irrumpit.

Percussum pariter fœdus cum Gallia, ad restituendos Imperii Principes. Illa offert pecuniam, Suecia milites. Religioni licum cavetur, & Ligæ Catholicæ, si quiescat. Pactum ad 6 annos porrigitur.

Anno 1631 Protestantes Germaniæ accedunt *Lipsia* Regi Sueciæ. Francofurtum ad Viadrum Cæsareis eripit. Cüstrino & Lipsiacum. & Spandavio imponit præsidium cum Electoris consensu. Rex vero Galliæ secretum init fœdus cum Maxim. Electore Baviaræ ad mutuam possessionum defensionem, in 8 annos. Sequitur excidium Magdeburgi, Sueco non afferente promissa auxilia. Suecus Lipsiensem reportat victoriam. Oxenstirnius suadet Regi, ut recta Viennam tendat. At ille declinat in Franconiam, ubi pinguis sunt sacerdotia. Heribopolim expugnat, Saxo Pragam, & reliquam Bohemiam. Hailbronna Suecis ultro aperit portas. Moguntia vi capitur.

Anno 1632. Tillius ad Lycum vulneratus obit. Suecus Augustam intrat. Ingolstadtum frustra oppugnat. Bavariam vastat. Monachium ingreditur. Ad Norimbergam, dum castra Bavari & Wallensteinii aggreditur, plura millia perdit. Prælio Luzensi occiditur, anno ætatis 37, Regni 21. Prædicatur ceu heros incomparabilis & Alexander sui sæculi. Verum adversus Polonos non adeo magnos progressus fecit, & Germaniæ ruinæ ab uno ferme prælio Lipsiensi dependebant. Quod autem magnorum fuerit spirituum Princeps, & immensæ ambitionis, nemo est, qui eat inficias. Ex Electoris Brandenburgici filia genuit *Christinam*, quæ, Christina licet 6 duntaxat esset annorum, proclamata est Regina Sueciæ, succedit. Ex pellice autem Gustavo Adolpho natus est filius, qui *Gustavus Gustavi* dicebatur, propter Episcopatum Osnabrugensem, quem usurpavit, in Historia notus.

Anno 1633. Sueci, sollicitante Oxenstirnio, Regni Cancellario, cum Gallia & Protestantibus Hailbrunnæ renovarunt fœdus. Gallia promisit in annos singulos millionem librarum, Catholicæ tamen Religioni in locis occupatis cautum voluit, licentiam quoque stipulata, Electori Baviaræ & reliquis Ligæ Catholicæ sociis, partes neutras amplectendi. Solus Saxo, *Joannes Georgius*, licet Saxo dissentiffimæ Lutheranus, quietæ tamen indolis, & Germani pectoris tit. Princeps, qui Suecos, & Domum Vinariensem oderat, subscribere noluit,

noluit, excipiens, hæc pacta videri cum constitutionibus Imperii pugnare.

Sueci autem, mortuo licet Rege, hoc fœdere confirmati, direpta per Hornium Alfatia, atque Heidelbergæ Cætareis abstracta, per omnem prope Germaniam truculentam vim & grassationem porrexerunt. Wallensteinus tamen non ignobilem de Suecis victoriam reportavit ad *Steinaviam*, omnemque prope Silesiam ad Imperatorem reduxit. Constantiæ quoque urbis virtus enituit, dum *Hornium* Suecum, pertinaciter eam obsidentem, constantia sua fregit. Hornius iram suam effudit in Sueviam, & Bavariam, quam tamen cum Vinariensi deferere coactus est post amissam Ratisbonam.

Mutatio ro-
rum post pu-
gnam Nörd-
lingensem.

Anno 1634. Suecis ad *Nördlingam* castris, alia rebus facies induta est. Et vix non debellatum credebatur, nisi Gallia succurrisset Suecis, novo cum illis tractatu inito, quo simul, cum hætenus in Lotharingia atque ad Rhenum copias detinuissent, bellum Cæsari intulerunt, præsertim post captos Treviros & Electorem. (anno 1635.) Induciæ Suecorum cum Polonis, cum horum auxilio summopere indigeret Germania, in 26 annos sunt prorogata.

Saxo concil-
liatus.

Anno 1636. Suecia novum cum Gallia fœdus iniit Wismarie, conventumque, ut hæc ad Rhenum, illa in Bohemia & Silesia bellum gereret, cum in finem, ut Principes spoliati restituantur in integrum. Gallia quot annis Suecis numerabit millionem librarum Gallicarum. Fœdus tres annos vigeat. Saxo post pacem Pragensensem in Suecos irruens, Magdeburgum illis eripuit; sed ad Wistochium a Baniero cladem accepit. Anno 1638. Suecia unionem cum Gallia iterum renovavit Hamburgi, de bello omnibus viribus prosequendo, ita, ut Galli in superiore Germania, Sueci vero in Saxonia & Marchia Brandenburgica illud circumferant.

Alia Suecorum gesta retulimus in relatione de Statu Germaniæ, prout etiam bellum, anno 1644. Daniæ illatum. Ragozium quoque Sueci adversus Domum Austriacam ad rebellionem concitarunt.

71.
Cartholus.

1650. Obiit Holmiæ Renatus Cartesius, vocatus eo ex Gallia a Christina Regina, cui Philosophiam explicuit, sed ab ea, quæ in scholis hætenus erat usitata, plurimum diversam, per quam multo magis inclaruit, quam per militiam, quam antea secutus fuerat. Quippe vix nata erant ejus turbinum vorticumque systemata, cum tota Peripatus, quæ ad id usque tempus in scholis regna-

regnauerat, bellum eidem denuntiavit. At ille numerosam brevi sectatorum catervam in aciem eduxit, qui tamen pruritus novitatis secuti, Samsonicarum instar vulpium, diversas rursus sectas fundarunt, in eo convenientes, ut antiquitati canos evellant.

Baillet alique integra volumina laudibus Cartesii impleverunt, ampla adjecta panegyri de ejus Divino ingenio, meditationibus, diu noctuque continuatis, industria humanam transcendente, Systemate adorando de motibus rapidissimis in summa quiete, ^{Ejus Systra.} corporis extensione essentiali, animæ essentia cogitante, globosorum raptu, turbine, & stupenda syntaxe, de primis mentis ideis, prorsus infallibilibus, de impossibilitate vacui, licet nihil sit medium, anima in sola glandula pineali hospitante, principio admirabili, de omnibus rebus & veritatibus, quantumvis evidentibus, dubitandum, nihil credendum, sed sensuum experientia explorandum, & ingenii acie penetrandum. Quæ sane omnia adeo rapiunt intellectum, bene dispositum, ut illi etiam indignantur, tam Divino viro thus non adoleri, qui nihil unquam in ejus libris legerunt.

Obiit hoc naturæ & gratiæ miraculum in Suecia, anno ætatis 54, magno, etiam mulierum, ejus Philosophiam adorantium, luctu: atque, ut reliquias saltem ejus venerari præsentibus possent, ossa in patriam fuerunt deportanda.

Anno 1650. Ordines Sueciæ consenserunt, ut Joannes Casimirus Comes Palatino-Cleburgensis, ex linea Bipontina, qui sororem Gustavi Adolphi habebat conjugem, Christianæ in Regno succederet, si contingeret, illam absque prole mascula decedere. Sed, Casimiro paulo post mortuo, filius ejus, Carolus Gustavus, hujus fructum consensus retulit.

Nam anno 1654 Christina, raro in orbe exemplo, Regnum ^{Christina} abdicavit, illudque in Carolum Gustavum Bipontinum, patruelem ^{abdica- Re-} suum, transulit, reservata sibi pensione annua. Tanti operis magnam. chinam movebat Religio, quam a Patribus societatis Jesu, sub habitu sæculari latitantibus, fuerat edocta, non parum etiam ad id, ut pie credi potest, Pimentelio, legato Hispano, & Burdoloto, Medico Gallico, cum quibus frequentius conversabatur, contribuente.

Carolus Gustavus, acerrimæ indolis Princeps, quietis per- ^{Carolus X.} tæsus, cum Poloniam a Tartaris, Cosaccis, Moscis vastari cerne- ^{in Polonia.} ret, ut in partem spoliolum veniret, fractis induciis, irruit in Poloniam (anno 1655.) ut Casimirum non modo paterno Sueciæ Regno, sed & Polonico, depelleret, fretus & suo ingenio & vete-

rano bellisque affueto milite, & Procerum quorundam averſo a Caſimiro animo, ſibiſque addiſto.

Et ſane amplam ambitioni ſuæ meſſem invenit: occupata quippe Cracovia, magnam Poloniae & Maſſoviae partem, aut ultro deditam, aut vi expugnatam accepit; inde in Boruſſiam effuſus, omnia, ſi Gedanum exceperis, ſub jugum miſit.

At evigilavit tandem Polonia, ſequere reſpiciens, vicinorum Principum auxilia imploravit. Caſar 16000 armatos miſit, Moſcus Rigam in Livonia obſedit, Tartari Ragozii, Suecorum ſocii, copias attriverunt, Danus autem prius omnino Suecis bellum denuntiavit, quos propterea e Polonia adverſum ſe excivit, magnasque ab iis clades eſt paſſus, ut ad pacem *Rotſchildenſem*, quamvis, ob ceſſionem plurium lacorum, ſibi pernicioſam, fuerit compulſus.

Verum non ſtetit ea Suecus; ſed, Regem Daniæ penitus oppreſſurus, *Haffniam*, ſedem Regiam, oppugnavit. Periclitanti Daniæ & ad extremam prope ruinam redaetæ, ſuccurrerunt Caſar, Brandenburgicus, Poloni, Moſci, Hollandique, qui, immiſſa in Balthicum claſſe, magnam Suecis cladem attulere, eoque, poſt Nyburgenſem præſertim pugnam, atque directam a Brandeburgo Pommeraniam Suecorum res ſunt redaetæ, ut magnus ille totius paulo ante Septentrionis Domitor, qui duos jam Reges potentes prope ſub jugum miſerat, pacem rogare ab iis fuerit coaetus.

Interceſſit pro Sueco Gallus, veteris amicitiae nexu adhuc dum conjunctus, quadraginta armatorum millia comminatus, niſi honeſta pace ſinis bello imponeretur, reſerturque Lionnæus ad Bernclovium Sueciæ oratorem dixiſſe, *ſe eidem ſex paces* dare: cum Caſare videlicet, Dano, Brandeburgo, Polono, Batavo, Moſco; cum quibus omnibus Sueco erat dimicandum.

Rebus Sueciæ, paulo ante tam florentibus, jam vero acciſis & in ſummum diſcrimen adductis, Carolus Guſtavus, volubilem fortunæ rotam expertus, anno 1660 ineunte, animi morore & tædio obiit, æt. 38, Regni 6, indole Martia, natus bello Princeps, poſitis ſub Dorſtenſonio militiæ rudimentis, ad palmas & lauros adoleverat, magno populorum, quos oppreſſit, malo. Sueciæ Regnum, Chriſtinæ ceſſione adeptus, bellum decrevit ante, quam hoſtem deſignavit, Danum, an Moſcum, an Polonum invaderet, deliberans. Poloniam delegit, lento cum Caſareis & Moſcis bello jam attritam, Procerumque factionibus & Regis infirmitate fatiſcentem. Quo rerum ſtatu veterano bellisque durato mili-

ti

ti facile erat, vel unius anni expeditione Regnum amplissimum percurrere potius quam expugnare, cum, Rege in Siliciam profugo, vix esset, qui resisteret.

Carolo Gustavo successit filius, Carolus XI. ex Hedvige Gottorpensi natus, quinque tunc annorum puer. Suecia autem, tot hostibus impar, votis omnibus pacem respexit, quam, Conciliatore Gallo, opimam obtinuit, bello victa, *Olivenfi* pace victrix. Pax Oliven-
Nam Casimirus, abdicato jure paterno in Sueciam, Livoniam & Estonia-
stioniam eidem cessit (*vid. Polon.*)

Cum dein Gallia Hollandiam invasisset, Suecus primum conciliatoris munus assumpsit; cum autem pax non posset coalescere, Carol XI. ac-
in Gallia gratiam Electoris Brandenburgici ditiones invasit; quare cedit Gallia.
Batavi, Hispani, & Dani ei bellum denuntiarunt.

Anno 1676. commissa in Balthico pugna navalis; qua a Danis & Batavis victi sunt Sueci. Complures Sueciæ urbes victoriæ præmium fuere. Sueci nempe non amplius erant Sueci: sive, quod Omnia in
deficeret veteranus duratusque miles, sive quod Duces deessent, Germania
sive quod otio in torporem deferuerint. Hinc ne desperatio eos amittit,
dejiceret, Francia Daniæ bellum indixit, prout etiam Brandenburgico, qui Pomeraniam Suecicam aggressus, Anclamum, Lokenicum, ac postea Stetinum, Stralsundam, Rügiam, Gripswaldam, totamque Pomeraniam Suecicam, incredibili celeritate expugnavit. Danus in Scaniam effusus non modicos armorum progressus fecit. Luneburgici alique socii Ducatum Bremensem & Principatum Verdensem abstraxerunt, ut adeo Suecis in Germania nec palmus superesset. Sed profuit Galliaæ fœderatæ favor; nam pacificatione Neomagensi aliisque omnia Sueciæ debebant restitui, Bremensis tamen & Verdenis ditio cum certa limitatione. & recuperat.

Anno 1689. Romæ piensissime obiit Christina, Regina olim Sueciæ, magni Gustavi Adolphi filia, nata anno 1626, Regina 1632, Obitus Christi-
stinae & elo-
gium.
abdicat coronam 1654, eodemque anno proficitur fidem Catholicam Bruxellis.

Vix invenias in Historia scēminam Principem (Elisabetham Angliæ Reginam si excipias) tot laudibus super astra exaltatam, totque vituperiis ad inferos depressam. Doluit nempe Protestantibus tam illustre conversionis exemplum; hinc atro carbone eandem depingunt ceu levem, inconstantem, libertinam, vagam, scēminas omnes, quasi sexus puderet, exosam, cum solis viris conversantem, virili habitu indutam, ut varia regionum lustratione oculos & curiositatem pasceret, Regnum abdicantem, ac vagantem.

Alii

Alii vero meliori jure prædicant ejus virtutes, integritatem, pudicitiam, coelibatam, ingenium, sapientiam, in Religione Catholica, propter quam Regnum, patriamque deseruit, immotam ad mortem usque constantiam. Certe fuit doctissima, & supra conditionem sexus, omnibus artium scientiarumque disciplinis multo ornatissima. Varias præter Græcam & Latinam linguas callebat, tamque apte & concinne loquebatur, acsi nativæ essent. Lectio illi perpetua & cum sapientibus conversatio. Litteraturæ humanioris elegantia, oratorum eloquentia, Poetarum nitor, Philosophorum, antiquiorum & recentiorum systemata, Historicorum multifaria eruditio, Chymix miracula, dia nocturne habebant occupatam; nec tamen Religionis officiis defuit, ut adeo alteram Reginam Saba, aut decimam, vel omnino primam Musam quidam eandem deprædicent. Si quis hæc animi excelsi ornamenta curiositatem, levitatem, aut omnino nugas appellet, nescio sane, cujus spiritus esse debeat, certe rudis, hebetis, humilis, & abjecti, qui indignus sit, ut artium liberalium scientiarumque innocuam dulcedinem perferenscat.

Interea autem Sueci, vibicibus adhuc lividi, quieverunt ad mortem usque Caroli XI, quæ contigit anno 1697, æt. 42, Regni 37, postquam Regnum in summas calamitates præcipitaverat, non erendum, nisi advolasset Genius ex machina.


Ex Ulrica, Friderici III. Daniæ Regis filia, reliquit tres liberos, memoria dignos. 1. Hedvigem Sophiam, Friderico V. Duci Holsato-Gottorpiensi nuptam, ex quo suscepit Carolum Fridericum, Annæ Petrowinæ conjugatum, patrem Caroli Petri Ulrici, Moscovix Imperatoris; qui nuperrime throno dejectus, subito ex hoc mundo disparuit.

2. Carolum XII, 15 tunc annorum Principem, qui desiderii & fama totum mundum implevit, fortuna utraque notissimum.

3. Ulricam Eleonoram, Reginam postea Sueciæ, desponsam Friderico Hassiæ Principi, cui Regnum cessit.

Carolus, quem dixi, spirituum exastuantium Princeps, patri successit in throno Sueciæ, quem pene amisit, dum alios suo deturbare voluit.





CAPUT XIII.
DE
STATU DANIÆ
SÆCULO XVII.

SUMMARIUM.

Dania vetus. Dania nova, ad Oldenburgicam Domum. Christianus IV tria bella gessit, duo cum Succo, unum cum Ferd. II. Casare, pace Lubecensi finitum: Frid. III. duo cum Suecis, pace Rotschildensi & Oliveni terminata. Regnum facit hereditarium. Christianus V varia fortuna cum Suecis confligit. Pace Risvicensi coactus, omnia Suecis restituere.

Dania, olim Cimbria appellata, a Dano, primo suo Rege nomen accepit, circa annum mundi 3000, dicunturque ^{72.} ^{Antiqua Dania.} Reges ante Christi nativitatem ibidem imperasse, Suibdaniam & Borealia Regna conjunxisse, a Fronthone etiam Angliam & Hiberniam adjectas.

Seculo IX post Christum natum Haraldus & Ericus Danici Principes Moguntiae sunt baptizati, & S. Ansharius Religionem Christianam in Septentrionem propagavit.

Cum Henricus auceps sec. X. Schlesvicensem Marchionatum ad fines Imperii defendendos erigeret, Gormo III bellum eidem intulit. Haraldo VIII Otto M. persuasit, ut Christianam Religionem susciperet, atque subditos quoque ad eandem adduceret.

Canutus M. Angliam & Norvegiam subegit, & singulis ex tribus filiis Regnum reliquit (Sec. XI.)

Ericus III Archiepiscopatum Lundensem ineunte Sec. XII fundavit; nam ad id usque tempus Episcopi Daniae Bremensi Archiepiscopo fuerant subiecti. Waldemar I Vandalis Insulam Rugiam atque eripuit.

Waldemar II a Comite Suerinensi captus est ob violatam conjugem. Ericus VI a fratre suo Abele interfectus. Dania, a comitibus Holfatiae & Anseaticis civitatibus vastata (Sec. XIII.)

Part IX.

T 2

Cum

Cum Waldemar III prolem masculam non haberet, successit filia Margaretha, facta etiam Regina Sueciæ & Norvegiæ; lataque est lex, ut omnes tres coronæ in uno capite perpetuo manerent unitæ (*Sec. XIV.*)

Ericus X Pomeranus a Margaretha Regina agnata hæres declaratus, tria Regna obtinuit, sed omnia tria rursus amisit, in Pomeraniam fugatus. Christophorus Bavarus ab omnibus tribus Regnis assumptus in Regem propter matrem, Olai Regis filiam. At hoc anno 1448 sine liberis mortuo, extinctum est stemma Dani, a Dano perpetua serie propagatum, sic tamen, ut deficientibus masculis etiam fœminæ, & fœminarum filii ad coronam vocarentur.

Throno itaque vacante translatus est sceptrum ad Domum Oldenburgicam, in qua hodieum floret. Et primo quidem electus est a Danis Christianus I, Comes Oldenburgicus, a Norvegia quoque & Suecia in Regem postmodum assumptus, qui Holsatiæ Comitatum, materna hereditate acceptum, in Dueatum mutavit, & Hassniæ Academiam fundavit. Successit in trino Regno filius Joannes. (*Sec. XV.*)

Hujus filius Christianus II, seu Christiernus, pessimæ vitæ Princeps concubiniarius, patrata Holmiæ sanguinaria Nobilium, Procerum, & Sacerdotum laniena, primus ad Lutherum defecit, atque accersitis ex Saxonia Præconibus, populum pervertere satagebat. Throno dejectus 27 annos in carcere contabuit, ultimus, qui omnia tria Regna conjuncta possederat; nam Suecia non amplius uniri poterat. (*Sec. XVI.*)

73. **Bellum cum Sueco pri- mum.** Christianus IV Daniæ Rex Sudermannæ Duci, quem Sueci post dejectum Sigismundum Carolus IX dixere, bellum anno 1611 denunciavit, quod is Norvegiæ dimidium sibi arrogaret, subditis suis toto Balthico piscandi copiam faceret, atque varios sibi titulos attribueret, qui in præjudicium Daniæ cedant, uti Regis Laponiæ &c. Spem felicitis eventus haud dubie Christiano fecerunt bellum Polonicum & domesticæ Suecorum discordiæ, & bene se dabant initia; siquidem Danus Colmatum expugnavit, pluresque Sueco clades intulit. Irritatus animoque æger Carolus Christianum ad duellum provocavit; at respondit is, desperationis hoc argumentum esse: indigere Suecum, quo cerebrum purget, heli-
leboro. Carolus brevi post radio obiit.

Anno 1612. Hollandi cum civitatibus Hanseaticis fœdus percusserunt, in id maxime intentum, ut Danus adigatur telonium Sundi-

Sundicum abolere, & navibus ex Oceano in Balthicum liberum sine veſtigiali curſum permittere. Verum hoc erat Danu pupillam oculi tangere. Abolendum tamen tantisper fuit.

Anno 1613 Rex Chriſtianus IV cum Guſtavo Adolpho pacem ſancit. Ille reſtituit ablata: hic abſtinebit titulis, Daniæ in-
viſis. Miſcuit ſe deinceps Danus turbiſ Germanicis & Bohemicis, *Alterum cum*
Friderici V partes ſecutus; intra ſiparium tamen adhuc latuit, *Cæſare.*
donec anno 1626 theatrum belli aperuit; quippe ſcødere cum
Hollandis, Suecis, & circulo Saxoniæ Inferioris percuſſo, a qui-
bus eſt electus caput & Imperator belli, Ferdinando II Cæſari in-
ferendi.

Scriptis etiam ad Moguntinum, Bavarum, alioſque Catho-
licos Electores litteras publicas, quibus ſignificavit, ſe arma cor-
ripuiſſe, neceſſitate compulſum, ut libertatem Germaniæ defendat,
a Domo Auſtriaca oppreſſam. Sed nescio, an minus fortunæ,
an artiſ bellicæ attulerit. Nihil ex compoſito procedebat.
Cæſus eſt ad Luteram a Tillio, & in Holſatiam repulſus: iterum-
que a Wallenſteinio ad Wolgaſtum.

Tandem anno 1629 *pacem Lubecenſem* iniiit. Renuntiavit
Rex ſcøderi Proteſtantino, & amiſſa recepit.

Quiete deinceps fruebatur Dania, bello Suecico in Ger-
maniam detonante ad annum uſque 1644. & quia inviſam habebat
creſcentem viciniæ gentis potentiam, plura egit, unde Sueci
cauſam belli eidem inferendi allegabant. Terra marique infelix
fuit Dania, donec, pluribus locis in hoſtium manu relictis, ob-
tenuit pacem.

Anno 1648 deceſſit Chriſtianus IV Daniæ & Norvegiæ Rex,
æt. 72, Regni 60. Bellum cum Imperatore Ferdinando primum, ſubin-
cum Suecis geſſit, ab utriſque cæſus. Ex Electoris Brandenbur-
gici filia ſuſcepit Fridericum III, qui in Regno ei ſucceſſit.

Anno 1657, cum Suecus, jam alias per pacem Weſt. pluri-
bus in Germania provinciis dilatatus, ambitioni ſuæ & creſcendi
cupiditati terminum non poneret, ſed Poloniam quoque devorare
viribus omnibus contenderet, vicini Principes, potentiam vaſtam,
in omnem partem exporrecam, vexiti, alia ſibi conſilia ineunda
putarunt.

Quare Daniæ Rex, ruinæ viciniôr, ut Regno ſuo provi-
deat, Sueco bellum indixit, conſiſus Cæſareis, Ruſſicis, & Hol-
landicis ſubſidiis. Et primo quidem mari tenrata belli alea pugna-
tum acriter, paſi ferme utrinque damno. Congreſſi ruruſ Sueci, *Quartum.*

a Danis victi sunt. Sed mox cladem Dani receperunt; tantaque deinceps Sueci fortuna usi sunt, ut per concreta glacie maria, ausu stupendo penetrantes, ad ipsam propemodum Hainiam pertingerent.

Quare Dano, ni perire vellet, nihil erat reliquum, nisi ut *Rotschildensem* pacem iniret, quantumvis sibi perniciosam: per eam etenim Sueco permisit Scania, Bleckingiam, Hallandiam, Bornhelmiam, vœtigal Oresundicum, Nidrosiam, Bahusiam.

Quintum.
Hainia ob-
fessa.

Verum hac pace mox fracta, Carolus Gustavus in Zeelandiam penetravit, & *Hainiam* oppugnavit. Accurrerunt igitur ad liberandam sedem Regiam copiae Caesaræ sub Montecuculo & Sufa, Polonica sub Zernicio, cum classe Hollandica, quam Obdamus ducebat, atque in Balthico cum Suecica feliciter confligit. Cæso dein a fœderatis Suecorum exercitu, Carolus Gustavus non modo obsidionem Hainiæ compulsus est solvere, sed etiam pacem rogare: quæ *Oliua*, Borussia Regalis Monasterio, anno 1660 conclusa est. Restituta Dano, quæ a Suecis fuerant ablata, de cætero ad pacem Rotschildensem fuit remissa.

Pax Oliua.

Annus 1660 felix videri poterat gemina pace, quæ arctos plagas pace Olivenfi, & meridianas occiduasque Pyrenæa pacavit. Sed Daniæ propterea etiam exoptatus venit, quod Ordines, Hainiæ collecti, Regnum ex electivo fecerint *hæreditarium*, cum suprema & independente potestate Friderico III. Regi delata, quamvis jam ante sanguini potius, quam electioni, fuerit debitum, jam inde a Dano primo Rege derivata profundissima origine, perpetuaque successione continuata in regnatrice Domo, & si masculi defuissent, a colo etiam deducto Itamine, donec jam ante 300 annos ad Oldenburgicam Germaniæ Familiam sceptrum translatum, atque in hanc usque diem continua serie fuit protensum.

Regnum sit
hæreditari-
um.

Actum sane ex usu Daniæ, ut ex hac Domo non eligantur, sed nascantur Reges, quæ Oldenburgum, Delmenhorstum, magnam Holsatiæ partem, Slesvicensem Ducatum adjecit Daniæ. Fridericus autem Rex eo etiam gentis studia sibi adstrinxit, quod Hainia adversus Suecos præstanti virtute defensa, magnis Regnum suum fœderibus communierit.

Bellum Sex-
tum.

Fatis tandem concessit Fridericus III anno 1670, æt. 61, Regni 22, successorem, jam hæreditarium, nactus est Christianum V, niium, ex Sophia Lüneburgensi susceptum. Bello is Hollandico magno fœderi accessit, & anno 1676 juncta classe sua cum Hollandica, prælio navali Suecos profligavit. Ufus victoriæ fructibus,

bus, Coronam, Elsenburgum, Christianopolim expugnavit, Suecis leviter resistentibus.

Verum anno 1676 Lundense prælium Suecis restituit, quidquid in Scania Danis accesserat. At anno sequenti pugna maritima Dani Suecos vicerunt haud procul Rostochio, navibus horum aliis captis, aliis laceratis. Sed paulo post Suecus vices reddidit: & multo magis anno 1678, quo Königsmarshius in Insulam Rügen 7000 Danorum clade internecina delevit. At Dani, viribus instauratis, in Scaniam trajecti, Helsenburgum denuo expugnarunt: Bahusiam autem incassum oppugnarunt, amissis ad hoc munimentum aliquot millibus. Mox Dani juncti Brandeburgicis in Insulam Rügen exscenderunt, propulso inde Königsmarshio. Sed pace Rixvicensi tam Danus quam Brandeburgus omnia, quæ Suecis eripuerant, restituere coacti sunt.

Anno 1699 obiit Christianus V æt. 54, Regni 29, successit filius Fridericus IV.



CAPUT XIV.

DE

BORUSSIA

SÆCULO XVII.

SUMMARIUM.

Investitura Borussia a Polono collata. Lutherus cum Calvino commutatus. Dominium directum Borussia cum utili consolidatum. Elbinga ad Borussum jure hypothecario. Fridericus Wilhelmus magnus actor sui sæculi Suecos in Balticum propellit: sed omnia cogitur restituere. Succedit Frid. III.

Anno 1611 Sigismundus Rex Poloniæ Electori Brandeburgico *Investituram* Borussia contulit. Anno 1619 obiit Joannes Sigismundus Elector Brandeburgicus, Dux Borussia, qui

Tt 3

primus

74.

Lutherus cum Calvino permutavit, hujusque sectam, quantum poterat, introduxit, reclamantibus Lutheranis. Successit Georgius Wilhelmus filius, qui anno 1622 cum Hollandis foedus iniit. Alet pro illis militum 3000, ut in plenam Juliacenſis Ducatus possessionem mittatur.

1640 obit Georgius Wilhelmus, eique successit Fridericus Wilhelmus, qui percusso cum Suecis foedere, Poloniam, sub Casimiro Rege jam alias misere afflictam, invasit, licet ratione Ducalis Borussiae illius esset vasallus.

Borussia a
Polonia ma-
numissa.

Verum, cum magnum adversus Suecos foedus coalesceret, plus spei in hoc collocans, socius accessit, stabilitum cum Polonia pacto, quo haec ei Elbingam tradit cum aliis quibusdam locis, ita tamen, ut Poloniae integrum sit, eam ducentis thalerorum milibus redimere: simulque Rex & Respublica, abdicato directo in Borussiae Ducalem dominio, supremam & independentem potestatem de ea disponendi eidem concessit. Suecos dein Borussiae in Pommerania, quam divisam ægerime tulerat, Caesaris auxilio armis aggressus, totam propemodum occupavit, Stettino tamen frustra oppugnato. Secuta anno 1660 *Olivensi pace* restitui quidem Sueco debuit sua Pomeraniae portio, soluta tamen Borussiae Poloniae clientela, & directo dominio a Casimiro abdicato.

Cum anno 1672 Rex Franciae Lud. XIV Batavis bellum illaturus, per Clivenses terras transiret, pluresque urbes intercepisset, Fridericus Wilhelmus, Elector Brandenburgicus, ut Hollandis succurreret, Cliviamque reciperet, cum Imperatore & Batavis foedere inito, ad Rhenum movit, atque agrum Monasterienſem & Colonienſem devastavit; sed imminente Turenio trans Visurgin se recepit, relicto Gallis etiam Marchiae comitatu.

Verum, ut provincias suas reciperet, anno 1673 cum Gallis pactum iniit, quo promissit, neutrius se partis fore, donec Imperium maneret illasum. Sed cum Franci procul abessent, arma resumpsit, magnumque pro potentia sua pondus addidit magnò adversus Gallos foederi, grandi Batavorum, jam ferme consumptorum, commodo.

Electoris ge-
sta in Pom-
merania.

Verum anno 1675 Suecos, a Gallis persuasus, in provincias Electoris irrupit, sed tam lento gradu, ut Electori sufficiens spatium concederetur, copias suas tradendi. Mox autem, postquam traduxit, in Pomeraniam Suecicam illapsus, Anclanum aliasque in ea urbes eis eripuit. Impiegit tamen ad Stettinum, quo vota ejus potissimum ferebantur; nam postquam 5000 ollas igniarias

rias eidem iniecit, & ultra 2000 hominum amisit, obsidionem solvit.

Felicior Electori fuit annus 1677, quo Stettinum post quinque mensium obsidionem Suecis eripuit, tamen ad deditionem compellente. Sueci cor suum e corpore evulsum, & Elector novam sibi animam inspiratam putabant.

Sed longe felicissimus Electori venit annus 1678, quo magna sane fortitudine Stralsundam, scopulum illum Wallensteinii, ad quem ejus olim virtus & fortuna impegit, brevi temporis spatio expugnavit, cedente in gloriae partem Gripsvalda, ultimo, quem Sueci in Pomerania habuerant, loco.

Mira profecto rerum humanarum vicissitudo! Marchio Brandenburgicus, mediocris haud ita pridem potentiae Princeps, quam Suecia vix attentione dignam judicaret, per ipsam potissimum Sueciam in pace Westph. tot accessionibus auctus est, ut de universa jam, domitrice illa Germaniae, Sueciae Majestate triumpharet, nec pugillo terrae relicto in Germania, quo pedem figeret. Sic eunt humana: revolvuntur terrarum Imperia, & quod haud ita pridem toti Europae erat formidandum, paulo post vel ab uno obscuri antea nominis Principe vincitur. Exempla & causas afferre invidiosum fuerit. Satis oberrant oculis.

Sed ecce novas rerum vices! Fridericus Wilhelmus, Elector Brandenburgicus, tam gloriosus Suecorum victor, redhibere mox debuit omnia, quae tanta fortitudine tantoque impendio occupaverat; quippe artibus Galliae dissoluto magno foedere, anno 1679 pax Neomagi confecta est, qua jubebatur Suecus restitui.

Cogitur
omnia restituere.

Noluit subscribere Elector. Sed desertus a sociis. Crequio jam Cliviam ingresso, suo milite ab eo caeso, quum videret, totas Galliae & Sueciae vires in se unum convertendas, cumque alia promissa nihil proficerent, tractatu ad S. Germanum inito, dilectum sibi Stettinum, Stralsundam, totamque Pomeraniam tertiorum Suecis reddere debuit, ira in Caesarem innocuum versa, qui tali paci restitit, quantum poterat, sed desertus a sociis, maris potentibus, ab Hispania, a Sabaudia, pacifici necesse habuit.

Anno 1688 obiit celebratus hic Heros *Fridericus Wilhelmus* æt. 68, Regiminis 48, Marchiae suae Brandenburgicae adjecit Ducatum Pomeraniae trans Viadrum, Magdeburgensem Principatum, Mindensem, Halberstadiensem. Borussiae Ducalem a Polonia jure directo abstulit, per conjugem Auriacam semina jecit ad novas accessiones. Successit filius *Fridericus III.*, ex Auriaca susceptus.

Hic

Elbinga.

Hic anno 1698 Elbingam petiit a Polonis, jure pignoris sibi debitam, donec creditum restituatur, prout stipulatum esset anno 1657, moxque urbem occupavit, Augusto Rege graviter conquirente; cumque res bellum spectare videretur, Cæsare, Suecia, & Dania interveniente, conventum est, ut Elector urbem redderet, sed, si intra tres menses hypotheca pecunia soluta (ducenta thalerorum millia prætendebat) non relueretur, sibi fas esset, Elbingam cum dominio adjacente rursus occupare.

Quæ porro gesserit Elector Brandenburgicus in bello tricennali; quomodo accesserit frideri Lipsiaco, ac dein transactioni Dresdensi; quantum auctus sit per pacem Westphalicam, quomodo divisa Pomerania; quæ ab eo acta in causâ Juliacensi, pluraque alia in Germanicis sunt relata.



CAPUT XV.

DE

RUSSIA

SÆCULO XVII

SUMMARIUM.

Russia vetus: nova. Comædia cum quatuor Demetriis. Ad Domum Romanoviam. Alexius Michaelovicus tres reliquit liberos, qui omnes imperarunt. Frequens bellum cum Turcis, Tartaris, Suecis & Polonis. Conjunctio in Petrum Zarum detecta. Sophia sororis, & Gallicini tutoris pœna.

75.
Antiqua Rus-
sia.

Sæculo VI, gens Sclavonica in eas regiones, quas Moscoviam hodie dicimus, migrasse memoratur, ductore *Russo*, fratre Zechi & Lechi; unde & nomen *Russia* derivatur. Tres autem Russiae designantur, *Alba*, *Rubra*, & *Nigra*. Prima ad Lithuaniam, altera ad Poloniam spectat, tertia Moscoviam complectitur. Sæculo X. Wolodomirus Christianam Religionem suscepit.

Sæculo

Sæculo XIII. Tartari *Russiam* subegerunt, primusque *Dani-
lovus*, *Magni Ducis* nomine assumpto, sedem in urbe *Moscua* fi-
xit; unde *Russi Moscovita* appellari cœperunt. *Joannes Basilides*
I sæculo XV jugum Tartarorum excussit; *Lithuani* autem *Russiam*
rubram, & *Poloni* *albam* ad se traxerunt.

Sæculo XVI. *Basilius Czari* nomen, quod magnum *Princi-
pem* denotat, assumpsisse dicitur. Ejus vero filius *Joannes Basili-
des II*, immanis tyrannus, Regnum *Astracanum* ad mare *Caspium*,
& *Calanum Tartaris* eripuit, & *Russiae* adjecit. Hujus filius *Theo-
dorus* anno 1598, cum absque liberis decessisset, seriem antiqui
stemmatis clausit.

Habuerat autem *Theodorus* fratrem *Demetrium*, quem
Boris interfecerat, seque ipsum throno intrusit. Quindecim dein-
ceps annis omnia in *Moscovia* sursum deorsum voluta sunt. Quip-
pe quatuor successive erant deceptores, qui *Demetrium Theodori*
fratrem mentiebantur, atque *Joannis Basilidis* filios.

Et primus quidem fingebat, se esse *Demetrium Theodori*
fratrem, *Boridis* crudelitati subtractum, aliumque adolescentem
clam fuisse substitutum in suum locum. *Palatinus Sendomiriæ*,
conciliata illi Regis & *Polonorum* gratia, propriam filiam ei de-
spondit. Conducta decem *Polonorum* gratia, & totidem *Cosaccorum*
millia, quibus *Boris* cum centum millibus occurrit. Victus qui-
dem est prælio *Demetrius*; plures tamen urbes illius partes sunt
secutæ. Mors *Boridis* faciliorem ei ad solium gradum substravit.

Nam anno 1605 *Moscua* fuit coronatus, postquam cum
Joannis Basilidis vidua, per lepidam sane comœdiam pro filio suo
agnovit. Verum non diu tenuit *Demetrii* hujus Regnum, nam
anno sequenti (1606) cum grande symposium *Proceribus* instru-
xisset, a conjuratis *Moscis* trucidatus fuit, & cum illo 1700 *Pol-
oni*. Ferunt amorem *Demetrii* in *Polonos* fuisse conjurationis
causam. *Basilidis* vidua noluit amplius esse mater: necessitate co-
gente salutatum a se filium asserens. Cæterum vero nomine *Gri-
lica* appellatus dicitur, humili loco natus.

Suiskius, conjuratorum princeps, cui *Demetrius* vitam
donaverat, renunciatus est *Zarus*. Sed haud multo post tempo-
re comparuit alius, qui verum *Demetrium* se ferebat, cui pariter
favet *Sigismundus*, haud dubie, ut *Russis* hostibus suis domi nego-
tium faceret. *Sueci* vero *Suiskio* venere suppetias.

Tandem vero, postquam cum quatuor *Demetriis*, instru-
entibus comœdiam quibusdam *Polonis*, satis lusum est, & corona

Pars IX.

Uu

Russica

Russia ad Russica aliquot capita levi saltu pertransiit, Mosci anno 1613 Za-
Domum Ro- rum sibi elegerunt *Michaëlem Faderovicium* ex *Rominovia* Fami-
manow. lia, qui Sinolenskum recepit, & Polonos ex Russia eiecit, post-
quam illi, expugnata Novogrodo, in viscera Moscovia penetran-
tes, ipsam urbem Moscuam, Ducum sedem, suæ potestati sub-
jecerant. Cladem subin gravem passus Moscus, cum Polonis
& Suecis pacem composuit, & ad mortem usque servavit. Obiit
autem anno 1645, æt. 49, Regiminis 33.

Succellit filius *Alexius Michaelovicus*, qui vindicaturus
clades, a Polonis illatas, cum Cosacco & Tartaro, id est, cum
Megæra & Tisiphone, juncta opera in Lithuaniam & Poloniam ir-
ruens, Regnum nobilissimum misere discerpit.

Cum autem Suecus quoque superveniret in partem spoliis,
Moscus in Livoniam, quam Sueci Polonis eripuerant, arma con-
vertit, sed pro gentis illius tunc adhuc temporis imperitia, modico
progressu, donec post pacem Olivensem Sueci ab aliis hostibus
expediti, atque in Russos conversi, Livoniam liberarent, & paci-
ficatione anno 1661 subsecuta sibi firmarent. Alio videlicet Alci-
de opus erat, qui Herculi hanc clavam extorqueret.

Alexii 3. fi-
lii.

Anno 1676 decessit *Alexius Michelovicus*, æt. 55, Regim.
31. tres ille filios reliquit, qui omnes imperarunt, videlicet Theo-
dorum, Joannem, & Petrum, qui proin *Alexiovicis* dicti sunt, id
est, Alexii filii.


Theodoro anno 1681 mortuo successit *Ivan* seu Joannes
Alexievicius frater natu proximus. At mox graves tumultus Mo-
scoviam concussere. Nam corporis custodes, *Strelitzios* appellant,
Theodorum veneno enecatam suspicati, Magnatum cædibus omnia
complebant, Regia quoque ipsa & ærario expilatis. Postquam
dein Joannes, mente & corpore debilis ac propemodum cæcus,
fratrem juniorem *Petrum Alexievicium* (cui nihil ad regendum nisi
ætas deerat) in consortem Imperii adlegisset, duobus annis satis
tranquille Russia conquiescebat, sub *Gallicinio*, utriusque fratris
tutore.

Conjuratio
in Petrum.

Tum verò quietem turbavit *Sophia* soror, tracto etiam in
conjuratorem societatem ipso Gallicinio tutore. In Petrum præci-
pue cudebatur faba, acris ingenii & vivacis Principem, sub quo,
si ætas maturesceret, auctoritatem suam defluxuram facile prævi-
debant. Indignum igitur esse murmurabant, juniorem fratrem
habenas capessere; majoris natu solius hanc esse prærogativam.
Sperasse dicuntur, Petro amoto a gubernaculo, ob Joannis infir-
mitatem,

mitatem, totam penes se permanfuram regendi potestatem, atque, ut nexus firmitior effet, conventum, ut Sophia Gallicini filio muberet, quo pacto pronior effet marito throni ascensus.

At Petrus, conjuratione detecta, Sophiam sororem in Monasterium, Gallicinos in exilium misit, Joanni tenacius adhaerentes capite plexi. Retinuit ille quidem nomen Zari, sed nomen duntaxat, auctoritate penes Petrum residente: hanc liberius adhuc exeruit, postquam Joannes frater anno 1696 obiit. Quanta autem rerum gestarum gloria Petrus Alexievicius toto orbe inclauverit, parte sequenti referetur.



CAPUT XVI.

DE

STATU TURCIÆ

SÆCULO XVII.

ARTICULUS I.

SUMMARIUM.

De Mabometanorum & Turcarum origine, variisque nominibus barbarorum gentium, ad Alcoranum confluentium. Epitome de Imperatoribus Turcicis. Comædia de Jacaja.

De Turcarum Imperio sparim quidem in hoc apparatu facta 76.
est mentio, hic tamen aliqua in unum cumulum conjiciemus de origine & progressu barbaræ hujus gentis. Sæculo VII ineunte *Mabomet* Arabs, homo impius, prophetam mentitus, novam Religionem cudit, ex Christiana, Judaica, & Gentili constitam, quam ab auctore suo *Mabometanam* dicimus. Mahometanorum.

Propter novam hanc sectam Mahomet ex Mecca, Arabiæ urbe, pulsus est; eamque fugam Turcæ *Hegram* appellant, atque ab ea epocham suam ducunt. Dicti etiam Mahometis sectatores sunt *Saraceni*; quia a Sara se oriundum ferebat. Alii ab *Agarenos* nominant.

Et Turcarum
origo.

Sæculo VIII *Turca*, ab extrema Asia profecti, cum Saracenis se conjunxerunt, atque promiscuo deinceps nomine *Turcæ*, Saraceni, Agareni, & postea ab Ottomanno primo suo Imperatore etiam *Ottomanni* sunt dicti, & *Mabometani* a Mahomete.

Grassatorum initio & prædonum erat manipulus, per Arabiam & Syriam vagans; sed quia illis Mahomet rapinas, carnis illecebras, omnemque vitæ licentiam indulgebat, globi instar nivei, e monte devoluti, in immensum sunt aucti, totumque prope Orientem in Asia & meridiem in Africa implebant. Denique, cum omne suum jus in armis circumferrent, etiam in Europam effusi hinc Thraciam, Macedoniam, Græciam, nobilissimas Romani Imperii provincias, occuparunt, inde Hispania rapta, atque Italia & Gallia devastata.

Negligi initio à Christianis videbatur prædator hic populus, donec una post alteram abstracta provincia, impares viribus Orientis Imperatores, expugnata Constantinopoli, totum Imperium amiserunt, Christianis Principibus, quod deplorandum, inter se collisis, & de pugillo terræ dimicantibus.

Visus quidem sæculo XII, & XIII, expergisci Occidens, dum hortatu Pontificum cruciatus in Palæstinam expeditiones suscepit; sed tandem Christianorum discordia fortiter gesta ac strenue parta rursus evertit, plaudente & in immensum se exporrigente barbaro, Christiani nominis hoste immanissimo.

In primordiis equidem gentis, dum Arabiæ & Syriæ finibus continebatur, ab uno omnes Principe, quem *Calyphum* compellarunt, regebantur, postea vero singulis, quas Christianis rapuerant, provinciis suis erat Calypha, donec anno 1303 *Ottomannus* novum in Natolia Principatum constituit, qui denique omnes Calyphas subegit. Ottomannus autem noluit appellari Calypha, sed *Sultanus*, & Imperium suum a suo nomine *Portam Ottomannicam*, aut etiam *Portam Fulgidam*, sedem autem suam fixit in urbe Bursa.

Sultanus. *Orchanes* ejus filius, ut titulum in Orientis Imperium unde unde conquireret, Joannis Cantacuzerri Imperatoris Græci filiam duxit conjugem. Concessit illam Imperator, ut, quem timebat, amicum habeat, præsentium magis sollicitus quam futurorum.

Turcarum imperatores. Amurathes I certum genus pedestris militiæ (*Janizaros* vocant) introduxit, ex Christianorum, ut fertur, liberis, constatum.

Bajazethes I a Tamerlane Tartarico Tyranno caveæ ferreæ inclusus, capite cratibus impacto, misere periit, ingens ambitionis trophæum.

Maho.

Mahomet I tres fratres suos, natu majores, trucidavit.

Amurathes II memoriam meretur propter insignem valorum, quam ad Varnam anno 1444 retulit ab Uladislao, Hungariae & Poloniae Rege, qui cum multis Christianorum millibus in acie cecidit. Dicitur Amurathes invocasse Christianorum Deum, dum nutante pugna fugam jam circumspiceret, ut vindicaret injuriam, pace fracta sibi illatam.

Mahometes II anno 1353 Constantinopoli expugnata, finem imposuit Graecorum Imperio.

Selimus I eo tempore, quo Lutherus Septentrionem Europæ vastare coepit, Ægyptum subjugavit, quam Caliphæ hæcenus gubernaverant.

Solymanus II Turcarum Imperator, omnium potentissimus, Rhodum, Belgradum, Budam, (quanta munimenta!) expugnavit; sed ab obsidione Viennæ anno 1529 depulsus est. Imperavit 46 annis.

Selinus II anno 1570 Venetis Regnum Cypri eripuit.

Achmetes I legatum Viennam misit, qui pacem ad viginti annos extenderet, oblati conditionibus, quæ a nullo unquam Turcarum Imperatore Cæsares obtinere potuerant; quippe concessit Sacerdotibus & Religiosis, ut in provinciis Turcicis Ecclesias construere, & officia Divina in iis peragere possint.

Ut autem pacem peteret, & indulgentem adeo Rei Catholicæ se præberet, impulere Achmetem turbæ domesticæ. Nam Jacaja se filium Mahometis III fratremque Achmetis seniore ven- ditabat. Matrem suam fuisse Christianam, & rumorem sparsisse, Jacajam filium suum esse mortuum, ne vitam amitteret: translatum fuisse in Peloponesum, ac dein in Macedoniam, ubi baptizatus esset, & ut securius lateret, habitu Monachi indutum.

Cum autem Jacaja non haberet in Turcia, qui sibi assisteret, percurrit Poloniam, Germaniam, Italiam, Galliam, obtestans Christianos Principes, ut datis subsidiis ad Majorum suorum thronum se, Christianum Principem, promoveant; se memorem tanti beneficii toti Christianitati, quantum posset, gratiam relaturum. (*d'Auvigni Memoires Chronologiques pour servir a l'Histoire propre de l'Europe*) sed non legitur, Christianos Principes quidquam pro eo movisse; fortassis, quia fabulam credebant, & Jacajam talem esse Imperatoris Turcarum filium, quales Demetrii Magni Russæ Ducis.

Hæc perfunctorio opere attingere brevissime placuit, ut rudis idea tyronibus eruditionis exhibeatur. Ad sæculum jam XVII procedimus, & ea, quæ memorabilia magis videntur, uberiore aliquantulum calamo adumbrabimus, in quantum in tanta rerum vastitate breve compendium patietur.

ARTICULUS II.

De recentiore Turcia.

SUMMARIUM.

In Moldaviam & Valachiam sibi jus Sultanus arrogat. Frequens transitus a throno ad carcerem, & e carcere ad thronum. Irruptio in Italiam. Cæsi a Polonis. Osmannus strangulatus, & Mustapha, ac Ibrahim. Venetorum de Turcis victoria. Candiam tamen amittunt. Bellum cum Polonis, a quibus adiunguntur ad pacem petendam. Post Viennam tentatam ubique confisi Turcæ a Cæsare & Polonis. Pax Carolovicia.

77.

Sultanus in
Valachiam &
Moldaviam
jus sibi arro-
gat.

Res Turcarum gestas, quæ Hungariam & Transilvaniam spectant, suo loco recensui; reliqua, quæ magis videntur digna, hic perstringam. Et quidem anno 1612 *Moldavia & Valachia* a gente illa fuit turbata. Siquidem Sultanus Constantinum provinciarum illarum Principem deposuit, eique Thomam surrogavit. Constantinus a Polonis petiit auxilia, & obtinuit 15000 Armatorum; sed gravem ab Ottomannis cladem passus est, quæ Turcam in possessione constituit, nominandi Moldaviæ & Valachicæ Principem, quem *Hospodar* aut *Woywodam* appellant.

Anno 1617 obiit Achmetis I, ætatis 30, Imperii 14, præterito ejus filio Osmanno, a Janizaris e carcere ad thronum ductus est Mustapha I, Achmetis frater. Sed anno 1618 hoc defecto, & in Monasterium intruso, Osmannus ab iisdem Janizaris Imperator fuit proclamatus. Misit is Legatum in Franciam, deprecaturum injuriam, quam Mustapha Legato Gallico intulisset.

Anno 1620 Turcæ in Apuliam irruerunt, in qua Manfredoniam occuparunt, & expilarunt. Verum novo Vizirio in bellum Polonicum abrepto, Italia ab ulterioribus invasionibus conquievit, quamvis Triremes Gallicæ, Florentinæ, & Melitenfes magnum navium numerum Turcis eripuerint.

Anno

Anno 1621 Osmannus II, cum ducentis, aut trecentis, ut alii scribunt, millibus, Polonos invasit; sed amissis sexaginta millibus, ultro in pacem consensit, recepto tamen Chozimo, & jure nominandi Principem Moldaviæ & Valachix eidem asserto, Christianum tamen.

Mutata mox rerum scena, Osmannus, qui nuper trecentis ^{Sultanorum} satellitum millibus stipatus incesserat, a Janizaris strangulatus est, ^{miseria.} Mustapha vero ejus patruus e carcere deductus ad thronum, qui mox Viennam, in Poloniam, Venetias Oratores misit, ut pacem confirment. Dicuntur Janizari ad rebellionem & enorme parricidium concitati, quod Osmannus hoc militiæ genus, tam seditiosum, atque Imperatorum & Viziriorum capitibus tam periculosum, abrogare, sedemque Imperialem Constantinopoli Cæsum in Ægyptum transferre conatus sit.

Sed neque Mustaphæ diuturnum fuit Imperium, quippe anno vertente Amurathes IV, Achmetis I filius, frater Osmanni II, Cydarium Turcicam induit, Mustapha in carcerem abducto, ac postea iaqueo suffocato. Ex quibus sane videas, quantam Turcia spiraret barbariem, quantumque sit paradoxum, supremum, independentem, & quasi omnipotentem esse tot populorum Dominum, & tamen in perpetuo vivere periculo capitis, aut saltem, ne a summo rerum apice in extremam miseriam præcipitetur. (anno 1623.)

Has inter turbas Cpolitanas *Tartari*, gens prorsus barbara ^{Tartari.} & indomita, pacem, cum Polonis conclusam, impune violare se posse rata, cum triginta grassatorum & latronum millibus in Poloniam irrupit, sed a generosa Natione tot cladibus fuit concisa, ut dimidia ne quidem pars ad gurgustia sua posset aufugere.

Cosacci, Poloniæ subiecti, uno tantum gradu minus barba- ^{Cosacci.} ri, quam Tartari, ut injuriam, ab his illatam vindicarent, in Tartariam Turcicam irrupentes, populationem & incendia late spargebant, urso ursum devorante. (1624.)

Anno 1640 periit Amurathes IV, æt. 32, Imp. 17, successit Ibrahim frater, brevi a Janizaris strangulandus. Amurathes, contra morem Turcarum, ei vitam reliquit, quia amentem credidit, & ineptum ad imperandum.

Anno 1645 Vizirius Candiam seu Cretam, nobilissimam Venetorum insulam invasit. Occasionem dederunt Melitenfes Equites, qui directas Turcarum naves, Cæsum tendentes, intercepterunt, atque in portum Venetum invexerunt. Turcæ, cum in Me-
lientes

liteses vindictam non possent exerere, in Venetos illam vertunt.

Bellum cum
Venetiis.

Anno sequente Veneti prælio ad Rettimum a Turcis cæsi sunt. At anno 1648 munimentum Clissæ expugnarunt. Cum autem Turcis bellum minus prospero cursu procederet, & Ibrahim Sultanus sceptrum gestando minus idoneus videretur, anno 1648 a Janitarius depositus & laqueo suffocatus est. Successit ei nepos ex fratre Solimanno II, *Mahometes IV.*

Nec hujus initia fuere magis prospera; nam Veneti classem ejus partim merferunt, partim sparso incendio delerunt. Anno sequenti Turcæ obsidionem Candiaæ solverunt, postquam 10000 ad eandem amiserant.

Anno 1654 Veneta classis in Hellesponto Turcicam aggressa insignem eidem cladem intulit, & multo majorem anno sequenti, commisso intra ipsas Dardanellas prælio.*

Bella Turcarum cum Cæsare in Hungaricis descripsi. Celebre est illud, quod propter Transylvaniam ceptum, per Victoriæ Gothardensem, & subsequam pacem Temesensem anno 1664 finitum est. Dicitur Divanum hanc pacem petiisse, ut eo fortius Persis, rebellibus in Ægypto, & Venetis possit resistere.

Anno 1666 Venetis ad Cameam damnum passis, Vizirius cum numeroso exercitu in Candiam movit, eamque infestare cepit. Anno 1668 in aquis Cretensis conferta navali pugna, quinque triremes Venetæ a Turcis captæ, & una demersa.

Candia ad
Turcas.

Tandem anno 1669 Turcæ (dimicantibus inter se Christianis Principibus) expugnarunt *Candiam*, postquam ultra biennium eandem oppugnaverant, amissis centum millibus hominum. Venetis relictæ in illa duæ solummodo urbes, Suda & Spinalonga, una cum Clissâ & pluribus aliis in Dalmatia locis. Remissum tributum, quod ratione quorundam locorum Sultano pendere oportuit. Permissus egressus Christianis cum magna machinarum bellicarum copia, suspensio armorum in 13 annos decreta. Atque sic finit

* Dardanellæ appellantur duæ munitæ arces in Hellesponto, Sestus & Abydus, quarum illa in Europa, hæc in Asia, angusto freto Gallipolitano sejunctæ, Propontidem inter & Archipelagum; atque hæc veteres *Dardanellæ* vocantur. Mahomet IV autem anno 1658 duo alia castella construxit, ad initium freti, ex quibus ingressus navium in fretum & Propontidem tormentis arceri potest. Et hæc appellantur *Dardanellæ novæ*.

finiit bellum, per multos annos inter Venetam Rempublicam & Turcas, immanibus impensis gestum.

In Polonos deinceps versa sunt Turcarum arma, fortuna varia. Cozimum amissum, receptumque. Persis in Oriente bellum moventibus, mitius in Christianos favitum.

A Persis reditum in Polonos, nimis prospero successu sub Ladislao & Coributo, qui etiam vestigalem Turcis fecit Sarmatiam. Verum Sobieskius, Rex electus, quas jam ante retulerat, strenue prosecutus victorias, tanta fortitudine barbaros, Turcas, Tartarosque profigavit, ut in pacem, Polonis gloriosam utilemque, consentire sint coacti. Deletum tributi dedecus. Retenta Podolia cum Ucraina cis Boristhem. Consultum Religioni in Turcia. Promissa Poloniae defensio. Dicitur Sultanus hanc pacem noluisse approbare, donec ei ostensum fuisset, Sobieskio faventem magis fortunam assistere, quam ex usu sit gentis Ottomannicae, bellum contra eundem gerere.

Vertit postea arma in Caesarem, atque Cara Mustapha Duce ultra ducenta Turcarum millia ad obsidendam Viennam misit. Sed praelio cæsi, non modo ex Austria, sed ex Hungaria quoque & Bellis varia. Transylvania sunt propulsi. Vizirius laqueo suffocatus, Mahometes IV, anno 1687 throno dejectus, in carcerem detruditur, Solimannus III, ejus frater, e carcere ad solium revahitur.

Hic bella, contra Caesarem, Venetos, Polonos, Moscos, eladesque, a fratre relictas, prosecutus, pacem post amissum Belgradum, Nissam, Widdinum, petiit. Et utinam fuisset tunc concessa, antequam gravis procella ab Occidente ingrueret; qua confusus deinceps barbarus, quamvis attritus, ferociorem se exhibuit.

Nec diu tamen ei tumultuari licuit; nam anno 1691 decedens, thronum vacuum reliquit fratri juniori Achmeti II, quem frater in carcerem ante detruserat.

Anno 1694 Comes Jablonoski Polonorum, & Sapieha Li-Mir videtur. thuanorum Dux, 50000 Turcarum & Tartarorum ad Boristhem riam aggressi, plenam de iis victoriam reportarunt, cæsis in acie campo 4000, captis 5000 curribus, munitionibus, annona, mercibus, & argento, Camenecum destinato, onustis. Dicuntur, eo praelio 12 solummodo cæsi, & 40 sauciati. Quod si verum est, victoriam non multum fuisse disputatam necesse est.

Veneti quoque bellum in Mediterraneo, Archipelago, & ipso Helleponto adversus Musulmannos fortiter sunt prosecuti,

Part IX.


XX.

cæsis

caſis non raro nauticis eorum copiis, captis urbibus, ipſaque etiam Peloponeſo Peninſula in poteſtatem redaſta.

Anno 1695 obiit Achmetes II, Imperii 4, a Cæſare, Polono, Venetis, Moſco, contuſus egregie. Succellit nepos, Muſta-pha II, Mahometis IV filius, non magis felix, facileque tota Europa exturbandus, ſi Chriſtiani Principes conſenſiſſent, imo, ſi aliqui non impediſſent.

Tandem anno 1699 Carolovicum pacem reduxit, cum Poloniſ perpetuam, cum Cæſare ad 25 annos protenſam, illis Camene- cum ceſſum, huic Hungaria & Tranſylvania, Venetis Morca. Töckelio Turcæ Widdinum & Caranlebes tradiderunt, in præmi- um navatæ operæ. Angli Hollandique interpoſitorum officio functi ſunt; qui dein etiam inter Moſcos & Portam pacem conciliarunt, ad 30 annos extenſam.



CAPUT XVII.

CONCILIA ORIENTALIA

contra

PROTESTANTES CELEBRATA.

ARTICULUS I.

*Vani Lutheranorum conatus apud Jeremiam
Patriarcham.*

78.
Lutherano-
rum vanico-
natus.

Lutherani, ut eccleſiam ſuam arctis ad Septentrionem limiti- bus incluſam dilatarent, grandi mendacio, emiſſis, quibus ſœcundi ſunt, libellis, in vulgus ſparſerunt, Orientalem ſeu Græcam Eccleſiam, in dogmatibus fidei ſecum ſentire, atque ne manifeſte mendaces deprehenderentur, omnem moverunt la- pidem, ut Auguſtana Confeſſionis ſuæ approbationem a Græcis ex- torquerent.

Mar-

Martinus Crusius, linguæ Græcæ Professor Tubingæ, primus aleam sibi tentandam ratus, contribules suos famosi nominis eo permovit, ut Stephanum Gerlachium, Cæsarei oratoris Constantinopoli ministrum, rogarent, Confessionem, quam diximus, offerret *Jeremia* Græcorum Patriarchæ Constantinopolitano, in Græcum jam ante traductam. Provinciam sibi demandatam lubeus suscepit Gerlachius, nihilque non egit, ut Patriarchæ persuaderet, eam doctrinæ orientali esse conformem.

At Patriarcha aperte contestatus, Confessionem Augustanam Catholicæ fidei Deique verbo e diametro opponi, tribus doctissimis libellis, ad eos missis, errores confutavit, tandemque, cum missis epistolis patientiam Præsulis fatigarent, ne sibi amplius molesti essent, monuit, cum pervicacibus in errore nihil sibi deinceps fore negotii.

Quamvis autem Lutherani machinationibus suis caput vehementer impeerint, Calvinistæ tamen sæculo sequenti nequaquam absteriti, ut auctoritatem sectæ conciliarent, omni ope sibi connitendum putabant, ut Europæ eam persuasionem ingererent, Græcam Orientalium Ecclesiam eandem secum religionem profiteri, quo & amplitudinem, & antiquitatem, & visibilitatem novellæ suæ Ecclesiæ extenderent.

Sed cum veritas manifesta obnixo desiderio obstaret, ad malas artes ventum & fraudes. *Cyrillum Lucar* Hollandi pecuniæ largitione in Patriarchatum Constantinopolitanum intruserunt, hominem venalem ac nefarium, qui, ut gratiam patronis redderet, confessionem Calvinianam secreto consarcinasse dicitur, in Hollandia dein typis datam, ac pro sincera Græcorum fide per Europam vulgatam. Pulchra enim vero strophæ, & Calviniano digna ingenio! Sed mendax vafrities se ipsam in casses induit, & coram orbe palam prostituit.

Nam *Lucar* pseudo-patriarcha, princeps in hac fabula persona, propter scelera a Selimo deturbatus, atque Euxino merfus misere periit, & Græci, doctrinam suam Calvinianæ conformem haberi indigne ferentes, pluribus habitis synodis, eam injuriam a se sunt amoliti, proposita sua, & damnata Calvinistarum doctrina. Quæ res cum ad noscendam utriusque partis doctrinam plurimum valeat, eruditionis interesse existimo, prolixius aliquantum, quid in Orientalibus istis actum synodis, repræsentare.

ARTICULUS II.

Concilium Constantinopolitanum I. contra Calvinistas.

Anno 1638.

79.

Cum Orientales Græcique Præsules acceperint, quid Cyrillus Lucar attentasset, quidque de sua fidei doctrina per Occidentem spargeretur, Synodum congregarunt, atque præsensibus Alexandrino & Hierosolymitano Patriarchis, 23 Episcopis, & universo Clero Byzantino, Cyrillo Lucari ejusque Confessionis Calvinianæ anathema una voce dixerunt, hominemque exauctoratum, sede, quam inique per Simoniacam pravitatem invaserat, deturbarunt; suscepto in illius locum Cyrillo, Beroensi ante Episcopo.

Synodus Constantinopolitana II. contra Calvinistas,

anno 1642.

Cyrillo Beroensi Patriarcha Constantinopolitanus subrogatus est *Partbenius*, qui alteram ex Orientalibus convocavit synodum, ut Cyrilli Lucaris & Calvinistarum confessio iterato condemnaretur. Prolata Calviniani erroris multa capita, & tanquam hæretica anathemate profligata. Juvat ex his aliqua seligere, cum synodi censura.

Calvinista-
rum errores.

1. Dicunt, Calvinistas abuti sacra scriptura, contra interpretationem SS. Patrum & Conciliorum Generalium.
2. Rejici ab eis Traditiones, quibus per totum mundum sit pretium, & sine quibus, secundum doctrinam S. Basilii, fides sit imperfecta.
3. Deum iniquissimum fieri a Calvinistis, tyrannica potestate utentem, cum dicunt, eum sola sua voluntate alios prædestinare ad gloriam, alios in pœnam mittere, nulla operum habita ratione. *Quo quid magis impium proferri possit?*
4. De Divina providentia blasphemare eos loqui, dum mala, quæ permittit, eidem ceu auctori attribuant.
5. Nullum hominem esse sine peccato mortali, ne quidem B. V. Mariam. *Hoc alienum a fide nostra judicatum est*, inquirunt.
6. Negant intercessionem sanctorum & custodiam angelorum, præcesque, quæ a sacerdotibus per totum mundum fiunt. *Quibus Ecclesiam conservari credimus.*

7. Docent,

7. Docent, fidem salvare sine operibus: cœlestem & terrestrem Ecclesiam confundi. Tolli potestatem Episcopalem, & cum ea totam perfectionem Ecclesiæ. *Quo quid perturbatus esse possit?*
8. Ajunt, solos prædestinatos esse membra Ecclesiæ: hanc errare posse. *Quod, ut impium est damnatum a synodo.*
9. Asserere, quod bona opera nullam partem habeant in negotio salutis, esse contra S. Scripturam. Libertatem arbitrii tollere, esse naturam humanam evertere.
10. Quinque sacramenta ab illis negari. Reliqua vero duo non recte explicari. Divinam Eucharistiam ita convelli, ut nihil nisi nudam figuram ipsi relinquunt, quasi adhuc in umbra veteris legis serviremus. *Hoc autem omni impietate plenum esse.* Neque enim dixisse Jesum: *hoc est figura corporis mei: sed: hoc est corpus meum: hic est sanguis meus.*
11. Repudiant solennes nobis ac legitimas pro defunctis commemorationes, per quas speramus requiem illis, & respirationem ab acerbitatibus, quæ illos premunt, a Deo esse concedendam.
12. Ad hæc omnia venerabilium & sanctarum imaginum cultum relativum respuunt, quem sancta oecumenica Synodus VII confirmavit.

Post errores istos recensitos Synodus, graviter quæsta, quod orientali Ecclesiæ per incredibilem proterviam impingantur, omnes solenni dicto anathemate tanquam hæreses condemnat. publice contestata, eos a sua Græca Ecclesia quam longissime abesse; nunquam se ista credidisse, nec unquam credituros.

Subscripserunt huic condemnationi cum Patriarcha omnes Episcopi, inter quos Petrus Mogilas, Primas Russiæ; omniaque Synodi acta cum litteris Synodalibus Parthenii Patriarchæ Jassi in Moldavia typis sunt publicata.

ARTICULUS III.

Synodus Constantinopolitana III, contra Calvinistas

anno 1673.

Dionysius Patriarcha hanc indixit. In ea Orientalis Ecclesia proficitur septem sacramenta, videlicet *Baptismus*, per quem homo a peccatorum sordibus purgatus, spiritualiter regeneratur. Sacramentum *Chrismatis*, quo Christianam fortitudinem accipimus, profitendi etiam externe fidem, quam in baptismo ac-

89.

cepimus. Sacramentum *Eucharistia*, qua nutrimur ad virtutem, & unionem cum Deo. *Penitentia*, per quam remittuntur peccata hominis, post baptismum lapsi. *Matrimonii*, quod ipse etiam Apostolus sacramentum appellat. *Ordinis*, per quem formantur pastores animarum, conferturque gratia ad vitam clericalem. *Extrema unctionis*, pro salute corporis & animæ.

Verbis clarissimis confitetur *Transubstantiationem*, seu conversionem veram & realem panis in corpus, & vini in sanguinem Christi in sanctissimo altaris sacramento, in quo offerens & oblatus est Christus, qui integer a Fidelibus recipitur. Baptismum omnibus, etiam infantibus, absolute esse necessarium &c.

Ecclesiæ, ordinatione Divina, Episcopis opus esse, quorum, tanquam vicariorum suorum, officio Christus, summus sacerdos, utatur. A nemine, nisi Episcopo sacerdotem aut Episcopum consecrari posse. Necessariam esse Hierarchiam & subordinationem in Ecclesiâ.

Cœlibem vitam, teste apostolo, matrimoniali præferre. Catholicam Ecclesiam esse infallibilem, perpetuo visibilem. Sanctos venerandos, & tanquam Intercessores apud Deum, invocandos; hoc pluribus locis S. scripturæ doceri. Falso asseri, per cultum sanctorum honorem Dei minui. Se cultum sanctarum imaginum, seu ritum ab Apostolorum temporibus transmissum, juxta Ecclesiastica monumenta, prorsus amplecti.

Penes Ecclesiam esse potestatem instituendi jejunia, & abstinentiam a carne præcipiendi. Hanc Ecclesiæ orientalis confessionem fidei subscripsit Patriarcha cum multis Episcopis.

ARTICULUS IV.

Synodus Hierosolymitana contra Calvinistas

anno 1672.

81.

Prolixa, sed lectu dignissima est hæc Synodus, a Dositheo Patriarcha Hierosolymitano celebrata, qua Calviniana hæresis profligatur, & Orientalis Ecclesiæ doctrina fidei, toto cœlo opposita, asseritur, adjunctis omnibus, quæ in hac causa contra Cyrillum Lucarem & Calvinistas a Cyrillo Beroensi, Parthenio, & Dionysio Patriarchis Constantinopolitanis acta sunt.

Et

Et imprimis acerbe conqueritur Synodus, Calvinistas frontem tantopere atque pudorem omnem exuisse, ut non sint veriti, suas hæreses Orientali Ecclesiæ mendacio execrabili asingere, necdumque cessent, imposturas suas defendere.

Cum enim, inquit Synodus, homines isti vaniloqui, novatores, mendaciorum architecti, ab occidentalibus jam recesserint, seque ab omni Ecclesia Catholica longe fecerint, manifestissime se probant Hæreticos, imo & Hæreticorum coriphæos; nam falsa non modo dogmata, sui supra modum amantes, induxere; si tamen dogmata fabellas licet appellare, &, formidantes, ne misere deceptæ mentes ad veritatem redeant, ut nihil ad impudentiam deesset, ad fraudes & mendacia confugere, Orientalium Christianorum fidem hæresibus suis obtendentes.

Verum quemadmodum lucis ad tenebras, aut Christi ad Belial, societas esse non potest, ita nec una adversariorum nostrorum cum Ecclesia Orientali sententia, quamdiu hæresiarcham Calvinum voluerint habere Magistrum.

Recenset dein Concilium grandem numerum articulorum fidei, in quibus Calvinistæ ab Orientalibus dissentiant; ex quibus manifeste elucet, Græcos (etiam schismaticos) retinere doctrinam Romano-Catholicam de Divina providentia, prædestinatione & reprobatione, voluntate salvandi omnes, libero arbitrio, possibilitate servandi præcepta: de merito & remuneratione bonorum operum, septem sacramentis, invocatione sanctorum, cultu sacrarum imaginum, verbo Dei tradito, auctoritate conciliorum &c. In omnibus his articulis Orientalis cum Occidentali Romana consentit Ecclesia, & penitus contradicit Calvinistis, quos blasphemos, deceptores, hæreticos appellat.

Non potest Protestantibus incognita esse Orientalis Ecclesiæ doctrina fidei (pergit synodus) postquam Martinus Crusius aliique Lutherani suam confessionem ad Jeremiam Patriarcham Constantinopolitanum misit, qui tribus doctissimis responsis omnem eorum hæresim Theologice ac Catholice confutavit, hæc Jeremiæ scripta latine & græce in Germania fuisse edita, anno 1584, quam hæc illi non attendissent, qui nuntium pietati penitus remisissent.

Jam ante Jeremiam Joannem Nathanaëlem, Presbyterum Constantinopolitanum in Tractatu de Missa, Gabrielem Moteanum, Archiepiscopum Cretensem in libro de septem sacramentis, uti &

& Petrum Archiepiscopum Kiöbensem, cum multis aliis, totam Ecclesiæ Orientalis doctrinam exposuisse, ut adeo ignorare non potuerint Protestantes illius fidem, sed ex summa impudentia ad simplicium ruinam eisdem affinxerint prorsus alienam. - Neque enim in 18 capitibus, sub nomine Lucaris editis, contineri suam fidem, sed esse supposititium Calvinistarum partum, cum ipse Cyrillus negaverit esse suum, & in Homiliis suis contrariam prorsus doctrinam populo proposuerit: damnatum autem fuisse eundem Lucarem, quod articulos illos, sibi affictos, confutare nolle, eaque re suspectum se reddiderit, & pro hæretico sit habitus, prout tot Anathematismi a Conciliis in eum facti satis declarant.

Anathema
Lucari-

Nam sæpius a Patribus exclamatum: Cyrillo Lucari, calumnianti, Orientalem Christi Ecclesiam cum Calvinistis consentire, Anathema! Cyrillo dogmatizanti, sanctam Ecclesiam errare posse, anathema! Cyrillo dogmatizanti, non esse septem sacramenta, anathema! Cyrillo dogmatizanti, panem & vinum non converti in corpus & sanguinem Christi, anathema! Cyrillo, neganti liberum voluntatis arbitrium, anathema! Cyrillo, neganti meritum bonorum operum, sanctos esse invocandos, anathema! Cyrillo dicenti, Deum aliquos æternæ morti devovere, absque ullo respectu ad eorum mala opera, anathema! Cyrillo, venerandarum imaginum cultum ac relativam adorationem improbanti, anathema! Cyrillo, novo Leonomacho, anathema!

His anathematismis jam pridem subscripserant Cyrillus Berœnsis Patriarcha Constantinopolitanus, Metrophanes Patriarcha Alexandrinus, Theophanes Patriarcha Hierosolymitanus, cum universali Orientis synodo.

Postquam Concilium Hierosolymitanum, sub Dositheo Patriarcha congregatum, hæc omnia enarravit, adjunxit acta Concilii Constantinopolitani, sub Parthenio Patriarcha habiti, contra Lucarem, & Calvinianam ejus doctrinam, quod supra memoravimus.

Addit denique Synodus Hierosolymitana symbolum suæ fidei, Calviniano prorsus contrarium, Romano-Catholico prorsus conforme, solo articulo de processione Spiritus sancti ex Patre *Filioque* excepto.

1. Itaque capite profitentur Mysterium SS. Trinitatis.

2. Credimus, inquit, sacras scripturas a Deo fuisse revelatas, eisque

eisque propterea, non quidem, ut libuerit, sed secundum Ecclesiæ Catholicæ traditionem & interpretationem adhibendam esse fidem, omni dubitatione majorem: adduntque, idem esse, sacram scripturam & Ecclesiam Catholicam audire; quia Spiritus sanctus utriusque est auctor, & etiam Ecclesiæ columna & fundamentum veritatis. Contra vero Ecclesiam Calvinistarum esse communitatem Hæreticorum.

3. Profitentur libertatem humani arbitrii cum Divina gratia, hominem videlicet libere Divinæ gratiæ cooperari. Impiam esse hæresin, si dicatur, Deum prædestinare & condemnare absque omni respectu ad bona vel mala hominum opera. Blasphemiam esse & apertam insaniam, si dicatur, Deum, absque alia causa, esse auctorem æternæ damnationis, cum Deus omnes homines velit salvos fieri.
- 4 & 5. Profitentur, Deum nunquam esse auctorem mali, sed omnia, quæ a Deo sunt, bona esse. Solum autem peccatum esse malum.
6. Peccatum originale, & 7. Incarnationem Filii Dei, & alia, quæ in symbolo Apostolorum habentur, Catholico prorsus modo.
8. Sanctos esse nostros intercessores apud Deum, & ante omnes Immaculatam ejus Matrem, uti etiam Angelos, ad nostram custodiam destinatos, Apostolos, Prophetas, Martyres, Episcopos, omnesque sanctos, quos Deus tanquam fideles servos gloriosos fecit; quos, sicut Prophetæ, ea, quæ in terris geruntur, per Divinum lumen & revelationem cognoscunt.
9. Per fidem, quæ operatur per charitatem, id est, per Divinorum præceptorum observationem, nos justificari.
10. Credunt sanctam, Catholicam & Apostolicam Ecclesiam, quæ ordinatione Divina per Episcopos a Spiritu sancto regatur. Quod autem Calvinistæ dicant, nullum esse discrimen inter Episcopos & simplices sacerdotes, absque Episcopis posse Ecclesiam subsistere, non ab Episcopo duntaxat, sed etiam a sacerdote sacerdotem posse ordinari, & a pluribus sacerdotibus Episcopum &c: hoc enim vero longissime, ut credat, ab Ecclesia Orientali abesse, quæ semper certum habuerit, Episcopos ordinatione Divina Ecclesiæ esse necessarios, magnumque, non tantum quoad potestatem jurisdictionis sed etiam ordinis, inter Episcopum & alios sacerdotes intercedere discrimen. Nunquam

à sacerdote, qui non sit consecratus Episcopus, posse Episcopum consecrari, imo neque alium sacerdotem &c.

Sacerdotem, ab Episcopo ordinatum, conferre baptismum, extremam unctionem, offerre SS. sacrificium, præbere populo corpus & sanguinem Domini, assistere matrimoniis, prædicare populo; sed chrisma a solo Episcopo consecrari, sacrosque ordines conferri, ligari, solvique ab eo altiori potestate, excommunicari hæreticos, mitti ab eo prædicatores, sine cujus ordinatione non possent esse legitimi animarum pastores.

11. Omnes & solos fideles profitentur esse membra Ecclesiæ, etiam si sint peccatores, quia in istos etiam Jurisdictionem exercet.
12. Ecclesiam, a Spiritu S. illustratam, atque per Præpositos secundum sacra concilia edoctam, errare non posse.
13. Hominem non per solam fidem justificari, sed per fidem vitam & efficacem, quæ per charitatem operatur, id est, per fidem atque opera. Quod autem fides iustitiam Christi veluti manu apprehendat, ac sola ad salutem sufficiat, longissime a veritate abesse credunt, alias enim quemlibet, modo credat, salvatum iri: sed recepturum quemque, prout gesserit in corpore suo, sive bonum, sive malum.
14. Per peccatum originale sublata quidem fuisse homini dona supernaturalia atque indebita, non autem quæ sunt ipsius naturæ, relictumque liberum voluntatis arbitrium, ut opus aliquod moraliter bonum viribus naturæ facere possit, secundum illud Apostoli: *gentes naturaliter ea, quæ legis sunt, faciunt*. At vero ad actum salutarem, ad vitam æternam conducentem, requiri gratiam supernaturalem, cui tamen homo per liberum suum arbitrium possit resistere, aut consentire, prout voluerit.
15. Credunt septem sacramenta; hæreticæ autem dementiæ factum, ajunt, alium sacramentorum numerum, nec enim minus, quam cætera fidei Catholicæ dogmata, septenarius ille in Evangelio statuitur numerus, & ex ipso colligitur. Postquam dein singula in specie enumeravit, singulaque, adductis ex S. scriptura textibus, probavit, addit, ea non esse vacua signa Divinarum promissionum, alioquin nullam a circumcissione differentiam habitura, quod scandalosum foret dicere, sed esse instrumenta gratiæ, quam digne suscipientibus conferunt. Sacramentum Eucharistiæ non consistere in ipso actuali usu duntaxat,

taxat, sed jam ante usum & sumptionem per verba consecrationis fuisse perfectum.

16. Credunt, baptismum, a Christo institutum, & in nomine SS. Trinitatis collatum, absolute esse necessarium, etiam parvulis, quia peccato originali sunt infecti; cum Christus universaliter de omnibus dixerit, *nisi quis renatus fuerit ex aqua & Spiritu S. non intraturum in Regnum celorum*. Quamvis autem ordinarius Minister hujus sacramenti sit sacerdos, in casu tamen necessitatis a quolibet homine, rationis compote, conferri posse, modo rectam intentionem habeat. Effectum baptismi esse extinctionem peccati originalis & actualium. Infantes, post baptismum mortuos salvari, per baptismum, sicut per ordinem imprimi characterem, unde reiterari non possint; peccata vero, post baptismum commissa, remitti per sacramentum poenitentiae.

17. Credunt sacramentum Eucharistiae, veramque transubstantiationem his verbis: In hujus itaque celebratione sacramenti Domini nostri Jesum Christum credimus esse praesentem, non quidem secundum figuram aut imaginem --- neque penes conjunctionem, qua proposito Eucharistiae panis verbi Divinitas substantialiter uniatur, quemadmodum inscite juxta ac misere Lutherani arbitrantur, sed vere realiterque, quatenus panis & vinum facta consecratione transmutentur, transubstantientur, convertantur, transeant, panis quidem in ipsum corpus Domini verum, quod natum est in Bethlehem ex semper virgine &c. vinum vero in ipsum Domini sanguinem verum converti & transubstantiari. Item facta panis & vini consecratione, nec panis nec vini manere amplius substantiam credimus, sed ipsum corpus & sanguinem Domini sub panis & vini speciebus, id est, sub panis accidentibus.

Transubstantiatio.

Item & ipsum distribui Domini corpus & sanguinem purissimum, inque communicantium, sive piorum sive impiorum, os ac stomachum introduci, illis ad vitam, his ad mortem; Christum ut Deum ac hominem sub minimis etiam specierum particulis integrum & indivisum contineri. Cum multae simul Missae leguntur, Christum modo supernaturali in multis simul locis realiter esse praesentem, absque ulla sui divisione. Comprehendi hoc quidem a nobis non posse, credi tamen posse tanquam veritatem nobis revelatam, sicut plura alia Mysteria (uti summæ

Y y 2

Trini-

Trinitatis & Incarnationis) credimus, licet illa non comprehendamus.

Corpus & sanguinem Christi summo cum honore adorandum; cum Christus, Deus & homo, uno supremo patriæ cultu simul sit adorandus. Credunt, verum ac propitiatorium esse sacrificium, quod pro fidelibus omnibus, tum vivis tum defunctis, nec non & pro utilitate omnium offertur. Credunt, verum Corpus Christi in tabernaculo & sacris vasis asservari; atque ad ægrotos deportari. Neminem autem hoc sacramentum posse consecrare, nisi sacerdotem, ab Episcopo consecratum.

Hanc esse epitomen doctrinæ orientalis Ecclesiæ de hoc sacrosancto sacramento, hanc confessionem & antiquissimam traditionem, de qua nihil detrahi patiantur, qui recte credunt, & ab impiis hæreticorum erroribus abhorrent. Et, qui Traditionem contemnunt, eos damnari & anathematizari a sancta Christi Ecclesia.

Purgatorium.

In 18 denique Capite continentur Purgatorium, seu locum tertium, in quo illi, quibus culpa quidem & æternæ pœnæ reatus per contritionem aut confessionis sacramentum remissus est, sed tamen, quia per orationem, lacrymas, eleemosynam, castigationem corporis, aliaque bona opera, justitiæ Divinæ necdum ex integro satisfecerunt, ob residuum reatum pœnæ, temporali supplicio puniuntur, a quo per eleemosinas, preces Fidelium, & præcipue incruentum Missæ sacrificium, quod ab Ecclesia quotidie pro vivis atque defunctis offertur, ex summa Dei bonitate & misericordia liberantur.

Solvit objectiones.

Postquam Concilium Orientalis Ecclesiæ hæc 18 capita Calvinianis Cyrilli Lucaris 18 articulis opposuit, respondit etiam ad quatuor illius quæstiones; atque ad 1. quidem, non esse consultum, ut quilibet sacram scripturam vulgari idiomate legat, quia indocti illam non intelligant, & eadem abutantur, ut adeo Ecclesia provide ac prudenter ejusmodi lectionem promiscuam & illimitatam prohibuerit.

Ad 2. an S. scriptura omnibus sit clara, respondet: si omnibus adeo clara foret, Paulum non fuisse scripturum de gratia ac dono interpretandi: non fuisse dictum Petrum, in epistolis Pauli esse quædam difficilia intellectu. Sensum Scripturæ sæpe esse sublimem; interpretationem ad viros, a Deo illuminatos, pertinere.

Ad 3.

Ad 3. quoniam libri ad S. scripturam pertineant, respondet Synodus, eos quoque, quos Calvinistæ tanquam apocryphos rejiciunt, uti librum Sapientiæ, Ecclesiastici, Judith, Tobie, Macchabæorum, quod a Conciliis & antiquissimis Patribus tanquam authentici ac Divini agnoscantur, quos Cyrillus Lucar insipienter, inscite aut magis malitiose apocryphos vocasset.

Ad 4. quid de sacris Imaginibus earumque veneratione sentiendum, respondet Orientalis Ecclesia, cum Sancti sint amici Dei nostrique Intercessores, merito eos a se coli, & quidem sanctissimam Dei Matrem ac Virginem Mariam cultu *Hyperdulie*, quia omnibus Angelis, Prophetis, Apostolis & Martyribus est sanctior & excellentior: alios vero Sanctos cultu *Dulie*. Insuper se venerari signum crucis, in quo pro salute mundi Salvator noster passus est, quin & ejusdem crucis signum venerari se & adorare.

Præterea coli a se Imagines Christi & Sanctorum, secundum eam, qua quibusdam Patriarchis & Prophetis apparuissent, formam; denique & Spiritum sanctum sub ea, qua visus est, columbæ specie, oculis pingendo subijci. Eam porro, quam Sanctis & eorum Imaginibus cæterisque prædictis venerationem adhibeant, idololatriam esse, si qui dicant, id ceu ineptissimam & inanem calumniam, nihili omnino a se fieri.

Confutant denique Calvinistarum objectamenta, dicuntque, in S. Scriptura vetitum esse idola sculpere, aut creaturæ Divinos honores deferre. Sanctorum autem Imagines non esse idola, cum nullum falsum Numen repræsentent, nec Divino honore eos coli, sed longe inferiori, eoque relativo, cum respectu ad sanctum, quem repræsentant; qui usus jam ab Apostolorum temporibus in Ecclesia perpetuo vigerit, ut ex actis Synodi VII constet, quæ contra Iconomachos est habita.

De Calvinistis autem dicit hæc in Synodo congregata Orientalis Ecclesia: *quas vero novitates inducere Calvinista, tum circa Deum, resque Divinas blasphemando, cum sacram scripturam perperam interpretando, decurtando, & injuriose tractando, diaboli subbismat: esse dicimus & inventa.* Neque minus inepte garriunt, non posse Ecclesiam a quibusdam cibis abstinenciam & jejunia constituere: enimvero recte admodum, ad carnis & omnium mortificationem passionum &c. &c.

Tandem vero ita concludit Synodus: Taceant igitur inepti narratores, & novitatum artifices hæretici, & mutilas tum &

Scriptura, tum ex Patribus adversum nos sententias, quibus mendacium extruant, furari ne moliantur, atque hoc loquantur unum, sese nimium excusantes excusationes in peccatis, injurias in Deum, & in sanctos evomere blasphemias instituisse.

Atque hæc ex multis dixisse sufficiat ad plenam calumniæ, Ecclesiæ nostræ Orientali illatæ, confutationem. --- Ea porro, quæ diximus, non solam nostram adversus Hæreticos, nobis obtrestantes, apologiam esse volumus, verum etiam fidei regulæ instar obtinere: ex qua nova eorum emendentur dogmata, & ad Catholicam & Apostolicam Ecclesiam ipsi reducuntur, quandoquidem Majores illorum olim in illa meruerunt.

Synodo huic subscripserunt anno 1672 16 Martii in urbe Jerosolyma 70 Patres Orientalis Ecclesiæ, & quidem Dositheus Patriarcha Orientalis Ecclesiæ his verbis: *Dositheus miseratione Divina Patriarcha sancta Jerusalem totiusque Palaestina: offero & confiteor, banc esse fidem Orientalis Ecclesiæ, & ita alii.*

Quid jam vobis videtur, Domini Calvinistæ? An adhuc ad nuditatem vestram tegendam gloriamini, Græcam Orientalium Christianam Ecclesiam, eandem vobiscum profiteri doctrinam fidei? Certe insignis fuit impudentia, ita palam in orbem mentiri. Quid in tota hac confessione non est apprime Catholicum? Romanæ Ecclesiæ Theologum loqui crederes. Agnoscat Græci Processionem Spiritus sancti a Patre *Filioque*, & Primatum Romani Pontificis; & paries, inter Orientem & Occidentem medius, brevi facileque erit sublatus. Eandem autem, quam Græci, tota proficitur Moscovia.

Concilium Farfense in Italia anno 1685.

32.

Complura sæculo XVII in Italia celebrata sunt Concilia, Provincialia & Diocesana. Solus Cardinalis, Maria Vincentius Ursinus, Archiepiscopus Beneventanus, ad summum postea Pontificatum admotus, 34 Provincialia Beneventana celebravit, ut Cleri potissimum mores ad Ecclesiasticæ disciplinæ normam componerentur. Imitati illustre hoc exemplum alii Italiæ Præsules, zelo Domus Dei flagrantus, Synodos egerunt, puta, Federicus Borromæus, Nepos S. Caroli dignissimus, Mediolanensem, Card. Taurisus Senensem, Card. Patricius Aſinenſem, Ameri-

nam

nam Gratianus Episc. Aſiſienſem Nerlius Card. Bononienſem Boncampagnus Card. Cæſenatenſem Card. Denoſt. Lunenſem & Sarzanenſem Card. Lomellinus &c. &c.

Quia tamen harum aliarumque Synodorum idem ferme eſt argumentum, omnium inſtar juvat recensere ſummatim cano- nes Concilii *Farfenſis*, clariffime diſciplinam Italiæ ſeculi XVII explicantis, in celebri Abbatia B. V. Farfenſi Ord. S. Benediſti, in Ducatu Spoletano habiti a Carolo Barberino Card. præſente etiam Franciſco Albano, ſummo poſtea ſacrorum Antifite.

Capite 3. præcipit Concionatoribus, ut Jeſum Chriſtum ver- bum veritatis, non ſe ipſos, prædicent, bono exemplo præeant, ſequè animarum ſaluti, non gloriolæ aut lucro temporali inhiare oſtendant. Parentibus gravem obligationem inculcent, liberos ſuos pie & Chriſtiane educandi, ad Chriſtianam doctrinam mite- tendi, vitia generatim reprehendant &c.

Cap. 9. Tractat de Euchariftia, monetque parochos, ne quosvis indifcriminatim ad S. Communionem admittant, uti publi- ce excommunicatos, concubinos, meretrices, blaſphemos, ma- leficos, uſurarios publicos, ac publice criminoſos, itemque eos, qui in inimicitia cum ſcandalo proximi perſeſerant, ac conjuges, ſine cauſa legitima cohabitare volentes, niſi hi omnes certum pri- us pœnitentiæ & vitæ emendandæ ſignum dederint.

Cap. 11. Agit de ſacramento pœnitentiæ, mandatque Con- feſſariis, ut reſtitutioni ſamæ aut rerum obnoxios de ſua obliga- tione exacte commoneant, volentibus abſolutionem negent, nec vanis pollicitationibus, ſemper effectu carentibus credant. Idem de illis, qui pravas conſuetudines deferere nolunt, niſi confeſſa- riis ſpem moraliter certam habeant, eos firmum eaſdem deferen- di propoſitum concepiffe: nec pro peccatis graviffimis leviffimas pœnitentias injungant, ſequè alienorum criminum per hoc partici- pes efficiant. Inſerit etiam S. Synodus actis ſuis Decreta Alexan- dri VII & Innocentii XI, quibus laxas Caſuiſtarum aliquorum ſen- tentias damnarunt, morumque doctrinæ puritatem omni modo commendat.

Cap. 18. de Feſtorum obſervantia præcipit parochis invigi- lare, ut dies feſti rite obſerventur, in applicatione ad Divina, & operis ſervilis ceſſatione, omiſſione compotationum, ſaltatio- num, ſpectaculorum ludicrorum, comœdiarum profanarum, lu- ſum.

Cap. 19. De Jejunio præcipit exactam ejus observantiam, prohibetque, ne tempore quadragesimæ fiant spectacula, choreæ, comœdiæ, tripudia, comotationes, convivia.

Cap. 21. de vita & honestate Clericorum, præcipit eisdem, ut libros pios crebro legant, scurriles & impuros ne nominari quidem permittant: sub pœna suspensionis a Divinis, ipso facto incurrendæ vetat, ne aleis, aut foliis lusoriis ludant, aut domum ad ludendum commodent: ne clamorosis venationibus intersint, aut conviviis secularium, choreis, spectaculis. Fœminarum ædibus aut familiaritate abstineant: negotiationem non exerceant nec per se nec per alios: aliena prædia non conducant: nullis personis sæcularibus, præsertim fœminis, in procurandis negotiis, vel domus gubernatione famulentur: raro per publicum & modeste oculis demissis incedant, totoque corporis habitu gravitatem clericalem præferant.

Cap. 40. de usuris & illicitis contractibus præcipit parochis, ut contractuum naturam, justitiam, æquitatem, tum ipsi legendo probatos auctores addiscant, & parochianos doceant, atque confessarii in hoc negotio, quo vertitur præjudicium tertii, severi sint officii exactores.

O. A. M. D. G.